

華精學文國中

本讀註評文國三漢秦

冊 上

秦漢三國文評註讀本

目次

卷一

論辨

過秦論上	賈誼	一
過秦論中	賈誼	六
過秦論下	賈誼	九
難蜀父老	司馬相如	一
答客難	東方朔	一六
解難	揚雄	二〇
正交論	蔡邕	二三

目次

汝穎優劣論 孔融

典論論文 魏文帝

周成漢昭論 魏文帝

相論 曹植

籍田說 曹植

父

髑髏說 曹植

難鍾荀太平論 王粲

序跋



汝穎優劣論	孔融	二五
典論論文	魏文帝	二七
周成漢昭論	魏文帝	三〇
相論	曹植	三三
籍田說	曹植	三四
父		三六
髑髏說	曹植	三七
難鍾荀太平論	王粲	三九

835.19
454

8597

離騷贊序 班固……………四一

諫獵疏 司馬相如……………七一

楚辭章句敘 王逸……………四二

上武帝書 東方朔……………七二

詩譜敘 鄭玄……………四六

言世務書 嚴安……………七三

董仲舒集敘 蔡邕……………五〇

駁入粟贖罪議 蕭望之……………七八

孫子兵法序 魏武帝……………五一

論甘延壽等疏 劉向……………七九

自敘 魏文帝……………五三

爲陳留太守奏上孝子程末事

畫贊序 曹植……………五八

表 蔡邕……………八四

奏議

薦禰衡疏 孔融……………八六

諫逐客書 李斯……………五九

肉刑議 孔融……………八九

論守邊備塞書 寇綰……………六二

請增封荀彧表 魏武帝……………九一

聞樂對 中山靖王……………六六

求通親親表 曹植……………九三

粵有三仁對 董仲舒……………六九

隆中對 諸葛亮……………九八

前出師表 諸葛亮……………一〇〇

後出師表 諸葛亮……………一〇四

自表後主 諸葛亮……………一〇八

卷二

書牘

遺章邯書 陳餘……………一

賜南粵王趙佗書 漢文帝……………二

報文帝改帝號書 趙佗……………五

獄中上書自明 鄒陽……………六

上書諫吳王 枚乘……………一三

上書重諫吳王 枚乘……………一六

報任少卿書 司馬遷……………一八

答蘇武書 李陵……………二八

報孫會宗書 楊惲……………三五

與子陵書 光武帝……………三八

奏記東平王蒼 班固……………三九

爲兄上書 班昭……………四三

遺黃瓊書 李固……………四五

諫何進召外兵 陳琳……………四七

答東阿王牋 陳琳……………四八

論盛孝章書 孔融……………四九

遺張紘書 孔融……………五一

答虞仲翔書 孔融……………五二

報曹公書 孔融……………五三

戒子書

鄭玄

五六

與侍郎曹長思書

應璩

八六

與王脩書

魏武帝

五八

答臨淄侯牋

楊脩

八七

與朝歌令吳質書

魏文帝

六一

諫曹植書

劉楨

九〇

與吳質書

魏文帝

六二

爲劉荊州與袁譚書

王粲

九一

又報吳主孫權

魏文帝

六五

與丞相陸遜書

諸葛恪

九四

與楊德祖書

曹植

六七

與諸葛恪書

薛綜

九七

與司馬仲達書

曹植

七一

詔令

與吳季重書

曹植

七二

求賢詔

漢高帝

九八

在元城與魏太子牋

吳質

七四

賜燕王璽書

漢昭帝

一〇〇

答魏太子牋

吳質

七七

報臧宮馬武詔

漢光武帝

一〇一

答東阿王書

吳質

七九

軍策令

魏武帝

一〇二

與從弟君苗君胄書

應璩

八三

讓縣自明本志令

魏武帝

一〇四

詔羣臣 魏文帝.....一〇九

女誠 蔡邕.....一二五

碑誌

郭有道碑 蔡邕.....一一二

趙充國頌 揚雄.....一二六

翟先生碑 蔡邕.....一一五

祖德頌 蔡邕.....一二八

楚相孫叔敖碑 邯鄲淳.....一一六

辭賦.....一二八

雜記

鵬鳥賦 賈誼.....一二九

異聞記 陳寔.....一一八

太玄賦 揚雄.....一三二

篆勢 蔡邕.....一二〇

釋愁文 曹植.....一三四

隸勢 蔡邕.....一一一

出婦賦 曹植.....一三六

箴銘

慰子賦 曹植.....一三七

酒箴 揚雄.....一一三

幽思賦 曹植.....一三八

座右銘 崔瑗.....一二四

感節賦 曹植.....一三八

登樓賦

王粲

……………一四〇

哀祭

祀故太尉橋玄文

魏武帝

……………一四二

金瓠哀辭

曹植


……………一四四

秦漢三國文評註讀本卷一

論辨

過秦論上

過秦者，言秦之過也。



賈誼

漢洛陽人。李斯之學，傳於吳公。吳公傳之於誼。文帝召以為博士，一歲中，超遷至大中大夫。絳灌惡其才，

間之，出為長沙王太傅。後復拜梁懷王太傅。懷王墮馬死，誼生自傷為傅無狀，哭泣歲餘亦死。年僅三十三。著新書十卷。

秦孝公據殽函之固，擁雍州之地，君臣固守，以窺周室；有席卷同天下，包舉
宇內，囊括四海之意，并吞八荒之心。當是時，商君佐之內立法度，務耕織，修守戰
之備；外連衡通而鬪諸侯，於是秦人拱手而取西河之外。

孝公既沒，惠王武王，蒙故業，因遺策，南取漢中，西舉巴蜀；東割膏腴之地，北
收要害之郡。諸侯恐懼，會盟而謀弱秦，不愛珍器重寶肥饒之地，以致天下之士，
合從同締交，相與為一。當是時，齊有孟嘗，趙有平原，楚有春申，魏有信陵。此四君

者皆明智而忠信，寬厚而愛人，尊賢重士，約從離衡，兼韓、魏、燕、楚、齊、宋、衛、中山之衆。於是六國之士，有宵越、徐尙、蘇秦、杜赫之屬，爲之謀。齊明、周最、陳軫、召滑、樓緩、翟景、蘇厲、樂毅之徒，通其意。吳起、孫臏、北帶佗、脫兒良、倪王廖、卿田忌、廉頗、趙奢之朋，制其兵。嘗以十倍之地，百萬之衆，叩關而攻秦。秦人開關延敵，九國之師，逡巡遁逃，而不敢進。秦無亡矢遺鏃之費，而天下諸侯已困矣。於是從散約解，爭割地而事秦。秦有餘力，而制其敝，追亡逐北，伏尸百萬，流血漂鹵，禮通因利乘便，宰割天下，分裂山河。強國請服，弱國入朝。——施以及孝文王莊襄王，享國日淺，國家無事。

及至始皇，奮六世之餘烈，振長策而御宇內，吞二周而亡諸侯，履至尊而制六合，執通極上，腐以鞭笞天下，威震四海，南取百越之地，以爲桂林象郡。百越之君，俛俯首繫頸，委命下吏。乃使蒙恬北築長城，而守藩籬，卻匈奴七百餘里。——胡人不敢南下而牧馬，士不敢彎弓而報怨。於是廢先生之道，燔符百家之

言以愚黔首，墮名城，殺豪俊，收天下之兵，聚之咸陽，銷鋒鑠鏃，巨以爲金人十二，以弱天下之民；然後踐華聲去爲城，因河爲池，據億丈之城，臨不測之谿，以爲固。良將勁弩，守要害之處；信臣精卒，陳利兵而誰何。天下已定，秦王之心，自以爲關中之固，金城千里，子孫帝王萬世之業也。

始皇既沒，餘威震於殊俗。然而陳涉甕牖繩樞之子，明隸之人，而遷徙之徒也。才能不及中人，非有仲尼墨翟之賢，陶朱猗頓之富；躡足行伍之間，而崛起阡陌之中；率罷同散之卒，將數百之衆，轉而攻秦，斬木爲兵，揭竿爲旗。天下雲合響應，羸糧而景同從，山東豪俊，遂並起而亡秦族矣。

且夫天下，非小弱也，雍州之地，殽函之固，自若也。陳涉之位，非尊於齊、楚、燕、趙、韓、魏、宋、衛、中山之君；鉏耰同稷麥，棘矜同，非銛鐵於鈞戟長鎩殺也；適同戍之衆，非抗於九國之師也；深謀遠慮，行軍用兵之道，非及鄉同時之士也；然而成敗異變，功業相反也。試使山東之國，與陳涉度長絜大，比權量力，不可同年而語矣。然

秦以區區之地，致千乘之權，招八州而朝同列，百有餘年矣；然後以六合爲家，殺函爲宮。一夫作難，而七廟隳，身死人手，爲天下笑者，何也？仁義不施，而攻守之勢異也。

通首只是寫「仁義不施，攻守勢異」八字。平鋪直敘中，自具縱橫馳驟之觀。

【註釋】【秦孝公】秦，嬴姓，伯益之後。孝公，名渠梁，始皇六世祖。【殺】山名。秦塞也。有東殺西殺，在河南洛寧縣境。

【函】函谷，關名，在今河南靈寶縣。史記：周慎王三年，楚、趙、魏、燕同伐秦，攻函谷關，秦出兵逐之，皆敗走。秦始皇六年，楚、趙、魏、韓、衛伐秦，取壽陵，至函谷，敗還。

【雍州】今陝西省。【商君】名鞅，姓公孫氏，衛之孽子也。因秦孝公寵臣景監以仕秦，秦封之商，因曰商君。

【連衡】連六國以事秦也。【西河】魏邑，今陝西舊同州府地，在黃河西，故名西河。商君伐魏，破之，魏蹙西河以和。

【惠王】惠王，名闕，孝公子。武王，名蕩，惠王子。【漢中】楚地，今陝西南部南鄭等縣。【合從】合六國以損秦也。

【孟嘗】姓田名文，齊之公族，封於薛，相齊，以好客稱。【平原】名勝，封於平原，相趙，亦以好客聞。【春申】黃歇封春申君，相楚，食客三千，上客皆躡珠履。

【信陵】名無忌，信陵君其封號也。禮賢下士，救趙存魏，在四公子中爲最賢。【衛】附於魏最後亡。【中山】附趙，今河北定縣。

【甯越】中牟人，苦耕作之勞，乃發憤學十三年，而齊威公師之。【徐尙】宋人。【蘇秦】洛陽人，說秦惠王不用，乃往說燕趙，合縱拒秦，身爲之長。

【杜赫】魏人。【齊明】東周臣，後事秦楚及韓。【周最】東周太子。【陳軫】楚大夫。【召滑】楚人。【樓緩】魏相，文侯弟。【翟景】魏人。【蘇厲】蘇秦弟。【樂毅】燕昭王之卿，率趙、韓、魏、燕五國兵以

伐齊，下齊七十餘城，封昌國君。昭王薨，惠王用齊人反，開使騎劫代之，殺懼奔趙，趙封之於觀津，號望諸君。【吳起】魏人，嘗學於曾

子，善用兵，魏武侯以為將，擊秦，拔五城。後被譖，奔楚，楚任之為相，南平百越，北卻三晉，西伐秦，而楚之貴戚大臣，多怨起者，卒為楚所殺。

【孫臏】齊人，孫武之後，與龐涓俱學兵法於鬼谷子，涓為魏將，臏之能，則其足。齊湣子堯使於魏，載臏歸，威王以為師，魏攻趙，臏

伐魏，致涓，涓中伏，自刎，涓是名高。【帶佗】楚將。【兒良王廖】呂氏春秋，王廖貴先，兒良貴後，此二人者，皆天下豪士也。

【田忌】齊將。【廉頗】趙將，惠文王時破齊，取晉陽，孝成王時，破燕，割五城以和，因罪亡至魏，趙救困於秦兵，欲復用之，而頗年

已老，又為人所讒沮，遂不復用。【趙奢】趙人，為田部吏，秦伐韓，求救於趙，趙以奢為將，大破秦軍，號馬服君。【九國】即韓、魏、燕、

楚、齊、趙、宋、衛、中山也。【逡巡】行不進也。【鏃】箭端也。【漂鹵】鹵，大盾也。漂，浮也。【孝文王】名莊，昭王穉之子。【莊

襄王】名楚，孝文王子，始皇帝也。【享國日淺】孝文一年，莊襄三年。【始皇】名政，吞六國而有天下，在帝位凡十二年，自

號為始皇帝。【六世】孝公、惠文、武、昭襄、孝文、莊襄。【二周】西周、東周也。【榘柎】榘，杖，柎，刀柄也。【答】擊也。【百越】

即南粵，種落不一，故云百越。【桂林】今廣西北部。【象郡】今廣西南部，及越南之北部。【蒙恬】秦將，始皇時，使蒙恬率兵

三十萬，北築長城，威震匈奴。始皇崩，趙高立二世，恬自殺。【長城】始皇三十三年，築長城，起臨洮，訖遼東，延袤萬餘里。【匈奴】

北狄之最強大者。堯時曰董粥，殷曰獯鬻，周曰玁狁，秦曰匈奴。周末，與燕、趙、秦三國為鄰，蒙恬擊之，取其河南地，北徙者十餘年。【黔

首】猶言黎民，以其首黑也。一說，民以黑巾覆首，故云。【鑿】所以懸鐘鼓者。【金人十二】漢書五行志，始皇二十六年，有

大人長五丈，足履六尺，皆夷狄服，凡十二人，見於臨洮，故銷兵器鑄而象之。【華】五岳之一，在今陝西華陰縣南。【關中】自函

谷關以西，總名關中，其地因東函谷關，南驍關，武關，西散關，北蕭關，居各關之中，故名。【陳涉】名勝，陽城人，嘗與人傭耕，息於陂上，

論辨 過秦論上

曰：『苟富貴，無相忘。』備者曰：『若爲耕，何富貴也？』涉款曰：『燕雀安知鴻鵠之志哉？』二世元年，行戍至大澤鄉，會天雨，失期，當斬，遂與吳廣起兵。【配】田民也。【翠翟】戰國宋人。【陶朱】即范蠡，字少伯，楚宛三戶人，佐越王勾踐滅吳，後去官之陶，自稱陶朱公，治產居積，十九年中，三致千金。【猗頓】春秋魯人，以鹽起家，十年之間，貨擬王公。【鉏耒棘矜】耒，鋤柄，矜，耒柄，皆並無鋤戟，止有其柄耳。【鈛】利也。【鈞戟長鍛】鈞戟，有鈞之戟，長鐃，長矛。【千乘】《論語》：道千乘之國。（注）千乘，諸侯之國。【八州】兗、冀、青、荆、梁、豫、徐、揚也。【七廟】《禮記王制》：天子七廟，三昭三穆，與太祖之廟而七。

過秦論中

賈誼

秦并海內，兼諸侯，南面稱帝，以養四海。天下之士，斐然鄉風，若是者，何也？曰：『近古之無王者久矣。周室卑微，五霸既沒，令不行於天下。是以諸侯力政，疆侵弱，衆暴寡，兵革不休，士民罷敝。今秦南面而王天下，是上有天子也。既元元之民，冀得安其性命，莫不虛心而仰上。當此之時，守威定功，安危之本，在於此矣。』

秦王懷貪鄙之心，行自奮之志，不信功臣，不親士民，廢王道，立私權，禁文書，而酷刑法，先詐力而後仁義，以暴虐爲天下始。夫并兼者高詐力，安定者貴順權，

此言取與守不同術也。秦離戰國而王天下，其道不易，其政不改，是其所以取之守之者異也。孤獨而有之，故其亡可立而待。借使秦王計上世之事，並殷周之迹，以制御其政，後雖有淫驕之主，猶未有傾危之患也。故三王之建天下，名號顯美，功業長久。

今秦二世立，天下莫不引領而觀其政。——夫寒者利裋褐，易而饑者甘糟糠。天下之嗷嗷，新主之資也。此言勞民之易爲仁也。鄉同使二世有庸主之行，而任忠賢；臣主一心，而憂海內之患，縞素而正先帝之過；裂地分民，以封功臣之後；建國立君，以禮天下；虛囹圄語而免刑戮，除去收帑通污穢之罪，使各反其鄉里；發倉廩，散財幣，以振孤獨窮困之士；輕賦少事，以佐百姓之急；約法省刑，以持其後。使天下之人，皆得自新，更節修行，各慎其身。塞萬民之望，而以威德與天下，天下集矣。卽四海之內，皆懽然各自安樂其處，唯恐有變。雖有狡猾之民，無離上之心，則不軌之臣，無以飾其智，而暴亂之奸止矣。

二世不行此術，而重之以無道，壞宗廟與民更始，作阿於河房宮，繁刑嚴誅，吏治深刻，賞罰不當，賦斂無度。天下多事，吏弗能紀；百姓困窮，而主弗收恤。然後姦僞並起，而上下相遁，蒙罪者衆，刑僇六音相望於道，而天下苦之。自君卿以下，至於衆庶，人懷自危之心，親處窮苦之實，咸不安其位，故易動也。是以陳涉不用湯武之賢，不藉公侯之尊，奮臂於大澤，而天下響應者，其民危也。故先王見終始之變，知存亡之機，是以牧民之道，務在安之而已。天下雖有逆行之臣，必無響應之助矣。故曰安民可與行義，而危民易與爲非，此之謂也。貴爲天子，富有四海，身不免於戮殺者，正傾非也。是二世之過也。

逆取順守，未嘗不可。文歸咎二世，反覆說來，理由極爲充足。彼童而昏，何足以知此？

【註釋】【力政】以力爲政也。【元元】史記文帝紀以全天下元元之民（注）元元，非一人也。【離戰國】離，猶併也。

【二世】名胡亥，始皇少子，在位三年。【短褐】短衣，褐，毛布。【嗷嗷】愁聲。【縞素】喪服。【囹圄】獄名（風俗通）囹

曰囹圄。【阿房宮】始皇所築，故址在今陝西咸陽縣。【紀】理也。【大澤】在今安徽宿縣。時秦發閭左戍漁陽者九百人，屯大澤鄉。陳勝吳廣爲屯長，會天雨，失期，法當斬，陳勝因起兵於鄉。【正傾非也】傾，危也，言正危之道非也。

過秦論下

賈誼

秦并兼諸侯山東三十餘郡，繕津關，據險塞，修甲兵而守之。然陳涉以戍卒散亂之衆數百，奮臂大呼，不用弓戟之兵，鉏耰白挺，望屋而食，橫行天下。秦人阻險不守，關梁不闔，長戟不刺，強弩不射。楚師深入，戰於鴻門，曾無藩籬之艱。於是山東大擾，諸侯並起，豪傑相立。秦使章邯將而東征，章邯因以三軍之衆，要_{學平}於外，以謀其上。羣臣之不信，可見於此矣。

子嬰立，遂不寤。藉使子嬰有庸主之材，僅得中佐，山東雖亂，秦之地可全而有，宗廟之祀，未當絕也。——秦地被山帶河以爲固，四塞之國也。自繆公以來，至於秦王，二十餘君，常爲諸侯雄，豈世世賢哉？其勢居然也。且天下嘗同心并力而攻秦矣。當此之時，賢知並列，良將行其師，賢相通其謀，然困於阻險而不能進。秦

乃延入戰而爲之開關。百萬之徒，逃北而遂壞，豈勇力智慧不足哉？形不利，勢不便也。秦小邑并大城，守險塞而軍，高壘毋戰，閉關據阨，荷戟而守之。諸侯起於匹夫，以利合，非有素王之行也。其交未親，其下未附，名爲亡秦，其實利之也。彼見秦阻之難犯也，必退師，安土息民，以待其敝，收弱扶罷，疲同以令大國之君，不患不得意於海內。貴爲天子，富有天下，而身爲禽擒同者，其救敗非也。

秦王足已不問，遂過而不變；二世受之，因而不改，暴虐以重禍；子嬰孤立無親，危弱無輔；三主惑而終身不寤，亡不亦宜乎？當此時也，世非無深慮知化之士也；然所以不敢盡忠拂過者，秦俗多忌諱之禁，忠言未卒於口，而身爲戮沒矣。故使天下之士，傾耳而聽，重足而立，切其掩口而不言。是以三主失道，忠臣不敢諫，智士不敢謀，天下已亂，姦不上聞，豈不哀哉？

先王知壅蔽之傷國也，故置公卿大夫士，以飾法設刑，而天下治；其強也，禁暴誅亂而天下服；其弱也，五霸征而諸侯從；其削也，內守外附而社稷存。故秦之

盛也。繁法嚴刑而天下震及其衰也。百姓怨望而海內畔矣。故周五序得其道而千餘歲不絕。秦本末並失，故不長久。由是觀之，安危之統，相去遠矣。野諺曰：『前事之不忘，後事之師也。』是以君子爲國，觀之上古，驗之當世，參以人事，察盛衰之理，審權勢之宜，去就有序，變化有時，故曠日長久，而社稷安矣。

地利不如人和。秦爲四塞之國，地利得矣，而衆叛親離，未得人和，土崩之禍，實肇於此。文本此立論，較前兩論，尤覺警切。

【註釋】【山東三十餘郡】秦分天下爲三十六郡。山東，卽六國故地。【繕津關】繕，修也。津，濟渡處。關，界上之門。

【望屋而食】軍無儲糧，隨處而食。【關梁】梁，水橋也。《說記月令》：孟冬謹關梁。【鴻門】在今陝西臨潼縣。【章邯】秦少將，後降項羽，爲雍王。

【要市】要，劫也。市，恃也。劫持而有所恃也。【子嬰】二世兄子。趙高殺二世，立子嬰爲秦王，後爲項羽所殺。

【繆公】春秋時秦君，名任好。【素王】有其道，爲天下所歸，而無其爵者曰素王，孔子當之。【其救敗非也】言非救敗之道也。

【足己不問】自以爲足，無所問也。【五序】武、成、昭、穆、五主也。

難蜀父老

難，去聲，詰辨也。○漢武帝元光五年，邛笮君長聞唐蒙通夜郎，南夷得賞賜，多願內附。帝拜相如爲中郎將，建

節往使。西夷皆謂爲內臣。歸至蜀郡，耆老縱紳袖言通西夷不便，相如乃作此，以蜀父老爲辭，而已詰難之，以風天子，且因宣

其使指，令百姓知天子之意。

司馬相如

漢成都人，字長卿，少時慕蔣相如之為人，因亦名相如。以貴為郎，事景帝，為武騎常侍，因病免。客游梁，武帝擢為中郎將。長於辭賦，所作有子虛、上林、大人等賦。

漢興七十有八載，德茂存乎六世，威武紛紜，沉恩汪濊，香羣生澍，注濡，洋

溢乎方外。於是乃命使西征，隨流而攘，風之所被，罔不披靡。因朝冉從，廟定，定筮

昨存邛，豎略斯榆，舉苞蒲，結軌還轅，東鄉同將報，至於蜀都。

耆老大夫，縉紳先生之徒，二十有七人，儼然造焉。辭畢，進曰：「蓋聞天子之

于彘狄也，其義羈縻勿絕而已。今罷同三郡之士，通夜郎之塗，三年於茲，而功不

竟，士卒勞倦，萬民不贍。今又接以西夷，百姓力屈，恐不能卒業，此亦使者之累也。

竊為左右患之。且夫邛笮西僰，同之人，與中國並也，歷年茲多，不可記已。仁者不

以德來，強者不以力并，同意者殆不可乎！今割齊民以附彘狄，弊所恃以事無用。

鄙人固陋，不識所謂？」

使者曰：「烏謂此乎！必若所云，則是蜀不變服，而巴不化俗也。余尙惡聞若說；然斯事體大，固非觀者之所覲也。余之行急，其詳不可得聞已。請爲大夫粗陳其略：蓋世必有非常之人，然後有非常之事；有非常之事，然後有非常之功。非常者，固常人之所異也。故曰：非常之原，黎民懼焉；及臻厥成，天下晏如也。昔者洪水沸出，汜濫衍溢，民人登降移徙，隋同 陬而不安。夏后氏戚之，乃堙因 洪水，決江疏河，灑沈澹菑，災同 東歸之於海，而天下永寧。當斯之勤，豈惟民哉？心煩於慮，而身親其勞，躬餓讀若 餅，餅 胠氏 無肱，故 膚不生毛，故休烈顯乎無窮，聲稱浹乎來茲。

「且夫賢君之踐位也，豈特委瑣握觀同 趾，拘文牽俗，循誦習傳，當世取說悅通 云爾哉？必將崇論宏議，創業垂統，爲萬世規，故馳騫乎兼容并包，而勤思乎參天貳地。且詩不云乎：「普天之下，莫非王土；率土之濱，莫非王臣。」是以六合之內，八方之外，浸淫衍溢，懷生之物，有不浸潤於澤者，賢君恥之。今封疆之內，冠帶之倫，咸獲嘉祉，靡有闕遺矣。而彝狄殊俗之國，遼絕異黨之域，舟車不通，人跡罕至；

政教未加，流風猶微；內之則犯義侵禮於邊境，外之則邪行橫作，放弑其上；君臣易位，尊卑失序，父兄不辜，幼孤爲奴虜，係纍號泣，內鄉而怨曰：「蓋聞中國有至仁焉，德洋恩普，物靡不得其所，今獨曷爲遺己？」舉踵思慕，若枯旱之望雨，鑿夫爲之垂涕，況乎上聖，又烏能已！故北出師以討強胡，南馳使以誚勁越，四面風德，二方之君，鱗集仰流，願得受號者以億計。故乃關沫若，徼叫牂牁，鏤靈山，梁孫原，創道德之塗，垂仁義之統，將博恩廣施，辟去遠撫長駕，使疏逖賜不閉，智忽爽闇，昧得耀乎光明，以偃甲兵於此，而息誅伐於彼，遐邇一體，中外禔支福，不亦康乎？

『夫拯民於沈溺，奉至尊之休德，反衰世之陵夷，繼周氏之絕業，天子之急務也。百姓雖勞，又烏可以已哉？且夫王者固未有不始於憂勤，而終於佚樂者也。然則受命之符，合在於此，方將增太山之封，加梁父之事，鳴和鸞，揚樂頌，上咸五，下登二觀者，未覩指，聽者未聞音，猶鷓鴣已翔乎寥廓，而羅者猶視乎藪澤，悲

夫！

於是諸大夫茫然，喪其所懷來，而失厥所以進，喟然並稱曰：『允哉漢德！此鄙人之所願聞也。百姓雖怠，請以身先之。』敞罔靡徙，遷延而辭避。

大言炎炎，寓諷於頌，此文之最得體者。

【註釋】【漢興七十有八載】自高帝元年，至武帝元光六年也。【六世】高祖、惠帝、高后、孝文、孝景、孝武。【湛】深也。

【汪濊】饒多也，深廣也。【澍瀟】當瀟意，言羣生當瀟德恩也。【命使西征】使相如自謂。【攘卻也】【冉駹】冉，冉駹，今四川茂縣，作即邛都，邛，今四川雅安縣。【苞蒲】夷種

冉駹，今四川茂縣，作即邛都，邛，今四川雅安縣。【斯榆】華陽國志：邛都有四部，斯叟其一也，在今四川雅安縣。【苞蒲】夷種也，史記作苞蒲。【結軌】結，旋也。【羈縻】言制四夷，但如牛馬之受羈縻而勿絕，不必過相督責也。【三郡】巴、蜀、廣漢。

也，史記作苞蒲。【結軌】結，旋也。【羈縻】言制四夷，但如牛馬之受羈縻而勿絕，不必過相督責也。【三郡】巴、蜀、廣漢。

【夜郎】國名，今貴州西境。【三年於茲】唐蒙通夜郎，欲遂通西南夷，作者數萬人治道，二歲道不成，士卒多物故，費以巨萬計。

也。【來】蒞其至曰來。【西爨】即爨夷也，在四川犍為縣等地。【仁者不以德來兩句】言前之仁者強者，未嘗以此為事

也。【蜀】今四川之成都、平武、三台、雅安、邛、岷等縣，及劍閣以西皆是。【巴】今四川之閬中、南充、奉節、巴縣等地，及瀘縣境皆是。

也。【非觀者之所覩】言非旁觀者所能見及也。【決】決之使流也。【疏】通也。【灑沈澹菑】灑，分也，言分散其深水，以安

定其災也。【豈惟民哉】言非獨人民勸其非。【躬儼辭賦無版】儼，廢理也。胼，胼，皮上堅也。版，白肉也。躬儼辭賦無版者，言

身儼廢理之皮，皆堅厚而不自也。【委瑣握躡】委瑣，細碎。握躡，同躡，局促也。【參天貳地】史記索隱：云天子比德於地，是

二地也，地與己并天爲三，是參天也。【普天四句】見《詩小雅》。【六合】天地四方也。【八方】東南西北及其四隅也。

【整夫】狼戾之人也。【討疆胡】伐匈奴也。【誚勁越】誚，責也，謂平南越也。【風德】諷諭以德也。【二方】西夷南

夷也。【關沫若】以沫若爲關也，沫，今大渡河。若，今雅寧江。【徼牂牁】牂牁，郡名，本南夷夜郎及且蘭地，夜郎，註見上，且蘭，今

貴州適甯縣。徼，邊塞也。徼牂牁者，以牂牁爲邊徼也。【鑠靈山】鑠，刻鑠也。靈山，在今廬山縣西北五十里。【梁孫原】孫水，即

今四川安寧河，南入金沙江。【水經注】孫水出雲登縣，雲登，即今四川冕寧縣。謂於孫水上游，作橋梁也。【疏遂不閉】遂，遠也，言

其疏遠者，不被閉絕也。【晷爽】未明之時。【禔】安也。【陵夷】《漢書注》：陵，丘陵也。夷，平也。言其頽替如丘陵之漸平也。

【梁父】爲泰山之支阜，在山東新泰縣西。古之天子，封泰山，禪梁父。【和鸞】昔鈴也。《左傳》：鸞鳴和鈴，昭其聲也。【咸五登

三】咸，同也，同於五帝，登於三王之上也。【鶴鵬】大鳥也。【寥廓】天上寬廣之處。《楚辭》：遠遊下睇，睇而無地兮，上寥廓而

無天。【敞罔】失容也。【靡徙】動足貌，失正也。

答客難

東方朔上書，陳農戰疆國之計數萬言，終不見用，因著論設客難已，用位卑以自慰諫。

東方朔

漢平原厭次人，字曼倩，善談論，初爲郎，累遷至大中大夫，時以諷諫救武帝之過。著有《靈棋經》一卷，神異經

一卷，海內十洲記一卷。

客難東方朔曰：「蘇秦張儀，壹當萬乘之主，而身都卿相之位，澤及後世。今

子大夫脩先王之術，慕聖人之義，諷誦詩書，百家之言，不可勝記，著於竹帛，脣腐齒落，服膺而不可釋，好學樂道之效，明白甚矣；自以爲智能，海內無雙，則可謂博聞辯智矣。然悉力盡忠，以事聖帝，曠日持久，積數十年，官不過侍郎，位不過執戟。意者尙有遺行邪？同胞之徒，無所容居，其故何也？」

東方先生喟然長息，仰而應之曰：『是故通非子之所能備。彼一時也，此一時也，豈可同哉？夫蘇秦張儀之時，周室大壞，諸侯不朝，力政爭權，相擒以兵，并爲十二國，未有雌雄，得士者強，失士者亡，故說得行焉，身處尊位，珍寶充內，外有倉廩，澤及後世，子孫長享。今則不然。聖帝德流，天下震懼，指諸侯賓服，連四海之外，以爲帶，安於覆盂，天下平均，合爲一家，動發舉事，猶運之掌，賢與不肖，何以異哉？遵天之道，順地之理，物無不得其所，故綏之則安，動之則苦，尊之則爲將，卑之則爲虜，抗之則在青雲之上，抑之則在深淵之下；用之則爲虎，不用則爲鼠；雖欲盡節效情，安知前後？夫天地之大，士民之衆，竭精馳說，並進輻湊者，不可勝數，悉力

慕之，困於衣食，或失門戶。使蘇秦、張儀與僕並生於今之世，曾不得掌故，安敢望侍郎乎？傳曰：「天下無害，雖有聖人，無所施才；上下和同，雖有賢者，無所立功。」故曰時異事異。

「雖然，安可以不務脩身乎哉？」詩曰：「鼓鐘于宮，聲聞于外；鶴鳴于九皋，聲聞于天。」苟能脩身，何患不榮？太公體行仁義，七十有二，乃設用於文武，得信通厥說，封於齊，七百歲而不絕，此士所以日夜孳孳，脩學敏行而不敢怠也。譬若鶴鶴飛且鳴矣。傳曰：「天不爲人之惡寒而輟其冬，地不爲人之惡險而輟其廣，君子不爲小人之匈匈而易其行。天有常度，地有常形，君子有常行。君子道其常，小人計其功。」詩云：「禮義之不愆，何恤人之言？」水至清則無魚，人至察則無徒。冕而前旒，所以蔽明；黈安殿切纁曠充耳，所以塞聰。明有所不見，聰有所不聞，舉大德，赦小過，無求備於一人之義也。枉而直之，使自得之；優而柔之，使自求之；揆而度之，使自索之。蓋聖人之教化如此，欲其自得之；自得之，則敏且廣矣。

今世之處士，時雖不用，塊然無徒，廓然獨居，上觀許由，下察接輿，計同范蠡，忠合子胥。天下和平，與義相扶，寡偶少徒，固其宜也。子何疑於予哉？若夫燕之用樂毅，秦之任李斯，歷酈食其，幾之下齊，說行如流，曲從如環，所欲必得，功若丘山，海內定，國家安，是遇其時者也。子又何怪之邪？語曰：「以筭管窺天，以蠡麥測海，以莛撞鐘。豈能通其條貫，考其文理，發其音聲哉？」由是觀之，譬猶鼪精鼯切之襲狗，孤豚之咋狎虎，至則靡靡耳，何功之有！今以下愚而非處士，雖欲勿困，固不得已，此適足以明其不知權變，而終惑於大道也。」

遇而不遇，爲千古才人同聲一哭。

【註釋】【都卿相之位】都，居也。【侍郎】漢制：郎官初上臺，稱尚書郎中，滿歲，稱尚書郎，三歲，稱侍郎。【執戟】古侍郎

之職。（通典）凡郎官皆主吏，直執戟宿衛諸殿門，以待衛之故，通謂之侍郎。【蘇秦張儀】秦字季子，東周雒陽人。儀，魏人，同事鬼

谷先生，並爲戰國說士。【十二國】謂魯、衛、齊、楚、宋、鄭、魏、燕、趙、中山、秦、韓也。【雌雄】猶勝負也。【震懼】恐懼也。【連四

海之外以爲帶】言如帶之相連也。【安知前後】猶言不知今昔之異勢也。【或失門戶】謂被誅戮，虛其家室也。

【掌故】百石吏主故事者。【鼓鐘于宮二句】見詩小雅，言苟有於中，必形於外。【鶴鳴于九皋二句】見詩小雅。

鼻澤也，言處卑而聲高。【鶴鶴】小青雀也，飛則鳴，行則搖。【傳曰】至【何恤人之言】見荀子天論篇。【匈匈】喧

擾也。【水至清則無魚六句，枉而直之六句】皆具（大戒禮）。【莊續】黃色之綿也，以黃綿爲丸，垂兩耳旁，示不聽不

急之言也。【許由】字武仲，堯讓出以天下，由逃之中嶽潁水之陽箕山之下。【接輿】姓陸，名通，楚之隱者。【范蠡】見賈誼

過秦論上陶朱註。史記勾踐之栖會稽，蠡令卑辭厚禮以餌吳。【子胥】姓伍，名員，楚人，父奢，兄尚，爲平王所殺。子胥奔吳，後吳敗

越，越王勾踐請和，大差許之，子胥諫不聽，太宰嚭譏之，於是夫差賜子胥死，盛以鴟夷而浮之江。【樂毅】詳見賈誼過秦論註。

【李斯】見秦議小傳。【鄺食其】陳留高陽人，謁沛公說下陳留，號廣野君，又說齊下七十餘城，及韓信襲齊，以食其爲寶已，遂

烹之。【以蠶測海】蠶，蠶也。【以莖撞鐘】莖，草莖也，謂撞莖也。說苑子路曰：「建天下之鳴鐘，撞之以莖，豈能發其音聲哉？」

【歸駒】小鳥也。【豚】豕子也。【咋】鴨也。【靡】碎滅也。

解難

雄著太玄經，客有難之者，雄解之，號曰解難。

揚雄

漢成都人，字子雲，好學，博極羣書，口吃不能劇譚，而好沈思。成帝時爲郎，給事黃門，著有法言十卷，太玄經

及揚子雲集六卷。

客難揚子曰：「凡著書者，爲衆人之所好也；美味期乎合口，工聲調於比。」

耳。今吾子乃抗辭幽說，閑意眇妙指，旨獨馳騁於有亡無通之際，而陶冶大鑪，旁薄

羣生，歷覽者茲歲同年矣。而殊不寤，亶但同費精神於此，而煩學者於彼。譬畫者畫於無形，絃者放於無聲，殆不可乎！

揚子曰：「俞！若夫閔言崇議，幽微之途，蓋難與覽者同也。昔人有觀象於天，視度於地，察法於人者。天麗且彌，地普而深，昔人之辭，迺玉迺金，彼豈好爲艱難哉？勢不得已也。獨不見夫翠虬虬同絳螭螭同之將登乎天，必聳身於蒼梧之淵，不階浮雲，翼疾風，虛舉而上升，則不能擻擻同膠葛，騰九閔；日月之經不千里，則不能燭六合，耀八紘；宏泰山之高不瞧瞧同嶢嶢同，則不能淖滂滂同雲而散歛歛同。烝是以宓伏犧犧氏之作易也，綿絡天地，經以八卦，文王附六爻，孔子錯其象而彖其辭；然後發天地之藏，定萬物之基，典謨之篇，雅頌之聲，不溫純深潤，則不足以揚鴻烈而章緝熙。蓋胥靡爲宰，寂寞爲尸，大味必淡，大音必希，大語叫叫，大道低回。是以聲之眇妙通者，不可同於衆人之耳；形之美者，不可棍棍通於世俗之目；辭之衍者，不可齊於庸人之聽。今夫絃者高張急徽，追趨逐者，嗜則坐者不期而附矣。試爲之

施咸池，命六莖發簫韶，咏九成，則莫有和去聲也。是故鍾期死，伯牙絕絃鼓琴，而不肯與衆鼓；樂夔人亡，則匠石斲斤，而不敢妄斲。師曠之調鐘，竇知音者之在後也；孔子作春秋，幾君子之前睹也。老聃有遺言：「貴知我者希。」此非其操歟！曲高和寡，安得盡桓譚而語之。老子有遺言：「貴知我者希。」自慰聊以自解耳。

【註釋】【比耳】比，和也。【茲年】言其久也。【愈】然也。【難與覽者同】言人不能盡見也。【天麗且彌】麗，著也。彌，廣也。【虬螭】虬，龍子有角者。螭，若龍而黃。【蒼梧之淵】未詳。唐孔穎達曰：「九疑山即蒼梧山。」文選曰：「九疑山半在蒼梧，半在洞庭。」則此或即指洞庭湖，俟考。【攬膠葛】攬，搗持也。膠葛，上滑之氣也。【九閔】九天之門。【月日之經】經，行也。

【八紘】八方之綱維也。【嶢嶢】山高貌。【滄】盛也。【滂】雲氣貌。【歔蒸】氣上出也。【八卦】乾、坎、艮、震、坤、離、兌、巽。

【六爻】每卦三爻，重之爲六。【象象】周易正義所謂十翼者：上象二，下象二，上象三，下象三，上象五，下象六，文皆七，說卦八，序卦九，雜卦十。【文象】大象也。總象一卦，故謂之大象。象，斷也。斷定一卦之義，所以名爲象也。【典謨】書之堯典、舜典、大禹謨、皋陶

謨，益、稷、謨也。【雅頌】詩之大雅、小雅、南頌、周頌、魯頌也。【緝熙】光明也。【胥靡爲宰】胥，相也。靡，無也。言相師以無爲作宰者，指造化之神也。【寂寞爲尸】尸，主也。造化以寂寞爲主。【叫叫】遠聲也。【低回】紆衍也。【棍】同也。【微】琴

宰者，指造化之神也。【寂寞爲尸】尸，主也。造化以寂寞爲主。【叫叫】遠聲也。【低回】紆衍也。【棍】同也。【微】琴

徵也。【追趨逐者】言隨所趨得愛嗜，而追逐之。【咸池】黃帝之樂。【掄六莖】掄，引也。六莖，韻項樂也。【簫韶九成】韶

舜樂，言箚者，明其細樂之備也。成，終也。凡樂一終爲一成。【鐘期死，伯牙絕絃】楚人伯牙鼓琴，子期聽之，方鼓琴而志在泰山，子

期曰：『巍巍乎若泰山。』既而志在流水，子期又曰：『湯湯乎若流水。』及子期死，伯牙破琴絕絃，終身不復鼓琴。【獲人亡則匠石斲

斤】斲，一作擾，古之善斲磨者也。施廣領大袖以仰塗，而領袖不汗，有小飛泥，誤著其鼻，因令匠石揮斤而斲，知匠石之善斲，故敢使

之也。【師曠調鐘】晉平公鐘，工者以爲調矣。師曠曰：『臣竊聽之，知其不調也。』至於前涓而果知鐘之不調，是師曠調鐘，爲後世

之有知音也。【幾】覓也。【老聃遺言】老子道德經：『知我者希，則我貴矣。』【操】操守也。

正交論

朱穆見比周傷義，偏黨設俗，志抑朋游之私，遂著絕交之論。蔡邕以爲穆貞而孤，又作正交論，而廣其志焉。

蔡邕

東漢陳留圉人，字伯喈，性至孝，同居三世，靈帝時，拜郎中，與楊賜等奏定六經文字，立碑太學門外，尋以事

免官，董卓辟爲祭酒，累遷中郎將，後以卓黨死獄中。著有蔡中郎集六卷，獨斷二卷。

聞之前訓曰：『君子以朋友講習，而正人無有淫朋。』是以古之交者，其義

敦以正，其誓信以固。逮夫周德始衰，頌聲既寢，伐木有鳥鳴之刺，谷風有棄予之

怨；其所由來，政之缺也。自此以降，彌以陵遲，或闕其始終，或彊上其比下周，是以

縉紳患其然，而論者諄諄如也。疾淺薄而貳攜者有之，惡朋黨而絕交遊者有之。

其論交也，曰：『富貴則人爭趣_同之，貧賤則人爭去之。是以君子慎人所以交已，審已所以交人；富貴則無暴集之客，貧賤則無棄舊之賓矣。』故原其所以來，則知其所以去；見其所以始，則覩其所以終。彼貞士者，貧賤不待夫富貴，富貴不驕夫貧賤，故可貴也。蓋朋友之道，有義則合，無義則離；善則久要_{聲平}，不忘平生之言，惡則忠告_{聲入}，善誨之，不可則止，無自辱焉。故君子不爲可棄之行，不患人之遺已也；信有可歸之德，不病人之遠已也。不幸或然，則躬自厚而薄責於人，怨其遠矣；求諸己而不求諸人，咎其稀矣。夫遠怨稀咎之機，咸在乎躬，莫之能改也。

子夏之門人，問交於子張，而二子各有聞乎夫子，然則以交誨也。商也寬，故告之以拒人，師也褊，故訓之以容衆；各從其行而矯之。至於仲尼之正教，則汎愛衆而親仁，故非善不喜，非仁不親，交遊以方，會友以文，可無貶也。穀梁子亦曰：『心志旣通，名譽不聞，友之罪也。』今將患其流而塞其源，病其末而刈其本，無乃未若擇其正而黜其邪，與其彼農皆黍，而獨稷焉。夫黍亦神農之嘉穀，與稷並

爲粢容盛成也；使交而可廢，則黍其愆矣。

括二論而言之：則刺薄者博而洽，斷交者貞而孤，孤有羔羊之節，與其不獲已而矯時也，走將從夫孤焉。

有是言者，未必有是行；邕而知此，當不至有殺身之禍。

【註釋】【君子以朋友講習】見《易兌卦》。【伐木鳥鳴】《詩小雅伐木篇》相彼鳥矣，猶求友聲；矧伊人矣，不求友生。

蓋刺人之不如鳥也。【谷風棄予】《詩小雅有谷風之什，刺幽王也。天下俗薄，朋友道絕，篇中有將安將樂，女轉棄予等句。【陵

遲】猶陵夷也。【比周】比，近也。周，密也。【諄諄】諄然也。《詩大雅》諄爾諄諄。【貳摯】貳，疑也。摯，離也。【久要】久約也。

【商也寬二句】商，子夏名。子夏曰：「可者與之，其不可者拒之。」【師也孺二句】師，子張名。子張曰：「君子尊賢而容衆。」又曰：

「於人何所不容。」【穀梁子】名淑，一名赤，又名喜，字元始，魯人，傳春秋。【黍稷】黍，禾屬之黏者。稷，高粱也。【黍稷曰

粢，在器曰盛。【孤有羔羊之節】羔羊，小羊也。《周禮大宗甸》卿執羔。《註》取其羣而不黨也。言子處有羔羊不黨之節，苟非不得

已而矯時，自無取乎子處，此因朱穆絕交論，而廣其志之本旨也。

汝穎優劣論

漢汝南郡，領縣三十七，治今河南汝南縣東南。潁川郡領縣二十，治今河南禹縣。○融以汝南士勝潁

川士。陳長文雜曰：「頗有燕菁唐突人參也。」融答之云云。按長文，名羣，潁川許昌人。燕菁，芥屬，根多肉，扁圓，可供食。

論辨 正交論 汝穎優劣論

孔融

東漢人，字文舉，孔子二十世孫。少有俊才，獻帝時爲北海相，立學校，表備衛，尋拜大中大夫。值漢室之末，志

在靖亂，後爲曹操所忌，被誅。有孔北海集一卷。

汝南戴子高，親止千乘萬騎，與光武皇帝共拱揖於道中；潁川士雖抗節，

未有頡頏天子者也。汝南許子伯，與其友人共說世俗將壞，因夜起，舉聲號哭；潁

川士雖頗憂時，未有能哭世者也。汝南許掾，教太守鄧晨圖開稻陂，陂灌數萬頃，

累世獲其功，夜有火光之瑞；韓元長雖好地理，未有成功見效如許掾者也。汝南

張元伯，身死之後，見夢范巨卿；潁川士雖有奇異，未有鬼神能靈者也。汝南應世

叔，讀書五行俱下；潁川士雖多聰明，未有能離婁並照者也。汝南李洪，爲太尉掾，

弟殺人當死，洪自劾，詣閣乞代弟命，便飲酖而死，弟用得全；潁川士雖尚節義，未

有能殺身成仁如洪者也。汝南翟文仲，爲東郡太守，始舉義兵以討王莽；潁川士

雖疾惡，未有能破家爲國者也。汝南袁公著，爲甲科郎中，上書欲治梁冀；潁川士

雖慕忠讜，未有能投命直言者也。

比較優劣處，仍是滿腔諷世意，歷舉八事，戛然而止，不嫌堆垛者，以其詞之雋雅耳。

【註釋】【戴子高】名遵，汝南慎陽人。平帝時，爲御史。王莽篡位，稱病歸里，家富，好施，時稱爲關東大豪。【顏頰】鳥飛貌，上曰頰，下曰頰。【許掾】名揚，字偉，汝南平輿人。汝南舊有鴻隙陂，成帝時，丞相翟方進奏毀敗之。建武中，太守鄧晨，開楊水，水厥，署爲郿水掾。楊因高下形勢，起塘四百餘里，百姓得其便，累歲大稔。【鄧晨】字偉，新野人。漢光武時，爲汝南太守，封西華侯。

【韓元長】名融，潁川舞陽人。留子，少能辨理，而不爲章句學，聲名甚盛，五府並辟。獻帝初，至太僕。【張元伯】名范，巨野人。巨野名式，劭與爲友。劭死，見夢於式，曰：『吾於某日葬，子能及乎？』式奔赴，喪已發，棺不肯前，母曰：『元伯豈有望。』須臾，式白馬素衣，號泣而來，因執紼引棺而前，世稱爲死友。【應世叔】名奉，汝南南頓人。自爲兒童及長，凡所經歷，莫不暗記，讀書五行並下。管絃四十二縣囚徒數百千人，能口說罪繫姓名，坐狀輕重。【李洪】（御覽）作鴻，事實未詳。【翟文仲】名羲，王莽居攝，嘗

乃謂陳豐曰：『新都侯攝天子位，故擢宗室幼穉者，以爲孺子，依託周公輔成王之義，且以觀望，必代漢家。方今天下衰弱，外無強藩，吾當爲國討賊，以安社稷。』起兵討莽，不克而死。【袁著】後漢書梁冀傳：汝南袁著，年十九，見冀凶縱，不勝其憤，乃詣闕上書。冀聞而密遣掩捕著，管殺之。（按）袁字伯章，任大將軍，毒執質帝，桓帝時伏誅。

典論論文

（隋書經籍志）典論五卷，魏文帝撰。案典論於明帝時刊石，至唐時石本亡。此即典論中之一篇也。

論辨 汝穎優劣論 典論論文

魏文帝

曹操長子，名丕，慕漢，都洛陽，爲三國魏之始祖，在位六年，性好文學，即聞強識，以著述爲務，有魏文帝集。

文人相輕，自古而然。傅毅之于班固，伯仲之間耳，而固小之，與弟超書曰：

「武仲以能屬作文，爲蘭臺令史，下筆不能自休。」夫人善于自見，而文非一體，鮮能備善，是以各以所長，相輕所短。里語曰：「家有弊帚，享之千金。」斯不自見之患也。

今之文人：魯國孔融、文舉、廣陵陳琳、孔璋，山陽王粲、仲宣，北海徐幹、偉長，陳

留阮瑀

羽

元瑜，汝南應瑒

陽

德璉

進

東平劉楨、公幹。斯七子者，于學無所遺，于辭

無所假，咸以自騁驥驟錄，於千里，仰齊足而並馳，以此相服，亦良難矣。蓋君子審

己以度辟入人，故能免于斯累，而作論文。王粲長于辭賦，徐幹時有齊氣，然粲之匹

也。如粲之初征樓槐賦、征思幹之玄猿漏卮圓扇橘賦，雖張蔡不過也；然于他

文，未能稱是。琳瑀之章表書記，今之雋也。應瑒和而不壯，劉楨壯而不密。孔融體

氣高妙，有過人者，然不能持論，理不勝詞，以至乎雜以嘲戲，及其所善，揚班儔也。

常人貴遠賤近，向聲背實，又患闇于自見，謂己爲賢，夫文本同而末異，蓋奏議宜雅，書論宜理，銘誄尙實，詩賦欲麗，此四科不同，故能之者偏也；唯通才能備其體。文以氣爲主，氣之清濁有體，不可力强而致。譬諸音樂，曲度雖均，節奏同檢，至于引氣不齊，巧拙有素，雖在父兄，不能以移子弟。蓋文章，經國之大業，不朽之盛事。年壽有時而盡，榮樂止乎其身，二者必至之常期，未若文章之無窮。是以古之作者，寄身于翰墨，見意于篇籍，不假良史之辭，不託飛馳之勢，而聲名自傳于後。故西伯幽而演易，周且顯而制禮，不以隱約而弗務，不以康樂而加思。夫然，則古人賤尺璧而重寸陰，懼乎時之過已；而人多不强力。貧賤則懾于飢寒，富貴則流于逸樂，遂營目前之務，而遺千載之功。日月逝于上，體貌衰于下，忽然與萬物遷化，斯志士之大痛也。

融等已逝，唯幹著論，成一家言。

揚抑七子，不作一滿志語，便隱然有通才自命之意；雖不免言大而夸，而卓識

名論，要自千古不磨。卽就此文論，雅健深穩，亦非七子所能望其項背。

【註釋】【傅毅】字武仲，漢茂陵人。章帝時，爲蘭臺令史，拜郎中，與班固買造同典校書，早卒，所著有詩賦，誄，頌，連珠，凡二十八篇。

【班固】見序跋小傳。【超】字仲升，少有大志，嘗投筆歎曰：『大丈夫當立功異域，安能久事筆硯間乎？』明帝時，使西域，服西域五十餘國，任西域都護，封定遠侯。【蘭臺令史】官名，掌校秘書。【家有繁帚二句】語出東觀漢記，以喻人不自見其短。

【魯國】今山東曲阜縣。【孔融】見論辨小傳。【廣陵】今江蘇江都縣。【陳琳】見書牘小傳。【山陽】今江蘇淮安縣。

【王粲】見論辨小傳。【北海】今山東濰光縣。【徐幹】字偉長，北海人，爲司空軍謀祭酒，掾屬五官將文學，著有中論。

【陳留】今河南陳留縣。【阮瑀】字元瑜，陳留人，嘗受學於蔡邕，曹操辟爲司空軍謀祭酒，管記室，一時書檄，多出其手，有阮元瑜

集。【汝南】見汝穎優劣論題註。【應瑒】字德璉，應劭弟，建安初，曹操辟爲丞相掾屬，轉平原侯庶子，後爲五官將，以文學著名，有應德璉集。

【東平】今山東東平縣。【劉楨】見書牘小傳。【驥騮】良馬名。【齊氣】齊俗文體舒緩，徐幹亦有斯累。

【張蔡】張衡，蔡邕也。衡，字平子，漢南鄉西鄂人，善屬文，通五經，作二京賦，權思十年乃成，官至尚書，蔡見論辨小傳。【揚班】揚雄，班固也。揚見論辨小傳。【向聲背實】止重虛聲，不求實際。【曲度二句】謂曲度節奏，無不同此法度也。【西伯】紂囚文

王於羑里，因推演易象作卦，羑里，殷獄名。【周旦】周公且相成王，制禮作樂，成周官書。【唯幹著論二句】（魏文帝與吳質

書）你長著中論二十餘篇，成一家之言，辭體典雅，足傳於後。

周成漢昭論

周成王，名誦，武王子。漢昭帝，武帝少子，名弗陵，後但名弗，以二名難諱故，按史記暨法解，安民立政曰

魏文帝

或方周成王於漢昭帝，僉按高成而下昭。

余以爲周成王體上聖之休氣，稟賢妣之貽誨；周召爲保傅，呂尙爲太師。——口能言則行人稱辭，足能履則相者導儀；目厭同威容之美，耳飽仁義之聲；所謂沈漬玄流，而沐浴清風者矣。猶有咎悔，聆二叔之謗，使周公東遷，皇天赫怒，顯明厥咎，猶啓諸金縢，稽諸國史，然後乃悟。不亮周公之聖德，而信金縢之教言，豈不暗哉！

夫孝昭父非武王，母非邑姜，養惟蓋主，相則桀光。體不承聖，化不胎育；保無仁孝之質，佐無隆平之治；所謂生於深宮之中，長於婦人之手。然而德與性成，行與體并，年在二七，早智夙達，發燕書之詐，亮霍光之誠；豈將有啓金縢，信國史，而後乃悟哉！

使夫昭成均年而立，易世而化，質臣而治，換樂而歌，則漢不獨少，周不獨多也。

兩兩比較，成固庸主，而昭乃英主耳。漢不獨少，周不獨多，尙非定論。

【註釋】【上聖賢妣】言得武王爲父，邑姜爲母也。【召】召公，名奭，與周且同爲武王臣，封於燕。

【保傅太師】（書周官）立太師、太傅、太保，茲惟三公，少師、少傅、少保，曰三孤。【行人】周有大行人之官，掌善詞令，接賓客。

【玄流】猶言清流也。【二叔】管叔鮮、蔡叔度，皆武王弟。武王崩，成王幼，周公攝政，管蔡流言於國曰：「公將不利於孺子。」周公乃避居

東鄗，其後王迎周公歸，管蔡懼，挾紂子武庚叛。王命周公討之，殺武庚，誅管囚蔡，其亂始平。【皇天赫怒五句】金縢，周書篇名。武

王疾，周公禱於三王，請以身代，史納其祝冊於金縢之匱中。其後周公以管蔡流言，避居東鄗，是歲秋大熟，未穫，天大雷電以風，禾盡偃，

大木斯拔。王大恐，與羣臣啓金縢之匱，見周公詩代武王之事，執書以泣，乃出郊迎周公。天乃雨，反風，禾盡起，歲大熟。【蓋主】卽帝

姊鄆邑長公主也。【桀光】上官桀，霍光。漢書：大將軍光秉政，領尙書事。車騎將軍金日磾，左將軍上官桀副焉。【發燕書之詐

二句】上官桀父子，爲丁外人求封侯，桀光不許，桀主怨光，聚弘羊欲爲子弟得官，亦怨恨光。於是皆與燕王且通謀，詐令人爲燕王書，

言光專權自恣，疑有非常。昭帝謂光曰：「是書詐也，將軍無罪。」又曰：「大將軍忠臣，敢有駁者，坐之。」是時昭帝年僅十四也。【質臣】

質，易也。

相論

曹植

三國魏文帝之弟，操第三子也。字子建，十歲善屬文，授作立成，後封陳王。既就國，每欲求別見，幸冀試用，終不能得，悵然絕望，遂發痰瘵。謝靈運嘗言：『天下文章只一石，子建獨得八斗。』其推重如此。所著詩文，有曹子建集，凡

十卷。

世固有人身瘠而志立，體小而名高者；於聖則否；是以堯眉八采，舜目重瞳，禹耳參漏，文王四乳。然則世亦有四乳者，此則驚馬一毛似驥爾！

宋臣有公孫呂者，長七尺，面長三尺，廣三寸，名震天下。若此之狀，蓋遠代而求，非一世之異也。使形殊於外，道合其中，名震天下，不亦宜乎？語云：『無憂而戚，憂必及之；無慶而歡，樂必隨之。』此心有先動，而神有先知，則色有先見也。故扁鵲見桓公，知其將亡；申叔見巫臣，知其竊妻而逃也。

荀子曰：『以爲天不知人事邪？則周公有風雷之災，宋景有三舍之福，以爲知人事邪？楚昭有弗榮之應，邾文無延期之報。』由是言之，則天道之與相占，

可知而疑，不可得而無也。

古今迷信之事，是是非非，雖哲學家亦難剖析，相亦其一端也。文亦以不解解之。

【註釋】【八采】眉如八字，有光彩也。【參瀟】瀟，滋也。【扁鵲】見桓公。扁鵲，姓秦，名越人。少受禁方於長桑君，嘗過齊，桓侯客之。扁鵲曰：「君有疾在腠理，不治，將深。」桓侯曰：「寡人無疾。」後桓侯疾作，竟死。【申叔見巫臣】左傳成二年：「楚使屈巫聘於齊，且告師期。」巫臣盡室以行，申叔隨從其父，將適郢，遇之，曰：「異哉！夫子有三軍之懼，而又有桑中之喜，宜將竊妻以逃者也。」【荀子】名況，趙人。其學宗孔氏，惟倡性惡之說，與孔孟之旨稍異。【周公風雷之災】見上篇皇天赫怒注。【宋景有三舍之福】熒惑守心，心宋之分野也。景公愛之，司星子韋曰：「可移於相。」景公曰：「相，吾之股肱。」曰：「可移於民。」景公曰：「君者待民。」曰：「可移於歲。」景公曰：「歲饑民困，吾誰為君？」子韋曰：「天高聽卑，君有君人之言三，熒惑宜有動。」於是饑之，果徙三度。【楚昭有弗祭之應】祭，祭名。楚昭王病，有赤雲如鳥，夾日而翬。昭王問周太史。太史曰：「是害於楚王，然可移於將相。」將相聞是言，乃請自以身禱於神。昭王曰：「將相孤之股肱也。」弗聽。河為崇。大夫請禱，昭王不許，未幾卒。【邾文無延期之報】左傳文十三年：「邾文公卜遷於繹。民曰：「利於民而不利於君。」公曰：「民苟利矣，吾莫如之。」遂遷於繹。五月，邾文公卒。」

籍田說

（禮祭義）天子為籍田，諸侯為籍百畝。五經要義）天子籍田，以供上帝之粢盛，所以先百姓而致孝養也。繹

籍也，言親自蹈履於田，而耕之也。

春耕於籍田，郎中令侍寡人焉。

顧而謂之曰：『昔者神農氏始嘗萬草，教民種植。今寡人之興此田，將欲以擬乎治國，非徒娛耳目而已也。夫營疇萬畝，厥田上下，經以大陌，帶以橫阡，奇柳夾路，名果被園，宰農實掌，是謂公田，此亦寡人之封疆也；日殄沒而歸館，晨未昕而卽野，此亦寡人之先下也；菽藿實特疇，禾黍異田，此亦寡人之理政也；及其息泉涌，庇重聲平陰，懷有虞，撫素琴，此亦寡人之所習樂也；蘭蕙荃蘅，植之近疇，此亦寡人之所親賢也；刺藜臭蔚，棄之乎遠疆，此亦寡人之所遠佞也。若年豐歲登，果茂菜滋，則臣僕小大，咸取驗焉。』

樸茂淵雅，逼似西京。

【註釋】【郎中令】秦官，九卿之一，掌宮殿門戶，統屬諸郎官。漢武帝太初元年，更名光祿勳。【神農】以教民耕農得號，又嘗百草，知其性，為民療病。【疇】耕治之田也。【大陌橫阡】（風俗通）南北曰阡，東西曰陌，河東以東西為阡，南北為陌。【宰

【農】一作司農。【殄沒】說文殄盡也。猶言日盡沒也。【昕】明也。【先下】左傳將求於人必先下之禮之善物也。

【菽藿】爾雅釋草菽光閔。注菽藿生斷之有白汁可啖。【息泉涌】言休息於湧泉之處。【蘭蕙荃蘅】一幹一花而香有餘者為蘭，一幹數花而香不足者為蕙。荃亦香草，蘅似葵而香。【刺藜臭蔚】刺藜，蒺藜也。臭蔚，牡蒿也。

又

曹植

封人有能以輕鑿修鉤，去上樹之蝸胡切者，樹得以茂繁。

中舍人曰：『不識治天下者，亦有蝸者乎？』寡人告之曰：『昔三苗共工，隳兜，非堯之蝸歟？』

問曰：『諸侯之國，亦有蝸乎？』寡人告之曰：『齊之諸田，晉之六卿，魯之三桓，非諸侯之蝸歟？然三國無輕鑿修鉤之任，終於齊篡，魯弱，晉國以分，不亦痛乎？』

曰：『不識為君子者，亦有蝸乎？』寡人告之曰：『固有之也。富而慢，貴而驕，殘仁賊義，甘財悅色，此亦君子之蝸也。天子勤耘，以牧一國；大夫勤耘，以收世祿；君子勤耘，以顯令德。夫農者始於種，終於穫。澤既時矣，苗既美矣，棄而不耘，則改

爲荒疇。蓋豐年者期於必收，譬修道亦期於歿身也。夫凡人之爲圃，各植其所好焉；好甘者植乎薺，好苦者植乎荼，好香者植乎蘭，好辛者植乎蓼。至於寡人之圃，無不植也。」

此又一副筆墨，似陶冶於禦寇者。

【註釋】【封人】封疆之官。見《周禮地官》。【鑿】穿木器。【蝸】桑蠶也。【三苗共工鯀驩兜】堯時之四凶。【齊

之諸田三句】齊自田常得政，執簡公，立平公。數傳至康公，當曾孫和，遷之於海濱，田氏始爲諸侯。晉六卿，謂韓、魏、趙、智、范、中行也。

後智氏滅范氏中行氏，韓、魏、趙三家，又滅智氏，而分晉國。魯三桓，孟孫、叔孫、季孫，皆桓公之後，擅權於魯，公室頓弱。

【薺】甘菜。

【荼】苦菜。【蘭】香草。【蓼】辛菜。

髑髏說

髑髏，死人首也。音獨模。

曹植

曹子遊乎陂

碑

塘之濱，步乎秦穢之藪，叶韻蕭條潛虛，經幽踐阻，顧見髑髏，

塊然獨處，聲上

於是伏軾而問之曰：「子將結纓首劍，殉國君乎？將被堅執銳，斃三

軍乎？將嬰茲固疾，命隕傾乎？將壽終數極，歸幽冥乎？」叩遺骸而歎息，哀白骨之

無靈；慕嚴周之適楚，儻託夢以通情。

於是伴

補耕切

若有來，恍

恍同

若有存，景

影同

見

聲去

容隱，厲聲而言曰：

『子，何國之

君子乎？

既枉輿駕，愍

閔

其枯朽，不惜咳唾之音，而慰以若言，子則辯於辭矣；然未

達幽冥之情，識死生之說也。夫死之爲言歸也。歸也者，歸於道也。道也者，身以無

形爲主，故能與化推移，陰陽不能更，四時不能虧。是故洞於纖微之域，通於恍惚

之庭；望之不見其象，聽之不聞其聲；挹之不沖，注之不盈，吹之不凋，噓之不榮，激

之不流，凝之不溇；寥落冥漠，與道相拘，桀偃然長寢，樂莫是踰。』

曹子曰：『予將請之上帝，求諸神靈，使司命輟籍，反子骸形。』於是髑髏長

呻廓然歎曰：『甚矣！何子之難語

通悟出形子也

也。昔太素氏不仁，無故勞我以形，苦我

以生。今也幸變而之死，是反吾真也。何子之好勞，而我之好逸乎？子則行矣，予將

歸於太虛。』

於是言卒響絕，神光霧除，顧將旋軫，乃命僕夫，拂以玄塵，主覆以縞巾，爰將

藏彼路濱，覆以丹土，翳以綠榛。夫存亡之異勢，乃宣尼之所陳，何神憑之虛對，云死生之必均。

變一死生之說，而以爲生不如死，殷憂惻惻，如見其心。

【註釋】【陂】池也。【葦】草盛貌。【藪】無水曰藪。【蕭條潛虛】狀其荒涼也。【軾】車前橫木，古以兩手伏軾爲敬。

【結纓首劍】（左傳）石乞孟擊敵子路，以戈擊之，斷纓。子路曰：「君子死，冠不免，結纓而死。」首劍，以首就劍也。【嬰固疾】嬰，加也。固疾，久病也。【嚴周適楚】嚴周，卽莊周也。漢明帝諱莊，故改爲嚴。（莊子）莊子之楚，見空髑髏，體然有形，皤白骨貌，虛交切。

【佯若有來】佯，使也，猶曰若或使之來也。【沖】（玉篇）虛也。【渟】（埤蒼）水止也。【與道相拘】拘，止也。（莊子）遠生

篇吾處身也，若厥株拘。（注）厥，豎也，豎若株拘也。【太素氏】（白虎通）始起之天，先有太初，後有太始，形兆既成，名曰太素。【塵】

鹿類，古以塵尾爲拂塵，故謂拂塵曰塵尾，亦省稱塵。

難鍾荀太平論

王

粲

三國魏高平人，字仲宣，避亂依劉表於荊州，貌短小，瘦弱，博物多識，蔡邕奇其才，開粲在門，倒屣出迎。後仕魏，

累官侍中，爲建安七子之一。

論辨 難鍾荀太平論

聖莫盛于堯，而洪水方割，丹朱淫虐，四族凶佞矣；帝舜因之，而三苗畔戾矣；禹又因之，而防風爲戮矣。此三聖，古之所大稱也，繼踵相承，且二百年，而刑罰未嘗一世而乏也。然則此三聖能平；三聖能平，則何世能致之乎？孔子稱曰：『唯上智與下愚不移。』不移者，丹朱、四凶、三苗之謂也。

當紂之世，殷罔不小大，好草竊姦宄。軌周公遷殷頑民于洛邑，其下愚之人，必有之矣。周公之于三聖，不能踰也。三聖有所不化矣，有所不移矣。周公之不能化殷之頑民，所可知也。苟不可移，必或犯罪，罪而弗刑，是失所也；犯而刑之，刑不可錯矣。孟軻有言：『盡信書，不如無書。』有大而言之者，刑錯之屬也。豈億兆之民，歷數十年而無一人犯罪，一物失所哉？謂之無者，盡信書之謂也。

庖丁解牛，舉刃皆中肯綮。周公之不能踰三聖；億兆之民，不能歷數十年而無一人犯罪，已破刑錯一語之的，而歸於盡信書之誤，尤爲善於措詞。

【註釋】【割】害也。《書·堯典》：「洪水方割。」【丹朱】堯子。【四族】《注》：「四，窮奇、檇、檇、饕餮也。」【三苗】國名，歸雲氏之後，世

爲諸侯。【防風】國名。史記夏禹本紀：禹會塗山，防風後至，誅之。【殷罔不小大二句】見商書微子之命篇。草野
竊盜也，在外曰姦，在內曰究。【三聖能平二句】反言也。【錯】置而不用也。

序跋

離騷贊序

班固

東漢扶風安陵人，字孟堅，彪之長子。博貫載籍。明帝時，典校秘書，續成父志，著有漢書一百二十卷。白虎通

卷，漢武故事，漢武內外傳各一卷。

離騷者，屈原之所作也。

屈原初事懷王，甚見信任。同列上官大夫妒害其寵，讒之王，王怒而疏屈原。屈原以忠信見疑，憂愁幽思而作離騷——離，猶遭也，騷，憂也，明已遭憂作辭也。是時周室已滅，七國並爭。屈原痛君不明，信用羣小，國將危亡，忠誠之情，懷不能已，故作離騷。——上陳堯舜禹湯文王之法，下言羿、澆、桀、紂之失，以風同下懷王；終不覺悟，信反間去聲之說，西朝于秦，秦人拘之，客死不還。至于襄王，復用

序跋 離騷贊序

讒言，逐屈原。在野，又作九章賦以風諫，卒不見納，不忍濁世，自投汨羅。

原死之後，秦果滅楚。其辭為衆賢所悼悲，故傳於後。

屈原死而楚見滅以秦，其關係於國家如此，固不獨其文辭之足傳也。

【註釋】【屈原】名平，楚之同姓，為三閭大夫。懷王愛其才，靳尚譖而疏之，乃作離騷。襄王時，復用譖，謫原於江南。原

作漁父諸篇以見志，於五月五日，自沈汨羅江而死。【懷王】名熊槐，威王子。【上官大夫妒害其寵】懷王使屈原造為憲

令，原屬草稿未定。上官大夫靳尚，見而欲奪之。原不與，因譏之曰：「王使屈平為令，衆莫不知，每一令出，平伐其功，曰：『以為非我莫能

為也。』」王怒而疏屈原。【西朝於秦二句】秦昭王欲與懷王會，懷王入武關，秦留之，以求割地。懷王怒，不聽，亡走趙。趙不納，復之

秦，竟死於秦而歸葬。【羿】夏時有窮國君之號，篡夏，為寒泥所殺。【澆】寒泥之子，後滅於夏少康。【襄王】即頃襄王，名橫，懷

王之。【九章】楚辭篇名。【汨羅】二水名，合流曰汨羅江，在今湖南湘陰縣北，西流入湘。

楚辭章句敘

王逸

東漢宣城人，字叔師，初為校書郎。順帝時遷侍中，著有楚辭章句等書。

敘曰：昔者孔子叡銳聖明喆同，天生不羣，定經術，刪詩書，正禮樂，制作春秋，

以爲後王法，門人三千，罔不昭達。臨終之日，則大義乖而微言絕。其後周室衰微，戰國並爭，道德陵遲，譎詐萌生。于是楊墨、鄒孟、孫韓之徒，各以所知，著造傳記，或以述古，或以明世。

而屈原履忠被譖，憂悲愁思，獨依詩人之義，而作離騷，上以諷諫，下以自慰；遭時闇亂，不見省納，不勝憤懣，遂復作九歌以下，凡二十五篇。楚人高其行義，韋切也其文采，以相教傳。至于孝武帝，恢廓道訓，使淮南王安作離騷經章句，則大義粲然，後世雄俊，莫不瞻慕，舒肆妙慮，續述其詞。逮至劉向，典校經書，分爲十六卷。孝章卽位，深弘道藝，而班固賈逵，復以所見，改易前疑，各作離騷經章句。其餘十五卷，闕而不說，又以壯爲狀，義多乖異，事不要括。今臣復以所識所知，稽之舊章，合之經傳，作十六卷章句，雖未能究其微妙，然大指之趣，略可見矣。

且人臣之義，以忠正爲高，以伏節爲賢，故有危言以存國，殺身以成仁。是以伍子胥不恨于浮江，比干不悔于剖心，然後忠立而行成，榮顯而名著。若夫懷道

以迷國，佯愚而不言；顛則不能扶，危則不能安；婉婉晚以順上，逡巡以避患；雖保黃耆，苟終壽百年，蓋志士之所恥，愚夫之所賤也。今若屈原膺忠貞之質，體清潔之性，直若砥矢，言若丹青，進不隱其謀，退不顧其命；此誠絕世之行，俊彥之英也。而班固謂之露才揚己，競于羣小之中，怨恨懷王，譏刺椒蘭，苟欲求進，強非其人，不見容納，忿恚胡桂切自沈，是虧其高明，而損其清潔者也。昔伯夷叔齊，讓國守分，不食周粟，遂餓而死，豈可復謂有求于世而怨望哉？且詩人怨主刺上曰：『嗚呼小子！未知臧否。匪面命之，言提其耳。』風諫之語，于斯爲切。然仲尼論之，以爲大雅。引此比彼，屈原之詞，優游婉順，寧以其君不智之故，欲提攜其耳乎？而論者以爲露才揚己，怨刺其上，強非其人，殆失厥中矣。

夫離騷之文，依託五經以立義焉；帝高陽之苗裔，則「厥初生民，時惟姜嫄」也；「紉秋蘭以爲佩」，則「將翺將翔，佩玉瓊琚」也；「夕攬洲之宿莽」，則易「潛龍勿用」也；「騶玉虬而乘鸞」，則「時乘六龍以御天」也；就「重華

而陳詞，則尚書「咎高 綵 遠之謀謨」也；「登崑崙而涉流沙」則禹貢之「敷土」也。故智彌盛者，其言博；才益多者，其識遠。屈原之詞，誠博遠矣。自終沒以來，名儒博達之士，著造詞賦，莫不擬則其儀表，祖式其模範，取其要妙，竊其華藻。所謂金相玉質，百世無匹，名垂罔極，永不刊滅者矣。

平爲南方文學之祖。離騷原本於五經，自是定論。露才揚己云云，適見孟堅之淺。

【註釋】【敝】一作審，明也。【大義乖而微言絕】漢書藝文志仲尼沒而微言絕，七十子喪而大義乖。【楊】楊朱，周時

人。禽子問楊朱曰：「去子體之一毛，以濟一世，汝爲之乎？」楊朱曰：「世罔非一毛之所濟。」【墨】墨翟，見賈誼過秦論上。【鄒】鄒衍，

齊臨淄人。燕昭王築碣石宮，師事之。昭王薨，惠王信讒，下獄，夏月爲之降霜。【孟】孟軻，鄒人，受業於子思之門人。道既通，游事齊

宣王，宣王不能用，適梁，梁惠王不果所言，乃退而與萬章之徒，序詩書，述仲尼之意，作孟子七篇。【孫】孫武，齊人，以兵法見吳王闔

閔，用爲將，西破強楚，北威齊晉，遂霸諸侯，著孫子十三篇，爲兵家所祖。【韓】韓非，韓之諸公子，喜刑名法術之學，而歸本於黃老，與

李斯並事荀卿，斯自以爲不如，後使於秦，爲斯所讒，仰藥死。嘗作孤憤、五蠹、內外儲說難等五十五篇，十餘萬言。【瑋】傅雅，瑋，重

也。【淮南王安】淮南厲王長子，初封阜陵侯，文帝十六年，封淮南王。【劉向】見文選小傳。【班固】見序跋小傳。【賈

【達】字景伯，平陵人。弱冠能誦左氏傳。永平中，獻左氏傳解詁三十篇。國語解詁二十一篇。明帝重其書，寫藏祕館，命與班固共校。祕書章帝時，使選公羊嚴顏諸生高才者二十人，敦以左氏，由是左傳始盛行。

【殺身成仁】（論語）志士仁人，無求生以害仁，有殺身以成仁。

【伍子胥】見東方朔答客難註。【比干】殷紂諸父，紂諫紂，紂怒曰：「吾聞聖人心有七竅，謂比干，觀其心。」

【黃考】考，老也。詩大雅以祈黃耆。【丹青】揚子法言：聖人之言，炳若丹青。【露才揚己】（班固離騷序）今若屈原，露才揚己，競乎危國羣小之間，以離讒賊，然責數懷王，怨惡椒蘭，愁人苦思，強非其人，怨怒不容，沈

江而死。多稱昆崙冥婚密妃虛無之語，皆非法匪之政。經義所載，謂之雜詩風雅，而與日月爭光過矣。【恚】恨也。【伯夷叔齊】孤竹君之二子。父欲立叔齊，及父卒，叔齊讓伯夷。伯夷不肯立，而逃去。武王伐殷，夷齊叩馬而諫。周既克殷，有天下，夷齊恥食周粟，隱於首陽山，采薇而食，遂餓死。

【嗚呼小子四句】見詩大雅。【高陽】高陽，顓頊有天下之號。【厥初生民二句】見詩大雅。周后稷，名棄，其母有邠氏女曰姜嫄，為帝嚳元妃。見史記周本紀。【緜秋蘭以為佩】句見楚辭離騷。緜，束也。佩，帶也。

【將翺將翔，佩玉瓊琚】見詩鄭風。【夕攬洲之宿莽】見楚辭離騷。草冬生不死者，楚人名宿莽。【潛龍勿用】見易乾卦。【馴玉虬而乘鸞】句見楚辭離騷。虬，龍子有角者，言以虬為馴也。鸞，鳳凰別名。【時乘六龍以御天】見易乾卦。【就重華而陳詞】句見離騷。重華，帝舜號。書舜典：重華協于帝。【咎繇】即皋陶，舜士師。虞書有皋陶謨篇。

【敷土】書禹貢：禹敷土。註：布治九州之土。【崑崙】山名，在今新疆西藏之間。【流沙】書禹貢：西至于流沙。今西海居延澤是也。【祖式】祖述舜式也。【金相玉質】相，亦質也。詩大雅：追琢其章，金玉其相。

詩譜敘 譜，布也，謂敘錄之也。原有圖，今亡。詩馬融曾補之。見釋史。

詩譜敘

鄭玄

東漢高密人，字康成，少爲鄉書夫，以不樂爲吏，遂造太學受業，博通諸經，及三統曆九章算術等，後事扶風

融，游學十餘年，及歸，弟子自遠方至者數千人。建安時，徵爲大司農，卒。所注周易、尚書、毛詩、儀禮、禮記、論語、孝經、尚書大傳，及諸經說，凡百餘萬言。唐貞觀中，從祀孔廟。宋大中祥符中，封高密伯。

詩之興也，諒不于上皇之世。大庭軒轅，逮于高辛，其時有亡，無通載籍亦蔑云焉。虞書曰：『詩言志，歌永言，聲依永，律和聲。』然則詩之道放聲上于此乎？

有夏承之，篇章泯棄，靡有孑遺。邇及商王，不風不雅。何者？論功頌德，所以將順其美；刺過譏失，所以匡救其惡；各于其黨，則爲法者彰顯；爲戒者著明。

周自后稷，播種百穀，黎民阻饑，茲時乃粒，自傳于此名也。陶唐之末，中葉公劉，亦世修其業，以明民共俱同財。至于太王王季，克堪顧天。文武之德，光熙前緒，以集大命于厥身，遂爲天下父母，使民有政有居。其時詩，風有周南召南，雅有鹿鳴文王之屬。及成王周公，致太平，制禮作樂，而有頌聲興焉，盛之至也。本之繇此風雅而來，故皆錄之，謂之詩之正經。

後王稍更陵遲。懿王始受譖，亨齊哀公。夷身失禮之後，邴不尊賢。自是而下，厲也幽也，政教尤衰，周室大壞。十月之交，民勞板蕩，勃爾俱作，衆國紛然，刺怨相尋。五霸之末，上無天子，下無方伯，善者誰賞，惡者誰罰？紀綱絕矣。故孔子錄懿王、夷王時詩，訖于陳靈公淫亂之事，謂之變風變雅。以爲勤民恤功，昭事上帝，則受頌聲，弘福如彼，若違而勿用，則被劫殺，大禍如此。吉凶之所繇，憂娛之萌漸，昭昭在斯，足作後王之鑒，于是止矣。

夷厲以上，歲數不明。太史年表，自共和始。歷宣、幽、平、王，而得春秋次第，以立斯譜。欲知源流清濁之所處，則循其上下而省之；欲知風化芳臭氣澤之所及，則傍行而觀之；此詩之大綱也。舉一綱而萬目張，解一卷而衆篇明；于力則鮮，于思則寡；其諸君子亦有樂于是與！

渾金璞玉，無珞琢氣，色澤古樸，經生之文。

【註釋】

【大庭】神農氏之別號。

【軒轅】即黃帝，姓公孫，國于有熊。

【高辛】即帝嚳，姬姓，名棄，豳基於辛，故以爲氏。

【詩言志四句】見《書舜典》謂詩所以言人之志氣也。永長也。歌又所以長。詩之意聲之曲折，又長言而爲之聲，中律乃爲和。

【放】仿也，仿而行之。【靡有孑遺】見《詩大雅》。【不風不雅】《詩國風，關雎詩序》一國之事，繫一人之本，謂之風；言天下

之事，形四方之風，謂之雅。商詩唯有頌，故云。【論功頌德七句】言風雅之詩，不外論頌與刺，若各就其黨類觀之，則可法可戒，

尤爲彰顯著明，故周人自錄周之風雅，不錄先代也。【后稷】名棄，周之祖。【播種百穀三句】言后稷播種之時，衆人皆厄于

飢，此時乃得粒食也。【自傳于此名也】言后稷因此而傳名也。【陶唐】帝堯初封于陶，又封于唐。【中葉】中世也。《詩

商頌》昔在中葉。【公劉】后稷之曾孫。【明民共財】言其使民衣服有章，不貲財用也。祭法：三黃帝正名百物，以明民共財。

【太王】古公賈父，武王曾祖。【王季】太子，武王祖。【顧天】《書太甲》先王顧諟天之明命。【有政有居】有惠政

之施，安居之樂也。【周南召南】《詩國風篇名》周南召南，譜周召之地，爲周公且召公奭之采地，言二公之德教，自岐而行于南

國也。【鹿鳴】《詩小雅篇名》詩序：燕羣臣嘉賓也。【文王】《詩大雅篇名》詩序：文王受命作周也。【頌聲】《詩關雎詩序》

頌者，美盛德之形容，以其成功告于神明者也。【本之繇此風雅而來】言頌之木，由於風雅也。【懿王始受譜二句】

懿王，名囂，周共王子。齊襄公，太公玄孫，名不辰。紀侯譜之，懿王因紿哀公。【夷身失禮】周夷王，名懿，懿王子，下堂見諸侯，辱身失

禮也。《禮郊特牲》天子不下堂而見諸侯。【邶不尊賢】邶，國名，今河南汲縣東北有邶城。後并于衛。《邶風柏舟》之詩，言仁而不遇，

是不尊賢也。【厲】周厲王，名胡，夷王子。【幽】周幽王，名涅，宣王子。【十月之交】《詩小雅篇名》詩序：大夫刺幽王也。

【民勞板蕩】並《詩大雅篇名》。《詩序》：民勞，召穆公刺厲王也。板，凡伯刺厲王也。蕩，召穆公傷周室大壞也。【上無天子】周室衰

弱，有若無也。【方伯】諸侯之長。《禮王制》千里之外設方伯。【陳靈淫亂】陳，舜後胡公之封國，都宛邱，今河南淮陽縣。至靈

序跋 譜詩斂

公淫於夏姬，爲其臣夏徵舒所殺。國人爲作棟林之詩。【太史】司馬遷也。【年表】編年紀事之表，史記有十二諸侯年表，序曰：「十二諸侯，自共和訖孔子。」【共和】周厲王出居於豳，周召二公協和而理國事，號曰共和。【宣】名靖，厲王子。【平】名宜白，周王子。

董仲舒集敘

董仲舒見下秦議小傳。

蔡

邕見論辨

董仲舒，清河廣川人也，以治春秋爲博士，下帷講誦。弟子傳以久次相授業，莫或能見其面。蓋三年不窺園圃，進退容止，非禮不行，學士皆師尊之。

漢孝武皇帝卽位，以賢良對策，爲江都相。下去聲事易王。王素驕，好勇，仲舒以

禮義匡正，王敬重焉。公孫弘希世用事，深疾仲舒。是時膠西王尤縱恣，數聲入害吏

二千石，弘欲中聲去之，乃言於上曰：「獨仲舒可使相膠西王。」膠西王素服其德，

善待之。仲舒恐久獲罪，以病免。凡相兩國，輒事驕王，正身率下，所居而治，及去位

歸居，終不問產業，以修學著書爲事，年老，以壽終於家。

只敍其一生德行學問，而集之矜重可見，其異於後人處在此。

【註釋】【清河廣川】清河，漢郡，治清陽，在今河北清河縣東。廣川，漢縣，屬清河郡，在今河北棗強縣東。

【春秋】孔子因魯史作春秋，漢初有公羊穀梁鄒氏夾氏之傳。仲舒傳公羊氏，著春秋繁露十七卷。

【博士】官名，漢初舉博士，以能治五經者充之。

【弟】傳以久次相授業。言輟韓相授，使新學者就其舊弟子受業也。

【孝武皇帝】名徹，景帝子，在位五十四年。

【賢良對策】武帝建元元年，詔舉賢良方正，直言極諫之士。仲舒對策稱旨，以為江都相。

【易王】名非，景帝第六子，由汝南徙封江都，江都，今江蘇江都縣。

【公孫弘】菑川薛人，少為吏，有罪免，年四十乃學春秋雜說，後位至三公。

【希世用事】觀察人主之意旨，而為可否也。

【膠西王】名端，景帝第七子。膠西，漢國，都高密，今山東高密縣。

【二千石】漢書百官表：郡守秩二千石。

孫子兵法序

孫子，名武，詳見王逸楚辭章句敍註。

魏武帝

姓曹，名操，字孟德，譙人。其父夏侯嵩，為宦官曹騰養子，因冒姓曹氏。少舉孝廉，為郎，起兵討董卓，擊黃巾，迎獻帝，都許，為大將軍，進位丞相，子丕篡漢，追尊為武帝。

操聞上古有弧矢之利，論語曰：『足食足兵，』尚書八政曰：師，易曰：『師貞，丈人吉，』詩曰：『王赫斯怒，爰整其旅，』黃帝湯武，咸用干戚，以濟世也。司馬法曰：『人故殺人，殺之可也。』恃武者滅，恃文者亡，夫差偃王是也。聖賢之于兵也，

序跋 董仲舒集敍 孫子兵法序

戰陣而時動，不得已而用之。吾觀兵書，戰策多矣，孫武所著深矣。

孫子者，齊人也，名武，爲吳王闔閭作兵法一十三篇，試之婦人，卒以爲將，西破強楚，入郢，北威齊晉。后通後百歲餘有孫臏，是武之后也。審計重舉，明畫深圖，不可相誣，而但世人未之深亮諒，訓說，況文煩富，行于世者，失其旨要，故撰爲略解焉。

淡淡著筆，渾樸處猶似西京。

【註釋】【弧矢】（易繫辭）弦木爲弧，剡木爲矢，弧矢之利，以威天下。【八政曰師】（書洪範）八政，八曰師。【師貞丈

人吉】見易師卦。言爲師之正，唯得嚴莊丈人，臨臨主領，乃得吉也。【王赫二句】見詩大雅。【黃帝三句】黃帝與炎帝

戰於阪泉之野，擒蚩尤於涿鹿。湯伐夏，武王伐紂，干盾也，威奔也。【司馬法】即司馬穰苴兵法。穰苴，齊之公族，爲大司馬，善用兵。

【人故殺人，殺之可也】（司馬法仁本篇）是故殺人安人，殺之可也。【夫差】吳王闔閭之子，好用兵，卒亡於越。【偃王】周

穆王時，徐子稱王，號爲偃王。（水經註）偃王治國，仁義著聞，欲舟行上國，乃導溝陳蔡之間，得朱弓矢，以得天瑞，自稱徐偃王。江淮諸侯

從者三十六國。周王聞之，遣使至楚，令伐之。偃王愛民不圖，卒爲楚敗。【兵法一十三篇】孫子所著一十三篇，謂始計、作戰、謀攻、軍

形、兵勢、虛實、軍爭、九變、行軍、地形、九地、火攻、用間是也。【試之婦人】（吳越春秋）吳王曰：「兵法寧可以小試耶？」孫子曰：「可小試

於後宮之女。王曰：「諾。」孫子曰：「得大王寵姬二人，以爲軍隊長。」各將一隊，令三百人皆披甲兜鍪，操劍盾而立，告以軍法。宮女皆笑。孫子令斬隊長二人。二隊寂然，無敢譖者。乃報吳王曰：「兵已整齊，願王觀之。」

【入郢】郢，楚都，今湖北江陵縣。周敬王十四年，吳入郢。

【北威齊晉】謂吳敗齊于艾陵，劫晉于黃池而長其盟。

【孫臏】見過秦論上。

【審計重舉】審，察計。算，鄭重舉事也。

【明畫深圖】計畫明白，圖謀深遠也。

【亮】信也。

自敘

魏文帝

見論辨

初平之元，董卓殺主，鳩后，蕩覆王室。是時四海，既困中平之政，兼惡卓之凶逆，家家思亂，人人自危。山東牧守，咸以春秋之義——衛人討州吁于濮——言人人皆得討賊，于是大興義兵，名豪大俠，富室強族，飄揚雲會，萬里相赴。兗豫之師，戰于滎陽；河內之甲，軍于孟津。卓遂遷大駕，西都長安。而山東大者連郡國，中者嬰城邑，小者聚阡陌，以還相吞併。會黃巾盛于海獄，山寇暴于并冀，乘勝轉攻，席卷而南，鄉邑望烟而奔，城郭覩塵而潰，百姓死亡，暴骨如莽。余時年五歲，上

以四方擾亂，教余學射，六歲而知射；又教余騎馬，八歲而能騎射矣。以時之多難，故每征，余常從。建安初，上南征荊州，至宛，馬音張繡降，旬日而反。亡兄孝廉子修，從兄安民遇害，時余年十歲，乘馬得脫。

夫文武之道，各隨時而用。生于中平之季，長于戎旅之間，是以少好弓馬，于今不衰，逐禽輒十里，馳射常百步，日多體健，心每不厭。建安十年，始定冀州，滅穢。猶陌貢良弓，燕代獻名馬。時歲之暮春，句芒司節，和風扇物，弓燥手柔，草淺獸肥。與族兄子丹，獵于鄴西，終日，手獲章鹿九，雉兔三十。後軍南征，次曲蠡，尙書令荀彧都奉使犒軍，見余談論之末，彧言：『聞君善左右射，此實難能。』余言：『執事未覩，夫項發口縱，俯馬蹄而仰月支也。』彧喜，笑曰：『乃爾！』余曰：『埒有常徑的，有常所，雖每發輒中，非至妙也。若夫馳平原，赴豐草，要碎平狡獸，截輕禽，使弓不虛彎，所中必洞，斯則妙矣。』

時軍祭酒張京在坐，顧彧拊手曰：『善！』余又學擊劍，閱師多矣，四方之法

各異，唯京師爲善。桓靈之間，有虎賁奔王越，善斯術，稱于京師。河南史阿言：『昔與越遊，具得其法。』余從阿學之精熟，嘗與平虜將軍劉勳，奮威將軍鄧展等共飲。宿聞展善有手臂，曉五兵，又稱其能空手入白刃。余與論劍良久，謂言將軍法，非也。余顧嘗好之，又得善術，因求與余對。時酒酣耳熱，方食甘蔗，便以爲杖，下殿數交，二中其臂，左右大笑。展意不平，求更爲之。余言：『吾法急屬，難相中面，故齊臂耳！』展言：『願復一交。』余知其欲突以取交中也，因僞深進。展果尋前，余卻脚勤，正截其額，坐中驚視。余還坐，笑曰：『昔陽慶使淳于意去其故方，更授以祕術，今余亦願鄧將軍捐棄故伎，更受要道也。』一坐盡歡。

夫事不可自謂己長，余少曉持複，自謂無對，俗名雙戟爲坐鐵室，鑲楯爲蔽木戶，後從陳國袁敏學，以單攻複，每爲若神。對家不知所出，告曰：『若逢敏于狹路，直決耳！』

余于他戲弄之事少所喜，唯彈碁略盡其巧，少爲之賦。昔京師先工有馬合

鄉侯、東方安世、張公子，常恨不得與彼數子者對。

上雅好詩書文籍，雖在軍旅，手不釋卷；每定省從容，常言：『人少好學，則思專；長則善忘。長大而能勤學者，唯吾與袁伯業耳！』余是以少誦詩論，及長而備歷五經、四部、史、漢，諸子百家之言，靡不畢覽；所著書論詩賦，凡六十篇。至若智而能愚，勇而能怯，仁以接物，恕以及下，以付後之良史。

一味矜才使氣，却非妄炫己長，妙在修詞飾句，以恬適出之，神韻不匱，亦復何讓陳思。

【註釋】【初平】漢獻帝年號。元、元年也。【董卓殺主鳩君】董卓，字仲穎，隴西臨洮人。獻帝時，為太師，尊殺少帝，鳩何太后。

後司徒王允，與呂布密謀誘卓殺之。【中平】漢靈帝年號。【牧守】州牧郡守。【衛人討州吁于濮兩句】濮，在曹衛之間，今山東濮縣，州吁為衛莊公庶子，弑其兄桓公自立。衛人殺之。公羊傳：衛人討州吁於濮，其稱人何？討賊之辭。【註】明國中人人得

討之。【兗豫】兗，今山東西境，及河南東北境，魏、今河南東南境，及安徽淮水以北地。時兗州刺史孔伉，豫州刺史劉岱，率師討卓。

【滎陽】故城在今河南滎澤縣西南，事詳魏武帝讓自明本志令汴水之戰註。【河內】今河南河北道。時河內太守王匡，率師

討卓。【孟津】今河南孟津縣東。【遷大駕】初平元年三月，董卓劫獻帝，遷都長安。【長安】今陝西長安縣西北。今改稱西安。

【嬰】纒也。後漢卓茂傳：嬰城者相望。【黃巾】靈帝時，鉅鹿張角，以符水呪祝療病，號太平道，遺弟子，轉相誑惑，衆至數十萬，起而爲亂，皆著黃巾。皇甫嵩討平之。【海嶽】東海與泰山之間。【山寇】謂東郡白鵠，武陽子毒，眭固之類。【并翼】并，今山西省，冀，今河北保定以南地。【建安】獻帝東遷安邑，改元建安。【上南征荊州】指武帝南下討劉表事。荊州，見魏武帝讓縣自明本志令註。【苑】今河南南陽縣。【張纒】武威祖厲人，張濟族子。【子修】名昂。【始定冀州】三國魏志：建安十年春正月，攻冀，破之。冀州平。【濊貊】三國志東夷傳：濊南與辰韓，北與高句麗沃沮接，東窮大海，今朝鮮之東皆其地。後漢東夷傳：句驪別種曰小水貊，出好弓，所謂貊弓是也。【燕代】產馬。燕，今河北北部。代，今山西北部地。【句芒】司木運之神。禮月令：其神句芒。【子丹】曹真字，文帝從兄。【鄴西】鄴，今河南臨漳縣西南。【麀】似小鹿而美。【曲蠶】今河南臨潁縣西北，魏文帝受禪處，後改繁昌縣。【尚書令】官名，主尚書曹奏下衆事。【荀彧】潁川人，字文若，曹操以爲奮武司馬，董昭勸操進爵總公，彧以爲不宜，操不平，饋以空器，飲藥死。【項發口縱】言馬解人意也。【馬蹄月支】文選：駘白馬賦：經玄蹄而電散，歷素支而冰烈。註：玄蹄，馬蹄。素支，月支也。皆射帖名也。鄆郡淳陵經：馬射左邊爲月支，二枚。馬蹄，三枚也。【埽】畫界分程曰埽。【的】射侯之中。【軍祭酒】張京，古時饗燕，必尊長先用酒以祭，故商德冠同列者曰祭酒，後因以爲官名。按：京必爲軍中功高爵尊之人。【桓靈】漢桓帝名志，靈帝名宏。【虎賁】周官名，屬夏官，漢置虎賁中郎將，領虎賁郎。【五兵】刀、劍、矛、戟、矢。【急屬】猶言急促也。【卻脚勦】卻，退也。勦，力拒也。【額】額也。【陽慶使淳于意二句】淳于意，臨淄人，爲齊太倉長，故得倉公。其師公乘陽慶傳以禁方及脈書，遂精於醫。【持複】謂執雙兵也，卽雙戟鉞楯之類。【坐鐵室蔽木戶】言其難攻也。【袁敏】三國志：袁敏，陳郡扶樂人。漢從弟，有武藝，而好水功，官至河隄謁者。【直決耳】決，絕也。言汝若遇袁敏，直欲絕命耳。

序跋 自敘 畫贊序

【彈棊】局戲也。沈存中云：「彈棊有譜一卷，其局方二尺，中心高如覆盃，其額爲小壺，四角微起。」白樂天詩：「彈棊局上事，最妙是長斜。」謂抹角斜彈，一盤過半局。按：與今之打彈略相似。【馬合鄉侯等】無攷。【定省】（禮曲禮）凡爲人子者，昏定而晨省。【袁伯業】（三國志）袁遺，字伯業，紹從兄，爲長安令。河間張起稱有冠世之德，幹時之量也。

畫贊序

曹植

見論辨

蓋畫者，鳥書之流也。

昔明德馬后美於色，厚於德，帝用嘉之，嘗從觀畫，過虞舜廟，見娥皇女英，帝指之戲后曰：「恨不得如此人爲妃。」又前見陶唐之像，后指堯曰：「嗟乎！羣臣百寮，恨不得戴君如是。」帝顧而笑，故夫畫所見多矣。著墨不多，含蓄而有餘致。

【註釋】【鳥書】上古書仿鳥跡，畫亦由此起。【馬后】漢明帝后，馬援女，史稱其賢。【帝】謂明帝。【娥皇女英】舜妃，堯二女也。（書歸典）帝降二女於媯，媯子虞。【故夫畫所見多矣】謂觀畫而聞善言，其得於畫者多矣。

奏議

諫逐客書

李斯，爲秦客卿，會韓人鄭國來間秦，以作注溉渠；已而覺，秦宗室大臣皆言秦王曰：『諸侯人來事秦者，大抵

爲其主游間於秦耳，請一切逐客。』李斯議亦在逐中，斯乃上書。

李斯

楚之上蔡人，從荀卿學帝王之術，西說秦，秦以爲客卿。始皇定天下，斯爲丞相。定郡縣制，下禁書令，燬君諱籍

文爲小篆。二世時，趙高誣斯子李由與盜通，腰斬咸陽市。

臣聞吏議逐客，竊以爲過矣。

昔穆公求士，西取由余於戎，東得百里奚於宛，迎蹇叔於宋，求丕豹、公孫支於晉；此五子者，不產於秦，而穆公用之，并國二十，遂霸西戎。孝公用商鞅之法，移風易俗，民以殷盛，國以富彊，百姓樂用，諸侯親服，獲楚魏之師，舉地千里，至今治彊。惠王用張儀之計，拔三川之地，西并巴蜀，北收上郡，南取漢中，包九夷，制鄢郢，東據成皋之險，割膏腴之壤，遂散六國之從，同使之西面事秦，功施到今。昭王得

范雎：廢穰侯，逐華陽，強公室，杜私門，蠶食諸侯，使秦成帝業。此四君者，皆以客之功。由此觀之，客何負於秦哉！向使四君卻客而不內，納同疎士而不與，是使國無富利之實，而秦無強大之名也。

今陛下致崑山之玉，有隨和之寶，垂明月之珠，服太阿於何切下同之劍，乘織離之馬，建翠鳳之旗，樹靈鼉駝之鼓。此數寶者，秦不生一焉，而陛下說下同悅之，何也？必秦國之所生，然後可；則是夜光之璧，不飾朝廷；犀象之器，不爲玩好；鄭衛之女，不充後宮；而駿馬馱馱，騃題，不實外廄；江南金錫不爲用，西蜀丹青不爲采。所以飾後宮，充下陳，娛心意，說耳目者，必出於秦，然後可；則是宛珠之簪，傅璣之珥，阿綯果之衣，錦繡之飾，不進於前；而隨俗雅化，佳冶窈窕，趙女不立於側也。夫擊甕叩缶，彈箏搏髀，俾而歌呼鳴鳴，快耳者，真秦之聲也；鄭衛桑間，韶虞舞象者，異國之樂也。今棄擊甕而就鄭衛，退彈箏而取韶虞，若是者，何也？快意當前，適觀而已矣。今取人則不然，不問可否，不論曲直，非秦者去，爲客者逐。然則是所重者在乎色

樂珠玉，而所輕者在乎人民也，此非所以跨海內致諸侯之術也。

臣聞地廣者粟多，國大者人衆，兵強者士勇。是以泰山不讓土壤，故能成其大；河海不擇細流，故能就其深；王者不卻衆庶，故能明其德。是以地無四方，民無異國，四時充美，鬼神降福，此五帝三王之所以無敵也。今乃棄黔首以資敵國，卻賓客以業諸侯，使天下之士退而不敢西向，裹足不入秦，此所謂藉寇兵而齎敵盜糧者也。夫物不產於秦，可寶者多；士不產於秦，而願忠者衆。今逐客以資敵國，損民以益讐，內自虛而外樹怨於諸侯，求國無危，不可得也。

歷言客卿之益，已自動聽，又就人物比較，層層駁詰，辨才無兩，自是戰國策士遺風。

【註釋】【穆公】名任好，爲春秋五霸之一。【由余】其先晉人，亡入戎，戎王使由余於秦，穆公用之，國以富強。【百里奚】

虞人，晉滅虞，以奚媵秦穆姬，既而亡秦走宛，楚鄙人執之。穆公以五羖羊皮贖之，與語，大說，授之國政，號曰五羖大夫。【宛】今河南

南陽縣。【蹇叔】岐州人。時游於宋，百里奚荐之於穆公。【宋】今河南商邱等地。【平豹公孫支】平豹，平繆子。繆見殺，豹

自晉奔秦。公孫支，即子桑，岐州人，游晉，後歸秦。【孝公商鞅惠王】並見賈誼過秦論上註。【用張儀計拔三川并巴

【蜀】惠王時，張儀爲相，請伐韓，下兵三川。司馬錯請伐蜀，因而滅蜀。儀死後，武王令甘茂拔宜陽。今並云張儀者，以儀爲秦相，故皆歸功焉。

【北收上郡】惠王十年，魏納上郡十五縣，今陝西榆林等地。

【南取漢中】惠王十三年，攻楚漢中，取地六百里。

【包九夷制鄢郢】九夷，卽九種之夷，屬楚者。鄢，今湖北江陵縣。郢，今湖北宜城縣。

【成臯】今河南汜水縣。

【昭王】名稷，武王薨，異母弟也。

【范雎穰侯華陽】范雎，魏人，字叔，穰侯，姓魏，名冉。秦昭王母宣太后弟。華陽，在鄭州管城縣。南，宣太后同父弟。華戎爲華陽君。昭王用范雎，逐穰侯華陽君於關外。

【崑山】卽崑崙山。

【隨和之寶】說苑：昔隨侯行，遇大蛇中斷，使人以藥封之，蛇乃能去，因號其處爲斷蛇丘。歲餘，蛇銜明珠以報，因號隨珠。和，卽其璧，始皇以爲傳國璽。

【明月珠】夜光珠也。

【太阿】韓國之劍名。

【織離】駿馬名。

【翠鳳旗】以翠羽爲鳳形而飾旗也。

【靈鼙鼓】月令鄭玄注：鼙皮可以爲鼓。

【馱騾】良馬也。

【下陳】後列也。

【宛珠之簪】宛地之珠，用以飾簪。

【傅璣之珥】璣，小珠也。珥，塞耳之玉。傅，附也。以璣附著於珥也。

【阿綺】齊之東阿縣出綺帛。

【窈窕】善心爲窈，善容爲窕。

【缶】瓦器。

【箏】制如瑟，蒙恬所造。

【鞀】鼓也。

【鄭衛】（樂記）鄭音好濫淫志，衛音促數煩志。

【桑間】濮水之上，地名桑間，在今濮陽南。射使師延作靡靡之樂。後晉師涓夜過此，聞水中作樂，聽而寫焉，爲晉平公奏之。師曠曰：此亡國之音也。

【韶虞舞象】韶，舜樂。舞象，文王時有擊刺之法，武王作樂，象而爲舞。

【齋】持齋也。

論守邊備塞書

鼂錯

漢涿川人，學申商刑名，爲人峭直深刻，以文學爲太常掌故。文帝遣受尚書於伏生，遷太子家令，號曰「智」。

廢。景帝時，遷御史大夫，請削諸侯封地，吳楚七國遂反，藉口誅諸帝，帝卒用袁盎之策，給諸獄行東市，殺之。

臣聞秦時北攻胡貉，築塞河上，南攻揚粵，置戍卒焉。其起兵而攻胡粵者，非以衛邊地而救民死也，貪戾而欲廣大也，故功未立而天下亂。

且夫起兵而不知其勢，戰則爲人禽，屯則卒積死，夫胡貉之地，積陰之處也；木皮三寸，冰厚六尺，食肉而飲酪，其人密理，鳥獸毳毛，其性能寒。揚粵之地，少陰多陽，其人疏理，鳥獸希毛，其性能暑。秦之戍卒不能其水土，戍者死於邊，輸者償於道。秦民見行，如往棄市，因以謫發之，名曰「謫戍」。先發吏有謫及贅壻賈人，後以嘗有市籍者，又後以大父母父母嘗有市籍者，後入閭取其左。發之不順行者，深恐有背叛之心，凡民守戰至死而不降北者，以計爲之也。故戰勝守固，則有拜爵之賞；攻城屠邑，則得其財鹵以富家室，故能使其衆蒙矢石，赴湯火，視死如生。今秦之發卒也，有萬死之害，而亡下同銖兩之報，死事之後，不得一算之復。天下明知禍烈及己也。陳勝行戍，至於大澤，爲天下先倡，天下從

之如流水者，秦以威劫而行之之敝也。

胡人衣食之業，不著於地，其勢易以擾亂邊境，何以明之？胡人食肉飲酪，衣皮毛，非有城郭田宅之歸，居如飛鳥走獸，於廣野美草甘水則止，草盡水竭則移。以是觀之，往來轉徙，時至時去，此胡人之生業，而中國之所以離南_詠也。今使胡人數處轉牧，行獵於塞下，或當燕代，或當上郡北地隴西，以候備塞之卒。卒少則入，入不救，則邊民絕望而有降敵之心。救之少發，則不足；多發，遠縣纔至，則胡又已去。聚而不罷，爲費甚大；罷之，則胡復入。如此連年，則中國貧苦，而民不安矣。

陛下幸憂邊境，遣將吏發卒以治塞，甚大惠也。然令遠方之卒守塞，一歲而更，不知胡人之能。不如選常居者，家室田作，且以備之，以便爲之高城深塹，具藺_苜石，布渠答，復爲一城。其城內間百五十步要害之處，通川之道，調立城邑，毋下千家，爲中周虎落，先爲室屋，具田器，迺募罪人及免徒，復作令居之。不足，募以丁奴婢贖罪及輸奴婢，欲以拜爵者，不足，乃募民之欲往者，皆賜高爵，復其家，予冬

夏衣廩食，能自給而止。郡縣之民，得買其爵以自增至卿，其亡夫若妻者，縣官買予之。——人情非有匹敵，不能久安其處。塞下之民，祿利不厚，不可使久居危難之地。胡人入驅而能止其所驅者，以其半予之，縣官爲贖其民。如是，則邑里相救助，赴胡不避死，非以德上也，欲全親戚而利其財也。此與東方之戍卒不習地勢，而心畏胡者，功相萬也。

以陛下之時，徙民實邊，使遠方亡屯戍之事，塞下之民，父子相保，亡係虜之患；利施後世，名稱聖明，其與秦之行怨民，相去遠矣。

徙民實邊，自是善法，說來利害分明，不愧「智囊」。

【註釋】【北攻胡貉】指始皇三十二年使將軍蒙恬伐匈奴事。【築塞河上】指築長城。【揚粵】一作揚越，卽百越。始

皇三十三年，略取南越地，置桂林、南海、象郡。【置戍】秦始皇三十三年，置三郡，以謫徙民五十萬人，戍五嶺。【略】乳漿也。

【密理】秦理緹密也。【毳毛】周禮天官掌皮，共其毳毛，爲毼以待邦事。（註）毳毛，毛細絳者。【債】仆也。【棄市】（禮

王制）刑人於市，與衆棄之。【謫】同謫。（通俗文）罰罪曰謫。【贅壻】招致於家，壻比於子，如人之有疣贅，古時賤之。【市

籍】市上商賈姓名之簿也。古時賤商賈。（漢書食貨志）諸買人未作，貨貨賣買，居邑貯積諸物，及商以取利者，雖無市籍，各以其物

自占，率緡錢二千而算一。【入閭取其左】漢書食貨志發閭左之戍。師古曰：閭，里門也。言居在里門之左者，一切發之。【發之不順行者四句】言不以其道遣發，則民易生背叛，其守戰至死者，乃上之以計籠絡之也。【財鹵】漢書衛青傳：車輦

畜產，畢收爲鹵。按：財鹵指掠奪之物而言。【銖兩】十黍爲銖，十銖爲兩。文六銖爲鎰，二十四銖爲兩。【一算之復】復，除也。

漢制：民年十五以上至六十五，出賦錢，人百二十爲一算。此言家有死事之人，餘仍不得除一算也。【陳涉】見賈誼過秦論上。

【大澤】見過秦論中。【離南隲】言勞於滯發，不得耕種也。【燕代】見魏文帝自敘。【北地】今甘肅。【隴西】今甘肅。

【斷】坑也。【蘭石】城上雷石也。【渠答】鐵蒺藜也。【中周虎落】言千家之中，四周以竹箠相連，遮護之也。【復其

家】除其一家之役也。【免徒復作合居之】張晏曰：有罪自首，除罪定輸作者也。復作，如徒也。賈曰：罪人遇赦復作爲其

日月者，今皆除其罰，令居之也。按：贖設爲是。【自增至卿】朝位從卿而無職也。【胡人入驅三句】按：漢書趙主傳：以

縣官爲斷，斷句。桐城姚氏曰：『能奪還胡所驅略者，以半入官，以半予能奪還者。然畜產器物則遂予之，若內有人民，官又當以財贖之，

不便竟爲奴，又不使奪還者失利也。』【行怨民】言發怨恨之人，使行戍役也。

聞樂對

武帝初即位，大臣懲吳楚七國行事，力裁抑諸侯王。建元三年，中山王勝與代王登、長沙王發、濟川王明來朝，武帝

置酒，勝聞樂罷而泣。問其故，以此爲對。

中山靖王

漢景帝之子。

臣聞：悲者不可爲案，古果歆，希思者不可爲歎息。故高漸離擊筑易水之上，荆軻爲之低而不食；雍門子壹微吟，孟嘗君爲之於烏邑。今臣心結日久，每聞幼要眇妙之聲，不知涕泣之橫集也。

夫衆煦翊漂山，聚蟲字古欬成雷同，朋黨執虎，十夫撓闕椎。是以文王拘於牖里，孔子阨於陳蔡，此乃烝庶之成風，增積之生害也。臣身遠與寡，莫爲之先，衆口鑠金，積毀銷骨，叢輕折軸，羽翮核音飛肉，紛驚逢羅，潛翊然出涕。

臣聞白日曬光，幽隱皆照；明月耀夜，蟲蠃盲宵見。現音然雲蒸列布，杳冥晝昏，塵埃拂綿覆，昧不見泰山，何則？物有蔽之也。今臣雍通闕退不得聞，讒言之徒讒同生，道遼路遠，曾莫爲臣聞，臣竊自悲也。

臣聞社籙癸不灌，屋鼠不熏，何則？所託者然也。臣雖薄也，得蒙肺附，位雖卑也，得爲東藩，屬又稱兄。今羣臣非有嘉葭孚李孚之親，鴻毛之重，羣居黨議，朋友相爲。使夫宗室擯卻，骨肉冰釋，斯伯奇所以流離，比干所以橫去分也。詩云：『我心

憂傷，怒調焉如擣倒。『假寐永歎，惟憂用老。』『心之憂矣，疢丑切如疾首。』
臣之謂也。

字耶淚耶，摯切處勝於陳思求親親表。

【註釋】【案】重也。【高漸離擊筑易水之上】筑，似琴，有弦，用竹擊之。易水，在今河北易縣。荆軻將入秦刺始皇，燕太子

丹及賓客知事者，皆白衣冠送之，至易水之上。既祖取道，高漸離擊筑，荆軻和而歌，為變徵之聲，士皆垂淚涕泣。【雍門子壹微

吟】雍門子，名周，齊之賢人，居雍門，因以為號。嘗見孟嘗君，孟嘗君曰：『先生鼓琴，亦能令文悲乎？』雍門子周曰：『因秦者君

也，伐楚者又君也。楚王秦帝，必報讎於薛，千秋萬歲之後，願堂必不血食矣。高臺既以壞，墳墓既以下，嬰兒暨子，踰躅其足而歌其上。衆

人見之，無不愀焉為足下悲之。』夫以孟嘗君尊貴，乃可使若此乎？於是孟嘗君泫然泣涕承睫而未頽。雍門子周引琴而歌之，徐

動宮徵，微揮羽角，孟嘗君涕淚汗增欬而就之曰：『先生鼓琴，令文若破國亡邑之人也。』【幼眇】精微也。【衆煦漂山】煦，吐沫

也。漂，動也。言山雖固而衆人之吐沫，足以流動之也。【聚蠱成雷】言衆蚊飛聲有若雷也。【橈】曲也。【文王拘於牖里】紂

以西伯昌九侯鄂侯為三公，九侯有好女，入之紂。女不慈淫，紂怒殺之，而隨九侯。鄂侯爭之，強辨之疾，并脯鄂侯。西伯昌聞之，竊歎，紂囚

之於牖里。今河南湯陰縣北有牖城，即其地。【孔子阨於陳蔡】史記孔子世家：孔子在陳蔡之間，楚使人聘孔子，孔子將往，辟

也。陳蔡大夫諱曰：『楚，大國也，來聘孔子，用於楚，則陳蔡用事大夫危矣。』於是乃相與發徒役圍孔子於野，不得行。【身遠與寡莫

爲之先」身遺者，去帝京遠，與寡者，少黨與也。先，謂素爲延譽也。【衆口鑠金】（風俗通）或說，有美金於此，衆人或共詆訕，言其不純金。資者欲其必信，因取鍛鑠，以見其真，是爲衆口鑠金。【積毀銷骨】言讒人積久譏毀，則父兄自相誅戮，骨肉爲之消滅也。【叢脛折軸】言輜物以多載而車軸折。【羽翮飛肉】言禽鳥以多羽而肉體舉。【紛驚逢羅】言皆紛然恐觸法網也。【掩】布散也。【雍闕】雍，塞也。闕，止也。【蓋】衆多也。【遠】遠也。【曾莫爲臣聞】言無人爲代明之。【社鷄二句】鷄，小鼠也。言社鷄，鷄屋鼠，恐涉及社，焚及屋也。【肺附】肝肺相附著也。（漢書劉向傳）臣幸得託肺腑。【得爲東藩】中山國都，爲今河北定縣，在長安東，故曰東藩。【葭葦之親】葭，蘆也。葦，蘆中薄膜，即用爲笛膜者，此言至薄之親也。【鴻毛之重】此喻其所託者輕也。【羣居黨議朋友相爲】爲，猶助也。言衆口街毀，絕無社鷄屋鼠之顧忌。【伯奇所以流離】（琴操）風霜操，吉甫之子伯奇所作也。伯奇無罪，爲後母讒而見逐，于是操琴鼓之而作此操。【比干所以橫分】比干，見王逸楚辭章句。橫分，謂剖心也。【我心愛傷六句】見（詩小雅）想，思也。擗，春也。不脫衣冠而擗曰假寐。永，長也。疚，病也。

粵有三仁對

（粵）通處。

董仲舒

見序跋蔡思文。

江都王問仲舒曰：「越王句踐與大夫泄諱庸種、蠡謀伐吳，遂滅之。孔子稱殷有三仁，寡人亦以爲粵通有三仁。桓公決疑于管仲，寡人決疑于君。」

奏議 粵有三仁對

六九

仲舒對曰：「臣愚不足以奉大對。聞昔者魯君問柳下惠：『我欲伐齊，何如？』柳下惠曰：『不可。』歸而有憂色，曰：『吾聞伐國不問仁人，此言何爲至于我哉？』徒見問爾，猶且羞之；況設詐以伐吳乎？由此言之，粵本無一仁。』

『夫仁人者，正其誼下同，不謀其利，明其道，不計其功。是以仲尼之門，五尺之童，羞稱五伯去聲下同，爲其先詐力而後仁誼也。苟爲詐而已，故不足稱于大君子之門也。五伯比於他諸侯爲賢，其比三王，猶武同夫同之與美玉也。』

問奇而對以正，江都自不失其所學。

【註釋】江都王見蔡邕董仲舒集序

【越王句踐】允當子。其先爲少康庶子，封於會稽，以奉禹祀。

【泄庸】越臣。

【種】文種，字子禽，越大夫。吳王夫差，敗越兵於夫椒，越王句踐使種行成於吳。句踐既歸國，屬政於種。及滅吳後，范蠡遣種書，勸之行。

種稱疾不朝。或謂種將作亂，越王乃賜種劍，遂自殺。

【蠡】范蠡，見賈誼過秦論上陶朱註。

【孔子稱殷有三仁】（論語）微子

步之，箕子爲之奴，比干諫而死。孔子曰：『殷有三仁焉。』

【大對】謂對大問也。

【柳下惠】魯大夫展禽，——柳下，其采色；惠，其

隘也。【武夫】石之似玉者。

諫獵疏

（漢書司馬相如傳）是時天子方好自擊熊豕，馳逐麋鹿。相如因上疏諫。

司馬相如

見論辨

臣聞物有同類而殊能者，故力稱烏獲，捷言慶忌，勇期贛奔育。臣之愚，竊以爲人誠有之，獸亦宜然。

今陛下好陵阻險，射擊入猛獸，卒同然遇軼材之獸，駭不存之地，犯屬車之清塵；輿不及還旋，輶人不暇施巧。雖有烏獲逢龐蒙之技力，不得用，枯木朽株，盡爲難矣。是胡越起於轂下，而羌夷接軫也，豈不殆哉！雖萬全無患，然本非天子之所宜近也。

且夫清道而後行，中路而後馳，猶時有銜檄厥之變；而況涉乎蓬蒿，馳乎邱墳，前有利獸之樂，而內無存變之意，其爲害也不難矣。夫輕萬乘之重，不以爲安樂，出萬有一危之地以爲娛，臣竊爲陛下不取。蓋明者遠見於未萌，而智者避危

於無形；禍固多藏於隱微，而發於人之所忽者也。故鄙諺曰：『家累千金，坐不垂
同堂。』此言雖小，可以喻大。

一氣貫注，章法渾成，無起伏照應痕跡，斯為高古絕倫。

【註釋】【烏獲】秦武王時力士。【慶忌】吳王僚之子。射之矢滿把不能中，鬪馬追不能及也。【賁育】孟賁夏育，皆古之勇士。【卒然】急遽貌。【不存】存，察也，省也，下存變之存同。【屬車】從車也。漢書音義：大駕屬車八十一乘。【逢蒙】古之善射者。吳越春秋：陳音曰：『黃帝作弓，後有楚狐父以道傳羿，羿傳逢蒙。』【胡越】胡謂匈奴，居今蒙古境。越謂南越閩越，今兩廣福建等地。【轂】輻所輳處。【羌夷】先零等是，居今青海境。【軫】車後橫木。【銜檝之變】銜，馬勒也。檝，車之鉤心也。銜檝之變，言馬勒或斷，鉤心或出，則致傾敗以傷人也。【陞】蔡邕獨斷：天子必有近臣，執兵立於陞側，以戒不虞。羣臣與天子言，不敢指斥，故呼在陞下者而告之，因卑達尊之意。

上武帝書

東方朔 見論辨

臣朔，少失父母，長養兄嫂。年十二學書，三冬文史足用；十五學擊劍；十六學
詩書，誦二十二萬言；十九學孫吳兵法，——戰陣之具，鉦鼓之教，亦誦二十二

萬言。——凡臣朔固已誦四十四萬言。又常服子路之言。臣朔年二十二，長九尺三寸，目若懸珠，齒若編貝，勇若孟賁，莽捷若慶忌，廉若鮑叔，信若尾生；若此，可以爲天子大臣矣。——臣朔昧死再拜以聞。

似自撰小傳，無一閒字贅句，雖近銜鬻，實則稱情而道，一絲不溢。

【註釋】【文史作用】言文史之事，足可用也。【孫吳兵法】孫，即孫武；吳，即吳起。俱善用兵，著有兵法行世。【鉦鼓】所

以爲進退士衆之節也，故言兵事者，往往稱鉦鼓。【又常服子路之言】子路無宿諾。【孟賁慶忌】並見上篇。【鮑叔】

即鮑叔牙，齊大夫，與管仲相友善。公子糾死，因薦管仲於齊桓公，以爲相。管仲嘗曰：『吾嘗與鮑叔買，分財利，多自與，鮑叔不以我爲貪，

知我貧也。』【尾生】古之信士，嘗與女子期於梁下。女子不來，水至不去，抱梁柱而死。

言世務書

嚴安

漢臨淄人，武帝朝，以故丞相史上書，召見，拜郎中，後爲騎馬令。

臣聞鄒衍曰：『政教文質者，所以云救也。當時則用，過則舍之，有易則易之。』故守一而不變者，未睹治之至也。今天下人民，用財侈靡，車馬衣裳宮室，皆競修

奏議 上武帝書 言世務書

節，調五聲使有節族，奏雜五色使有文章，重五味方丈於前以觀欲天下。彼民之情，見美則願之，是教民以侈也。侈而無節，則不可贍，民離本而徼聲平末矣。末不可徒得，故搢紳者不憚爲詐，帶劍者夸殺人以矯奪，而世不知媿，故奸軌究通浸長。夫佳麗珍怪，固順於耳目，故養失而泰，樂失而淫，禮失而采，教失而僞。僞采淫泰，非所以範民之道也。是以天下人民，逐利無已，犯法者衆。臣願爲民制度，以防其淫，使貧富不相耀以和其心。心旣和平，其性恬安，恬安不營，則盜賊銷；盜賊銷，則刑罰少；刑罰少，則陰陽和，四時正，風雨時，草木暢茂，五穀蕃孰，熟同六畜遂字，民不夭厲，和之至也。

臣聞周有天下，其治三百餘歲，成康其隆也，刑錯四十餘年而不用；及其衰，亦三百餘年，故五伯聲去更起。五伯者，常佐天子興利除害，誅暴禁邪，匡正海內，以尊天子。五伯旣沒，賢聖莫續，天子孤弱，號令不行，諸侯恣行，強陵弱，衆暴寡——田常篡齊，六卿分晉，並爲戰國，此民之始苦也。於是強國務攻，弱國修守，合從縱同

連衡，通馳車轂擊，介胄生蟻蝨，民無所告愬。及至秦王，蠶食天下，并吞戰國，稱號皇帝，一海內之政，壞諸侯之城，銷其兵，鑄以爲鍾虡，巨示不復用。元元黎民，得免於戰國，逢明天子，人人自以爲更生。鄉同使秦緩刑罰，薄賦斂，省徭役，貴仁義，賤權利，上篤厚，下佞巧，變風易俗，化於海內，則世世必安矣。

秦不行是風，循其故俗，爲知去聲巧權利者進，篤厚忠正者退，法嚴令苛，調同諛者衆，日聞其美，意廣心逸，欲威海外，使蒙恬將兵以北攻強胡，辟同地進境，戍於北河，飛芻輓粟，以隨其後；又使尉屠睢將樓船之士攻越，使監祿鑿渠運糧，深入越地。越人遁逃，曠日持久，糧食乏絕。越人擊之，秦兵大敗。秦乃使尉佗將卒以戍越。當是時，秦禍北搆於胡，南挂於越，宿兵於無用之地，進而不得退，行十餘年，丁男被甲，丁女轉輸，苦不聊生，自經於道樹，死者相望。及秦皇帝崩，天下大叛。陳勝吳廣舉陳，武臣張耳舉趙，項梁舉吳，田儋舉齊，景駒舉郢，周市舉魏，韓廣舉燕，窮山通谷，豪士並起，不可勝載也。然本皆非公侯之後，非長官之吏，無尺寸之勢，

起閭巷，杖棘_同矜，應時而動，不謀而俱起，不約而同會，壤長_上地進，至乎伯王時，教使然也。秦貴爲天子，富有天下，滅世絕祀，窮兵之禍也。故周失之弱，秦失之強，不變之患也。

今徇南夷，朝夜郎，降羌_句，略_穢巖州，建城邑，深入匈奴，燔_煇其龍城，議者美之。此人臣之利，非天下之長策也。今中國無狗吠之警，而外累於遠方之備，靡敝國家，非所以子民也。行無窮之欲，甘心快意，結怨於匈奴，非所以安邊也。禍挈_如而不解，兵休而復起，近者愁苦，遠者驚駭，非所以持久也。今天下鍛甲摩劍，矯箭控弦，轉輸軍糧，未見休時，此天下所共憂也。夫兵久而變起，事煩而慮生。今外郡之地，或幾千里，列城數十，形束壤制，帶脅諸侯，非宗室之利也。上觀齊晉所以亡，公室卑削，六卿太盛也；下覽秦之所以滅，刑嚴文刻，欲大無窮也。今郡守之權，非特六卿之重也；地幾千里，非特閭巷之資也；甲兵器械，非特棘矜之用也；以逢萬世之變，則不可勝諱也。

道出周弱秦強之故，而以守一不變爲非治策，其意在止窮兵黷武之禍，而極迫切處，卻說得極宛轉，對待英主，自宜如是。

【註釋】【鄉衍】見王逸楚辭章句。【救】救弊也。【節族】節，止也。族，進也。【觀欲天下】觀，猶顯也。顯示之使其甚欲也。【徵】求也。【夸】競也。【姦軌浸長】亂在外爲姦，在內爲軌。浸，漸也。【遂字】字，生也。【成康】成王，諡王。康王，諡王。劍。

【五伯】見鄭玄詩譜。【五霸】見田常。【陳恆】陳，前公者。【六卿】見曹植耕田說齊之諸田註。【合從連衡】見賈誼

過秦論上。【馳車穀擊】軍穀相擊，言其衆多也。【介冑生蟻】言兵革不休也。【虜】虜，懸鐘具。【元元】見過秦論

中。【蒙恬】見過秦論上。【尉屠睢監祿】尉，監皆官名。秦分天下爲三十六郡，郡置守尉監。屠，姓。睢，皆人名。淮南王諫伐閩

越書，亦曾引之。【尉佗】見書嶺小傳。【陳勝吳廣】陳勝，詳見過秦論上。吳廣，字叔，陽夏人。二世元年七月，與陳勝同

舉兵。【舉】謂起兵也。【武臣】陳涉自立爲王，以武臣爲將軍，北略趙地，號爲武信君，下趙十餘城。【張耳】大梁人，少

時嘗亡命游外黃，外黃富人嫁以女，乃宦魏爲外黃令。秦滅魏，購求張耳千金，乃變姓名之陳，爲里門監。陳涉起，至入陳，聞張耳賢，見

即大喜，以耳爲校尉，與武臣略趙地。【項梁】楚名將項燕子，嘗殺人，避仇吳中，吳中賢士，皆出梁下，項籍，其猶子也。二世元年七月，

陳涉等起大澤中。九月，梁使籍殺會稽守，遂舉吳中兵，使人收下縣，得精兵八千，渡江而西。【田儼】齊之王族。儼從弟田榮，榮弟田

橫，皆豪強能得人。陳涉王楚，儼亦自立爲齊王，時二世元年九月也。【景駒】楚人，起兵於郢。【周市】魏人，起兵於魏。【韓

廣】燕人，起兵於燕。【夜郎】見難蜀父老註。【羌】見上諫獵疏註。【楚】見難蜀父老註。【葭】東夷國名，今遼寧鳳城

燕東，及朝鮮國之江原道。【龍城】匈奴祭天處。【鞞】相引連也。【鍛甲摩劍，矯箭控弦】冶金曰鍛，摩，與磨通，正曲使直曰矯，控，引也。【形東壤制】言其土地形勢，足以束制其民。【帶脅諸侯】帶者，言諸侯之於郡守，譬如佩帶，謂輕小也。脅，謂其威力足以脅之也，一曰，帶在脅旁，附著之義也。【不可勝諱】言必滅亡也。

駁入粟贖罪議

漢宣帝神爵元年，西羌反，命後將軍趙充國等擊之。京兆尹張敞上書言：『國兵在外，軍以夏發，吏民並給轉輸，田事頗廢，來春民食必乏，願命諸有學非盜，受財殺人，及犯法不得赦者，皆得以差入穀八郡贖罪。』八郡，指關西以北安定以西也。

蕭望之

漢蘭陵人，字長倩，素有重望。宣帝朝，為太子太傅。帝疾篤，受遺詔輔政，領尚書事。元帝即位，以師傅見重，時事多所匡正。後為弘恭、石顯所陷，飲鴆自殺。

民函同合陰陽之氣，有仁義欲利之心，在教化之所助，雖堯在上，不能去民利欲之心，而能令其欲利不勝其好義也；雖桀在上，不能去民好義之心，而能令其好義不勝其欲利也。故堯桀之分，在於義利而已。

道民不可不慎也。今欲令民量粟以贖罪，如此則富者得生，貧者獨死，是貧富異刑而法不壹也。人情貧窮，父兄囚執，聞出財得以生活，為人子弟者，將不顧

死亡之患，敗亂之行，以赴財利，求救親戚，一人得生，十人以喪。如此，伯夷之行壞，公綽之名滅，政教壹傾，雖有周召之佐，恐不能復。

古者藏於民，不足則取，有餘則予。詩曰：『爰及矜人，哀此鰥寡。』上惠下也；又曰：『雨我公田，遂及我私。』下急上也。今有西邊之役，民失作業，雖戶賦口斂，以贍其困乏，古之通義，百姓莫以爲非，以死救生，恐未可也。陛下布德施教，教化旣成，堯舜亡無通以加也。今議開利路，以傷旣成之化，臣竊痛之！

入粟贖罪，貧富異刑，是謂無法。作者引經據古，申說甚暢，文亦樸茂條達。

【註釋】【公綽】魯大夫孟公綽也。《論語》：『若臧武仲之智，公綽之不欲。』舉公綽者，言其廉也。【爰及矜人二句】見《詩小雅鴻雁篇》。【雨我公田二句】見《詩小雅大田篇》。【以死救生】即上一人得生，十人以喪之謂。

論甘延壽等疏

延壽，字君況，北地郁郅人。元帝初元五年，匈奴郅支單于殺漢使者谷吉，西走康居，建昭三年，漢遣使三輩至康居，求谷吉等尸。郅支因辱使者，不奉詔。西域副校尉陳湯，因與都護甘延壽矯制發兵，襲擊郅支單于於康居，斬之。石顯匡衡以爲矯制有罪，不當論功，議久不決，向上此疏。

奏議 駁入粟贖罪議 論甘延壽等疏

劉向

漢之宗室，本名更生，字子政，楚元王四世孫。年十二，以任爲韞郎，累官散騎宗正，以譴免官。成帝時，復起爲

光祿大夫，爲人簡易無威儀，專積思於經術，書誦書傳，夜觀星宿，或不寐達旦。著有洪範五行傳記十一卷，新序十卷，說苑二十卷，列女傳七卷，續列女傳一卷，列仙傳二卷。

鄧賀支單于囚殺使者吏士以百數，事暴入揚外國，傷威毀重，羣臣皆閔焉。陛下赫然欲誅之意，未嘗有忘。

西域都護延壽，副校尉湯，承聖指，倚神靈，總百蠻之君，搃覽城郭之兵，出百死，入絕域，遂蹈康居，屠五重平城，攀欽侯之旗，斬鄧支之首，懸懸同旌萬里之外，揚威昆山之西，掃谷吉之恥，立昭明之功。萬夷懼伏，莫不懼震。呼韓邪單于見鄧支已誅，且喜且懼，鄉同風馳義，稽辟上首來賓，願守北藩，累世稱臣，立千載之功，建萬世之安，羣臣之勛莫大焉。

昔周大夫方叔吉甫爲宣王誅獫狁險而百蠻從，其詩曰：「嘽灘嘽堆，如霆如雷，顯允方叔，征伐獫狁，蠻荆來威。」易曰：「有嘉折首，獲匪其醜。」言美誅惡首之人，而諸不順者皆來從也。今延壽湯所誅震，雖易之「折首」，詩之

「雷霆」不能及也。論大功者不錄小過，舉大美者不疵細瑕。司馬法曰：「軍賞不踰月。」欲民速得爲善之利也。蓋急武功，重用人也。吉甫之歸，周厚賜之，其詩曰：「吉甫燕喜，既多受祉，來歸自鎬，我行永久。」千里之鎬，猶以爲遠，況萬里之外，其勤至矣！延壽湯既未獲受祉之報，反屈捐命之功，久挫於刀筆之吏，非所以勸有功，厲戎士也。

昔齊桓公前有尊周之功，後有滅項之罪，君子以功覆過，而爲之諱行事。貳師將軍李廣利，捐五萬之師，靡億萬之費，經四年之勞，而虜僅同獲駿馬三十匹；雖斬宛王母鼓之首，猶不足以復費，其私罪惡甚多。孝武以爲萬里征伐，不錄其過，遂封拜兩侯三卿，二千石百有餘人。今康居國強於大宛，郅支之號，重於宛王；殺使者罪，甚於留馬。而延壽湯不煩漢士，不費斗糧，比於貳師，功德百之。且常惠隨欲擊之烏孫，鄭吉迎自來之日逐，猶皆裂土受爵。故言威武勤勞，則大於方叔吉甫；列功覆過，則優於齊桓貳師；近事之功，則高於安遠長羅；而大功未著，小惡數

帝，臣竊痛之，宜以時解縣通籍，除過勿治，尊寵爵位，以勸有功。

為甘陳訟冤，引古人及近事作證，而仍歸結於勸有功，勵戎士，是為得體。文之淵懿古雅，自是經生本色。

【註釋】 【邾支單于】宣帝五鳳二年，呼韓邪兄右賢王呼屠吾斯自立為邾支骨都侯單于。會康居王怨烏孫，與邾支併力攻

烏孫，為甘延壽等所襲殺。【傷威毀重】謂喪失漢之威嚴也。【西域都護】漢官名，主護西域及車師以西北道，故曰都護。都

濶大也，總也。都護之置，自宣帝時鄧吉始。【副校尉湯】副校尉，漢官名，隸於都護。湯，姓陳，字子公，山陽瑕丘人。【撫】總持之

也。【康居】國名，今蘇聯撒麻兒干北境。時延壽病，湯獨矯制發諸國兵，進海康居城下，四面圍城，發薪燒木城，四面火起，吏士大呼

衆之，四面並入，遂破之。【塞】拔也。【歛侯】即趙信，後降匈奴，元帝時信已死，當為信之子孫。【昆山】崑崙山也，在今新疆

西陲之間。【谷吉之恥】吉，長安人，為衛司馬。邾支單于怨漢擁護呼韓邪，而不助己，因辱漢使者江迺始等，遣使求侍子。漢遣谷

吉送之，既至，為邾支所殺。【習】悉也。【呼韓邪單于】虛閼欒渠單于之子。虛閼欒渠死，右賢王屠耆堂立為握衍胸襲單于。

屠耆堂暴虐失衆而滅，匈奴亂，替侯彌立為呼韓邪單于，與邾支單于相攻。呼韓邪敗走，降漢稱臣；及聞邾支既誅，且喜且懼，入朝自言

願許漢氏以自親。帝以後宮良家子王嬪賜之。【馳義】義，義也。臨而來也。【稽首來賓】稽首，下拜首至地也。賓，服也。懷德而

服也。【方叔】周卿士。宣王二年，方叔南征荆蠻，荆蠻即楚也。【吉甫】尹吉甫也。路史：少昊子般封尹，在汾州。及周為尹氏采

邑，有吉甫焉。宣王元年，尹吉甫北伐獫狁。【獫狁】即匈奴，居今蒙古境。【暉暉焯焯五句】見詩小雅。暉，衆也。焯，盛也。

昭明也。允信也。言車徒既衆且盛，有如雷霆。統師之方叔，又有此明信之德，故能克定擒統，而合荆土之蠻，亦畏威而來也。【有嘉

折首二句】見《易離卦》。嘉，善也。隨類也。言王者出征，克勝斬首，多獲非類，故以爲善。【司馬法】即司馬攬直兵法，攬直，齊之

公族，爲大司馬，善用兵。【軍賞不踰月二句】見《司馬法》天子之義。【吉甫燕喜四句】見《詩小雅·祉福也》。隨地名，

在周京之北。《正字通》：靈夏等處，亦曰鎬。按：靈夏，今靈武、靈夏等縣。時檢狹侵鎬，至於涇陽，吉甫伐之，自鎬而還，王以宴禮樂之，

多受福賜，以其行役有功，日月長久故也。【刀筆吏】書吏之掌案牘者。《史記蕭相國世家》：蕭相國何，於秦時爲刀筆吏。【尊

周之功】謂齊桓公伐楚，責其不貢包茅，及會王太子於首止。【滅項之罪】項，國名，在今河南項城縣。春秋僖公十七年，滅項。

公羊傳曰：「齊滅之也。不言齊，爲桓公諱也。」桓公有繼絕存亡之功，故君子爲之諱。【行事】謂滅項之事。【貳師將軍】貳師，大

宛城名。時漢使返自西域，言大宛有善馬，在貳師城。帝使壯士持金求之，宛王不肯，乃拜李廣利爲貳師將軍，發國六千騎及郡國惡

少年數萬人以往，期至貳師城取善馬，故以爲號。【李廣利】武帝寵姬李夫人之兄。太初元年，爲貳師將軍，征大宛，後將兵擊匈

奴，兵敗而降，爲單于所殺。【經四年之勞】廣利以太初元年出發，至郁成，攻不下。三年，大發兵圍宛，宛降，出其馬，令漢自擇之。漢

軍取其善馬數十四，四年師還。【斬宛王母鼓之首】李廣利圍宛四十餘日，宛貴人因殺其王母鼓以降。【復費】復，償也。

【孝武以爲三句】李廣利傳：軍還入玉門者萬餘人，將吏食不爰卒，怪卒之，以此物故者衆。天子以爲萬里征伐，不錄其過，封

廣利爲海西侯。食邑八千戶，又封斬郁成王者趙弟爲新時侯，軍正趙始爲光祿大夫，上官桀爲少府，李彭爲上黨太守。軍官吏爲九卿

者三人，諸侯相郡守二千石百餘人。【大宛】西域國名，今蘇聯浩罕塔什干等地。【常惠】太原人。宣帝時，匈奴擊烏孫，使惠驛

烏孫兵，惠與烏孫大破匈奴。【烏孫】西域國名，今新疆伊犁寧縣。【鄭吉】會稽人。宣帝時，爲西域都護。匈奴日逐王先賢犂欲降

奏議 爲陳留太守奏上孝子程末事表

漢，使人與吉相聞。吉發塚，聚盜諸國五萬人，迎日逐王，口萬二千，小王將十二人，隨吉至河曲，頗有亡者。吉追斬之，遂將詣京師。漢討日逐王為歸德侯。【安遠長羅】郎吉封安遠侯，常惠封長羅侯。【解縣】縣罪未定也。【通籍】謂不禁止，令得出入也。

爲陳留太守奏上孝子程未事表

陳留，後漢郡，治陳留，今河南陳留縣。（後漢書百官志）每郡置

太守一人。

蔡邕 見論辨

臣前到官，博問掾史孝行，下同卓異者。臣門下掾申屠覽稱：『孝子平丘

程未，年十四歲。時祖父叔病歿，未抱伏叔尸，號泣悲哀，口乾氣少，喘息纒屬。舅偃哀其羸劣，嚼棗肉以哺之。未見食，歔歔不能咽，麥飯寒水閒用之。舅偃誘勸，哽咽益甚。是後精美異味，遂不過口，常在柩旁，旁同耳聞叔名，目應以淚。前太守文穆召署孝義。童云：『以叔未葬，不能至府舍。』臣輒核問掾史，邑子殷盛宿彥等，辭驗皆合。

臣卽召來見。未年十四歲，顏色瘦小，應對甚詳。臣問：『樂爲吏否？』垂泣求

去，白歸喪所。臣爲設食，但用麥飯寒水，不食肥膩。舅本以田作爲事，家無典學者，其志行發於自然，非耳目聞見所做效也。雖成人之年，知禮識義之士，恐不能及。

伏惟陛下，體因心之德，當中興之運，躬秉萬機，建用皇極，神紀騁於無方，淑暘洽於羣生，故醇行感時而生，美義因政以出，清風奮揚，休徵誕漫，太平之萌，昭驗已著。臣誠伏見幸甚。臣聞魯侯能孝，命於夷宮；張仲孝友，侯在左右；周宣之興，實始於此。且烏以反哺，託體太陽，羔以跪乳，爲贄國卿，禽鳥之微，猶以孝寵。況未真純粹之精爽，立百行之根原，其人殄瘁，而德曜彌光，其族益章。臣不勝願，會使未美，昭顯本朝，謹陳狀——臣頓首。

後世表揚忠孝之文，放筆爲之，往往溢分，名家亦自難免，看此文，何等質實。

【註釋】【掾史】屬官也。【平丘】後漢縣，屬陳留郡，故城在今陳留縣北。【羸劣】瘠弱也。【獻歆】悲泣氣咽而抽息也。【東方朔七諫】泣獻歆而留符。【頤咽】悲嘆而氣結喉塞也。【召署孝義】謂召至累中，欲以孝義薦也。【邑子】同邑之人也。【史記張耳陳餘傳】中大夫泄公曰：「臣之邑子素知之。」【殷盛】謂邑中富饒之家。【陛下】指皇帝。【體因心之】

奏議 爲陳留太守奏上孝子程末事表

【德】（詩大雅）維此王季，因心則友。傳：因，親也。箋：王季之心親親，而又善於宗族。

【萬機】萬事也，亦作幾。書皋陶謨：「日

二日萬幾。」

【建用皇極】書洪範：建用皇極。傳：皇，大極，中也。凡立事當用大中之道。

【神紀騁於無方】紀，綱紀。神紀，猶

皇紀也。人臣尊帝王之詞。騁，遠馳也。無方，言廣大無有方所也。

【淑暘洽於羣生】暘，通達也。言淑行通達，洽於衆生也。

【休徵

誕漫】誕，大也。漫，滿也。

【魯侯能孝命於夷宮】國語：宣王欲得國子之能導訓諸侯者。樊穆仲曰：「魯侯孝。」王曰：「何以

知之？」對曰：「肅恭明神，而敬事耆老，賦事行刑，必問遺訓，而咨於故實。」王曰：「然則能訓治其民矣。」乃命魯孝公於夷宮。

【張仲二句】詩小雅：侯誰在矣，張仲孝友。傳：侯，維也。張仲，賢臣也。善父母爲孝，善兄弟爲友，言宣王使文武之臣征伐，與孝友之臣處內。

【周宣】名靖，厲王子。【鳥以反哺二句】格物論：鳥有反哺其母者，爲慈鳥。瑞應圖：鳥，太陽之精也，亦至孝之應。【羔以

跪乳二句】春秋繁露：凡賢，卿用羔，羔有角而不用。如奸仁者，執之不鳴，殺之不號，類死義者。羔飲其母，必跪，類知禮者。羊之爲

官詳也，故以爲贊。【精爽】左傳：心之精爽，是爲魂魄。【殄瘁】指其死也。

【薦禰衡疏】禰衡，字正平，平原般人。少有才辯，爲何剛傲，善魯國孔融。融亦深愛其才，上疏薦之。曹操嘗召爲鼓吏，欲以辱

之。衡乃裸身而立。孔融勸衡趨謝，衡陽諾之。又造操門外大罵，操怒其狂傲，謂孔融曰：「禰衡豎子，孤殺之猶鼠雀耳。願此人

素有虛名，遠近將謂孤不能容物。今送與劉表，視當何如。」未幾，衡復侮慢於表，表恥不能容，以江夏太守黃祖性急，乃遂衡

與之，卒被殺。

與之，卒被殺。

與之，卒被殺。

孔融
見論辨

臣聞洪水橫流，帝思俾乂，旁求四方，以招賢俊。昔孝武繼統，將弘祖業，疇咨熙載，羣士響臻。陛下容同叡聖，纂承基緒，遭遇扈運，勞謙日昃，維嶽降神，異人並出。

竊見處士平原禰衡，年二十四，字正平，淑質貞亮，英才卓犖，歷初涉藝文，升

堂覩奧，目所一見，輒誦于口；耳所暫聞，不忘于心；性與道合，思若有神。弘羊潛計，

安世默識，志以衡準之，誠不足怪。忠果正直，志懷霜雪，見善若驚，疾惡如讐。任座

抗行，史魚厲節，殆無以過也。鷙鳥累百，不如一鶚；使衡立朝，必有可觀。飛辯騁辭，

溢氣全切，步涌，解疑釋結，臨敵有餘。昔賈誼求試屬國，詭係單于；終軍欲以長纓，

牽致勁越；弱冠慷慨，前世美之。近日路粹嚴象，亦用異才，擢拜臺郎，衡宜與爲比。

如得龍躍天衢，振翼雲漢；揚聲紫微，垂光虹蜺；密足以昭近署之多士，增四門之

穆穆。鈞天廣樂，必有奇麗之觀；帝室皇居，必蓄非常之寶。若衡等輩，不可多得。激

楚陽阿，至妙之容，掌技者之所貪；飛兔騷音，弱絕足奔放，良樂之所急。臣等區

區，敢不以聞？

陛下篤慎取士，必須效試，乞令衡以褐衣召見，必無可觀采，臣等受面欺之罪。

子桓謂文舉體氣高妙，吾於此文亦云。

【註釋】【帝】唐堯。【又】安也。【勃】廣也，非一方也。【瞻咨二句】瞻，誰也。咨，嗟也。照，廣也。載，事也。猶曰嗟乎誰能廣帝之事，而羣士已響應而至矣。【陛下】謂獻帝也。【敬聖】書洪範，容作聖。疏，容聖俱是通名，聖大而敬小。【纂】通續，繼也。

【勞謙】易謙卦，勞謙君子有終吉。【日昃】謂日過中而斜仄也。書無逸，自朝至於日中昃，不遑暇食。【維嶽降神】（詩大雅）維嶽降神，生甫及申。傳，嶽，四嶽也。嶽降神，靈和氣，以生申甫之大功。【卓犖】絕異也。【升堂】論語，由也升堂矣，未入於室也。【與】爾雅釋宮，西南隅謂之與。【弘羊潛計】秦弘羊，雒陽賈人子，以心計，年十三拜侍中。【安世默識】

張安世，字少孫，為郎。武帝行幸河東，嘗亡書三篋，詔問莫能知，唯安世識之，具作其事。後購求得書，以相校，無所遺失。上奇其能，擢為尚書令。【任座抗行】呂氏春秋，魏文侯飲，問諸大夫，寡人何如主也？任座曰：君，不肖君也，克中山不以封君之弟，而以封君之子，是以知不肖君也。文侯不悅，次及翟璜，曰：君賢君也。臣聞其主賢者，其臣直，是以知君之賢也。抗行，猶抗顏也。

大夫，名璜，靈公不用，璜伯玉，而任彌子瑕，死以尸諫。靈公乃進伯玉而退子瑕。孔子稱之曰：直哉史魚。厲，高也。鶚，魚屬也，鳥類之猛者，喙頗短，趾有蹠，性喜棲水渚捕魚，亦謂之鶚鳩。【益涌】言聚而騰上也。【賈誼二句】詭，責也。詭係單于，言以係單于為責任也。漢書賈誼傳，何不試以臣為屬國之官，以主匈奴，行臣之計，必係單于之頸而制其命。【終軍二句】終軍，字子雲，

單于為責任也。漢書賈誼傳，何不試以臣為屬國之官，以主匈奴，行臣之計，必係單于之頸而制其命。【終軍二句】終軍，字子雲，

濟南人。博辯能文，武帝時爲博士，累擢諫議大夫。時南越與漢和親，乃遣軍使南越，說其王，欲令入朝，比內諸侯。軍自請願受長綬，必賜南越王而致之闕下。

【弱冠】賈誼終軍，皆年十八，故曰弱冠。象拜尙書郎。象以象有文武，出爲揚州刺史，粹後爲軍謀祭酒，與陳琳阮瑀等典記室。

【路粹嚴象】典略：路粹，字文蔚，少學於蔡邕，高才，與京兆嚴也。【虹蜺】謂虹與副虹也。爾雅疏：虹雙出，色鮮盛者爲雄，雄曰虹，闇者爲雌，雌曰蜺。

【四門穆穆】書舜典：賓于四門，四門穆穆。傳：穆穆，美也。四門，四方之門。【鈞天廣樂】秦穆公疾，不知人，既寤，曰：『我之帝

所，甚樂，與百神游於鈞天，廣樂九奏萬舞，其聲動心。』見《史記》。【激楚】聲之激揚凄楚者。《楚辭九歌》：宮廷震鶩，發激楚些。

【陽阿】古之善歌者，因亦謂歌曰陽阿。古詩：渡江采菱發陽阿。【飛兔騏褭】騏，或作嬰。《呂氏春秋》：飛兔騏褭，古之駿馬也。

【良樂】王良伯樂，古之善相馬者。【面欺】《漢書張湯傳》：上以張湯懷詐而欺。

肉刑議

孔融

古者敦龐，善否區別，吏端刑清政簡，一無過失，百姓有罪，皆自取之。末世陵遲，風化壞亂，政撓其俗，法害其教。故曰：『上失其道，民散久矣。』而欲繩之以古刑，投之以殘棄，非所謂與時消息者也。紂斲^提朝涉之脛，天下謂爲無道。夫九牧

奏議 肉刑議

之地，千八百君，若各別一人，是天下常有千八百紂也；求俗休和，弗可得也。

且被刑之人，慮不念生，志在思死，類多趨惡，莫復歸正。夙沙亂齊，伊戾禍宋，趙高英布，爲世大患，不能止人遂爲非也；適足絕人還爲善耳。雖忠如鬻拳，信如卞和，智如孫臏，寃如巷伯，才如史遷，達如子政，一離刀鋸，沒世不齒。是太甲之思庸，穆公之霸秦，南睢之骨立，衛武之初筵，陳湯之都賴，魏尙之守邊，無所復施也。漢開改惡之路，凡爲此也。故明德之君，遠度深惟，棄短就長，不苟革其政者也。

刑不能止人爲非，適足絕人爲善，洵爲至理名言；文亦淵雅樸茂。

【註釋】【敦龐】風俗之美也。（左傳）民生敦龐，和同以聽。【陵遲】見蔡邕正交論。【殘棄】殘其支體而棄廢之。【消

息】消，謂滅。息，謂增。時運循環，增減不息也。易曰：天地盈虛，與時消息。【斯朝涉之脛】見書秦誓，紂於冬月，見朝涉水者，謂其

脛耐寒，斬而視之。【九牧之地千八百君】漢書賈山傳：昔者周蓋千八百國。【夙沙亂齊】左傳：靈公廢太子光，立公

子牙，使夙沙衛爲少傅，崔杼逆光而立之，是爲莊公。莊公以夙沙衛易己，衛奔高唐以叛。【伊戾禍宋】左傳：楚客聘於膏，過宋，

太子痤知之，謂野享之。公使往，伊戾辭從，遺之。至則坎用牲，加書徵之，馳而告曰：『太子將爲亂，既與楚客盟矣。』公使視之，則信有焉。

公囚太子，太子縊死。公徐聞其無罪，乃差伊尹。【趙高】秦宦者，始皇崩，高矯詔賜長子扶蘇死，立二世，旋弑之，立子嬰。子嬰族誅之。【英布】布徵時，坐法斃，論驗驪山，亡之山中爲羣盜。及屬項羽，當爲先鋒陷陣，後歸漢，封淮南王，以韓信彭越見誅，懼禍及己，發兵拒命，高祖討平之。【獨拳】左傳：初，獨拳與陳楚子，弗從，臨之以兵，懼而從之。拳曰：『吾懼君以兵，罪莫大焉，遂自刎。』楚人以爲大閹。【信如下和】（傳非子）楚人和氏得璞玉於荆山之中，獻之武王，武王使玉人相之，曰：『石也。』王以和爲設已，則其左足。及文王即位，和又奉其璞，玉人又曰：『石也。』又則其右足。文王薨，成王即位，和乃抱其璞而哭於荆山之下，——三日三夜，——泣盡而繼以血。王使玉人攻璞而得寶焉。成王封和爲陵陽侯，和辭不就而去。【孫臏】見賈誼過秦論上。【巷伯】詩小雅注云：『巷伯，內小臣也，掌王后之命於宮中，故謂之巷伯。』伯被讒，將刑，寺人孟子傷而作詩，以刺幽王也。【史遷】司馬遷也，見書賈小傳。【子政】劉向，字子政。宣帝時，上言黃金可成，上令典尙方鑄作事，費甚多，方不驗，乃下吏當死。上奇其才，得踰冬減論。班固云：『向博物洽聞，通達古今。』【太甲之思庸】思庸，念當道也。（尙書序）太甲既立，不明，伊尹放諸桐，三年，復歸于囿，思庸。【穆公之霸秦】秦穆使孟明白乙等伐鄜，蹇叔諫不從。晉襄公敗諸囿，囚孟明等，後歸之。穆公曰：『孤之罪也。』夫子何罪？復使爲政，遂霸西戎。事見左傳。【南睢之骨立】未詳。【衛武之初筵】賓之初筵之詩。衛武公飲酒悔過而作。【陳湯之都賴】陳湯，見論甘延壽疏。湯斬郅支單于於都賴水上。【魏尙之守邊】漢文帝時，尙爲雲中守，坐上首虜差六級，下吏削爵。趙人馮唐爲郎，爲言文帝，赦尙，復爲雲中守。

請增封荀彧表

荀彧，字文若，詳見魏文帝自敘註。

魏武帝

見序跋

奏議 請增封荀彧表

昔袁紹作逆，連兵官渡，時衆寡糧單，圖欲還許。尚書令荀彧深建宜往之便，遠恢進討之略，起發臣心，革易愚慮，堅營固守，徼其軍實，遂摧撲大寇，濟危以安。紹既破敗，臣糧亦盡，將舍河北之規，改就荆南之策。彧復備陳得失，用移臣議，故得反旆冀土，克平四州。向使臣退軍官渡，紹必鼓行而前，敵人懷利以自百，臣衆怯沮以喪氣，有必敗之形，無一捷之勢。復若南征劉表，委棄兗豫，飢軍深入，踰越江沔，細利既難要，將失本據。而彧建二策，以亡爲存，以禍爲福，謀殊功異，臣所不及。

是故先帝貴指縱之功，薄搏獲之賞；古人尙帷幄之規，下攻拔之力。原其績效，足享高爵；而海內未喻其狀，所受不侔其功。臣誠惜之，乞重平議，增疇戶邑。此表推崇文若，不遺餘力；老瞞之能得人心者以此。

【註釋】袁紹字本初，汝陽人。靈帝時，爲佐軍校尉。帝崩，紹與何進謀召董卓軍共誅宦官，卓未至而事洩，進被殺。紹乃勒兵捕宦官，盡殺之。卓至，議廢立，紹不從，出奔冀州，起兵討卓。卓擁帝入長安，死於王允之手。後紹據河北，與曹操戰於官渡，大敗，疾作而死。

【官渡】城名，在今河南中牟縣東北，亦曰中牟臺。建安四年，袁紹既併公孫瓚，兼冀、青、幽、并四州之地，衆十餘萬，進軍攻許，許都大震，操拒之官渡。【許】今河南許昌縣。建安元年，曹操迎獻帝都許。【徼其軍實】徼，抄也，要截也。袁紹運穀車數千乘至，操遣將邀擊，大破之。紹又遣車運穀，使淳于瓊等將兵萬餘人送之。操自將步騎五千夜往，又大破之，盡燔其積聚。【河北】大河以北之地。

【荆南】即荊州。【冀土】謂冀州，漢末治鄴，故城在今河南臨漳縣西南。【劉表】字景升，山陽高平人，魯恭王之後也。獻帝時爲荊州刺史，愛民養士，從容自保。及曹操與袁紹相持於官渡，紹求助於表，表許之而未往援。操既敗紹，遂自將征表，未至，表疽發背卒。表子琮舉州降操。

【兗豫】二州名，今地詳魏文帝自敘註。【懷利自百】謂乘其利便，一可抵百也。【江西】江，謂揚子江，河水，卽淡水也。【指縱】漢書蕭何傳：夫獵，追殺獸者，狗也，而發縱指示獸處者，人也。（注）發縱，謂解縱放之也，指而示者，以手指示之。【帷幄】漢書張良傳：運籌策帷幄中，決勝千里外，子房功也。【疇】等也。漢書宣帝紀：疇其爵邑。

求通親親表

太和五年，植上疏求存問親戚，因致其意。

曹植

見論辨

臣植言：

臣聞天稱其高者，以無不覆；地稱其廣者，以無不載；日月稱其明者，以無不照；江海稱其大者，以無不容。故孔子曰：『大哉堯之爲君！惟天爲大，惟堯則之。』

奏議 求通親親表

夫天德之於萬物，可謂弘廣矣。蓋堯之爲教，先親後疎，自近及遠。其傳曰：『克明俊德，以親九族；九族既睦，平章百姓。』及周之文王，亦崇厥化，其詩曰：『刑于寡妻，至于兄弟，以御于家邦。』是以雍雍穆穆，風人詠之。昔周公弔管蔡之不成，廣封懿親，以藩屏王室，傳曰：『周之宗盟，異姓爲後。』誠骨肉之恩，爽而不離；親親之義，寔在敦固；未有義而後其君，仁而遺其親者也。

伏惟陛下：資帝唐欽明之德，體文王翼翼之仁；惠洽椒房，恩昭九親；羣臣百僚，番休遞上；執政不廢於公朝，下情得展於私室；親理之路通，慶弔之情展，誠可謂恕己治人，推惠施恩者矣。至於臣者，人道絕緒，禁錮明時，臣竊自傷也。不敢過望交氣類，脩人事，敘人倫。近且婚媾不通，兄弟永絕，吉凶之間塞，慶弔之禮廢；恩紀之違，甚於路人，隔閼之異，殊於胡越。今臣以一切之制，永無朝覲之望。至於注心皇極，結情紫闥，神明知之矣。然天實爲之，謂之何哉！退省諸王，常有戚戚具爾之心。願陛下沛然垂詔，使諸國慶問，四節得展，以敘骨肉之歡恩，全怡怡之篤義；

妃妾之家，膏沐之遺，歲得再通，齊義於貴宗，等惠於百司。如此，則古人之所歎，風雅之所詠，復存於聖世矣。

臣伏自惟省，豈無錐刀之用？及觀陛下之所拔授，若臣爲異姓，竊自料度，不後於朝士矣。若得辭遠遊，戴武弁，解朱組，佩青紱，駙馬奉車，趣入得一號，安宅京室，執鞭珥筆，出從華蓋，入侍輦轂，承答聖問，拾遺左右，乃臣丹情之至願，不離於夢想者也。遠慕鹿鳴君臣之宴，中詠棠棣匪他之誠，下思伐木友生之義，終懷蓼莪我罔極之哀。每四節之會，塊然獨處，左右唯僕隸，所對惟妻子，高談無所與陳，發義無所與展，未嘗不聞樂而拊心，臨觴而歎息也。

臣伏以爲犬馬之誠，不能動人；譬人之誠，不能動天。崩城隕霜，臣初信之，以臣心況，徒虛語耳！若葵藿之傾葉太陽，雖不爲之迴光，然終向之者誠也。臣竊自比葵藿，若降天地之施，垂三光之明者，寔在陛下。臣聞文子曰：『不爲福始，不爲禍先。』今之否隔，友于同憂，而臣獨唱言者，何也？竊不願於聖代使有不蒙施之

物；有不蒙施之物，必有慘毒之懷，故柏舟有天只紙之怨，谷風有棄予之歎。伊尹恥其君不爲堯舜。孟子曰：『不以舜之所以事堯事其君者，不敬其君者也。』臣之愚蔽，固非虞伊；至於欲使陛下崇光被時雍之美，宣緝熙章明之德者，是臣懷樓之誠，竊所獨守，實懷鶴立企佇之心，敢復陳聞者，冀陛下儻發天聰，而垂神聽也。

一字一淚，雖鐵石人亦爲動心。陳思之能令終，未始非文字有以感之也。

【註釋】【大哉堯之爲君三句】見《論語》。【克明俊德四句】見《書堯典》。九族者，以自己爲本位，直系親則上至高

祖，下至玄孫，旁系親則由己橫推至三從兄弟而止。蓋以族兄弟，再從兄弟，堂兄弟，兄弟，同爲高祖四世之孫故也。百姓，百官也，言能明俊德之士任用之，以睦高祖玄孫之親。九族既化，則百官平和章明也。【刑于寡妻三句】見《詩大雅》。刑法也。寡妻，寡德之妻，謙

詞也。御治也。文王以禮接其妻，至於兄弟，又能推其治於家邦也。【雍雍】和也。通作醴。《詩周頌》有來醴醴。【穆穆】美也。《詩大

雅》穆穆文王。【風人】詠詩之人。《詩關雎詩序》上以風化下，下以風刺上，主文而譎諷，言之者無罪，聞之者足以戒，故曰風。【周

公用管蔡之不咸】周公名且，封於魯，今山東曲阜縣。管叔名鮮，封於管，今河南鄭縣有管城。蔡叔名度，封於蔡，今河南新蔡縣故

蔡城。弔，傷也。咸，同也。左傳僖二十四年，富辰曰：『昔周公弔二叔之不咸，故封建親戚以蕃屏周。』參看《成漢昭論二叔註》。【周

之宗盟二句）（左傳隱十一年）薛侯薛侯來朝，爭長。公使叔父請於薛侯曰：「周之宗盟，異姓爲後。」【骨肉之恩二句】爽，差也，言兄弟之間，雖有差異，而不相離也。【未有義而後其君二句】見《孟子》。【陛下】指魏文帝。【帝唐欽明之德】欽，敬也。《書堯典》欽明文思安安。【翼翼】翼翼，恭慎貌。【椒房】《爾雅》：「椒，實多而香。」漢世皇后稱椒房，取其實蕃衍盈升，以椒塗屋，亦取其溫暖。【九親】猶九族也。【番休遞上】言宰臣百官更番依次以上也。【婚媾不通四句】魏氏春秋是時待遇諸國法峻。任城王暴薨，諸王既懷友于之痛，植及白馬王彪回國，欲同路東歸，以敘隔闕之思，而監國使者不聽。【胡越】胡在北方，越在南方。《淮南子》：「自其異者觀之，肝膽胡越也。」【朝覲】《禮曲禮》：「天子當依而立，諸侯北面而見天子曰覲，天子當寧而立，諸公東面，諸侯西面曰朝。」【皇極】見蔡邕《陳留太守奏上孝子程末事表》。【紫闥】宮中之門，小者曰闥。《後漢書崔駰傳》：「攀臺階，闥紫闥。」【天寶爲之謂之何哉】見《詩邶風》。【戚戚具爾】《詩大雅》：「戚戚兄弟，莫遠具爾。」《註》：「戚戚，內相親也。具，猶俱也。爾，謂進之也。王與族人燕兄弟之親，無遠無近，俱毋而進之也。」【膏沐】《詩衛風》：「豈無膏沐。」《東觀漢記》：「黃香上疏曰：『以錐刀小用，蒙見宿留。』」【遠遊】《蔡邕獨斷》：「遠遊冠者，王侯所服。」【武弁】《詩中冠武弁》。【解朱組佩青紱】言不爲諸侯而仕於朝也。紱，綬也。《禮玉藻》：「公侯佩山玄玉而朱組紱。」《漢書百官公卿表》：「凡二千石以上，銀印青紱。」【駙馬奉車】皆官名。漢置奉車駙馬騎三部尉，秩比二千石。駙馬都尉，掌駙馬，謂副車之馬也。奉車掌御乘輿車。【趣得一號】趣，疾也。趨也。號，謂命也。猶言得得一命也。【安宅京室】安居於京師也。【珥筆】戴筆也。古史官常插筆於冠側，以備記事，故云。一說，珥，通耳，吮也，即吮毫之義。【拾遺左右】《漢書》：「劉向、蕭望之，並拾遺左右。」【鹿鳴君臣之宴】《詩小雅鹿鳴詩序》：「鹿鳴，燕羣臣嘉賓也。」【棠棣匪他之誠】棠，通作棠。《詩小雅棠棣詩序》：「常棣，燕兄弟也。」又《詩》曰：「豈伊異人，兄弟匪他。」【伐木

奏議 求通親親表

友生之義】(詩小雅伐木詩序)伐木，燕朋友故舊也。其詩曰：『矧伊人矣，不求友生。』【蓼莪罔極之哀】(詩小雅蓼莪)父

兮生我，母兮鞠我。欲報之德，昊天罔極。【塊然】孑然也。【聞樂拊心】即指中山靖王聞樂對言。【崩城】(列女傳)杞梁妻

者，齊杞梁殖之妻也。齊莊公襲莒，殖戰死。杞梁之妻，就其夫屍於城下而哭之，道路過者，莫不為之揮涕，十日而城為之崩。【隕霜】

(淮南子)鄒衍事燕惠王盡忠，左右譖之。王繫之，仰天而哭，夏五月為之下霜。【父子】(姓辛，名銜，秦丘濮上人，或謂即范蠡師)計然

也。【友于】(書君陳)惟孝友于兄弟。(傳)言善父母者，必友於兄弟，文義借作兄弟用。【柏舟有天之怨】(詩)只語已詞。(詩

鄘風柏舟詩序)柏舟，共姜自誓也。其詩曰：『母也天只，不諒人只。』(傳)諒，信也。母也天也，尚不信我。天謂父也。【谷風有棄予

之歎】(見蔡邕正交論)【伊尹恥其君不為堯舜】伊尹，名摯，力牧之後，生於空桑。(書說命)昔先正保衡，作我先王，乃曰：『予

弗克俾厥后惟幾辟，其心愧恥，若撻于市。』【崇光被時雍之美】時，是也。雍，和也。(書堯典)光被四表。(傳)言其名聞，充盈四外。

(又)黎民於變時雍。(傳)言天下黎民，皆變化從上，是以風俗大和也。【宣緝熙章明之德】(詩大雅)於緝熙敬止。(傳)緝熙

光明也。【懷懷】謹慎也。【鶴立】引領而望之意。

隆中對

(三國志諸葛亮傳)先主詣亮，凡三往，乃見，因屏人曰：『漢室傾覆，姦臣竊命，主上蒙塵，孤不度德量力，欲信大義

於天下，而志衡淺短，遂用猖獗，至於今日，然志猶未已，君謂計將安出？』亮答如此。

諸葛亮

(三國蜀相)字孔明，琅邪陽都人，漢末避亂居隆中，好爲梁父吟，每自比於管樂。先主三顧，始見之，佐先主取荆

州，定益州，遂與魏吳成鼎足之勢。先主即位，亮爲丞相。先主薨，受遺詔輔政，封武鄉侯，監官制，修法度，東和孫權，南平孟

獲，出師北伐，與魏相攻戰者數年，以疾卒於軍。諡忠武。

自董卓已來，

以通

豪傑並起，跨州連郡者，不可勝數。

平

數止

曹操比於袁紹，則名

微而衆寡；然操遂能克紹，以弱爲彊者，非惟天時，抑亦人謀也。今操已擁百萬之衆，挾天子以令諸侯，此誠不可與爭鋒。孫權據有江東，已歷三世，國險而民附，賢能爲之用，此可與爲援，而不可圖也。

荆州北據漢沔，利盡南海，東連吳會，

貴

西通巴蜀，此用武之國，而其主不能

守，此殆天所以資將軍；將軍豈有意乎？益州險塞，沃野千里，天府之土，高祖因之以成帝業。劉璋闇弱，張魯在北，民殷國富，而不知存恤。智能之士，思得明君。將軍既帝室之胄，信義著於四海，總攬英雄，思賢如渴。若跨有荆益，保其巖阻，西和諸戎，南撫夷越，外結好孫權，內修政理。天下有變，則命一上將，將荆州之軍，以向宛洛。將軍率益州之衆，以出秦川，百姓孰敢不箝食？壺漿以迎將軍者乎？誠如是，則霸業可成，漢室可興矣。

一席之談，已定三分之業，此身未出，而天下大勢，瞭如指掌，信乎三代後一人矣！

【註釋】【董卓】見魏文帝自敘。

【豪傑】袁紹、袁術、公孫瓚、孫堅之徒。

【曹操二句】探讀縣自明沐志令，亦謂袁紹據

河北，兵勢鼎盛，孤自度勢，實不敵之。

【孫權】字仲謀，吳郡富春人，父堅，獻帝時起兵討董卓，又受袁術命，徵荊州劉表，為黃祖所殺。

兄策，平定江東，即今江南及浙江等地。策死，權繼之，破曹操於赤壁，西和蜀漢，北當強魏，稱帝於建業，國號吳。

【荊州】後漢南陽，南

陵、江夏、零陵、桂陽、武陵、長沙七郡，皆屬荊州，今河南南境，及湖北湖南。

【漢沔】漢沔本一水，漢水出陝西寧羌縣嶓冢山，東南流，至

湖北漢陽縣入江。沔水出陝西略陽縣東嶺谷中，東南流注漢。故沔水特入漢之小水耳。

【南海】後漢郡，治番禺，今廣東番禺縣。

【吳會】漢郡，治吳，今江蘇吳縣。會，謂會稽，治山陰，今浙江紹興縣。

【巴蜀】漢郡。巴，治江州，今四川巴縣。蜀，治成都，今四川成

都縣。

【益州】漢中，巴蜀、犍為等郡，皆屬益州，今四川省地，及陝西南境。

【天府】肥沃險固，物產饒多之地。

【劉璋】字季玉，江夏竟陵人。父焉，為益州刺史。焉死，璋襲位。

【張魯】字公祺，沛國豐人。祖父陵客蜀，造作道書，以惑百姓。從受道

者，出五斗米，故世號米賊。陵死，子衡行其道。衡死，魯復行之。劉焉以為魯為督義司馬，與別部司馬張儉，將兵擊漢中太守蘇固。魯遂襲修

殺之，奪其衆。及璋殺魯母，魯遂據漢中。

【宛洛】宛，後漢縣，屬南陽郡，今河南南

陽縣。洛，洛陽，後漢縣，屬河南郡，今河南洛陽縣。

【秦川】今陝西、甘肅地。

前出師表

建興三年，亮率衆南征孟獲，其秋悉平，乃大舉伐魏，臨發，上疏云云。

諸葛亮

先帝創業未半，而中道崩殂。今天下三分，益州罷疲敝，此誠危急存亡之秋也。然侍衛之臣，不懈於內；忠志之士，忘身於外者；蓋追先帝之殊遇，欲報之於陛下也。誠宜開張聖聽，以光先帝遺德，恢弘志士之氣；不宜妄自菲薄，引喻失義，以塞忠諫之路也。

宮中府中，俱爲一體，陟罰臧否，不宜異同。若有作奸奸同犯科，及爲忠善者，宜付有司，論其刑賞，以昭陛下平明之治；不宜偏私，使內外異法也。

侍中侍郎郭攸之、費禕、衣董允等，此皆良實，志慮忠純，是以先帝簡拔，以遺陛下。愚以爲宮中之事，事無大小，悉以咨之，然後施行，必能裨補闕漏，有所廣益也。將軍向寵，性行淑均，曉暢軍事，試用於昔日，先帝稱之曰能，是以衆議舉寵爲督。愚以爲營中之事，事無大小，悉以咨之，必能使行陣和穆，優劣得所也。親賢臣，

遠小人，此先漢所以興隆也；親小人，遠賢臣，此後漢所以傾頹也。先帝在時，每與臣論此事，未嘗不歎息痛恨於桓靈也！侍中尙書，長史參軍，此悉貞亮諡死節之臣也；願陛下親之信之，則漢室之隆，可計日而待也。

臣本布衣，躬耕南陽，苟全性命於亂世，不求聞達於諸侯。先帝不以臣卑鄙，猥自枉屈，三顧臣於草廬之中，諮臣以當世之事；由是感激，遂許先帝以驅馳；後值傾覆，受任於敗軍之際，奉命於危難學去之間。爾來二十有一年矣。先帝知臣謹慎，故臨崩寄臣以大事也。受命以來，夙夜憂慮，恐付託不效，以傷先帝之明，故五月渡瀘，學處深入不毛。今南方已定，兵甲已足，當獎帥學入三軍，北定中原，庶竭駑鈍，攘除姦凶，興復漢室，還於舊都，此臣所以報先帝而忠陛下之職分學去也。至於斟酌損益，進盡忠言，則攸之禕允之任也。

願陛下託臣以討賊興復之效；不效，則治臣之罪，以告先帝之靈。若無興德之言，則責攸之禕允等之咎，以彰其慢。陛下亦宜自謀，以諮諏善道，察納雅言，深

追先帝遺詔。臣不勝受恩感激，今當遠離，臨表涕泣，不知所云。

忠肝貫金石，義氣壯乾坤，千載下如或見之，文之古茂，猶其餘事。

【註釋】【先帝】先主也。姓劉名備，字玄德，涿縣人。漢中山靖王之後。靈帝末，討黃巾有功，除安喜尉，旋依公孫瓚，又從關謙，爲因布所窘。曹操擒布，乃從之許，曾受董承等所傳獻帝衣帶詔，欲誅操，事洩，奔下邳，尋依袁紹，爲紹使於劉表。表卒，曹操兵至，遂奔吳，與孫權合破曹軍於赤壁。破劉璋，取成都。時關羽留鎮荊州，爲吳所害，敗死。先主怒，大舉攻吳，爲陸遜所敗，退居白帝城。章武三年，崩於永安宮。遺命以丞相亮輔後主禪。【崩殂】天子死曰崩，又曰殂落。【益州】見上篇。【秋】猶時也。【陛下】指後主。【引喻失義】言所稱引譬喻，不合義理。【宮中】指天子宮廷。【府中】指將軍幕府。【陟】進用也。【內外】內謂宮中，外謂府中。【侍中】後漢百官志：侍中掌侍左右贊導衆事，顧問應對。【侍郎】後漢百官志：侍郎主作文書起草。【郭攸之】南陽人，以器業知名於時，爲侍中。【費禕】字文偉，江夏旌人，時爲侍中。【董允】字休昭，南郡枝江人，時爲侍郎。【裨益也】。【向寵】向朗之兄子，後主建興初，封都亭侯，爲中部督，典宿衛兵。【先帝稱之曰能】先主時，寵爲牙門將，稱爲之敗，寵營獨完，故先帝稱之。【桓靈】桓帝名志，靈帝名弘。【侍中】即指郭攸之費禕。【尙書】漢官，屬少府，指陳震。【長史】丞相府僚也，指張裔。【參軍】凡開府都督，皆有參軍事者，謂之參軍，如今世之參謀也，指蔣琬。【躬耕南陽】三國志諸葛亮傳：亮躬耕隴畝，好爲梁父吟。注：漢晉春秋曰：亮家於南陽之鄆縣，在襄陽城西二十里，號曰隆中。【猥】猶曲也，一作助詞。【驅馳】猶言奔走也。【後值傾覆】建安十三年，曹操追備，及於當陽之長坂。【二十有一年】先主備以建安十三年兵敗，遺

【旁使吳，求救於孫權。亮以建興五年，上表北伐，自傾覆至此，恰二十年，則備始與亮相遇，在軍敗前一年也。】
【臨崩寄臣以大事】
【三國志諸葛亮傳】章武三年，先主於永安病篤，召亮於成都，屬以後事，謂亮曰：『君才十倍曹丕，必能安國，終定大事，若嗣子可輔，輔之；如其不才，君可自取。』亮涕泣曰：『臣敢不竭股肱之力，效忠貞之節，繼之以死！』先主又為詔勅後主曰：『汝與丞相從事，事之如父。』
【瀘】水名，一名若水，即今雅砻江也。其水深廣多瘴癘，夏月尤甚。
【不毛】謂不生草木也。
【三軍】古者大國三軍，後以三軍為全軍之通稱。
【中原】指魏也。
【舊都】後漢都洛陽，故城在今河南洛陽縣東北。
【咨諏】（詩小雅）周爰咨諏。（傳）訪問於善為咨，咨事為諏。
【雅言】正言也。（論語）子所雅言，詩書執禮，皆雅言也。
【先帝遺詔】先主遺詔勅後主曰：『勿以惡小而為之，勿以善小而為之，惟賢惟德，能服於人。汝父德薄，勿效之。可讀漢書禮記，閒暇歷觀諸子及六韜商君書，益人意智。開丞相為寫申碎管子六韜一通，已畢，未送道亡，可自更求』云云。

後出師表

本傳及武侯集，俱不載此表。傳注載此文云：張儼默記，漢晉春秋引之。

諸葛亮

先帝慮漢賊不兩立，王業不偏安，故託臣以討賊也。——以先帝之明，量臣之才，故國通知臣伐賊，才弱敵強也。然不伐賊，王業亦亡；惟坐而待亡，孰與伐之？是故託臣而弗疑也。

臣受命之日，寢不安席，食不甘味，思惟北征，宜先入南，故五月渡瀘，深入不毛，并日而食；臣非不自惜也。顧王業不可偏安於蜀都，故冒危難，以奉先帝之遺意。而議者謂爲非計。今賊適罷通彼下同於西，又務於東，兵法乘勞，此進趨之時也。謹陳其事如左：

高帝明竝日月，謀臣淵深；然陟險被創晉昌傷也，危然後安。今陛下未及高帝，謀臣不如良平；而欲以長策取勝，坐定天下，此臣之未解一也。劉繇、王朗，各據州郡，論安言計，動引聖人；羣疑滿腹，衆難塞胸；今歲不戰，明年不征；使孫策坐大，遂并江東，此臣之未解二也。曹操智計，殊絕於人，其用兵也，髣髴孫吳；然困於南陽，險於烏巢，危於祁連，偪於黎陽，幾敗北山，殆死潼關；然後僞定一時爾；況臣才弱，欲以不危而定之，此臣之未解三也。曹操五攻昌霸不下，四越巢湖不成；任用李服，而李服圖之，委任夏侯，而夏侯敗亡。先帝每稱操爲能，猶有此失；況臣驚下，何能必勝？此臣之未解四也。自臣到漢中，中閒期基年耳！然喪去聲趙雲、陽羣、馬玉、關芝、

丁立、白壽、劉郃、鄧銅等，及曲長屯將七十餘人，突將無前，寶叟青羌，散騎武騎，一千餘人；此皆數十年之內，所糾合四方之精銳，非一州之所有；若復數年，則損三分之二也，當何以圖敵？此臣之未解五也。今民窮兵罷，而事不可息；事不可息，則住與行勞費正等；而不及早圖之，欲以一州之地，與賊持久，此臣之未解六也。夫難平者，事也。昔先帝敗軍於楚，當此之時，曹操拊手，謂天下已定；然後先帝東連吳越，西取巴蜀，舉兵北征，夏侯授首，此操之失計，而漢事將成也。然後吳更違盟，關羽毀敗，穉子歸蹉跌，曹丕稱帝，凡事如是，難可逆料。臣鞠躬盡瘁，死而後已；至於成敗利鈍，非臣之明所能逆覩也。

此篇不入蕭選，後人多疑爲僞作。六不解之說，——師之將出，先懈軍心，——似爲理之所無。隨園老人，曾痛駁之。至文之頓挫抑揚，以姿致取勝，與前表亦非一轍。惟鞠躬盡瘁等語，深合武侯心理，且層層推勘，尤足濬發智慧，增長筆力，真僞可無論矣。

【註釋】【并日而食】兩日祇食一日之食。【今賊適罷於西】後主建興五年，亮攻祁山，南安、天水、安定三郡皆叛，魏應漢，關中大震。【又務於東】時曹休與吳陸遜戰於石亭，休兵大敗。【良平】張良字子房，韓人。陳平，陽武人。皆高祖時謀臣。

【劉繇】字正備，後漢末，袁術徵淮南，繇據曲阿，詎為孫策所破，逃至豫章，未幾卒。【王朗】字景興，初為會稽太守，孫策渡江略地，朗兵敗，詣策，曹操徵之，領魏郡太守。曹丕時，論戰守，朗輒與謀。【孫策】字伯符，孫堅子，平定江東，拜討逆將軍，封吳侯。【孫吳】

朗兵敗，詣策，曹操徵之，領魏郡太守。曹丕時，論戰守，朗輒與謀。【孫策】字伯符，孫堅子，平定江東，拜討逆將軍，封吳侯。【孫吳】孫贖吳起。【困於南陽】操與張繡戰於宛，為流矢所中，宛，即後漢南陽郡治。【險於烏巢】烏巢，在今河南鄆縣西北。袁紹拒操於官渡，輜重萬餘，在古市烏巢。時操糧少，議走許都。【祁連】祁連，即今天山脈之東行者。【黎陽】黎陽，後漢縣，故城在今河南滑縣東北。

【幾敗北山】漢中之北山也。夏侯淵敗，操爭漢中，運糧北山下，數千萬囊，趙雲遇之，乃入營閉門，操引去。雲搗鼓震天，以大弩射之，操軍驚駭，踉蹌墮漢水中。【殆死潼關】潼關，在今陝西臨潼縣東，操討馬超，逢趙雲於潼關，超將步騎萬餘人，來奔操軍，矢下如雨，許褚白操乃扶上船。【五攻昌霸】東海昌霸反，操遣劉岱、王忠擊之，不克。【四越巢湖】魏以合肥為重鎮，其東南巢湖在焉。孫權圍合肥，魏自湖入淮，軍令肥者屢，卒不能成功。【李服圖之】謂李服轉而謀操也，其事未詳。【夏

侯敗亡】操留夏侯淵守漢中，為先主所殺。【漢中】後漢郡，治南鄭，今陝西南鄭縣。時亮率軍北駐漢中。【趙雲】字子龍，真定人。先主為曹操所退，棄妻子南走，雲為騎將保護之，皆得免難，累遷翊軍將軍。先主嘗曰：「子龍一身都是膽。」年八十餘，卒於蜀。雲以下七人無考。【曲長】部曲之長。【屯將】勒兵而守曰屯，又兵耕曰屯田，謂守屯之將也。【突將無前】衝突之將，奮勇之士。

【寶刃青羌】巴夷曰寶，羌亦夷種，蓋亮南征所降之勁兵。【散騎武騎】皆騎兵之名。【一州】指益州。【往興行】

謂守與戰。【先帝敗軍於楚】先主依劉表，表卒，子琮降操。先主方居樊口，操恐先主據襄陽，將精兵五千追之，及於當陽之長坂。

奏議 後出師表 自表後主

先主乃娶妻子遜。【拊手】拊，拍也。拊手，得意貌。【東連吳越】謂與孫權合破操兵於赤壁。【西取巴蜀】進兵圍成都，取之。

【夏侯授首】謂斬夏侯淵。【吳更違盟，關羽毀敗】羽，字雲長，河東解人。赤壁戰後，先主與吳約分荊州，使關羽守之。

旋失和，孫權用呂蒙計，襲破荊州，羽被害。【秭歸】漢縣，屬南郡，今湖北秭歸縣。先主痛關羽之亡，奮力復仇，為陸遜敗於秭歸。

【曹丕稱帝】丕，字子桓，曹操長子。廢獻帝為山陽公，自稱帝，都洛陽，是為魏文帝，在位六年。

自表後主 後主，名禪，字公嗣，先主子也。 諸葛亮

伏念臣賦性拙直，遭時艱難，興師北伐，未獲全功；何期病在膏肓，命垂旦夕。伏願陛下清心寡慾，約己愛民，達孝道于先君，存仁心于寰宇；提拔隱逸，以進賢良；屏屏上黜屏上奸讒，以厚風俗。

臣家成都，有桑八百株，薄田十五頃，子孫衣食，自有餘饒。臣身在外，別無調度。隨時衣食，悉仰于官，不別治治平生，以長伏音尺寸。臣死之日，不使內有餘帛，外有盈財，以負陛下也。

此是臨終遺表，一片純潔之心，歷千秋而不死。天不祚蜀，遽促其年，哀哉！

【註釋】【興師北伐】謂伐魏也。

【膏肓】（左傳成十年）晉侯疾病，求醫於秦，秦伯使醫緩爲之。未至，公夢疾爲二醫，曰：


『彼，良醫也，懼傷我，焉逃之。』其一曰：『居肓之上，膏之下，若我何？』醫至，曰：『疾不可爲也。在肓之上，膏之下，攻之不可，達之不及，藥

不至焉，不可爲也。』（註）肓，膈也，心下爲膏。

【成都】後漢縣，屬蜀郡，今四川成都縣。


【長】餘爽也。

秦漢三國文評註讀本卷一終



版 出 局 書 華 中

文 藝 叢 刊



藝術論集

豐之愷等著
三角

本書所收的文字，大多是關於繪畫與音樂兩方面的。內容如：最近世界藝術的新趨勢，哲學與藝術，二十世紀的西洋畫派，中國音樂之進化，大眾藝術的音樂，音樂之史的發展，音樂與科學。

妻的藝術

予且著
三角

本書包含五篇小說：①妻的藝術，②木馬，③老趙的悲哀，④山坡羊，⑤妙知。

如意珠

予且著
三角五分

這是四篇四萬餘言的中篇小說，通篇兼實就幻，輕事理，重玄想，輕激烈的事實，重內心的變態。不用重濁專事輕浮物件之描寫，最著實者為：板縫，臭蟲，非而生，火油爐等篇，其餘實物，概用虛寫。

幽靈

巴金等著
四角

本書載短篇小說十篇：幽靈，陳牧師前傳，青黑的蛋臉，松嶺的老人，漁家樂，梅雨天，鹽，大家都這樣說，李奶子，水災等。

捕蝗者

石靈著
二角

中國的農村，一向是被人視為恬靜安樂的所在，可是近幾年來，天災人禍，交相降臨，農村已由樂土而淪為人間地獄。這篇小說便是描寫農村在旱災水災、蝗災、中所遭受的苦況，讀之令人感奮。

屠戶

熊佛西著
二角

這是一個三幕劇，劇中借屠夫的名字，描寫他在現時農村破產的當兒，以重利盤剝鄉民，並利用無知農民好訟的惡習，從中漁利，實為一齣劣紳魚肉鄉民的寫照。

河西見聞記

明駱著
二角五分

本書記河西見聞約略如下：陽關古道，南湖村村長之言，月牙泉，千佛洞，農坊制和區村制，敦煌市面，戈壁夜行，安西城近郊，跨入嘉峪關，威狄堡的兩大權威，沙河鐵與黑水國，金張掖，甘青交界，南大路與北大路等篇。

四川之行

葛綏成著
二角

本書包含三篇四川的遊記：①四川之行，②成都兩週記，③峨嵋山上的景物。

供 書 刊 報 文

法 作 與 理 原 說 小

義 講 法 作 說 小


角 七 冊 一 編 工 侯 孫

全書分四章：首敘論，次作者，三方法，四餘論。書末附藝術的心理，甚麼是作文學必須的條件，及自然主義與中國現代小說三文，均與小說作法極有關係。此書之目的，重在方法，故於描寫、結構、體式、及作小說時應注意之條件，言之甚詳。所引各例，均為近代外國名家之作品。是不僅為研究小說者所必備，且可作中等學校研究文藝時之教科用書。

(化新) 理 原 說 小

角 五 冊 一 著 如 穆 陳

陳穆如先生對於中西文學，素有深刻的研究，而尤擅長於文學的理論。本書是他數年來專門研究小說的心得之作，從小說的目的是什麼起，說到小說的種類、派別和發達史，以及小說與人生、詩歌、戲劇、科學……等的關係，小說的描寫方法，和怎樣去鑑賞現代小說，都有詳細論及，是研究小說者的有力指導。篇首並附有謝六逸先生的序言，尤為難得。



話 說 小

解 著 著 三 角
本書著者搜集古今小說百餘種。於每種小說之風格、旨趣、及其精蘊所在，一一詳為闡述，嚴格批判，堪為選讀小說者之嚮導。

版 出 局 書 華 中

中 1180 (全) 25, 5.

廿五年十月九日





中國文學精華

秦漢三國文評註讀本

下冊

秦漢二國文評註讀本 卷二

書牘



遺章邯書

章邯字少榮，秦將，與項羽戰鉅鹿及棘原。時趙高專權，邯有所請，不用，遂降羽。羽立爲雍王，王咸陽以西，邯廢

邯，後爲漢將韓信所滅。

陳餘

漢大梁人，好儒術，初與張耳爲刎頸交，秦滅魏，勝耳餘兩人，乃變姓名俱亡陳，爲里門監。後復奔趙，趙王立爲

代王。漢攻趙，張耳斬餘於涿水上。



3 0526 6139 8

835.19
454

白起爲秦將，南征鄢郢，北抗馬服，攻城略地，不可勝記；而竟賜死。蒙恬爲秦將，北逐戎人，開榆中地數千里，竟斬陽周。何者？功多，秦不能盡封，因以法誅之。今將軍爲秦將三歲矣，所亡失以萬數，而諸侯並起，滋益多。彼趙高素諛日久，今事急，亦恐二世誅之，故欲以法誅將軍以塞責，使人更代將軍以脫其禍。

書牘 遺章邯書

一夫將軍居外久，多內郤，隙通有功亦誅，無功亦誅。且天之亡秦，無愚智皆知之。今將軍內不能直諫，外爲亡國將，孤特獨立，而欲常存，豈不哀哉？將軍何不還兵，與諸侯爲從，同約共攻秦，分王其地，南面稱孤，此孰與身伏鈇腐鑕質？妻子爲僇乎！就秦之酷待功臣，及郤一身之利害，代爲計較，尺幅中卻具無數層折，增一字不能，減一字不得，是之謂簡潔。

【註釋】【白起】郿人，善用兵，事秦昭王，戰勝攻取，凡七十餘城，封武安君，後忤昭王，賜劍自殺。【郿郿】見李斯諫逐客書註。

【馬服】謂馬服君趙奢之子趙括也。長平之役，秦軍射殺趙括，既其降卒四十萬人。趙奢，見賈誼過秦論上。【蒙恬】秦將，始皇

崩，趙高立二世，矯詔賜扶蘇死，囚蒙恬於陽周，恬自殺。陽周，秦縣，今陝西安定縣北九十里。【戎人】秦使蒙恬將三十萬衆，北逐戎

狄。【榆中】即榆林塞，今蒙古鄂爾多斯，黃河北岸之地。蒙恬累石爲城，樹榆爲塞。【趙高】見孔融肉刑議。【諸侯並起】

時武臣王趙，田儂王齊，韓廣王燕，魏咎王魏，景駒王楚，韓成王韓，以及項羽沛公等，相繼起兵。【鈇鑕】（公羊傳注）腰斬之刑也。

賜南粵王趙佗書

南粵王，姓趙名佗，真定人。秦時爲南海龍川令。二世時，天下亂，南海尉任囂病且死，召佗行尉

事，欲以絕關自備。佗因自立爲南粵武王。高帝十一年，遣陸賈立佗爲南粵王，賈令佗稱臣奉漢約。高后臨朝之五年春，佗自

尊爲南粵武帝，攻長沙邊邑。文帝立二年，爲佗親家在真定者，置守邑，歲時奉祀，召其昆弟厚賜之，遣陸賈使南粵，賜之書。

漢文帝

名恆，高祖中子，初封代王。絳灌輩平諸呂之亂，迎立之，在位二十三年。

皇帝謹問南粵王，甚苦心勞意。

朕、高皇帝側室之子，棄外奉北藩於代，道里遼遠，壅蔽樸愚，未嘗致書。高皇帝棄羣臣，孝惠皇帝卽世，高后自臨事，不幸有疾，日進不衰，以故諄諷暴乎治，諸呂爲變，故亂法，不能獨制，乃取他姓子，爲孝惠皇帝嗣。賴宗廟之靈，功臣之力，誅之已畢。朕以王侯吏不釋之故，不得不立，今卽位。

乃者聞王遺

下去聲 下同

將軍隆慮侯書，求親昆弟，請罷長沙兩將軍。朕以王書罷

將軍博陽侯，親昆弟在眞定者，已遣人存問，修治先人塚。前者聞王發兵於邊，爲寇災不止。當其時，長沙苦之，南郡尤甚。雖王之國，庸獨利乎？必多殺士卒，傷良將吏，寡人之妻，孤人之子，獨人父母，得一亡十，朕不忍爲也。朕欲定地犬牙相入者，以問吏。吏曰：『高皇帝所以介長沙土也。』朕不得擅變焉。吏曰：『得王之地，不足以爲大；得王之財，不足以爲富。』服領以南，王自治之。雖然，王之號爲帝，

兩帝並立，無通一乘辟去之使，以通其道，是爭也；爭而不讓，仁者不為也。願與王分棄前患，終今以來，通使如故。故使賈馳諭，告王朕意。王亦受之，毋為寇災矣。

上褚展目五十衣，中褚三十衣，下褚二十衣，遺王。願王聽樂娛憂，存問鄰國。

立言得體，不亢不卑，和婉中卻有嚴正氣象，那得不令老佗心折？

【註釋】【側室之子】初，高帝召薄姬，幸之。姬曰：『昨夢者龍據吾腹。』帝曰：『此貴證也，吾為汝成之。』一幸遂生文帝。【棄外奉北藩於代】棄外封之於外也。高帝十一年冬，破陳豨，定代，立帝為代王，代地在北，故曰北藩。【孝惠皇帝】名盈，高帝子，在位七年。

【高后】呂氏，名雉，惠帝母也。自少帝元年，臨朝稱制，八年而崩。【詩】亂也。【諸呂】產祿輩也。【他姓子】指少帝。

初，高后命惠帝后張皇后，取他人子養之，而殺其母，以為太子。及惠帝崩，遂即位。【王侯吏不釋之故】高后崩，諸大臣謀立帝。

代郡張武，請帝無往。宋昌極陳迎立之故。至長安渭橋，太尉勃，跪上天子璽符。帝西向讓者三，南向讓者再，乃即天子位。【隆慮侯】

周禮也。即高后所遣駱佗者，隆慮，在今河南林縣。【求親昆弟二句】佗之昆弟在故鄉者求之，而兩將軍將兵擊南粵者罷之。

【真定】西漢國，今河北正定縣南。【博陽侯】將兵擊粵者。【發兵】即指高后五年事。【犬牙相入】言兩地毗連，彼此

相錯如犬牙也。【介】隔也。【服領】領，山名，長沙南界也。見《前漢書南粵王傳注》。【賈】陸賈，楚人，以客從高祖定天下，有口

辯，嘗使南粵，招諭趙佗，拜大中大夫。所著書號《新語》，共十二篇。【褚】以綿裝衣也。【鄰國】謂東越及甌閩等。

報文帝改帝號書

陸賈至，南粵王恐，乃頓首謝，願奉明詔，長為藩臣，奉貢職，因以書報帝云。

趙佗

蠻犛大長老夫臣佗，佗昧死再拜，上書皇帝陛下：

老夫故粵吏也。高皇帝幸賜臣佗璽，以爲南粵王，使爲外臣，時內納貢職。孝惠皇帝卽位，義不忍絕，所以賜老夫者厚甚。高后自臨用事，近細士，信讒臣，別異蠻犛，出令曰：『毋予蠻犛外粵金鐵田器馬牛羊；卽予，予牡，毋予牝。』老夫處僻，馬牛羊齒已長，自以祭祀不脩，有死罪。使內史藩、中尉高、御史平，凡三輩，上書謝過，皆不反。又風聞老夫父母墳墓已壞削，兄弟宗族已誅論。吏相與議曰：『今內不得振於漢，外無以自高異，』故更辟號爲帝，——自帝其國，非敢有害於天下也。高皇后聞之，大怒，削去南粵之籍，使使不通。老夫竊疑長沙王讒臣，故敢發兵以伐其邊。

且南方卑溼；蠻犛中，西有西甌，歐其衆半羸，南面稱王；東有閩粵，其衆數千人，亦稱王；西北有長沙，其半蠻犛，亦稱王。老夫故敢妄竊帝號，聊以自娛。老夫身

定百邑之地，東西南北數千萬里，帶甲百萬有餘，然北面而臣事漢，何也？不敢背先人之故。老夫處粵四十九年，於今抱孫焉，然夙興夜寐，寢不安席，食不甘味，目不視靡曼之色，耳不聽鐘鼓之音者，以不得事漢也。今陛下幸哀憐，復故號，通使漢如故。老夫死骨不腐，改號不敢爲帝矣。

謹北面因使者，獻白璧一雙，翠鳥千，犀角十，紫貝五百，桂蠹一器，生翠四十雙，孔雀二雙。——昧死再拜，以聞皇帝陛下。

此與前書鍼鋒相對。帝旣推誠，佗亦悅服，詞氣之閒，似極低首下心，而仍含有兀傲本色，洵工力悉敵之作。

【註釋】【細土】小人也。【長沙王譏臣】高后時，有司請禁粵關市鐵器。佗曰：「高皇帝立我通使物，今高后聽譏臣，別異蠻夷，隔絕器物，此必長沙王計，欲倚中國，擊滅南海，并王之自爲功也。」【西甌】故城在今廣西貴縣南。（元和志）讀南道邕領貴州，本西甌路越地。【羸】弱也。【靡曼】美色也。【紫貝】海介蟲，可爲酒杯，大者吹以節樂。【桂蠹】桂樹中蝨蟲也，此蟲食桂，故味辛，漬之以蜜食之。漢舊常以獻陵廟，歲以赤蠶小車。

獄中上書自明

鄒

陽

漢臨淄人。景帝時仕吳，以文辯知名。吳王陰有邪謀，上書陳不聽。去之梁，從孝王游，爲羊勝等所譖，下獄。上書

自陳。王出之，待爲上客。

臣聞忠無不報，信不見疑；臣常以爲然，徒虛語耳！昔者荆軻慕燕丹之義，白虹貫日，太子畏之；衛先生爲秦畫長平之事，太白食昴，昭王疑之。夫精誠變天地，而信不諭兩主，豈不哀哉？今臣盡忠竭誠，畢議願知，左右不明，卒從吏訊，爲世所疑，是使荆軻衛先生復起，而燕秦不寤也。願大王執察之！昔玉人獻寶，楚王誅之；李斯竭忠，胡亥極刑。是以箕子陽狂，接輿避世，恐遭此患。願大王察玉人李斯之意，而後楚王胡亥之聽，毋使臣爲箕子接輿所笑。臣聞比干剖心，子胥鴟夷，臣始不信，乃今知之。願大王執察，少加憐焉。

語曰：『白頭如新，傾蓋如故。』何則？知與不知也。故樊於期逃秦之燕，藉荆軻首以奉丹事；王奢去齊之魏，臨城自剄，景以卻齊而存魏。夫王奢樊於期，非新於齊秦而故於燕魏也；所以去二國，死兩君者，行合於志，而慕義無窮也。是以

蘇秦不信於天下，爲燕尾生；白圭戰亡六城，爲魏取中山。何則？誠有以相知也。蘇秦相燕，人惡之於燕王，燕王按劍而怒，食聲去以馱馱驪馱。白圭顯於中山，人惡之於魏文侯，文侯投以夜光之璧。何則？兩主二臣，剖心析肝相信，豈移於浮辭哉？

故女無美惡，入宮見妒；士無賢不肖，入朝見嫉。昔者司馬喜膾腳於宋，卒相中山；范雎摺脅折齒於魏，卒爲應侯；此二人者，皆信必然之畫，捐朋黨之私，挾孤獨之交，故不能自免於嫉妒之人也。是以申徒狄蹈雍之河，徐衍負石入海，不容身於世，義不苟取比聲去。周於朝，以移人主之心。故百里奚乞食於路，穆公委之以政；寧戚飯聲上牛車下，而桓公任之以國；此二人者，豈素宦於朝，借譽於左右，然後二主用之哉？感於心，合於意，堅如膠漆，昆弟不能離，豈惑於衆口哉？故偏聽生姦，獨任成亂。昔魯聽季孫之說，逐孔子，宋信子冉之計，囚墨翟。夫以孔墨之辯，不能自免於讒諛，而二國以危。何則？衆口鑠切式金，積毀銷骨也。是以秦用戎人由余而霸中國，齊用越人子臧而彊威宣。此二國，豈拘於俗，牽於世，繫奇偏之辭哉？公

聽並觀，垂名當世。故意合則胡越爲昆弟，由余子臧是矣；不合，則骨肉爲讐敵，朱象管蔡是矣。今人主誠能用齊秦之明，後宋魯之聽，則五霸不足侔，三王易辟去爲比也。

是以聖王覺悟，捐子之之心，而不悅田常之賢，封比干之後，修孕婦之墓，故功業覆於天下。何則？欲善無厭也。夫晉文公親其讎，而彊霸諸侯，齊桓公用其仇，而一匡天下，何則？慈仁殷勤，誠嘉於心，此不可以虛辭借也。至夫秦用商鞅之法，東弱韓魏，立彊天下，而卒車裂之；越用大夫種之謀，禽擒同勁吳，而霸中國，遂誅其身。是以孫叔敖三去相而不悔，於烏陵子仲辭三公爲人灌園。今人主誠能去驕傲之心，懷可報之意，披心腹，見情素，隳肝膽，施德厚，終與之窮達，無愛於士，則桀之狗可使吠堯，而跖之客可使刺由；何況因萬乘之權，假聖王之資乎？然則荆軻湛沉同七族，要辟平離燔旗妻子，豈足爲大王道哉？

臣聞明月之珠，夜光之璧，以暗投入於道，衆莫不按劍相眄題者，何則？無因

而至前也。蟠木根柢，輪囷離奇，而爲萬乘器者，何則？以左右先爲之容也。故無因而至前，雖出隨侯之珠，夜光之璧，祇足結怨而不見德；故有人先游，則枯木朽株，樹功而不忘。今天下布衣窮居之士，身在貧賤，雖蒙堯舜之術，挾伊管之辯，懷龍逢應比干之意，而素無根柢之容，雖竭精神，欲開忠於當世之君，則人主必襲按劍相眄之跡矣。是使布衣之士，不得爲枯木朽株之資也。是以聖王制世御俗，獨化於陶鈞之上，而不牽乎卑辭之語，不奪乎衆多之口。故秦皇帝任中庶子蒙嘉之言，以信荊軻之說，而匕首竊發；周文獵涇渭，載呂尙而歸，以王天下。秦信左右而亡，周用烏集而王，何則？以其能越拘攣呂員切之語，馳域外之議，獨觀於昭曠之道也。今人主沈詔諛之辭，牽於帷曆繼同之制，使不羈之士，與牛驥同皁，此鮑焦所以忿於世也。

臣聞盛飾入朝者，不以私汙義；砥厲名號者，不利傷行。故里名勝母，曾子不入；呂號朝歌，墨子迴車。今欲使天下恢廓之士，誘於威重之權，脅於位勢之貴，

回面汙行以事詔諛之人而求親近於左右則士有伏死堀同穴巖藪之中耳安有盡忠信而趨闕下者哉？

引證繁富，不見堆疊痕跡，妙有大氣以包舉之。

【註釋】【白虹貫日】白虹，兵象，日爲君，荆軻行後，太子相氣，見白虹貫日不做，曰：「吾事不成矣。」【太白食昂】太白，卽金星也。昂星，趙分野，將有兵，故太白食昂。白起爲秦伐趙，破長平軍，欲遂滅趙，遣衛先生說昭王，益兵糧，爲應侯所害，不成，其精誠上達於天，故太白爲之食昂。

【諷】曉也。【畢議願知】盡其計議，願王知之。【左右不明】言左右不敢斥王也。【孰】審也。【玉人二句】見孔融肉刑議。【李斯二句】李斯諫二世以正，而二世殺之，具五刑。【箕子陽狂】箕子，殷太師，諫紂被囚，陽狂爲奴。【接輿】見東方朔答客難。【比干剖心】見王逸楚辭章句敘。【子胥鴟夷】見東方朔答客難。【白頭二句】或久交而如新，或一見而如故。傾蓋，猶交蓋，駐車也。《家語》孔子之鄉，遭程子於途，傾蓋而語，終日甚相親。【樊於期】秦將，被讒走燕，始臯滅其家，又重賂之。燕遣荆軻刺秦王，於期自刎，令首前往。【王奮】齊臣，亡至魏。其後齊伐魏，奪登城謂齊將曰：「今君之來，不過以奮故也，義不苟生，以爲魏累，遂自刎。」【蘇秦爲燕尾生】服虔曰：「蘇秦於秦不出其信，於燕則出尾生之信也。」尾生，古之信士，守志亡軀，故以爲喻。【白圭爲魏取中山】白圭爲中山將，亡六城，君欲殺之，亡入魏，文侯厚遇之，遺拔中山。【馱驥】馱，良馬也，言不聽讒言，而更賜以珍味也。【司馬喜】六國時人，三和中山。【贗脚】《文選注》脫去人之脛也，贗，膝蓋也。【范

睢摺脅】摺脅，漢書作拉脅，搯也。范睢，魏人，魏相魏齊疑其以國陰事告齊，乃掠笞數百，拉脅折齒，後入秦爲相，封應侯。【申徒

書牘 獄中上書自明

狄蹈雍之河。申徒狄，殷末介士也。河水溢出爲小流，曰雍，言狄初因蹈雍，遂入大河。

【百里奚乞食】百里奚，虞人也，聞繆公賢，欲往于之，乞食以自致。

【寧戚飯牛】齊桓公夜出迎客，戚寤疾擊其牛角，商歌曰：『南山矸，（矸與岸同）白石爛，生不遭堯與舜，短布單衣適至矸。（矸，歷也）從昏飯牛薄夜半，長夜曼曼何時旦！桓公召與語，悅之，以爲大夫。

【魯聽季孫逐孔子】季孫，魯大夫季桓子也，名斯。論語：齊人歸女樂，季桓子受之，三日不朝，孔子行。桓子故使定公受齊之女樂，借此令孔子行也。

【子冉】子罕也。【衆口鑠金二句】見中山靖王開樂對。【由余】見李斯諫逐客書。

【威宣】齊威王嬰齊，宣王辟疆也。【朱象管蔡】朱，丹朱，堯子，象，舜弟，管，蔡，周之二叔也。

【子之】燕王噲，賢其相子之，欲禪以燕，國乃大亂。【田常】陳恆也。齊簡公悅之，而恆卒弑簡公。

【修孕婦墓】村剝孕婦而觀其胎，武王克商，反其故政，乃封修之。

【晉文公親其讎】寺人勃鞞，爲晉獻公逐文公，斬其袂，及文公即位，用其言，以免呂卻之難。【齊桓公用其讎】管仲射中桓公帶鉤而用爲相。

【商鞅】見賈誼過秦論上。【大夫種】見粵有三仁對註。【孫叔敖】叔敖三爲楚相，而三去之。狐丘之封人謂之曰：『吾聞處官久者，士妒之，祿厚者，衆怨之，位尊者，君恨之。今相國有此三者，而不得罪於楚之士衆，何也？』叔敖曰：『吾三相楚，而身愈卑，每益祿而施愈薄，位益尊而禮愈恭，是以不得罪於楚人也。』

【於陵子仲】於陵，地名。子仲，陳仲子也。兄馮爲齊相，仲子以爲不義，乃將妻子適楚，居於於陵。楚王聞其賢，欲聘爲相，不許，遂逃而爲人灌園。【無愛於士】愛，吝惜也。【跖】盜跖。

【由】許由。【荆軻湛七族】荆軻爲燕刺秦始，不成而死，其族坐誅。湛，沒也。七族，上至曾祖，下至曾孫。

【要離燔妻子】吳王閔欲殺王子慶忌，要離詐以罪亡，令吳王燔其妻子，要離走見慶忌，以劍刺之。

【蟠木根柢】蟠木，屈曲之木也。柢，根下本也。

【輪囷】委曲盤戾也。【先爲之容】翁云先爲之道地也。【隨侯之珠】註見李斯諫逐客書。

【伊管】伊尹，管仲。

【龍逢】龍逢姓關，諫桀不聽，爲桀所殺。【開】謂陳說也。【陶鈞】陶家名模，下圓轉者爲鈞，蓋取周回調鈞耳。言聖王制馭天

下，亦猶陶家轉鈞也。【中庶子蒙嘉】中庶子，秦官名，戰國策：荆軻既至秦，厚遺秦王寵臣中庶子蒙嘉，嘉爲先言於秦王曰：『燕

願舉國爲內臣，謹斬樊於期頭，及獻燕之督亢地圖，函封，使使以聞大王。』【匕首】短劍也，其首類匕，便於用也。【涇渭】二水

名，在今陝西省。【呂尚】西伯出，遇呂尚於渭之陽，與語大悅，因載歸。【烏集】言文王之得太公，若烏鳥之暴集，見漢書：晉襲

【牽帷曆之制】言爲陪侍帷幄之臣，委所牽制也。【阜】極也。【鮑焦】周之介士，鮑焦怨時之不用己，採蔬於道，子貢難曰：

『非其時而採其蔬，』焦棄其蔬，立枯於洛水之上。【砥厲】言其自修廉隅，若磨厲於石也。【勝母】曾子至孝，以勝母之名不

顧，故不入。【朝歌】淮南子：鬻子非樂，不入朝歌。朝歌，殷邑，在今河南淇縣。

上書諫吳王

吳王濞怨望，謀爲逆，乘上書諫之。

枚 乘

漢淮陰人，字叔，爲吳王濞郎中。王有異謀，上書諫，不納。去之梁，孝王尊爲上客。善屬文，嘗作七發，景帝時，選爲

宏農都尉，以病免。武帝即位，乘年已老，以安車蒲輪徵之，道卒。

臣聞得全者昌，失全者亡。舜无同立錐之地，以有天下；禹无十戶之聚，以王去諸侯；湯武之士，不過百里；上不絕三光之明，下不傷百姓之心者，有王術也。故父子之道，天性也。忠臣不避重誅以直諫，則事无遺策，功流萬世。臣乘願披心腹

書牘 上書諫吳王

而効愚忠，惟大王少加意，念惻怛之心於臣乘言。

夫以一縷之任，係千鈞之重，上懸之无極之高，下垂之不測之淵，雖甚愚之人，猶知哀其將絕也。馬方駭，鼓而驚之；係方絕，又重鎮之。係絕於天，不可復結；墜入深淵，難以復出；其出不出，閒不容髮。能聽忠臣之言，百舉必脫。必若所欲爲，危於累卵，難於上天；變所欲爲，易辟去於反掌，安於泰山。今欲極天命之上壽，弊无窮之極樂，究萬乘辟去之勢，不出反掌之易，居泰山之安，而欲乘累卵之危，走上天之難，此愚臣之所大惑也。

人性有畏其影而惡其迹，卻背而走，迹逾多，影逾疾；不如就陰而止，影滅迹絕。欲人勿聞，莫若勿言；欲人勿知，莫若勿爲；欲湯之滄，創一人炊之，百人揚之，無益也，不如絕薪止火而已。不絕之於彼，而救之於此，譬猶抱薪而救火也。養由基，楚之善射者也，去楊葉百步，百發百中——楊葉之大，加百中焉——可謂善射矣。然其所止，乃百步之內耳；比於臣乘，未知操弓持矢也。福生有基，禍生有胎，納

其基，絕其胎，禍何自來哉？

太山之雷溜通穿石，單極之綆綆斷幹河潤，水非石之鑽，索非木之鋸，漸尖磨

使之然也。夫銖殊銖而稱之，至石必差；寸寸而度舉入之，至丈必過；石稱丈量，徑

而寡失。夫十圍之木，始生如蘄，足可搔而絕，手可擢而抓蚤。據其未生，先其未形，

磨礪砥礪，不見其損，有時而盡；種樹畜養，不見其益，有時而大；積德累行，不知其

善，有時而用；棄義背佩理，不知其惡，有時而亡。臣願大王執計而身行之，此百世

不易之道也。

層層比喻，名言至理，讀之惟恐其盡。

【註釋】【弊】猶盡也。【究】竟也。【滄】寒也。【養由基】楚大夫。戰國策：蘇厲謂周君曰：養由基善射，去柳葉百步而

射，百發百中。【未知操弓持矢句】乘自言所知者遠，非止見百步之中，故謂由基為不曉射也。【納】猶藏也。【霽】滴小

也。【單極之綆斷幹】西方人名屋梁為極，單，一也。梁，井鹿盧也，汲水之器。綆，索也。幹，井上木闕也，常為汲索所契傷也。【磨】

磨切也。【銖】十黍為銖，十銖為銖。【石】百二十斤也。【徑】直也。【蚤】芽之旁出者。【擢】謂抓也。【擢】拔也。

【抓】拈也。

上書重諫吳王

吳王舉兵西嚮，以誅鼂錯爲名，漢聞之，斬錯以謝諸侯，乘於是復說吳王。

枚乘

昔者秦西舉胡戎之難，北備榆中之關，南距羌荏，昨之塞，東當六國之從。縱詞六國乘信陵之藉，明蘇秦之約，厲荊軻之威，并力一心以備秦；然秦卒禽六國，滅其社稷而并天下，是何也？則地利不同，而民輕重不等也。今漢據全秦之地，兼六國之衆，修戎狄之義，而南朝羌荏，此其與秦地相什而民相百，大王之所明知也。今夫讒諛之臣，爲大王計者，不論骨肉之義，民之輕重，國之大小，以爲吳禍，此臣所以爲大王患也。

夫舉吳兵以訾於漢，譬猶蠅螭之附羣牛，腐肉之齒利劍，鋒接必無事矣。天下聞吳率失職諸侯，願責先帝之遺約。今漢親誅其三公以謝前過，是大王之威加於天下，而功越於湯武也。夫吳有諸侯之位，而實富於天子；有隱匿之名，而居

過於中國。夫漢并二十四郡，十七諸侯，方輸錯出，運行數千里，不絕於道，其珍怪不如東山之府，轉粟西鄉，同陸行不絕，水行滿河，不如海陵之倉；修治上林，雜以離宮，積聚玩好，圈守禽獸，不如長洲之苑；游曲臺，臨上路，不如朝夕之池；深壁高壘，副以關城，不如江淮之險；此臣之所以爲大王樂也。

今大王還兵疾歸，尙得十半；不然，漢知吳之有吞天下之心也，赫然加怒，遣羽林黃頭，循江而下，襲大王之都，魯東海絕吳之饜，同道，梁王飭車騎，習戰射，積粟固守，以偪滎陽，待吳之飢。大王雖欲反，同都亦不得已。夫三淮南之計，不負其約，齊王殺身，以滅其迹；四國不得出兵其郡，趙囚邯鄲，此不可掩，亦已明矣。今大王已去千里之國，而制於十里之內矣。張韓將北地，弓高宿左右，兵不得下壁，軍不得太息；臣竊哀之，願大王孰察焉！

此時吳王反漢之志已決，故就利害得失懇切言之，不如前書之婉以風矣。

【註釋】【榆中】見陳徐道章郡書註。【羌翟】西南夷也。【信陵之藉】信陵君嘗總五國卻秦，有地資也。【蘇秦之

【約】蘇秦主合縱之說。【荆軻】見獄中上書自明辯註。【修戎狄之義】修恩義以撫戎狄。【誓】量也。【齒】猶賞也。

【誅其二公】謂誅黽錯也。錯爲御史大夫，故曰三公。【隱匿】謂僻在東南。【方輸錯出】方軌而輸，雜出貢賦，入於天子也。

【東山】吳王之府藏也。【海陵】漢縣，今江蘇泰縣治。【長洲之苑】吳苑也，今江蘇吳縣治。【曲臺】長安，臨道上也。

【朝夕之池】以海水朝夕爲池。【尙得十牛】言十分之中，可冀五分無患也。【羽林黃頭】漢書註：羽林黃頭郎，習水戰者也。

【魯東海句】魯，漢國。東海，漢郡，今山東舊登州府，至邳洲之境皆是。吳備軍自海入河，故命魯國入東海郡，以絕其道也。

【梁七】梁孝王武也。吳楚齊趙七國反，先擊梁韓彭，殺數萬人。梁王城守睢陽，而使韓安國服羽等爲將軍，以拒吳楚。吳楚以梁爲限，不敢過而西，與太尉亞夫等相距三月，吳楚破，梁最親有功。

【滎陽】漢縣，故城在今河南滎澤縣西南。【淮南二句】三淮南，謂淮南厲王之子，淮南王安，廬江王駒，衡山王勃。吳楚反，皆守約不從也。

【齊王句】齊孝王將閔也。吳楚反，堅守距三國不從。後藥布等聞初與三國有謀，欲伐之，王懼自殺。

【四國句】膠東膠西濟北菑川四國，發兵應吳楚，皆見詳。【趙囚邯鄲】漢將鄒寄圍趙王於邯鄲，與囚無異也。

【張韓將北地】謂張羽韓安國將兵在吳軍之北也。【弓高宿左右】宿，止也。言弓高所將之兵，屯止於吳軍左右也。

報任少卿書 少卿，名安，爲益州刺史。遷既被腐刑，後爲中書令，尊寵任職。安子遷書，責以古賢臣之義。遷報以此書。

司馬遷 漢人，字子長，生於龍門，嘗南遊江淮，北涉汝酒。父談，爲太史公，遷繼父業。李陵降匈奴，武帝怒甚。遷極言其忠，

下腐刑，乃作史記。

太史公牛馬走，司馬遷，再拜言，少卿足下。

曩者辱賜書，教以慎於接物，推賢進士爲務，意氣懃懃懇懇，若望僕不相師，而用流俗人之言；僕非敢如此也。僕雖罷疲，驚，亦嘗側聞長上者之遺風矣。顧自以爲身殘處穢，動而見尤，欲益反損，是以獨抑鬱而誰與語。諺曰：『誰爲去爲之，孰令平聽之？』蓋鍾子期死，伯牙終身不復鼓琴。何則？士爲知己者用，女爲悅己者容。若僕，大質已虧缺矣，雖才懷隨和，行若由夷，終不可以爲榮，適足以見笑而自點耳。書辭宜答，會東從上來，又迫賤事，相見日淺，卒卒猝無須臾之間，得竭志意。今少卿抱不測之罪，涉旬月，迫季冬。僕又薄博，從上雍，恐卒然不可爲諱，是僕終已不得舒憤懣滿，以曉左右，則長逝者魂魄私恨無窮。請略陳固陋，闕然久不報，幸勿爲過。

僕聞之：修身者，智之符也；愛施者，仁之端也；取予與同者，義之表也；恥辱者，勇之決也；立名者，行之極也。士有此五者，然後可以託於世，而列於君子之林矣。故

禍莫慙慘同於欲利，悲莫痛於傷心，行莫醜於辱先，詬搢莫大於宮刑。刑餘之人，無所比數，非一世也，所從來遠矣。昔衛靈公與雍渠同載，孔子適陳，商鞅因景監見趙良寒心，同子參乘，袁絲變色，自古而恥之。夫中材之人，事有關於宦豎，誓莫不傷氣，而況於慷慨之士乎？如今朝廷雖乏人，奈何令刀鋸搢之餘，薦天下之豪俊哉？

僕賴先人緒業，得待罪輦轂下，二十餘年矣。所以自惟：上之不能納忠效信，有奇策材力之譽，自結明主；次之，又不能拾遺補闕，招賢進能，顯巖穴之士；外之不能備行伍，攻城野戰，有斬將奪率旗之功；下之不能積日累辟上勞，取尊官厚祿，以爲交遊光寵。四者無一遂，苟合取容，無所短長之效，可見於此矣。嚮者，僕亦嘗廁下大夫之列，陪奉外廷末議，不以此時引綱維，盡思慮，今已虧形爲掃除之隸，在闡塔葺辟或上之中，乃欲仰首伸眉，論列是非，不亦輕朝廷，羞當世之士耶？嗟乎！嗟乎！如僕尙何言哉！尙何言哉！且事本末，未易明也。僕少負不羈之才，長無鄉曲

之譽主上幸以先人之故，使得奏薄技出入周衛之中，僕以爲戴盆何以望天，故絕賓客之知，亡家室之業，日夜思竭其不肖之才力，務一心營職，以求親媚於主上，而事乃有大謬不然者。

夫僕與李陵俱居門下，素非能相善也。趨舍異路，未嘗銜杯酒，接殷勤之餘歡。然僕觀其爲人，自守奇士，事親孝，與士信，臨財廉，取與義，分別有讓，恭儉下人，常思奮不顧身，以殉國家之急，其素所蓄積也。僕以爲有國士之風。——夫人臣出萬死不顧一生之計，赴公家之難，斯已奇矣。——今舉事一不當，而全軀保妻子之臣，隨而媒孽醉其短，僕誠私心痛之。且李陵提步卒不滿五千，深踐戎馬之地，足歷王庭，垂餌虎口，橫挑疆胡，仰億萬之師，與單婦于連戰十有餘日，所殺過當。虜救死扶傷不給，旃裘之君長咸震怖，乃悉徵其左右賢王，舉引弓之人，一國共攻而圍之，轉鬪千里，矢盡道窮，救兵不至，士卒死傷如積。恣然陵一呼勞去軍士無不起，躬自流涕，沫誨血飲泣，更張空券，丘冒白刃，北嚮爭死敵者。陵

未沒時，使有來報，漢公卿王侯皆奉觴上壽。後數日，陵敗書聞，主上爲之食不甘味，聽朝不怡；大臣憂懼，不知所出。僕竊不自料其卑賤，見主上慘愴怛悼，誠欲效其款款之愚，以爲李陵素與士大夫絕甘分少，能得人之死力，雖古之名將，不能過也。身雖陷敗，彼觀其意，且欲得其當_{辭去}，而報於漢；事已無可奈何，其所摧敗，功亦足以暴_僕於天下矣。僕懷欲陳之而未有路，適會召問，卽以此指推言陵之功，欲以廣主上之意，塞_厓睚眦_恚之辭，未能盡明，明主不曉，以爲僕沮_{在日切}貳師，而爲李陵游說_秘，遂下於理。拳拳之忠，終不能自列，因爲誣上，卒從吏議。家貧，貨賂不足以自贖，交游莫救視，左右親近，不爲一言。身非木石，獨與法吏爲伍，深幽囹_陵圜_語之中，誰可告愬者？此真少卿所親見，僕行事豈不然乎？

李陵既生降，頽其家聲，而僕又_貳之蠶室，重爲天下觀笑。悲夫！悲夫！事未易一二爲俗人言也。僕之先，非有剖符丹書之功，文史星曆，近乎卜祝之間，固主上所戲弄，倡優所蓄，流俗之所輕也。假令僕伏法受誅，若九牛亡一毛，與螻蟻何

以異？而世俗又不能與死節者次比，特以爲智窮罪極，不能自免，卒就死耳！何也？素所自樹立使然也。人固有一死，死或重於泰山，或輕於鴻毛，用之所趣異也。太上，不辱先；其次，不辱身；其次，不辱理色；其次，不辱辭令；其次，詘體受辱；其次，易服受辱；其次，關木索，被箠楚受辱；其次，剔毛髮，嬰金鐵受辱；其次，毀肌膚，斷肢體受辱；最下，腐刑極矣。傳曰：『刑不上大夫。』此言士節不可不勉勵也。猛虎在深山，百獸震恐；及在檻穿淨之中，搖尾而求食，積威約之漸也。故士有畫地爲牢，勢不可入，削木爲吏，議不可對，定計於鮮也。今交手足，受木索，暴肌膚，受榜北五，箠幽於圜，牆之中。當此之時，見獄吏則頭搶地，視徒隸則心惕息，何者？積威約之勢也。及以是言不辱者，所謂彊顏耳！曷足貴乎！且西伯，伯也，拘於美里；李斯，相也，具於五刑；淮陰，王也，受械於陳；彭越、張敖，南面稱孤，繫獄抵罪；絳侯誅諸呂，權傾五伯，囚於請室；魏其、大將也，衣赭去聲，赭衣，關三木；季布爲朱家鉗奴，灌夫受辱於居室；此人皆身至王侯將相，聲聞鄰國，及罪至罔同加，不能引決自裁，

在塵埃之中，古今一體，安在其不辱也？由此言之：勇怯、勢也，彊弱、形也，審矣，何足怪乎？夫人不能早自裁繩墨之外，以稍陵遲，至於鞭箠之間，乃欲引節，斯不亦遠乎！古人所以重施刑於大夫者，殆爲此也。

夫人情莫不貪生惡死，念父母，顧妻子，至激於義理者不然，乃有所不得已也。今僕不幸，早失父母，無兄弟之親，獨身孤立，少卿視僕於妻子何如哉？且勇者不必死節，怯夫慕義，何處不勉焉。僕雖怯懦，欲苟活，亦頗識去就之分矣，何至自沈溺縲^樂繼^洩之辱哉？且夫臧獲婢妾，猶能引決，況僕之不得已乎？所以隱忍苟活，幽於糞土之中而不辭者，恨私心有所不盡，鄙陋沒世，而文采不表於後世也。古者富貴而名磨滅，不可勝^升記，唯侗^揚儻^倘非常之人稱焉。蓋文王拘而演周易，仲尼^厄戾^厄而作春秋，屈原放逐，乃賦離騷；左丘失明，厥有國語；孫子牘^類上^上脚，兵法修列；不韋遷蜀，世傳呂覽；韓非囚秦，說^說難孤憤；詩三百篇，大抵賢聖發憤之所爲作也。此人皆意有所鬱結，不得通其道，故述往事，思來者。乃如左丘無

目，孫子斷足，終不可用，退而論書策以舒其憤，思垂空文以自見。僕竊不遜，近自託於無能之辭，網羅天下放失舊聞，略考其事，綜其終始，稽其成敗興壞之紀，上計軒轅，下至於茲，爲十表、本紀十二、書八章、世家三十、列傳七十——凡百三十篇，亦欲以究天人之際，通古今之變，成一家之言。草創未就，會遭此禍，惜其不成，是以就極刑而無愠色。僕誠已著此書，藏之名山，傳之其人，通邑大都，則僕償前辱之責，雖萬被戮，豈有悔哉！然此可爲智者道，難爲俗人言也。

且負下未易居，下流多謗議。僕以口語，遇遭此禍，重爲鄉黨所戮笑，以污辱先人，亦何面目復上父母之丘墓乎？雖累百世，垢彌甚耳。是以賜一日而九迴，居則忽忽若有所亡，出則不知其所往。每念斯恥，汗未嘗不發背，露衣也。身直爲閹閣^始之臣，寧得自引深藏巖穴邪？故且從俗浮沈，與時俯仰，以通其狂惑。今少卿乃教以推賢進士，無乃與僕私心刺^諫謬乎？今雖欲自彫琢曼^萬辭以自飾，無益於俗不信，適足取辱耳。要之死日，然後是非乃定。書不能悉意，略陳固陋。僅再拜。

通體以忍辱著書爲主義，而無窮冤抑，盡情一洩，如怨如慕，如泣如訴，反覆千數百言，卻以一氣呵成，慷慨激昂，音節悲壯，是天地間有數文字。

【註釋】【太史公牛馬走】太史，官名。秦有太史令。至漢武始置太史公，以司馬談爲之，子遷嗣。見《杜氏通典》。牛馬走，謹詞，猶後世之稱僕也。【望】怨望也。【誰爲二句】言無知己者，設欲爲善，當爲誰爲之，復欲誰聽之。【鍾子期死二句】見揚雄解難。【大質】身也。【隋和】隋侯珠，和氏璧也。【由夷】許由伯夷也。【點】辱也。【東從上來】從武帝自東方還也。【卒卒】匆遽貌。【不測之罪三句】任安因戾太子事下獄，更旬月後季冬便當就刑也。【薄從上雍】薄，迫也。雍，地名，今陝西鳳翔縣南，漢祭天於此。【不可諱】難言其死，故云不可諱。【慙】悶也。【禍莫憐於欲利】須利贖罪，而家貧，故最慘也。【宮刑】割勢也。【衛靈二句】衛靈公，名元，與夫人南子同宦者雍渠參乘，使孔子爲次乘。孔子恥之，遂去衛適陳。【商鞅二句】商鞅，衛庶子，相秦孝公，封商君。其始因嬖人景監以見，寒心，懼其禍之至也。【同子二句】同子，宦官趙談也。與遷父同名，故諱曰同子。參乘，陪乘也。漢文帝嘗令趙談參乘，袁盎伏車前曰：「臣聞天子所與共六尺輿者，皆天下豪英。今漢雖乏人，陛下獨奈何與刑餘同載？」於是帝笑下趙談。絲，盜字也。【先人緒業】謂繼續父業也。【奪】拔取也。【下大夫】廂間也。太史令秩千石，故云下大夫。【闕茸】猥賤也。【周衛】宿衛周密也，指宮禁言。【戴盆句】頭戴盆則不得望天，望天則不得戴盆，喻事不可兼也。【李陵】見書牋小傳。【俱居門下】同爲侍中。【媒蘖】媒，酒辭也。蘖，麴也。喻釀成其禍也。【王庭】匈奴之庭。【過當】陵軍士少，殺匈奴兵倍多，故云。【左右賢王】左賢王，右賢王，並匈奴侯王。【積】積聚之舉，誇於外者。

【沐】灑面也。【券】券弓也，矢盡故張空券。【使有來報】（史記）陵至浚稽山，使麾下騎陳步樂以聞，步樂召見，遣陵能得士死力，上甚悅。【款款】忠實貌。【絕甘分少】言與同甘苦也。【彼觀】猶觀彼也。【匪訛】忤目相視貌，指上媒孽言。【武師】李廣利也。武師征匈奴，令陵爲助，及陵與單于相值，而武師無功，武帝疑選欲沮止武師，故下遷獄，治獄官也。【拳拳】忠謹貌。【因爲誣上二句】吏議以爲誣上，天子從其議，定爲宮刑。【囹圄】獄也。【侮之蠹室】侮，次也，養蠹之室，而帝腐刑思風，須入密室，故云。【劊符丹書】漢初與功臣剖符作誓，文論功定封，丹書鐵券，藏之金匱石室。【文史星曆】太史掌文史律曆之事。【理色】謂義理顏色。【詘體】長跪也。【易服】謂著赭衣。【關木索】木械也。索，繩也。關，作解束解。【箠楚】箠，杖也。楚，荆也。【剔毛髮，嬰金鐵】卽髡鉗之刑。嬰，纏也。【腐刑】宮刑腐臍，故云。【刑不上大夫】見（禮記）大夫有罪，則賜自盡，不加刑辱也。【積威約之漸】虎威爲人所制，故漸積至此。【定計於鮮】鮮，善也，言當早自爲計，置身無過之地也。【榜】擊也。【圜牆】獄也。【具於五刑】先行墨劊刺宮，而後大辟，具備也。【淮陰】韓信爲楚王，人有告信欲反，高祖用陳平謀，僞遊雲夢，信謁上於陳，高祖令武士縛信，載後車。【彭越】封梁王，高祖誅陳，徵兵於梁，越稱病，上捕之，囚於洛陽。【張敖】張耳子，嗣爲趙王，人告其謀反，捕繫之。【絳侯】周勃封絳侯，呂氏之亂，勃與陳平合謀平之，迎立孝文，後有告勃謀反者，遂囚於請罪之室。【魏其】魏其侯卬，坐灌夫罵丞相田蚡不敬，論棄市。【赭衣】罪人赤色之服。【關三木】三木枷在頸，桎械在手足也。【季布】布爲楚將，數窘漢王，楚滅，高祖購求布千金，敢舍匿者罪三族，布乃髡鉗至魯朱家賣之。【灌夫】丞相田蚡娶燕王女爲夫人，太后詔列侯宗室皆往賀，灌陰人灌夫怒罵之，坐不敬，乃繫於田蚡所居之室。【罔加】罔，法網也。【勇怯三句】言勇怯強弱，皆緣形勢，審之已確矣。【縲紲】繫人之索也。【臧獲】揚子方言，海岱之間，罵奴曰臧，罵

婢目獲。

【僞儻】卓異也。

【仲尼】孔子困於陳蔡而作春秋。

【離騷】見班固離騷贊序題註。

【左丘失明】孔子作春

秋，丘明失明，乃述夫子之志而作傳，是爲左氏春秋。又以傳所未及集爲國語。

【孫子】即孫臏，見過秦論上。

【不韋】呂不韋爲

秦相，封文信侯。秦始皇立，遷之於蜀，於是著呂氏春秋。

【韓非】見王逸楚辭章句敘。

【軒轅】黃帝生於軒轅之丘，故曰軒轅氏。

【十表】三代世表，十二諸侯年表，六國年表，秦楚之際月表，漢諸侯年表，高祖功臣年表，惠景間功臣年表，建元以來侯者年表，王

子侯者年表，漢興以來將相名臣年表。

【本紀十二】

五帝，夏，殷，周，秦始皇，項羽，高祖，呂后，孝文，孝景，今上。

【書八章】職，樂律，

曆，天官，封禪，河渠，平準。

【世家三十】自吳太伯至五宗三王。

【列傳七十】自伯夷至貨殖，加以自敘一篇。

【負下二

句】謂負累之下，不易久處，下流，至賤也。

【戮笑】戮，辱也。

【閨閣】宮中小門。

【狂惑】嚙子知善不行者謂之狂，知惡

不改者謂之惑，自謙之詞。通者，自解自慰也。

【刺謬】刺，戾也。

【曼辭】曼，美也。

答蘇武書

蘇武，字子卿，杜陵人。武帝時，以中郎將使匈奴，被留，居海上，啣雪吞氈，仗節牧羊十九年，得還。昭帝拜爲典屬

國。宣帝時，拜關內侯，圖形麒麟閣。

李陵

漢隴西成紀人，字少卿，廣之孫。爲侍中，繼拜騎都尉。天漢二年，武帝遣貳師李廣利擊匈奴，陵自請以少驍衆，

上許之。於是將步騎五千與匈奴戰，力竭而降。

子卿足下：

勤宣令德，策名清時，榮問休暢，幸甚幸甚！遠託異國，昔人所悲，望風懷想，能不依依！昔者不遺，遠辱還答，慰誨慤懃，有逾骨肉。陵雖不敏，能不慨然！自從初降，辱平以至今日，身之窮困，獨坐愁苦，終日無覩，但見異類，韋韝鈎毳翠幕，以禦風雨；羶肉酪漿，以充饑渴。舉目言笑，誰與爲歡？胡地玄冰，邊土慘裂。但聞悲風蕭條之聲，涼秋九月，塞辟去外草衰，夜不能寐。側耳遠聽，胡笳互動，牧馬悲鳴，吟嘯成羣，邊聲四起，晨坐聽之，不覺淚下。嗟乎！子卿，陵獨何心，能不悲哉？

與子別後，益復無聊。上念老母，臨年被戮；妻子無辜，並爲鯨鯢。身負國恩，爲世所悲。子歸受榮，我留受辱，命也如何！身出禮義之鄉，而入無知之俗；違棄君親之恩，長爲蠻犛之域，傷已！令先君之嗣，更成戎狄之族，又自悲矣。功大罪小，不蒙明察，孤負陵心區區之意。每一念至，忽然忘生。陵不難刺七心以自明，刎頸以見志，顧國家於我已矣。殺身無益，適足增羞，故每攘臂忍辱，輒復苟活。左右之人，見陵如此，以爲不入耳之歡，來相勸勉，異方之樂，祇令人悲，增忤刀怛她耳！

嗟乎！子卿人之相知，貴相知心。前書倉卒，未盡所懷，故復略而言之。昔先帝授陵步卒五千，出征絕域，五將失道，陵獨遇戰，而裹萬里之糧，帥徒步之師，出天漢之外，入彊胡之域；以五千之衆，對十萬之軍，策疲乏之兵，當新羈之馬，然猶斬將奪旗，追奔逐北，滅迹掃塵，斬其梟帥。三軍之士，視死如歸。陵也不才，希當大任，意謂此時，功難堪矣。匈奴既敗，舉國興師，更練精兵，強踰十萬，單于臨陣，親自合圍。客主之形，既不相如；步馬之勢，又甚懸絕。疲兵再戰，一以當千。然猶扶乘創痛，決命爭首，死傷積野，餘不滿百，而皆扶病，不任干戈。然陵振臂一呼，創病皆起，舉刃指虜，胡馬奔走，兵盡矢窮，人無寸鐵，猶復徒首奮呼，爭爲先登。當此時也，天地爲陵震怒，戰士爲陵飲血，單于謂陵不可復得，便欲引還，而賊臣教之，遂使復戰，故陵不免耳！昔高皇帝以三十萬衆困於平城，當此之時，猛將如雲，謀臣如雨，然猶七日不食，僅乃得免；況當陵者，豈易爲力哉？

而執事者云云，苟怨陵以不死，然陵不死，罪也。子卿視陵，豈偷生之士，而惜

死之人哉！寧有背君親，捐妻子，而反爲利者乎？然陵不死，有所爲也，故欲如前書之言，報恩於國主耳！誠以虛死，不如立節，滅名不如報德也。昔范蠡不殉會稽之恥，曹沫不死三敗之辱，卒復句踐之讐，報魯國之羞，區區之心，竊慕此耳！何圖志未立而怨已成，計未從而骨肉受刑，此陵所以仰天椎心而泣血也。

足下又云：漢與功臣不薄。子爲漢臣，安得不云爾乎？昔蕭樊囚繫，韓彭

直，海醢，鼂錯受戮，周魏見辜。其餘佐命立功之士，賈誼亞夫之徒，皆信命世之才，

抱將相之具，而受小人之讒，並受禍敗之辱。卒使懷才受謗，能不得展。彼二子之遐舉，誰不爲之痛心哉？陵先將軍功略蓋天地，義勇冠三軍，徒失貴臣之意，刎身絕域之表；此功臣義士，所以負戟而長歎者也。何謂不薄哉？且足下昔以單車之使，適萬乘之虜，遭時不遇，至於伏劍不顧，流離辛苦，幾死漠北之野。丁年奉使，皓首而歸，老母終堂，生妻去帷，此天下所希聞，古今所未有也。蠻貊之人，尙猶嘉子之節，況爲天下之主乎！陵謂足下當享茅土之薦，受千乘之賞。聞子之歸，賜不過

二百萬，位不過典屬國，無尺土之封，加子之勤；而妨功害能之臣，盡爲萬戶侯；親戚貪佞之類，悉爲廊廟宰。子尚如此，陵復何望哉？且漢厚誅陵以不死，薄賞子以守節，欲使遠聽之臣，望風馳命，此實難矣。所以每顧而不悔者也。陵雖辜恩，漢亦負德。昔人有言：『雖忠不烈，視死如歸。』陵誠能安，而主豈復能眷眷乎！男兒生以不成名，死則葬蠻彝中。誰復能屈身稽顙，膝上還向北闕，使刀筆之吏，弄其文墨耶？願足下勿復望陵。

嗟乎！子卿，夫復何言？相去萬里，人絕路殊；生爲別世之人，死爲異域之鬼；長與足下，生死辭矣。幸謝故人，勉事聖君。足下胤子無恙，勿以爲念，努力自愛！時因北風，復惠德音。——李陵頓首。

詞旨悱惻，音節蒼涼。篇中雖多強詞奪理處，要能自圓其說。陵雖辜恩，漢亦負德，自是平情之論。東坡詆爲齊梁小兒所作，亦淺之乎視此文矣。

【註釋】【問】問，聲問也。【韋韞】韞，以柔皮爲臂衣也，古人用以捍臂，使作事不獨射時爲然。【幃幕】幃帳也。【韞】

肉】羊肉也，羶羊氣也。【酪漿】牛羊乳汁。【玄冰】冰厚則色玄。【笏】古人捲蔗葉爲之，似瓣葉而無孔。李伯隱入西戎所作

也。【臨年】臨老之年。【鯨鯢】《左傳》古者明王伐不敬，取其鯨鯢而封之，以爲大戮。（注）鯨鯢，大魚名，以喻不義之人，吞食小國。

【先君】謂其父當戶也，即廣之子。【怛】悲痛也。【先帝】謂武帝也。【五將失道】同時有五將不至所期約之地也。

【羈】馬絡頭也。【奪】拔取也。【北】師敗曰北。【梟帥】驍勇之將帥也。【扶乘創痛】乘含有耐字義，言扶其創，乘其痛，而

決戰也。【徒首】無兜鍪也。【賊臣教之】陵軍侯管敢爲校尉所辱，亡降匈奴，具言陵軍無後救，射矢且盡，使精騎射之，即破矣。

【困於平城】高祖自將擊韓王信，遂至平城。即今山西大同縣東。爲匈奴所圍，七日不得食，用陳平認計，始得免。【前書之言】陵

前與武書云：『陵前爲子卿死之計，所以然者，冀其驅醜虜，翻然南馳，故且屈以求伸，若將不死，功成事立，則將上報厚恩，下顯祖考之

明也。』【范蠡】吳王發精卒擊越，敗之。越王句踐乃以餘兵五千人保棲於會稽，令大夫種行成於吳。吳王赦越，句踐自會稽七年

撫循其士民。吳王北會諸侯於黃池。即今河南封邱縣西南。范蠡曰：『可矣。』乃發兵伐吳。吳師敗，乃請成於越。後四年，越復伐吳，滅之。

【曹沫】魯人，以勇力事魯莊公，爲魯將，與齊戰，三戰三北。莊公懼，乃獻遂邑之地以和。猶復以爲將。齊桓公許與魯會於柯，桓公與莊

公，既盟於壇上，曹沫執匕首劫齊桓公。桓公問曰：『子將何欲？』曹沫曰：『齊強魯弱，而大國侵魯，亦已甚矣。今魯城郭，即歷齊境，君其

圖之。』桓公乃許盡還魯之侵地。【骨肉受刑】武帝天漢四年，遣公孫敖深入匈奴迎李陵，敖還曰：捕得生口，言李陵殺單于爲兵

以備漢，故臣無所得。』上聞，於是族陵家，既而聞之，乃李緒，非陵也。【蕭樊囚繫】蕭何爲民請曰：『長安地狹，上林中多空棄地，願

令民得入田收蠶爲飲食。』高祖大怒曰：『相國多受賈人物財，乃謂吾苑。』遂下廷尉械繫之。高祖病，有人惡樊噲當呂氏，即曰：『上

一日宮車宴駕，則噲欲以兵盡誅戚氏趙王如意之屬，高祖大怒，乃使陳平載絳侯代將，而即軍中斬噲。陳平畏呂氏，執噲詣長安。』

【韓彭蒯醜】蒯醜，謂誅戮也。陳稀反，韓信在長安欲應之事，覺呂后使武士縛信，斬之。彭越反，高祖故之，遷處蜀道，行至郿，逢呂后從長安來。越泣曰：願處故昌邑，后許諾。既至，白上曰：『彭越壯士也，今徙蜀，自遺患，不如誅之，令其令人告越反，遂夷三族。』【鼂錯受戮】見奏議小傳。【周魏見辜】周勃爲丞相，十餘月，免就國，歲餘，每河東尉守行縣至絳，絳侯勃自畏恐誅，常被甲令人持兵以自衛，其後人有上書告勃欲反，下廷尉捕治之。景帝時，吳楚七國反，拜竇嬰爲大將軍，七國破，嬰封魏其侯，坐灌夫罵丞相田蚡不敬，遂論嬰棄市。【賈誼】見論辯小傳。【亞夫】沛人，周勃子，封條侯。文帝時，匈奴入邊，亞夫屯軍細柳，文帝勞軍，稱爲眞將軍。景帝時，吳楚反，亞夫擊破之，官丞相。帝欲廢栗太子，固爭不得，帝由是疏之，因謝病免相。其後亞夫子爲父買尙方甲楯五百，被召詣廷尉，不食五日，歐血而死。【二子】賈誼亞夫也。冠舉，卽不用之意。【先將軍】謂李廣也。元狩四年，大將軍衛青擊匈奴，廣爲前將軍，出塞捕虜，知單于所居處，乃自部精兵，而令廣出東道。東道迢遠，廣辭曰：『臣結髮而與匈奴戰，願居前。』大將軍不聽，廣意色愠怒，引兵出東道，竊失道，後大將軍。大將軍因問失道狀，欲上書報天子。廣未對，大將軍長史急責廣。廣謂其麾下曰：『結髮與匈奴大小十餘戰，今幸從大將軍出，接單于兵，而大將軍令廣部行迢遠，又迷失道，豈非天哉？』且廣年六十餘，終不復對刀筆之吏。遂引刀自刎。【伏劍不顧】武留匈奴時，衛律勸之降，武不可，遂引佩刀自刎。衛律驚，自抱持武，武氣絕，半日始蘇。【丁年二句】丁年，謂丁壯之年也。武留匈奴凡十九年，始以強壯出，及還，鬢髮盡白。【老母二句】漢書蘇武傳：『陵謂武曰：『陵來時，太夫人已不幸，陵送葬至陽陵，子卿婦年少，聞已更嫁矣。』』【茅土】尙書緯：天子社，東方青，南方赤，西方白，北方黑。上冒以黃土，將封諸侯，各取方土，置以白茅，以爲社。【千乘】兵車千乘，諸侯之大者。【典屬國】漢官名，掌蠻夷降者。元始六年春，武至京師，拜爲典屬國，秩中二千石，賜錢二百萬緡。【狐恩】狐，負也。【雖忠不烈二句】言忠臣不必爲激烈之行，而亦能不愛其死也。【額】額也。【刀筆吏】獄官也。

【胤子】胤子也。武在匈奴時，取胡婦生子，名適國。

報孫會宗書

孫會宗，西河人，時爲安定太守，惲之友也。惲既失爵位，家居治產業，起室宅，以財自娛。會宗與書諷戒之。

晉大臣廢退，當閤門楹懼，不當治產業。惲乃作此書報之。

楊 惲

漢華陰人，字子幼，其母司馬遷女也。以才能稱。宣帝時，爲中郎將，後因獲罪，免爲庶人。居久之，有人告惲驕奢。

不悔過。章下廷尉按驗，得所予會宗書，帝見而惡之，廷尉當惲大逆無道，要斬。妻子徙酒泉郡。

惲材朽行穢

去聲

文質無所底，幸賴先人餘業，得備宿衛，遭遇時變，以獲爵位，

終非其任，卒與禍會。足下哀其愚蒙，賜書教督，以所不及，殷勤甚厚，然竊恨足下

不深惟其終始，而猥隨俗之毀譽也。言鄙陋之愚心，若逆指而文過，默而息乎，恐

違孔氏各言爾志之義，故敢略陳其愚，惟君子察焉。

惲家方隆盛時，乘朱輪者十人，位在列卿，爵爲通侯，爵爲通侯，總領從官，與

璵

聞政事，

會不能以此時有所建明，以宣德化；又不能與羣僚同心併力，陪輔朝廷之遺忘，

已負竊位素餐之責久矣。懷祿貪勢，不能自退，遂遭變故，橫被口語，身幽北闕，妻

子滿獄。當此之時，自以夷滅不足以塞責，豈意得全首領，復奉先人之邱墓乎？

伏惟聖主之恩，不可勝量。君子遊道，樂以忘憂；小人全軀，說悅以忘罪。竊自思念：過已大矣，行辟去已虧矣，長爲農夫以沒世矣。是故身率妻子，戮力耕桑，灌園治產，以給公上，不意當復用此爲譏議也。夫人情所不能止者，聖人弗禁，故君父至尊親，送其終也，有時而旣。臣之得罪，已三年矣。田家作苦，歲時伏臘，烹羊魚脍，羔斗酒自勞。辟去家本秦也，能爲秦聲；婦趙女也，雅善鼓瑟，奴婢歌者數人，酒後耳熱，仰天拊缶，而呼烏烏。其詩曰：『田佃彼南山，燕穢不治。種一頃豆，落而爲箕。』菜人生行樂耳，須富貴何時！是日也，拂衣而喜，奮袖低昂，頓足起舞，誠荒淫無度，不知其不可也。

憚幸有餘祿，方糴賤販貴，逐什一之利，此買古豎之事，污辱之處，憚親行之。下流之人，衆毀所歸，不寒而慄。雖雅知憚者，猶隨風而靡，尙何稱譽之有？董生不云乎：『明明求仁義，尙恐不能化民者，卿大夫之意也；明明求財利，常恐困乏者，

庶人之事也。』故道不同，不相爲謀。今子尙安得以卿大夫之制而責僕哉？

夫西河、魏土，文侯所興，有段干木、田子方之遺風，凜然皆有節概，知去就之分。辟去頃者足下離舊土，臨安定。安定山谷之間，昆夷舊壤，子弟貪鄙，豈習俗之移人哉？於今乃睹子之志矣。方當盛漢之隆，願勉旃，無多談。

滿腹牢騷，觸之傾吐，雖極蘊藉處，皆極憤懣，所謂誠中形外，不能揜遏者也。取禍之由在此。至行文之法，字字翻騰，段段收束，平直處皆曲折，疏散處皆緊鍊，猶不脫龍門家風。

【註釋】【底】至也。【先人餘業兩句】惲父傲，與大將軍霍光，共廢昌邑王，立宣帝。宣帝即位月餘，傲卒，子忠嗣。惲，忠弟也。

以忠任爲郎，補常侍騎。【遭遇時變二句】霍氏謀反，惲先聞知。上召見言狀，霍氏伏誅，封惲爲平通侯。【卒與禍會】惲性

刻毒，好發人陰伏，由是多怨。有太僕戴長樂者，與惲不相得，卒以是敗。【猥】猶曲也。【各言爾志】論語：顏淵季路侍，子曰：『盍

各言爾志。』【朱輪】二千石以上得乘之。【素餐】詩魏風：彼君子兮，不素餐兮。傳：素，空也。【橫被口語】戴長樂爲宣

帝舊人，恃恩妄言，人有上書訐之者。長樂疑惲所啟爲，亦上書告惲罪。【北闕】上章者於公車，有不如法者，以付北軍尉，北軍尉以

法擯之。北闕，公車門所在也。【戮力】并力也。【伏臘】伏，六月伏日。臘，歲終祭百神之名。【田彼南山四句】田，耕治之也。

蕞，豈莖也。（漢書張晏傳註）山高在陽，人君之象也。蕞穢不治，朝廷荒亂也。一頃百畝，以喻百官也。言豆者貞直之物，零落在野，喻已見放棄也。蕞，曲而不直，言朝臣皆諂諛也。

【董生】董仲舒也。（漢書董仲舒傳）夫臯臯求財利，常恐乏匿者，庶人之意也；皇皇求仁義，常恐不能化民者，大夫之意也。

【道不同二句】見論語。【段干木】戰國芮城人，與卜子夏、田子方皆為魏侯師，文侯過其闕必式。

【田子方】魏人，文侯師之，稱為仁人。【舊土】謂西河，今陝西舊同州府地，在黃河西。【安定】漢郡，今甘肅舊平涼府及固原州涇州之地。

【昆夷】西戎也。（孟子）文王事昆夷。【旃】之也。（詩魏風）上慎旃哉。

與子陵書 嚴光字子陵，餘姚人，少與光武同學。帝即位，光乃變姓名隱去。後齊國上言有一男子，被羊裘釣澤中，帝遣使聘之，三反而後至。車駕幸其館，光臥不起，帝即其臥所，撫光腹曰：『咄咄子陵，不可相助為理耶？』光曰：『昔唐堯著德，巢父洗耳，士固有志，何至相迫乎！』帝曰：『子陵，我竟不能下汝耶？』於是引光入，論道舊故，相對累日，因共偃臥，光以足加帝腹。上明日，太史奏客星犯御座甚急，帝笑曰：『朕與故人嚴子陵共臥耳！』除為諫議大夫，不屈，乃耕於富春山。後人名其釣處，為嚴陵瀨焉。

光武帝 東漢中興之主，名秀，字文叔，高帝九世孫。王莽篡漢，盜賊竄起，光武起兵春，破莽軍於昆陽，旋即位，定都洛陽，平銅馬諸賊，降赤眉，討公孫述，隗囂等，天下大定。又留心文學，崇尚士節，內治蒸蒸，在位三十三年。

古大有為之君，必有不召之臣。朕何敢臣子陵哉！惟此鴻業，若涉春冰，辟同之瘡痍，須杖而行。若綺里不少高皇，奈何子陵少朕也？箕山潁水之風，非朕之

所敢望。

看似折節下交，卻仍不脫君主口吻，但說來宛轉動聽，非子陵靡不入其彀中矣。

【註釋】【瘡疖】張衡西京賦：所惡成瘡疖。註：瘡疖，謂疥癩也。

【綺里】綺里季，商山四皓之一。

【箕山潁水】山在

今河南登封縣東南，水在西境潁谷。堯時巢父許由隱此。

奏記東平王蒼

（後漢書班固傳）永平初，東平王蒼以至戚爲驃騎將軍輔政，開東閣，延英雄。時固始弱冠，奏記說

者。

班固

見序跋

將軍以周召之德，立乎本朝，承休明之策，建威靈之號；昔在周公，今也將軍，詩書所載，未有三此者也。傳曰：『必有非常之人，然後有非常之事；有非常之事，然後有非常之功。』固幸得生于清明之世，豫在視聽之末，私以螻螻，竊觀國政。誠美將軍擁千載之任，躡先聖之蹤，體弘懿之姿，據高明之勢，博貫庶事，服膺

六藝，白黑簡心，求善無厭，採擇狂夫之言，不逆負薪之議。竊見幕府新開，廣延羣俊，四方之士，顛倒衣裳。將軍宜詳唐殷之舉，察伊臯之薦，令遠近無偏，幽隱必達；期于總覽賢才，收集明智，爲國得人，以寧本朝。則將軍養志和神，優游廟堂，光名宣于當世，遺烈著于無窮。

竊見故司空掾桓梁，宿儒盛名，冠德州里，七十從心，行不踰矩，蓋清廟之光輝，當世之俊彥也。京兆祭酒晉馮，結髮修身，白首無違，好古樂道，玄默自守，古人之美行，時俗所莫及。扶風掾李育，經明行著，教授百人，客居杜陵，茅室土階，京兆扶風，二郡更請，徒以家貧，數辭病去，溫故知新，論議通明，廉清修絜，行能純備，雖前世名儒，國家所器，韋平孔翟，無以加焉！宜令考績，以參萬事。京兆督郵郭基，孝行著于州里，經學稱于師門，政務之績，有絕異之效；如得及明時，秉事下僚，進有羽翮奮翔之用，退有杞梁一介之死。涼州從事王雍，躬卞嚴之節，文之以術藝，涼州冠蓋，未有宜先雍者也。古者周公一舉，則三方怨曰：『奚爲而後己！』宜及府

開，以慰遠方。弘農功曹史殷肅，達學洽聞，才能絕倫，誦詩三百，奉使專對——此六子者，皆有殊行絕才，德隆當世，如蒙徵納，以輔高明，此山梁之秋，夫子所爲歎也。

昔卞和獻寶，以離斷趾；靈均納忠，終于沈身。而和氏之璧，千載垂光；屈子之篇，萬世歸善。願將軍隆照微之明，信中日昃之聽，少屈威神，咨嗟下問，令塵埃之中，永無荆山汨羅之恨。

字字稱量而出，嚴重得奏記之體。

【註釋】【威靈之號】謂驃騎將軍也。

【未有三此者】唯君與周公二人而已。

【千載】謂自周公至明帝時千餘載也。

也。【先聖】謂周公也。

【服膺】中府註服，猶著也。膺，胸也。奉持而著之心胸之間，言能守也。

【白黑簡心】淮南子聖

人見是非若白黑之別於目。

【負薪之議】負薪，賤人也。三略負薪之語，廊廟之言也。

【顛倒衣裳】詩齊風東方未明，顛

倒衣裳，言士爭歸之急也。

【詳唐殷之舉二句】唐堯舉皋陶，商湯舉伊尹。

【故司空掾桓梁】後漢百官志司空，掌水土事。掾，屬官通稱。

【七十從心二句】論語七十而從心所欲，不踰矩，言恣心之所爲，皆罔合於法則。

【清廟之光輝】

詩周頌於穆清廟，肅雍顯相，濟濟多士，秉文之德。言桓梁可參多士助祭於清廟爲光輝也。

【京兆祭酒晉馮】漢以京兆尹左

馮翊右扶風，爲三輔，京兆治長安，今陝西長安縣。（後漢百官志）博士祭酒一人。（註）祭酒，皆一位之元長者也。古禮，賓客得主人饌，則老者一人舉酒以祭於地。

【扶風掾李育】扶風，後漢郡，治槐里，故城在今陝西興平縣東南。（漢書李育傳）育字元春，扶風漆人，深爲同郡班固所重，固奏記薦育於驃騎將軍東平王蒼，由是京師貴戚爭往交之。

【韋平孔翟】韋賢，字長孺，魯國鄆人，宣帝時爲丞相。平當，字子思，平陵人，哀帝時爲丞相。孔光，字子夏，孔子十四世孫，哀帝時爲丞相。翟方進，字子威，汝南上蔡人，成帝時爲丞相。

【考績】（書彙典）三載考績。（傳）三年有成，故以考功也。【督郵】漢官，爲郡守佐吏，主督察屬縣愆尤。郵，卽尤之借字也。

【秉事下僚】謂執事於小官也。【進有羽翮奮翔之用】（說苑尊賢篇）趙簡子游於西河而歎曰：『安得賢士而與處焉？』舟人古乘對曰：『鴻鵠高飛，所恃者六翮也，背上之毛，腹下之蠶，加之滿把，飛不能爲之益高，不知門下左右客千人，亦有六翮之用乎？將盡毛蠶也。』

【退有杞梁一介之死】（說苑立節篇）齊莊公伐莒，杞梁與華周進闕，嬰軍陷陣，三軍不敢當，至莒城，下殺二十七人而死。【涼州從事王雍】涼州，後漢州，領郡及屬國共十二，治隴，今甘肅秦安縣東北故隴城也。一云治襄，今甘肅伏羌縣有襄城。（後漢百官志）其餘郡郡國從事，每郡國各一人，主督促文書，察舉非法，皆州自辟除。

【躬下嚴之節】下莊子也。漢避明帝諱，故稱嚴。（新序義勇篇）卡莊子好勇，養母，戰而三北，交遊非之，國君辱之。及母死三年，齊與魯戰，莊子請從，見於魯將軍曰：『初與母處，是以三北。今母死，請塞責。』遂赴敵而鬪，獲甲首而獻曰：『三北以養母也，吾聞之，節士不以辱身。遂殺十人而死。』

【冠蓋】仕宦之服乘也。【周公一舉二句】（荀子）周公東征，西國怨曰：『何獨不來也。』南征，而北國怨曰：『何獨後吾也。』

【弘農功曹史殷肅】弘農，後漢郡，治弘農，故城在今河南靈寶縣南。功曹史，官官。（後漢百官志）功曹史，主選舉功勞。殷肅，後漢書注引固集作殷肅。

【誦詩二句】（論語）誦詩三百，授之以政，不達；使於四方，不能專

對，雖多，亦奚以爲？
【山梁之秋】秋，猶時也。論語：山梁雌雉，時哉時哉，言雉之飲啄，得其時也。【下和二句】離，遣也。斷趾，則足也。註見孔融肉刑議。
【靈均二句】靈均，屈原字，註見班固離騷贊序。
【日仄】荀子：平明而聽朝，日仄而退。
【荆山】即楚山，在湖北南漳縣西北。西南一隅，通人徑，頂有池，旁有石室，相傳卞和宅，旁有抱玉巖。
【汨羅】見班固離騷贊序。

爲兄上書

班昭

字惠姬，彪之女，超之妹也。適曹世叔，夫亡，和帝召入宮，令皇后貴人師事之，號曹大家。作女誡七章。兄固著漢書未就死，昭就東觀漢書，題成之。超任西域都護，年老請代，久未報，昭爲上書於帝。

妾同產兄——西域都護定遠侯——超，幸得以微功，特蒙重賞，爵列通侯，位二千石，天恩殊絕，誠非小臣所當被蒙。

超之始出，志捐軀命，冀立微功，以自陳効。會陳睦之變，道路隔絕，超以一身，轉側絕域，曉譬諸國，因其兵衆，每有攻戰，輒爲先登，身被金夷，不避死亡。賴蒙陛下神靈，且得延命沙漠，至今積三十年。骨肉生離，不復相識，所與相隨，時人士衆，皆已物故。超年最長，今且七十，衰老被病，頭髮無黑，兩手不仁，耳目不聰明，扶杖

乃能行；雖欲竭盡其力，以報塞天恩，迫於暮歲，犬馬齒索，蠻犛之性，悖逆侮老。而超日暮入地，久不見代，恐開奸宄之源，生逆亂之心。而卿大夫咸懷一切，莫肯遠慮。如有卒下同暴，超之氣力，不能從心，便爲上捐國家累世之功，下棄忠臣竭力之用，誠可痛也。

故超萬里歸誠，自陳苦急，延頸踰望，三年於今，未蒙省錄。妾竊聞：古者十五受兵，六十還之，亦有休息不任職也。緣陛下以至孝理天下，得萬國之歡心，不遺小國之臣。況超得備侯伯之位，故敢觸死爲超求哀，旬超餘年，一得生還，復見闕廷。使國家無勞遠之慮，西域無倉卒之憂；超得長蒙文王葬骨之恩，子方哀老之惠。詩云：『民亦勞止，汔迄可小康，惠此中國，以綏四方。』超有書與妾生訣，恐不復相見。妾誠傷超以壯年竭忠孝於沙漠，疲老則便捐死於曠野，誠可哀憐；如不蒙救護，超後有一旦之變，冀幸超家得蒙趙母衛姬先請之貸。

詞旨真切，入情入理，那得不感動人主？

【註釋】【西域都護定遠侯超】班超，字仲升，固之弟，少有大志，家貧，備書養母，嘗投筆歎曰：『大丈夫當效傅介子，張騫立功異域，以取封侯，安能久事筆硯間乎？』明帝時，使西域，安集五十餘國，任西域都護，封定遠侯。【陳陸之變】明帝崩，焉耆龜茲攻沒都護陳陸，悉覆其衆。【諸國】如鄯善，于真，疏勒，月氏，龜茲之屬。【兩手不仁】謂痿痺也。【索】盡也。【踰】遙也。【文王葬骨之恩】周文王作靈臺，及爲池沼，掘得死人之骨，文王令更葬之，天下皆謂文王賢矣。澤及枯骨，又況於人乎。【子方哀老之惠】田子方，魏文侯之師也，見君之老馬棄之，曰：『少盡其力，老而棄之，非仁也。』於是收而養之。【民亦勞止四句】見詩大雅。乞，期也。康綏，皆安也。言先施恩惠於中國，然後乃安四方。【趙母衛姬先請之貸】趙母，謂趙奢之妻，趙括之母也。懼括敗，先請得不坐。衛姬者，齊桓公之姬。桓公與管仲謀伐衛，桓公人，姬請衛之罪，乃止。

遺黃瓊書

黃瓊，字世英，江夏安陸人。瓊初以父任爲太子舍人，辭病不就，遭父憂服闋，五府俱辟，連年不應。永建中，公卿

多薦瓊者，於是與會稽賀純、廣漢楊厚，俱公車徵。瓊至，給氏稱疾不進，有司劾不敬，詔下縣以禮慰勸，遂不得已應命。先是徵聘處士，多不稱望。李固素慕於瓊，乃作書遺之。

李

固

東漢中郎人，字子堅，負笈從師，究覽墳籍。陽嘉中，對策鯁直，由議郎進太尉，後爲梁冀所害。

聞已度通伊洛，近在萬歲亭，豈卽事有漸，將順王命乎？蓋君子謂：『伯夷隘，

柳下惠不恭。』故傳去聲曰：『不夷不惠，可否之間。』蓋聖賢居身之所珍也。誠遂

書牘 遺黃瓊書

欲枕山棲谷，擬跡巢由，斯則可矣；若當輔政濟民，今其時也。

自生民以來，善政少而亂俗多；必待堯舜之君，此爲志士，終無時矣。常聞語曰：「曉曉者易缺缺，皦皦者易汙。陽春之曲，和者者必寡；盛名之下，其實難副。」近魯陽樊君，被徵初至，朝廷設壇席，猶待神明，雖無大異，而言行所守，亦無所缺；而毀謗布流，應時折減者，豈非觀聽望深，聲名太盛乎？

自頃徵聘之士——胡元安、薛孟嘗、朱仲昭、顧季鴻等——其功業皆無所探，是故俗論皆言處士純盜虛聲。願先生弘此遠謨，令衆人歎服，一雪此言耳！

超逸古雅，丰神秀拔，應推東漢之最。

【註釋】

【伊洛】伊水出河南盧氏縣東南閩嶺嶺，經嵩縣伊陽洛陽偃師，入於洛。洛水出陝西雒南縣西北冢嶺山，經宜陽洛陽

偃師鞏縣，納澗澗伊諸水。至洛口，入於河。【萬歲亭】在今河南鄭縣。武帝元封元年，幸緱氏，登太室，聞山上呼萬歲聲者三，因以名焉。

【伯夷隘二句】見孟子。（鄭玄注）不爲夷齊之清，不爲惠連之屈，可否之間，即無可無不可意。【枕山棲谷】謂隱居也。

【巢由】巢父，許由，堯時隱士。一說，巢由爲一人，因許由夏月居巢，故號巢父。【皦皦】高貌。【皦皦】白也。【陽春】曲

之高者，其爲陽春白雪，國中屬而和者數十人。見宋玉對楚王問。【魯陽】漢縣，今河南魯山縣。【樊君】南陽樊英，少有學行。

名著海內，隱於泰山之陽，前後禮請徵召，皆不赴。是歲，帝復以策書玄纁，備禮徵英，待以師傅之禮。英初被召，衆皆以爲必不降志，王遊業與英善，引古譬喻，勸使就聘，及後應對，無奇謀深策，談者以爲失望。【薛孟嘗】名包，汝南人。後母憎包，逐出。包悲啼戶外，不忍去，父母感而還之。建武中，徵拜侍中。【顧季鴻】名泰，爲潁川太守。

諫何進召外兵

何進欲誅宦官，太后不可。進乃召四方猛將，欲以劫恐太后。琳諫止，不聽。謀泄，進爲宦官所殺。

陳琳

東漢廣陵人，字孔璋，初爲何進主簿，後歸袁紹，嘗爲紹移書曹操，數其罪狀。紹敗，歸操，操愛其才而不咎，軍國書檄，多命琳屬稿，官至門下督，爲建安七子之一。

易稱「即鹿無虞」，諺有「掩目捕雀」。夫微物尙不可欺，以得志，況國之大事，其可以詐立乎？

今將軍總皇威，握兵要，龍驤虎步，高下在心，以此行事，無異於鼓洪爐以燎毛髮。但當速發雷霆，行權立斷，違經合道，天人順之。而反釋其利器，更徵於他，大兵合聚，彊者爲雄，所謂倒持干戈，授人以柄，必不成功，祇爲亂階。

何等卓識？關、茸如進，其何能用此；文亦雄健絕倫，當爲建安七子之冠。

【註釋】

【即鹿無虞】（易屯卦）即鹿無虞，入於林中（疏）即就也。虞，謂虞官，人之田獵，欲從就於鹿，當有虞官助已，乃始得鹿。若無虞官，即虛入林中，必不得鹿。

答東阿王牋

太和三年，曹植徙封東阿王。

陳琳

琳死罪死罪！

昨加恩辱命，並示龜賦，披覽粲然。君侯體高世之才，秉青萍干將之器，拂鐘無聲，應機立斷，此乃天然異稟，非鑽仰者所庶幾也。音義既遠，清辭妙句，焱絕煥炳，譬猶飛兔流星，超山越海，龍驥所不敢迫；況於駑馬，可得齊足？夫聽白雪之音，觀綠水之節，然後東野巴人，蚩鄙益著，載懼同載笑，欲罷不能。謹韞櫝玩耽，以爲吟頌。——琳死罪死罪。

小品文字，典雅乃爾，誰謂作檄專長哉？

【註釋】【死罪死罪】古者非弔喪問疾，不得行尺檄，故云死罪，言遠制令故事也。【青萍干將】二劍名。【拂鐘無聲】

〔說苑〕西閭過東渡河，中流而溺，給人接而出之。問曰：『子何之？』過曰：『欲說東諸侯。』船人曰：『子渡池而溺，安能說東諸侯乎？』過曰：『獨不聞于將莫邪，拂鍾不鐸，試物不知，然以之緩履，曾不如兩錢之雞。今子持機架扁舟，子所能也。若試與子東說諸侯王，見一國之主，子之蒙蒙然，無異於未視狗也。』

〔應機立斷〕〔說苑〕淳于髡三辯，鄒忌三知之。髡等辭屈而去。故所以倚于將莫邪者，貴於立斷。

〔鑽仰〕〔論語〕顏淵曰：『仰之彌高，鑽之彌堅。』〔歎〕火華也。〔飛兔流星〕〔呂氏春秋〕飛兔騰裏，古之駿馬也。流星，言疾也。

〔白雪之音〕〔宋玉賦〕臣援琴而鼓之，爲闌闌白雪之曲。〔綠水之節〕〔淮南子〕手會綠水之節。〔高誘註〕綠水，古詩也。

論盛孝章書

孝章名憲，會稽人，器量雅偉，舉孝廉，遷吳郡太守，以疾去官。孫策平定吳會，誅其英豪，憲素有名，策深忌之。初，憲於少府孔融，蓋其不免禍，乃與曹公書，由是徵爲都尉，詔命未至，果爲備所害。其子匡奔魏，位至司馬。

孔融 見論辨

歲月不居，時節如流，五十之年，忽焉已至，公爲始滿，融又過二。海內知識，零落殆盡，惟有會稽盛孝章尚存。其人困於孫氏，妻孥湮沒，單子獨立，孤危愁苦，若使憂能傷人，此子不得永年矣。

春秋傳曰：『諸侯有相滅亡者，桓公不能救，則桓公恥之。』今孝章實丈夫

書牘 答東阿王牋 論盛孝章書

之雄也。天下談士，依以揚聲，而身不免於幽繫，命不期於旦夕，吾祖不當復論損益之友，而朱穆所以絕交也。公誠能馳一介之使，加咫尺之書，則孝章可致，友道可弘矣。今之少年，喜誇前輩，或能譏評孝章——孝章要爲有天下大名，九牧之人，所共稱嘆。燕君市駿馬之骨，非欲以騁道里，乃當以招絕足也。

惟公匡復漢室，宗社將絕，又能正之；正之之術，實須得賢。珠玉無脛，而自至者，以人好之也；況賢者之有足乎？昭王築臺以尊郭隗；隗雖小才，而逢大遇，竟能發明主之至心。故樂毅自魏往，劇辛自趙往，鄒衍自齊往，向使郭隗倒懸而王不解，臨難辟去而王不拯，則士亦將高翔遠引，莫有北首辟去。燕路者矣。凡所稱引，自公所知；而復有云者，欲公崇篤斯義，因表不悉。

始從孝章一面說，末從武帝一面說，要是義當拯恤，將求於人，必先下之，措詞委婉，不類其爲人，所謂「百鍊鋼化爲繞指柔」者，非耶。

【註釋】【諸侯有相滅亡者三句】（公羊傳）邪亡，就亡之，蓋狄滅之也。曷爲不言狄滅之爲桓公諱也。曷爲爲桓公諱？上無

天子，下無方伯，天下諸侯，有相滅亡者，桓公不能救，則桓公恥之。【損益之友】（論語）孔子曰：「益者三友，損者三友。」【朱穆絕交】朱穆，字公叔，南陽宛人。五歲便以孝稱，及壯耽學，銳意講誦，感世澆薄，慕尚敦篤，著絕交論以矯之。【咫尺之書】見下。

【九牧】九州也。（左傳）王孫滿曰：「貢金九牧。」【燕君市駿馬之骨】郭隗謂燕昭王曰：「臣聞古之人君，有市千里馬者，三年不得，於是遣使者費金市馬，未至，而千里馬已死，使者乃以五百金買其骨以歸。其君大怒，將誅之。」使者對曰：「死馬尚市之，況生者乎？馬將至矣。」於是是年而千里馬至者三焉，見戰國策。

【珠玉無脛自至】（韓詩外傳）蓋胥謂晉平公曰：「珠出於海，玉出於山，無足而至者，好之也。土有足而不至者，君不好也。」【昭王築臺以尊郭隗】燕昭王卑身厚幣，以禮賢者，謂郭隗曰：「齊因孤之國亂，而興破燕，孤知國小力少，不足以報，然誠得賢士共圖，以雪先王之讎，願先生視可者，得身事之。」隗曰：「王必欲致士，先從隗始，況賢於隗者，豈遠千里哉？」於是昭王爲隗改築宮而師事之，樂毅自魏往，鄒衍自齊往，劇辛自趙往。【北首燕路】（史記淮陰侯傳）北首燕路，而後遣辯士奉咫尺之書，暴其所長於燕，燕必不敢不聽從。

遺張紘書 張紘字子綱，廣陵人，爲會稽東部都尉，及討江夏，孫權以東部少事，命紘居守，遙領所職。孔融乃遺以此書。

孔融

聞大軍西征，足下留鎮，不有居者，誰守社稷？深固折衝，亦大勳也。無乃李廣之氣，循髮益怒，樂一當單于，以盡餘憤乎？南北竝定，世將無事。孫叔投戈，絳灌俎豆，亦在今日；但用離析，無緣會面，爲愁歎耳！道直途清，相見豈復難哉？

風雲氣盛，萍水緣疎，前半於功名上作慰藉語，後半於交情上作惆悵語，絕非泛語寒暄之作。

【註釋】【大軍西征】指討江夏也。【無乃李廣之氣四句】漢書李廣傳：元狩四年，大將軍驃騎將軍大出擊匈奴，廣數自請行。天子以爲老，弗許，良久乃許之，以爲前將軍。既出塞，大將軍青知單于所居，自以精兵走之，廣請曰：「臣結髮而與匈奴戰，今乃一得當單于，願居前，先死單于。」【孫叔投戈】叔孫通起於枹鼓之間，解甲投戈，遂作君臣之儀。此言孫叔，出處未詳。【絳灌俎豆】絳侯周勃，穎陰侯灌嬰，皆漢文時之將，言武事不用，而將鬪習祭享之禮也。

答虞仲翔書

虞仲翔，名翊，會稽餘姚人。州舉茂才，漢召爲御史，曹操辟爲司空掾，皆不就。與孔融書，並示以所著易注。孔融乃答以此書。

孔融

示所著易傳。——自商瞿以來，舛錯多矣，去聖彌遠，衆說騁辭。曩聞延陵之理樂，今觀吾君之治易，乃知東南之美者，非但會稽之竹箭焉。又觀象雲物，察應寒溫，原其禍福，與神會契，可謂探蹟窮道者已。

方世清聖，上求賢者。梁邱以卦筮寧世，劉向以洪範昭名。想當來翔，追蹤前

烈相見乃盡，不復多陳。

傾倒甚至，誰云並世無知音。

【註釋】【商瞿】商瞿，楚也。漢書儒林傳：魯商瞿子木，受易孔子。【延陵】吳使季札聘於魯，徧觀周樂，加以評論。延陵，今江

蘇武進縣治，札之采邑也。【會稽竹箭】周禮夏官職方氏：東南曰揚州，其山鎮曰會稽，其利金錫竹箭。【觀象雲物四

句】孟喜得易家候陰陽災變書，翻傳其學，故說與之合。【賾】易繫辭：聖人有以見天下之賾，賾，幽隱也。【梁邱】梁丘賀，字

長翁，漢琅琊諸人。宣帝行祠孝昭廟，馬驚，召賀筮之。有兵謀，不吉。上還，使有司侍祠。時任章果欲爲逆，發覺，伏誅。賀以筮有應，由是近幸。

【劉向】向曾作洪範五行傳，詳見奏議小傳。

報曹公書

（後漢書孔融傳）都慮承望風旨，以微法奏免融官，因顯明營惡，操故書激厲融，融報以此書。

孔融

猥惠書教，告所不逮。

融與鴻豫，州里比鄰，知之最早；雖嘗陳其功美，欲以厚于見私，信于爲國，不求其覆過掩惡，有罪望不坐也。前者黜退，懽欣受之。昔趙宣子朝登韓厥，夕被其

戮喜而求賀；況無彼人之功，而敢枉當官之平哉？忠非三閭，智非鼂錯，竊位爲過，免罪爲幸。乃使餘論遠聞，所以慙懼也。朱彭寇賈，爲世壯士，愛惡相攻，能爲國憂。至于輕弱薄劣，猶昆蟲之相嚙，適足還害其身，誠無所至也。晉侯嘉其臣所爭者大，而師曠以爲不如心競。性既遲緩，與人無傷，雖出胯下之資，榆次之辱，不知貶毀之于己，猶蚊蠅^音之過也。子產謂人心不相似；或矜勢者欲以取勝爲榮，不念宋人待四海之客，——大鑪不欲令酒酸也。至于屈穀巨瓠，堅而無竅，當以無用罪之耳。它^{他同}者奉尊嚴教，不敢失墜。

郗爲故吏，融所推進。趙衰之拔郗穀，不輕公叔之升臣也。知同其愛，訓誨發中，雖懿伯之忌，猶不得念；況恃舊交，而欲自外于賢吏哉？輒布腹心，修好如初。苦言至意，終身誦之。

與楊惲報孫會宗書，要一感憤，而深鷲處尤甚於楊。文舉之不令終，未始非由於此。

【註釋】【猥】曲也。【鴻豫】郟慮，字鴻豫，山陽高平人，少受學於鄭玄。【州里比鄰】郟，魯國人，鴻豫，山陽高平人，今山東

泗水曲阜鄆縣以西，至寧陽金鄉魚臺，爲漢魯國境。魯國以西，至今河南考城商邱虞城夏邑以東，爲後漢山陽郡。魯與山陽相鄰比。

【厚於見私兩句】上句指待友之厚，下句指謀國之忠也。【趙宣子朝登韓厥三句】宣子，趙盾諡也。國語：宣子言韓厥

於靈公，以爲司馬。河曲之役，趙宣子使人以其乘車以行，韓厥執而戮之。衆咸曰：『韓厥必不沒矣。其主朝升之，而暴戮其車，其誰安之？』

宣子召而禮之，謂諸大夫曰：『二三子可以賀我矣。吾舉厥也，中吾乃今知免於罪矣。』【三閭】屈原也，掌王族三姓，曰昭屈景，故曰

三閭。【鼂錯】見奏議小傳。【朱彭寇賈】朱浮、彭寵、寇恂、賈復也。昔東漢光武時人。朱與彭、寇與賈，皆因公而互相仇怨者。【誠

無所至也】猶言國家不至受其影響也。【晉侯嘉其臣三句】左傳：秦伯之弟鍼，如晉脩成，叔向命召行人子員，行人子朱

曰：『宋也當御。』云，叔向不應。子朱怒曰：『班爵同，何以黜宋於朝，搖劍從之。』叔向曰：『秦晉不和久矣，今日之事，幸而集，晉國頓之；

不集，三軍暴骨。子員道二國之言無私，子常易之，姦以事君者，吾所能禦也。』拂衣從之，人救之，平公曰：『晉其庶乎，吾臣之所爭者大。』

師曠曰：『公室從卑，臣不心競而力爭也。』【跨下之負】韓信貧賤時，淮陰少年侮之，令信出跨下。【榆次之辱】荆軻嘗游榆次，

與蓋薛論劍，蓋薛怒而目之。【蝨】（說文）齧人蟲。【宋人待四海之客二句】以喻己絕無惡意。韓非子：宋人有沽酒者，斗

概甚平，迺客甚誼，爲酒甚美，而酒不售，怪其故，問所知閭長者楊倩二人。曰：『汝狗猛耶？』曰：『狗猛，何故不售？』曰：『人畏焉。今孺子懷

錢挈壺往沽，狗避飲之，酒所以酸而不售。』【屈穀巨瓠】韓非子：齊有居士田仲，宋人屈穀往見之，曰：『穀聞先生之義，不待仰人

而食，今穀有樹瓠之法，堅如石，厚而無竅，頗猷先生，田仲曰：『夫子徒謂我也，凡貴於樹瓠者，爲可以盛也。今厚而無竅，則不可以盛物，堅

如石，則不可以剉而嚼，吾無以此瓠爲也，將棄之。今仲不待仰人而食，無益人國，亦堅瓠之類。』【趙衰拔卻穀】左傳：晉文公

謀元帥，趙襄曰：「御穀可。」乃使御穀將中軍，此以喻武帝。【公叔升臣】公叔文子，衛大夫。其家臣名儻，文子與之同升於公，並爲大夫，此以喻已。

【知其愛訓誨發中】言曹公與已同愛鄒慮，故發於中心而訓。

【懿伯之忌】（認記權巧）滕成公之喪，

使子叔敬叔弔，子服惠伯爲介。及郊，爲懿伯之忌，不入，惠伯曰：「政也，不可以叔父之私，不將公事。」遂入。懿伯，惠伯之叔父也。忌，怨也。

【賢吏】指鄒慮也。

戒子書

子名益恩。

鄭

玄見序跋

吾家舊貧，不爲父母昆弟所容，去厮役之吏，游學周秦之都，往來幽并兗豫之域，獲覲乎在位通人，處逸大儒，得意者咸從捧手，有所授焉，遂博稽六藝，粗覽傳記，時覩祕書緯術之奧。年過四十，乃歸供養，假田播殖，以娛朝夕，遇關尹擅勢，坐黨禁錮十有四年，而蒙赦令，舉賢良方正有道，辟大將軍三司府，公車再召，比牒併名，早爲宰相，惟彼數公，懿德大雅，克堪王臣，故宣式序。吾自忖度，入無任於此。但念述先聖之元意，思整百家之不齊，亦庶幾以竭吾才，故聞命罔從。而黃巾

爲害，萍浮南北，復歸邦鄉，入此歲來，已七十矣，宿業衰落，仍有失誤，案之禮典，便合傳家。

今我告爾以老，歸爾以事，將閒居以安性，覃思以終業。自非拜國君之命，問族親之憂，展敬墳墓，觀省野物，胡嘗扶杖出門乎？家事大小，汝一承之。咨爾莞莞一夫，曾無同生相依，其勸求君子之道，研鑽勿替，敬慎威儀，以近有德，顯譽成於僚友，德行立於己志。若致聲稱，亦有榮於所生，可不深念邪？可不深念邪？

吾雖無絳冕之緒，頗有讓爵之高，自樂以論贊之功，庶不遺後人之羞。末所憤憤者，徒以亡親墳壟未成，所好羣書，率皆腐敝，不得於禮堂寫定，傳與其人，日西方暮，其可圖乎！家今差多於昔，勤力務時，無恤飢寒，菲飲食，薄衣服，節夫二者，尚令吾寡憾，若忽忘不識，亦已焉哉！

看似一篇尋常告戒文字，而氣息深穩，意味淵永。錦繡才人，不能道其隻字。

【註釋】【廝役之吏】廝，賤也。鄒玄少爲鄉衛夫，掌聽訟收稅。【遊學周秦之都】鄒玄先師事京兆第五元，又從東郡嚴

恭頤，後西入關，因涿郡檄植，事扶風馬融。【幽并兗豫】幽，河北境，并，山西境，兗，山東境，豫，河南境。【得意者】猶言吾所悅服者。

【緯術】圖緯之學也，馬融集諸生考論圖緯，問鄭玄善算，乃召見於樓。【閻尹擅勢】桓靈之間，主荒政亂，國命委於閻寺，士子靡與爲伍。

【坐黨禁錮】東漢桓帝時，宦官勢盛，李膺等疾之，捕殺其黨，宦官乃言膺等與太學遊士爲朋黨，誹謗朝廷，辭連二百餘人，禁錮終身。(案)玄與同郡孫嵩等四十餘人，俱被禁錮，大將軍，謂何進也。【比牒併名兩句】比牒，猶連牒也。併名，謂齊名也。言連牒齊名，被召者並爲宰相也。

【式序】式，用也。序，列也。(詩周頌)式序在位。【黃巾】東漢末，鉅鹿張角，以咒符水療病，號太平道，造弟子游四方，十餘年間，徒衆數十萬。靈帝中平初，遂反，皆著黃巾，故號黃巾賊。【案之禮典，便合傳家】禮曲禮七十曰老而傳，謂家事傳子孫也。

【敬慎威儀二句】見詩大雅民勞篇。【紱冕】紱，綬也。冕，冠也。仕者之服。【論贊之功】指其所著之書，如毛詩箋、周禮、儀禮、禮記、周易注，及春秋之箴、書、發墨守、起廢疾等。【差多於昔】謂家境比昔稍豐。

與王脩書 王脩，字叔治，北海營陵人，爲司金中郎將，侯陟、黃白異議，曹公然之，乃與此書。

魏武帝 見序跋

君澡身浴德，流聲本州，忠能成績，爲世美談，名實相副，過人甚遠。孤以心知君，至深至熟，非徒耳目而已也。

察觀先賢之論，多以鹽鐵之利，贍足軍國之用。昔孤初立司金之官，念非屈

君餘無可者。故與君教曰：昔遏父陶正，民賴其器用；及子媯滿，建侯于陳。近桑弘羊位至三公，此君元龜之兆，先告者也。是孤用君之本旨也。或恐衆人未曉此意。自是以來，在朝之士，每得一顯選，常舉君爲首；及聞袁軍師衆賢之議，以爲不宜越君。然孤執心，將有所底。以軍師之職，閑于司金，至于建功，重于軍師。孤之精誠，足以達君；君之察孤，足以不疑。但恐旁人淺見，以蠡測海，爲蛇畫足，將言前後百選，輒不用之，而使此君沈滯治官。張甲李乙，尙猶先之，此主人意待之不優之效也。孤懼有此空聲冒實，淫鼃蛙同亂耳。假有斯事，亦庶鍾期不失聽也；若其無也，過備何害？

昔宣帝察少府蕭望之，才任宰相，故復出之，令爲馮翊，從正卿往，似于左遷。上使侍中宣意曰：『君守平原日淺，故復試君三輔，非有所間也。』孤揆先主中宗之意，誠備此事。既君崇勳業，以副孤意，公叔文子與臣俱升，獨何人哉？宛轉動聽，卻似相見以誠，其實仍是奸雄牢籠人才手段。

【註釋】【澡身浴德】（登記備行）備有澡身而浴德。按：借作修潔意。曹操破南皮，闕備家，殺不滿十斛，有書數百卷。操歎曰：「上不妄有名，乃證辭之。」【流聲本州】備年七歲喪母，母以社日亡，來茂鄰里社，備感念母，哀甚，鄰里聞之，爲之罷社。及其爲治也，抑強扶弱，明賞罰，百姓稱之。【忠能成績】備嘗爲袁譚別駕，曹操誅譚，梟其首，令曰：「敢哭之者，戮及妻子。」備造其首而哭之，哀動三軍。軍正欲行戮，探曰：「發士也，赦之。」【鹽鐵】（漢書藝文志）桓寬著鹽鐵論六十篇。【教】（蔡邕斷獨）諸侯言曰：教者，諭告之詞，其義與令同也。【邊父陶正】虞舜之後，當周之興，有虞邊父者，爲周陶正。【媿滿】（史記陳世家）周武王克殷紂，乃復求舜後，得媿滿，封之於陳，以奉帝舜祀，是爲胡公。【桑弘羊】漢武帝時，領大農丞，盡管天下鹽鐵，元封中，賜爵左庶長。【元龜之兆】元龜，大龜也。用以卜者。書大禹謨：昆命于元龜，此猶言先見之兆也。【袁軍師】未詳。【以蠶測海】見東方朔客難。【爲蛇畫足】（史記楚世家）陳軫往見昭陽曰：「人有遺其舍人一卮酒者，舍人相謂曰：『請畫地爲蛇，蛇先成者飲之。』二人曰：『我蛇先成，舉酒而起。』曰：『吾能爲之足。』及其爲之足，而後成人奪酒而飲之曰：『蛇者固無足，今爲之足，是非蛇也。』今君相楚而攻魏，破軍殺將，功莫大焉。今又移兵而攻齊，勝之，官爵不加，不勝，身死爵奪，此爲蛇爲足之說也。』【冶官】謂司金也。【淫龍】猶言淫聲也。班固曰：「淫聲不可聽者，非罷夏之樂也。」【鍾期】見揚雄解難。【不失聽】喻備必不信旁人之浮言也。【過備何害】言預言之不爲害也。【少府】秦官，漢因之，爲九卿之一，後漢以後皆有之，掌山海池澤之稅，以給供養。【蕭望之】見奏議小傳。【才任宰相】蕭望之爲平原太守，內不自得，疏請選明經術謀慮之士爲內臣，書聞，徵入少府。宣帝察望之才任宰相，欲詳試其政事，復以爲左馮翊。【馮翊】左馮翊，乃三輔之一，今陝西省長安縣以東至大荔縣。【平原】今山東境。【三輔】一曰左馮翊，一曰京兆尹，一曰右扶風。【中宗】即漢宣帝也。【公叔文子】註見孔融報曹公書。

與朝歌令吳質書

朝歌，今河南淇縣。質字季重，濟陰人，雅與文帝友善。文帝爲築燕友臺款質。

魏文帝

見論辨

五月十八日，丕白季重無恙！

塗路雖局，官守有限，願言之懷，良不可任！足下所治僻左，書問致簡，益用增勞。每念昔日南皮之遊，誠不可忘。既妙思六經，逍遙百氏；彈碁閒設，終以六博；高談娛心，哀箏順耳；馳騁北場，旅食南館；浮甘瓜於清泉，沈朱李於寒水。白日既匿，繼以朗月，同乘竝載，以遊後園。輿輪徐動，叅從無聲；清風夜起，悲笳微吟；樂往哀來，愴然傷懷。余顧而言：『斯樂難常。』足下之徒，咸爲以然；今果分別，各在一方。元瑜長逝，化爲異物，每一念至，何時可言？

方今蕤

切如隹

賓紀時，景風扇物，天氣和暖，衆果具繁，時駕而遊，北遵河曲；從

者鳴笳以啓路，文學託乘於後車，節同時異，物是人非，我勞如何！今遣騎到鄴，故使枉道相過，行矣自愛——丕白。

雄健不及武帝，而絜淨精微，雖鳳覺清於老鳳。

【註釋】「屬」延也。「良不可任」言難堪此愛思也。「僻左」凡人手足便右，以左爲僻，故陔異曰僻左。「南皮」漢縣，屬

渤海郡，今河北南皮縣。「彈碁六博」(藝經)彈碁子法：二人對局，白黑碁各六枚。世說曰：「彈碁出魏宮，大體以巾角拂碁子也。」

六博：注用六箸，以竹爲之，長六分，見西京雜記。「旅食」旅，衆也。「元瑜」阮瑀字，見典論論文注。「化爲異物」(買註

鷗鳥賦)化爲異物兮，又何足患！「蕤賓紀時」謂仲夏之月也，證月令律中蕤賓。「景風」南風也。(易通卦驗)夏至則景風

至。「文學」(三國志王粲傳)粲與北海徐幹、廣陵陳琳、陳留阮瑀、汝南應瑒、東平劉楨，皆爲五官將文學。「後車」(詩小雅)命

彼後車，謂之載之。「我勞如何」(詩小雅)道之云遠，我勞如何？「鄴」漢縣，屬魏郡，今河南臨漳縣。

與吳質書

魏文帝

二月三日，丕白：

歲月易得，別來行復四年。三年不見，東山猶嘆其遠；況乃過之，思何可支！雖書疏往返，未足解其勞結。昔年疾疫，親故多離其災；徐陳應劉，一時俱逝，痛可言邪！邪同昔日遊處，行則連輿，止則接席，何曾須臾相失？每至觴酌流行，絲竹並奏，酒酣耳熱，仰而賦詩，當此之時，忽然不自知樂也。謂百年已分，可長共相保；何圖數

年之間，零落略盡，言之傷心。頃撰其遺文，都爲一集，觀其姓名，已爲鬼錄。追思昔遊，猶在心目；而此諸子，化爲糞壤，可復道哉！

觀古今文人，類不護細行，辟去鮮辟上能以名節自立。而偉長獨懷文抱質，恬淡寡欲，有箕山之志，可謂彬彬君子者矣。著中論二十餘篇，成一家之言，辭義典雅，足傳於後，此子爲不朽矣。德璉常斐然有述作之意，其才學足以著書，美志不遂，良可痛惜！間者歷覽諸子之文，對之披淚，旣痛逝者，行自念也。孔璋章表殊健，微爲繁富。公榘有逸氣，但未遒耳；其五言詩之善者，妙絕時人。元瑜書記翩翩，致足樂也。仲宣續自善於辭賦，惜其體弱，不足起其文，至於所善，古人無以遠過。

昔伯牙絕絃於鍾期，仲尼覆醢海於子路，痛知音之難遇，傷門人之莫逮。諸子但爲未及古人，自一時之雋俊也。今之存者，已不逮矣。後生可畏，來者難誣；然恐吾與足下不及見也。年行已長大，所懷萬端，時有所慮，至通夜不暝，志意何時復類昔日？已成老翁，但未白頭耳！光武言年三十餘，在兵中十歲，所更非一，吾德

不及之，年與之齊矣。以犬羊之質，服虎豹之文；無衆星之明，假日月之光；動見瞻觀，何時易乎！恐永不復得爲昔日遊也。少壯真當努力，年一過往，何可攀援？古人思炳燭夜遊，良有以也！頃何以自娛？頗復有所述造不同東望於鳥邑，裁書敘心。

——不白。

只是懷舊憐才兩念縈繞成文，從評論諸子，說到自己，無限感慨，無限蒼涼，文情自爾悱惻纏綿，讀之令人增交誼之重。

【註釋】【行】猶且也。

【三年不見】（詩廟風）我徂東山，慆慆不歸，自我不見，于今三年。

【離】遭也。

【徐陳應劉】

徐幹陳琳應瑒劉楨也。並見典論論交注。

【撰】定也。

【都】凡也。

【鬼錄】謂已死也。

【偉長】徐幹字。

【箕山之志】

（呂氏春秋）昔堯朝許由於沛澤之中，曰：「請屬天下於夫子。」許由逃之箕山之下。

【德璉】應瑒字。

【孔璋】陳琳字。

【公幹】

劉楨字。【其五言詩之善者，妙絕時人】劉楨與徐幹、孔融、應瑒、陳琳、王粲等，號建安七子。曹劉爲絕唱。鍾嶸曰：「若孔

門用詩，則公幹升堂，子建入室，景陽潘陸，可坐於廊廡之間。」

【元瑜】阮瑀字。

【仲宣句】仲宣，王粲字，言仲宣最少。

續彼衆賢，善

於辭賦也。續，或爲獨。

【伯牙句】註見揚雄辨難。

【仲尼句】（禮檀弓）孔子哭子路於中庭，有人弔者，而夫子拜之，既哭，進使者

而問故，使者曰：「醴之矣。」遂命覆醴。

而問故，使者曰：「醴之矣。」遂命覆醴。

【光武言年三句】見東觀漢記光武賜陳覽書。

【以犬羊之質六句】謂以庸才弱

質，而居人上，動輒爲人瞻視，何時可以簡易出之也。

【炳燭夜遊】（古詩）晝短苦夜長，何不秉燭游乘，或作炳。

【於邑】氣逆

結不下也。（楚辭九章）氣於邑而不可止。

又報吳主孫權

黃初三年九月。○孫權，字仲謀。兄策薨，以事授權。權初外託事魏，而誠心不款，魏遣使盟誓，並徵任

子，權辭讓不受。魏乃遣曹休等出征，權舉辭上書，文帝乃作書報之。

魏文帝

君生於擾攘之際，本有縱橫之志，降身奉國，以享茲祚。自君策名已來，貢獻盈路，討備之功，國朝仰成，埋而掘之，古人之所恥。朕之與君，大義已定，豈樂勞師，遠臨江漢，廊廟之議，王者所不得專。三公上君過失，皆有本末。朕以不明，雖有曾母投杼之疑，猶冀言者不信，以爲國福。故先遣使者犒勞，去又遣尙書侍中踐修前言，以定任子。君遂設辭，不欲使進，議者怪之。

又前都尉浩周，勸君遣子，乃實朝臣交謀，以此卜君。君果有辭，外引隗囂遣子不終，內喻竇融守忠而已。世殊時異，人各有心。浩周之還，口陳指麾，益令議者

發明衆嫌，終始之本，無所據杖，故遂俛仰從羣臣議。

今省上事，款誠深至，心用慨然，悽愴動容，卽日下詔敕諸軍，但深溝高壘，不得妄進。若君必效忠節，以解疑議，登身朝到，夕召兵還，此言之誠，有如大江！

長江天斬，以限南北。權旣負固，不亦厭兵，懷柔不得，因而羈縻，措詞尤揚抑盡致。

【註釋】【貢獻盈路】魏文帝遣使求雀頭香、大貝、明珠、象牙、犀角、瑤珉、孔雀、翡翠、鬪鴨、長鳴雞。卒臣曰：「魏所求非禮也，宜勿與。」

【權曰】「方有事於西北，彼在諒闇之中，而所求若此，當可與言禮哉？」皆具以與之。【討備之功】吳黃武元年正月，陸遜都將宋謙等

攻蜀五屯，皆破之，斬其將。三月，蜀軍分據險地，前後五十餘營，陸遜大破之，劉備奔走，僅以身免。【埋而掘之】（國語）埋埋之，掘之，是以無成功。

【大義已定】魏文帝踐阼，權使命稱藩，魏宛封權爲吳王，並授璽綬。【勞師江漢】是時魏命曹休東還，賊

竊出洞口，曹仁出濡須，曹真夏侯淵張郃徐晃圍南郡。【三公上君過失】魏三公奏，略謂：「吳王孫權幼豎小子，無尺寸之功，因

父兄之緒，少蒙翼明胸伏之恩，長含鴟梟反逆之性，復與關羽更相規伺，遂利見便，挾爲卑辭，共數其罪十五條。」見魏略及孫權傳註。

【曾母投杼之疑】（戰國策）昔者曾子處費，費有與曾子同名族者，而殺人。人告曾子母曰：「曾參殺人。」曾母曰：「吾子不殺人，經

自若，有頃焉，人又曰：「曾參殺人。」其母尚織自若也。頃之，一人又告之曰：「曾參殺人。」曾母曰：「吾子不殺人，經

遣尙書桓階，侍中辛毗，往與盟誓。【以定任子】（詩鄭箋）以恩相信曰任。今云任子者，蓋謂質子以明信也。定者，欲其決定實行也。

【都尉浩周】都尉官名浩周字孔異上黨人建安中仕爲蕭令至徐州刺史。【朝臣交謀以下】魏文帝問浩周等周以爲權

必臣服；而東里袞謂其不可必服。帝悅周言，以爲有以知之。【魏器遣子不終】魏器字季孟天水成紀人王莽末據隴西諸郡。光

武五年遣子入侍後卒叛漢。【竇融守忠】竇融字周公扶風平陵人西漢末據河西諸郡後歸光武爵位素薄恂恂恭順。【上

事】權上書曰：『昔君之來欲令遣子入侍徒以登年幼欲假年歲之間耳而赤情未蒙昭信遂見討責常用慚怖。』登權之子。

與楊德祖書

楊德祖名脩爲曹操主簿從至江南讀曹娥碑背後八字曰：『黃胡幼婦外孫齋曰：』問操曰：『知其意

乎？』操曰：『卿且弗言待思之。』行三十里脩曰：『乃是絕妙好辭也。』操曰：『亦如孤意。』由是深忌脩卒以他事誣殺之。

曹

植

見論辨

植白：數日不見，思子爲勞，想同之也。

僕少小好爲文章，迄至于今，二十有五年矣。然今世作者，可略而言也。昔仲宣獨步於漢南，孔璋鷹揚於河朔，偉長擅名於青土，公幹振藻於海隅，德璉發跡於此魏，足下高視於上京。當此之時，人人自謂握靈蛇之珠，家家自謂抱荆山之玉。吾王於是設天網以該之，頓八紘橫以掩之，今悉集茲國矣。然此數子，猶復不

能飛軒絕跡，一舉千里。以孔璋之才，不閑於辭賦，而多自謂能與司馬長卿同風，譬畫虎不成反爲狗也。前書嘲之；反作論盛道僕讚其文；夫鍾期不失聽，于今稱之，吾亦不能妄歎者，畏後世之嗤余也。世人之著述，不能無病。僕常好人譏彈其文，有不善者，應時改定。昔丁敬禮常作小文，使僕潤飾之。僕自以才不過若人，辭不爲也。敬禮謂僕：『卿何所疑難？』文之佳惡，吾自得之，後世誰相知定吾文者邪？
『同耶吾常歎此達言，以爲美談。』

昔尼父市之文辭，與人通流，至於制春秋，游夏之徒，乃不能措一辭。過此而言不病者，吾未之見也。蓋有南威之容，乃可以論其淑媛；有龍泉之利，乃可以議其斷割。劉季緒才不能逮於作者，而好詆訶。文章，掎騾上摭雙，利病。昔田巴毀五帝，罪三王，紫五霸於稷下，一旦而服千人。魯連一說，使終身杜口。劉生之辯，未若田氏；今之仲連，求之不難，可無息乎！人各有好尚：蘭齒蔭孫蕙之芳，衆人所好，而海畔有逐臭之夫；咸池六莖戶耕切之發，衆人所共樂，而墨翟有非之之論；

豈可同哉？

今往僕少小所著辭賦一通，相與夫街談巷說，必有可采。擊轅之歌，有應風雅，匹夫之思，未易輕棄也。辭賦小道，固未足以揄揚大義，彰示來世也。昔揚子雲先朝執戟之臣耳，猶稱壯夫不爲也。吾雖德薄，位爲蕃_藩侯，猶庶幾戮力上國，流惠下民，建永世之業，留金石之功，豈徒以翰墨爲勳績，辭賦爲君子哉？若吾志未果，吾道不行，則將采庶官之實錄，辯時俗之得失，定仁義之衷，成一家之言。雖未能藏之於名山，將以傳之於同好，非要_辟之皓首，豈今日之論乎？其言之不慙，恃惠子之知我也。明早相迎，書不盡懷。——植白。

文之佳惡，吾自得之，自是不易之論。滿腔抑鬱，傾瀉知己之前，要其不願以文人自終之心，昭然自揭。天厄陳思，卽天之所以天當塗矣。

【註釋】

【仲宣獨步於漢南】仲宣在荊州，故曰漢南。

【孔璋鷹揚於河朔】孔璋在冀州，爲袁紹記室，故曰河朔。

【偉長擅名於青土】偉長居北海郡，禹貢之青州也。

【公幹振藻於海隅】公幹，東平寧陽人，寧陽邊齊，故曰海隅。【德

隨發跡於此魏。德璉，南頓人，近許都。【足下高視於上京】楊氏自震至賜，三葉宰相，自震至彪，四世太尉。俯彪之子也。上

京，東京也。【靈蛇之珠】見李斯諫逐客書。【荆山之玉】見孔融肉刑議。【天網】崔寔本論舉彌天之網，以羅海內

之雠。【頓八紘以掩之】頓，止也。淮南子九州之外，是有八澤。八澤之外，乃有八紘。【飛軒】軒，舞貌。淮南子軒軒然迎風

而舞。【一舉千里】韓詩外傳蓋胥曰：鴻鵠一舉千里，所持者六翮爾。【司馬長卿】長卿，相如字。見諱籍小傳。【畫虎

不成反爲狗】東觀漢記：馬援誡子嚴書曰：效杜季良而不成，陷爲天下輕薄子，所謂畫虎不成，反類狗也。【丁敬禮】丁廙，

字敬禮，廙之弟也。【昔尼父之文辭五句】史記孔子世家：孔子文辭，有可與共者，至於春秋，子游子夏之徒，不能贊一辭。

【南威】戰國策：昔平公得南威，三日不聽朝，遂推而遠之。曰：後世必有以色亡國者。【龍泉】劍名，卽龍淵也。戰國策：蘇秦說

韓王曰：韓之劍戟，龍淵太阿，陸斷牛馬，水擊鴻雁。【劉季緒】名倚，劉表子。官至樂安太守，著詩賦頌六篇，見擊虞文章志。【倚

撫】近引而收取之也。【田巴毀五帝六句】魯連子齊之辯者，曰田巴，辯於狙丘而議於稷下，毀五帝，罪三王，一日而服千

人。有徐劫弟子曰魯連，謂劫曰：臣願當田子，使不敢復說。昔，口毀也。【息】止也。【蘭茝蓀蕙】蘭，一瓣一花而香有餘者，蓀皆香

草，蕙，一瓣數花而香不足者。【海畔有逐臭之夫】呂氏春秋：人有大臭者，其親戚兄弟妻妾知識，無能與居者，自苦而居海

上，人有悅其臭者，晝夜隨而不去。【咸池六莖】見揚雄解難。【墨翟非之】墨子有非樂篇。【擊轅之歌】崔駰曰：竊作

頌一篇，以當野人擊轅之歌。【揚子雲】卽揚雄，見辨論小傳。【執戟之臣】揚雄奏羽獵賦爲郎，郎皆執戟而侍也。【壯夫

不爲】揚子法言：雕蟲篆刻，壯夫不爲也。【實錄】漢書司馬遷贊：有良史之才，其文直，其事核，不虛美，不隱惡，故謂之實錄。

【惠子】惠施也，莊周之友，此指祖也。

與司馬仲達書

汝家事，一既而竟遂魏勝云。

晉書宣帝紀司馬懿字仲達，河內溫縣孝敬里人。魏武嘗謂太子丕曰：「司馬懿非人臣也，必預

曹植

今賊徒欲保江表之城，守區區之吳爾；無有爭雄於宇內，角勝於平原之志也。故其俗，蓋以洲渚爲營壁，江淮爲城塹，同塹切而已。若可得挑致，則吾一旅之卒，足以敵之矣。蓋弋鳥者矯其矢，釣魚者理其綸，此皆度聲入彼爲慮，因象設宜者也。今足下曾無矯矢理綸之謀，徒欲候其離舟，伺其登陸，乃圖并吳會貴之地，牧東野之民，恐非主上授節將軍之心也。

責備得是，陳思頗有深心，安得以才人目之？

【註釋】【江表】江南也。【洲渚】水中可居處曰洲，小湖曰渚。【城塹】城外四周之溝池也。【矯】直也。【綸】（詩小雅）之子于釣，言綸之繩。傳（綸）給，釣織也。【授節將軍】孫權固江夏，遣其將攻襄陽，懿督諸軍討走之，以功遷驃騎將軍。

與吳季重書

書牘 與司馬仲達書 與吳季重書

曹植

植白，季重足下：

前日雖因常調，得爲密坐；雖燕飲彌日，其於別遠會稀，猶不盡其勞積也。若夫觴酌凌波於前，簫笳發音於後，足下鷹揚其體，鳳歎虎視，謂蕭曹不足儔，衛霍不足侔也。左顧右盼，謂若無人，豈非吾子壯志哉？過屠門而大嚼，雖不得肉，貴且快意。當斯之時，願舉太泰同山以爲肉，傾東海以爲酒，伐雲夢之竹以爲笛，斬泗濱之梓以爲箏，食若填巨壑，飲若灌漏卮，其樂固難量，豈非大丈夫之樂哉？然日不我與，曜靈急節，面有逸景影同之速，別有參商之闊；思欲抑六龍之首，頓羲和之轡，折若木之華，閉濛汜似之谷。天路高邈，良久無緣，懷戀反側，如何如何！

得所來訊，支采委曲，曄葉若春榮，瀏留若清風，申詠反覆，曠若復面。其諸賢所著文章，想還所治，復申詠之也。可令憲事小吏諷而誦之。夫文章之難，非獨今

也，古之君子，猶亦病諸。家有千里驥而不珍焉，人懷盈尺和氏無貴矣。夫君子而不知音樂，古之達論，謂之通而蔽；墨翟自不好伎，何謂過朝歌而迴車乎？足下好伎，而值墨翟迴車之縣，想足下助我張目也。

又聞足下在彼，自有佳政。夫求而不得者，有之矣；未有不求而得者也。且改轍易行，非良樂之御，易民而治，非楚鄭之政。願足下勉之而已矣！適對嘉賓，口授不悉，往來數相聞。——曹植白。

曹氏三人，陳思以神韻勝。此書於典雅之中，神韻仍復不匱，信是才人吐屬。

【註釋】【常調】凡外任循資官，謂之常調。選爲朝官，謂之隨朝。【密坐】曹大家詠器頌侍帝王之密坐。【燕飲彌日】

質，黃初五年朝宗師，詔上將軍及特進以下，皆會質所，大官給供具。見三國志吳質傳註。彌，終也。【觴酌凌波】猶曲水流觴之

義。【鳳歎虎視】鳳以喻文，虎以喻武也。【蕭曹】蕭何，漢高帝時相。曹參，漢惠帝時相。【衛霍】衛青，字仲卿，平陽人。本姓

鄒，以同母姊衛子夫得幸武帝，故冒姓衛氏。武帝伐匈奴，青爲大將軍，立功，封長平侯。霍去病，平陽人，衛青姊子。伐匈奴，先後凡六出，拜

驃騎將軍，封冠軍侯。【過屠門而大嚼】杜子新語：人聞長安樂，則出門向西而笑；知肉味美，則對屠門而大嚼。【雲夢】在

今湖北安陸縣南，本二澤，後爲邑居聚落，因併稱之曰雲夢。【泗濱】泗水出山東泗水縣陪尾山，至清河縣入淮，此禹跡也。今其故

道，自徐州以南，悉爲黃河所占，(書禹貢)泗濱浮磬。【漏卮】卮，酒器。(淮南子)今夫霜水足以溢壺，而江河不能實漏卮。

【曜】靈急節，曜，日也。節，度也。(楚辭)角宿未旦，曜靈焉譖。【逸景】如景之奔逸。【參商】二星名。參出則商沒，商出則參沒，故

以之爲喻。【抑六龍二句】(楚辭)貫鴻蒙以東竭兮，維六龍於扶桑。(又)吾令羲和弭節兮，六龍，日御也。羲和，日官也。【若

木】(楚辭)折若木以拂日兮，聊逍遙以相伴。(註)若木，在崦嵫，音折，取若木，拂斲蔽日，使之還卻也。【濛汜】日出自陽谷，次於濛

汜，見(楚辭)。【曄若春榮】曄，明也。榮，華也，光也。【瀏若清風】瀏，風疾貌。(楚辭)九歌(秋風)瀏以蕭蕭兮。【曠若復面】

曠，豁也。言豁然如復復面。【所治】時質爲朝歌令。【家有千里四二句】驥，千里馬。和氏，註見與楊德祖書。言驥及和氏，以

希爲貴。今若家有千里，人懷盈尺，即驥及和氏，寧得爲貴乎？【翠翟二句】言翠翟自不好伎耳，並非有惡於朝歌也，何以必謂之

過朝歌而過車耶。【改轍易行五句】因質以朝歌地小，擬調他邑，故云。觀質答書自明。(呂氏春秋)古之善相馬者，若趙之王良，

秦之伯樂，尤盡其妙也。(戰國策)趙嘗謂趙王曰：「臣聞之，聖人不易民而教，智者不變俗而勸。」(史記循吏列傳)循吏，楚有孫叔敖，

鄭有子產，而二國俱治，是不易之民也。

在元城與魏太子牋

質遷元城(今河北大名縣)令，之官，過鄴辭太子，到縣，與太子牋。

吳質

三國濟陰人，字季重，有文才。魏文帝在東宮時，與之相善，及帝即位，擢爲振威將軍，假節都督河北諸軍事。卒

諡曰威。

臣質言

前蒙延納，侍宴終日，燿靈匿景，影同繼以華燈。雖虞卿適趙，平原入秦，受贈千金，浮觴旬日，無以過也。小器易盈，先取沈頓，醒寤之後，不識所言。卽以五日到官，初至承前，未知深淺。然觀地形，察土宜，西帶常山，連岡平代，北鄰柏人——乃高帝之所忌也——重以泝帝水，漸尖漬疆宇。喟然嘆息，思淮陰之奇譎，亮成安之失策；南望邯鄲，寒丹想廉藺吝之風，東接鉅鹿，存李齊之流。都人士女，服習禮教，皆懷慷慨之節，包左車之計。而質闇弱，無以莅之。若乃邁德種恩，樹之風聲，使農夫逸豫於疆畔，女工吟咏於機杼，固非質之所能也。至於奉遵科教，班揚明令，下無威福之吏，邑無豪俠之傑，賦事行刑，資於故實，抑亦懷懷有庶幾之心。

往者嚴助釋承明之權，受會稽之位；壽王去侍從之娛，統東郡之任；其後皆克復舊職，追尋前軌。今獨不然，不亦異乎？張敞在外，自謂無奇；陳咸憤積，思入京城；彼豈虛談夸論，誑耀世俗哉？斯實薄郡守之榮，顯左右之勤也。古今一揆，先後不贊，賀同焉知來者之不如今？聊以當覲，不敢多云。質死罪死罪。

前半縷敘交情，入後以才不勝外，冀幸內調，中幅述地勢之險要，發思古之幽情，大蘇超然臺等記，脫胎於此。

【註釋】

【虞卿】虞卿說趙孝成王，爲趙上卿，見史記虞卿傳。

【平原入秦】秦昭王爲書遣平原君趙勝曰：「寡人聞君之高義，願與君爲布衣之交。君幸過寡人，願與爲十日之飲。」平原君遂入秦見昭王。

【沈頓】醕酒而委頓也。【土宜】（左傳成二年）物土之宜。【常山】即山西恆山。漢有恆山郡，避文帝諱，改之。

【平代】漢書地理志：代郡有平邑及代二縣。平邑，今山西陽高縣西南。代縣，今河北蔚縣東二十里。【柏人】今河北唐山縣西（漢書高帝紀）八年冬，上東擊韓信餘寇於東垣，還過趙，趙相貫高等，恥上不證其王，陰謀欲獄上。上欲宿，心動，問縣名何，曰：「柏人。」上曰：「柏人者，迫於人也。」去弗宿。

【涿水】發源河北元氏縣西羣山中，嶽信斬陳餘於此。

【淮陰之奇譎】淮陰侯韓信與張耳擊趙，選輕騎二千人，人持一赤幟，諷曰：「趙見我走，必空壁逐我；若疾入趙壁，拔趙幟，立漢赤幟。」

【成安之失策】廣武君李左車說成安君陳餘曰：「聞漢將韓信議欲以下趙，願假臣奇兵三萬人，絕其輜重。足下深溝高壘，堅壁勿與戰。吾奇兵絕其後，兩將之首，可致戲下。」成安君不聽也。

【邯鄲】趙都，今河北邯鄲縣。【廉頗】廉頗，趙惠文王賢將。藺相如，爲趙上大夫，與之同時。

【鉅鹿】今河北平鄉縣。【李齊】趙將，漢文帝謂馮唐曰：「吾居代時，吾尙食監高祛，數爲我言趙將李齊之賢，戰於鉅鹿下，吾每飲食，意未嘗不在鉅鹿也。」

【左車之計】見成安失策註。【無以莅之】言臨此地而有所不稱也。

【邁德】邁，勉力也。（書大禹謨）皋陶邁種德。【風聲】（書畢命）彰善癉惡，樹之風聲。【機杼】杼，機之持緯者。

【邑無豪俠之傑】言無犯法之士豪也。【賦事行刑資於故實】資，亦作咨。（國語）葵蘩仲曰：「魯侯賦事行刑，必問

於遺訓而吞於故實。【嚴助二句】嚴助，會稽吳人，嚴忌之子，助侍燕從容。上問所欲，對曰：願爲會稽太守。【數年，賜書曰：制詔會稽太守，君服承明之盛，勞侍從之事，出爲郡吏，久不開問。】助恐，上書謝，詔許，因留侍中。承明盛，在石渠閣外，直宿所止曰盛。【壽王二句】吾丘壽王字子橫，趙人，年少以善格五召，待詔遷侍中，中郎，坐法免。後東郡盜賊起，拜爲東郡都尉，復徵入爲光祿大夫侍中。【張敞】張敞爲膠東相，與朱邑書曰：「植敞遠守劇郡，嚴於繩墨，胸臆約結，固無奇矣。」【陳威】陳威字子康，爲南陽守，威數略遼陳湯，與書曰：「即蒙字公（湯字），力得入帝城，死不恨矣。」後竟入爲少府。【賀】易也。

答魏太子牋

魏太子曹芳

吳質

二月八日庚寅，臣質言：

奉讀手命，追亡慮存，恩哀之隆，形於文墨。日月冉冉，歲不我與。昔侍左右，廁坐衆賢，出有微行之遊，入有管絃之權，置酒樂飲，賦詩稱壽，自謂可終始相保，並騁材力，效節明主；何意數年之間，死喪略盡。臣獨何德，以堪久長？

陳徐劉應，才學所著，誠如來命，惜其不遂，可爲痛切！凡此數子，於雍容侍從，實其人也。若乃邊境有虞，羣下鼎沸，軍書輻至，羽檄交馳，於彼諸賢，非其任也。往

者孝武之世，文章爲盛，若東方朔枚皋之徒，不根持論，卽阮陳之儔也。其唯嚴助、壽王，與聞政事，然皆不慎其身，善謀於國，卒以敗亡，臣竊恥之。至於司馬長卿，稱疾避事，以著書爲務，則徐生庶幾焉。而今各逝，已爲異物矣。後來君子，實可畏也。

伏惟所天，優游典籍之場，休息篇章之囿，發言抗論，窮理盡微，摘藻下筆，鸞龍之文奮矣；雖年齊蕭王，才實百之，此衆議所以歸高，遠近所以同聲。然年歲若墜，今質已四十二矣，白髮生鬢，所慮日深，實不復若平日之時也。但欲保身勅行，不蹈有過之地，以爲知己之累耳。遊宴之歡，難可再遇，盛年一過，實不可追。臣幸得下愚之才，值風雲之會，時邁齒載，同齒猶欲觸匈，同胸奮首，展其割裂之用也。不勝悽悽，以來命備悉，故略陳至情。——質死罪死罪。

評論數子甚當，語氣亦不亢不卑，措詞得體。

【註釋】【冉冉】行貌。

【廡】（史記樂毅傳）廡之賓客之中。

【微行】（漢書武帝紀）武帝微行私出，注出入市里，若微

賤之所爲。

【稱壽】（史記白起傳）武安君起爲壽，註上酒，謂稱壽也。

【陳徐劉應】陳琳、徐幹、劉楨應場也。

【臺下鼎

涕〔陰聲勞洶洶也。漢書霍光傳〕蔡下鼎涕。〔軍書二句〕漢書息夫躬傳軍書交馳而輻輳，羽檄重積而狎至。〔東方朔

枚泉〔漢書嚴助傳〕東方朔枚舉，不根持論，上頤俳優者之。〔阮陳〕阮瑀，陳琳。〔鼓助壽王〕註見上篇。〔徐生〕徐幹

也。〔所天〕何休墨守君者，臣之天也。〔鸞龍〕麟羽之有五彩者。〔蕭王〕東觀漢記更始遣使者立光武爲蕭王。

〔勅〕正也。〔風雲之會〕易乾卦雲從龍，風從虎，以喻君臣之際會也。〔載〕年之至也。漢書孔光傳大馬商載。〔樓

樓〕勸懇也。後漢楊賜傳豈敢愛惜垂沒之年，而不盡其懷樓之心哉？

答東阿王書

太和三年，曹植徙封東阿王。

吳質

質白：

信到，奉所惠贖，發函伸紙，是何文采之巨麗而慰喻之綢繆乎？夫登東嶽者，然後知衆山之邈迤也；奉至尊者，然後知百里之卑微也。自旋之初，伏念五六日，至于旬時，精散思越，惘若有失，非敢羨寵光之休，慕猗頓之富，誠以身賤犬馬，德輕鴻毛。至乃歷玄闕，排金門，升玉堂，伏虛檻於前殿，臨曲池而行觴，旣威儀虧替，言辭漏渫，雖恃平原養士之懿，愧無毛遂耀穎之才，深蒙薛公折節

之禮，而無馮諼切火爰三窟之効；屢獲信陵虛左之德，又無侯生可述之美。凡此數者，乃質之所以憤積於胸臆，懷眷而惜切於緣邑者也。若追前宴，謂之未究。傾海爲酒，并山爲肴，伐竹雲夢，斬梓泗濱；然後極雅意，盡歡情，信公子之壯觀，非鄙人之所庶幾也。

若質之志，實在所天。思投印釋馘，朝夕侍坐，鑽仲父之遺訓，覽老氏之要言，對清酌戶而不酌，抑嘉肴而不享，使西施出帷，嫫母侍側，斯盛德之所蹈，明哲之所保也。若乃近者之觀，實盪鄙心，秦箏發徽，二八迭奏，塤同塤簫激於華屋，靈鼓動於座右，耳嘈嘈於無聞，情踴躍於鞍馬。謂可北懾肅慎，使貢其楛矢；南震百越，使獻其白雉，又況權備，夫何足視乎？

還治諷采所著，觀省英瑋，實賦頌之宗，作者之師也。衆賢所述，亦各有志。昔趙武過鄭，七子賦詩，春秋載列，以爲美談。質，小人也，無以承命，又所答貺，辭醜義陋，申之再三，赦同然汗下。此邦之人，閑習辭賦，三事大夫，莫不諷誦，何但小吏之

有乎重惠苦言訓以政事惻隱之恩形乎文墨。墨子迴車而質四年，雖無德與民，式歌且舞，儒墨不同，固以久矣。然一旅之衆，不足以揚名；步武之間，不足以騁跡；若不改轍易御，將何以效其力哉？今處此而求大功，猶絆良驥之足而責以千里之任，檻猿袁猴之勢，而望其巧捷之能者也。不勝見恤，謹附遺白答，不敢繁辭。——吳質白。

才思橫溢，不亞陳思，而工力稍有未逮。讀者當細味之。

【註釋】【登東嶽者二句】（揚子法言）觀書者譬如觀山，升東嶽而知衆山之邈邈也，況介丘乎。下句蓋季重自況。【伏

念五六日至于旬時】（書康誥）要囚服念五六日，至于旬時。【猗頓】見賈誼過秦論上。【玄闕】（三輔舊事）未央宮北

有玄武闕。【金門玉堂】漢書揚雄傳：歷金門，上玉堂，有日矣。（註）金門，金馬門也；黃圖有大玉堂小玉堂殿也。【虛檻曲

池】楚辭：坐堂伏檻臨曲池。【威儀虧替二句】言簡易而無所顧忌也。【平原養士】平原相趙，好賓客，至者數千人。

【毛遂耀穎】秦圍邯鄲，使平原君求救合從於楚，約與食客門下文武備具者二十人偕，得十九人，餘無可取者。毛遂自願往，平原

君曰：「未賢士之處，譬若錐之處囊中，其末立見。今左右未有所稱，是先生無所有也。」遂曰：「臣今日請處囊中耳。」使臣早得處囊

中，乃穎脫而出，非特其末見而已。【薛公】即孟嘗君，註見賈誼過秦論上。【折節】屈己以下人也。【馮諼三窟】馮諼客於孟

管君，孟嘗君使收債於薛。謾爲孟嘗君市義，以償賜諸人。後孟嘗君失相位，就國於薛，老幼迎於道中。孟嘗君頗謾曰：「先生爲文市義，乃今見矣。」謾曰：「狡鬼有三篇，今君有其一也。請爲君復鑿二篇。」孟嘗君乃與車五十乘，金五百斤，西游於梁。梁惠王欲迎孟嘗君，齊王聞之，使太傅謝罪，復其相位。謾爲孟嘗君請先王之祭器，立宗廟於薛，廟成，還謂孟嘗君曰：「三篇已就矣。」**【信陵】**見賈誼過秦論上。

【侯生】史記信陵君傳：有隱士曰侯嬴，公子厚遺之，不肯受。乃置酒大會賓客，坐定，公子從車騎虛左，自迎夷門侯生。侯生攝敝衣冠，直上上坐不譚，欲以觀公子。公子執轡愈恭，侯生謂公子曰：「今日嬴之爲公子亦足矣。市人皆以嬴爲小人，而以公子爲長者能下士也。」**【惰色】**憂鬱貌。**【仲父】**仲尼。**【老氏】**老子。**【清醕】**醕，酒也。**【西施】**越之美女，句踐得之，以獻吳王。**【嫫母】**黃帝第四妃，貌甚醜。**【近者之觀，至夫何足視乎】**承檜書而言朝歌爲行樂之地，而已實志在立功當世也。**【秦箏發徽二句】**楚辭：挾秦箏而彈徽。又：二八齊容起鄭舞。**【塤簫】**塤，樂器，燒土爲之，銳上平底，形如稱錘。風俗通：作簫，其形參差，以象鳳翼，十管，長二尺。**【靈鼓】**六面鼓也。**【肅慎楛矢】**家語：武王克商，於是肅慎氏貢楛矢石磐，其長尺有咫，肅慎，北夷國名，今吉林省之東部，蘇聯關東州之地。楛，木名。磐，箭鏃。**【百越白雉】**武王時，四夷來貢。越裳獻白雉，重譯而至。按越裳，今安南南部。**【趙武過鄆，七子賦詩】**晉趙武過鄆，鄆伯享之，七子從，趙孟曰：七子從君，以寵武也。請皆賦詩，以卒君貺。子展賦：草蟲，伯有賦：鶩之奔奔，子西賦：黍苗之四章，子產賦：臨桑，子大叔賦：野有蔓草，叔段賦：蟋蟀，公孫段賦：桑扈。**【蔽】**面慙也。**【三事大夫】**三公也。詩小雅：三事大夫，莫肯夙夜。**【一旅之衆四句】**言朝歌地小，不足以展其才也。左傳：伍員曰：「少康有衆一旅。」註：一旅，五百人也。**【絆良驥檻猿猴】**淮南子：絆弱而求其致千里，置獲檻中，則與豚同，非不巧捷也，無所肆其能也。

與從弟君苗君胄書

此書言欲歸田，故報二從弟也。

應

璩

三國汝南人，字休璩，揚之弟。好學，善屬文，仕魏為侍中，曹爽專政，璩作詩譏之。

璩報

閉者北遊，喜歡無量；登芒濟河，曠若發矇；風伯掃途，雨師灑道；按轡清路，周望山野，亦既至止，酌彼春酒，接武茅茨，涼過大夏；扶府寸肴脩，味踰方丈；逍遙陂塘之上，吟詠菀柳之下；結春芳以崇佩，折若華以翳日；弋下高雲之鳥，餌出深淵之魚；蒲且讚善，便嬖宣稱妙，何其樂哉！雖仲尼忘味於虞韶，楚人流遯於京臺，無以過也。班嗣之書，信不虛矣。

來還京都，塊然獨處；營宅濱洛，困於囂塵；思樂汶上，發於寤寐。昔伊尹輟耕，鄧攄投竿，思致君於有虞，濟蒸人於塗炭。而吾方欲秉耒耜於山陽，沈鈎緝於丹水，知其不如古人遠矣。然山父不貪天地之樂，曾參不慕晉楚之富，亦其志也。

前者邑人念弟無已，欲州郡崇禮，官師授邑，誠美意也。歷觀前後來入軍府，

至有皓首，猶未遇也；徒有飢寒，駿奔之勞，俟河之清，人壽幾何！且宦無金張之援，遊無子孟之資；而圖富貴之榮，望殊異之寵，是隴西之遊，越人之射耳。幸賴先君之靈，免負擔之勤；追蹤丈人，畜雞種黍；潛精墳籍，立身揚名，斯爲可矣。無或遊言，以增邑邑。郊牧之田，宜以爲意，廣開土宇，吾將老焉。

——**璩白。**
劉杜二生，想數往來，朱明之期，已復至矣。相見在近，故不復爲書。愼夏自愛！

才思雖遜陳思，而蕭散自然，亦能驟斬季重。

【註釋】【登芒濟河】芒，山名，在洛陽縣東北。芒，亦作邛。河，黃河也。【發矇】矇，且不明也。（禮記仲尼燕居）昭然若發矇矣。
【風伯二句】（韓非子）師曠曰：『黃帝合鬼神於太山之上，風伯進掃，雨師灑道。』（列仙傳）赤松子爲雨師。【接武茅茨】（禮曲禮）堂上接武。（注）武，迹也。迹相接，謂每移足半踏之。屋以草蓋曰茨，此言屋之狹陋也。【涼過大夏】（淮南子）大夏增加，擬於崑崙。（注）大夏，大屋也。【扶寸肴脩】扶，通作脩。脩，脯也。（公羊傳僖公三十一年）觸石而出，脩寸而合。（注）側手口脩，按指曰寸。扶寸者，約四指也。【菴柳】（詩小雅）有苑有柳，傳菴，茂木也。【若華】（即若木之華，註見曹植與吳季重書。【蒲且】（列子）詹何曰：『臣聞蒲且子之弋，弱弓微繳，乘風振之，連雙僞於青雲之上，用心專也。』【便嬖】古善釣者。淮南子：雖有鉤鉞芳餌，

加以脩何便瓊之妙，猶不能與罔爭得也。【仲尼忘味於虞韶】（論語）子在齊聞韶，三月不知肉味。【楚人流遜於京

臺】（淮南子）令尹子瑕詩飲，莊王許諾。子瑕具於京臺，莊王不往，曰：『吾聞京臺者，南望獵山，北望方皇，左江右淮，其樂忘歸，若吾薄

德之人，不可當此樂也，恐流而不能自反。』（注）京臺，高臺也，方皇，大澤也。【班嗣之書】（漢書）班嗣報桓生曰：『漁釣一壑，則萬物

不好其志，相避一丘，則天下不易其樂。』【汶上】今山東汶上縣。（論語）季氏使閔子騫爲覆釜，閔子騫曰：『善爲我辭焉，如有復我者，

則我必在汶上矣。』【伊尹輟耕】伊尹始耕於有莘之野，後爲湯相。【郅惲投竿】郅惲，字君章，漢光武時人，郟次部隱代陽山，

惲從之，漁釣甚娛，既而喟然歎曰：『天生俊士，以爲民也，子從我爲伊尹乎？』次部曰：『吾年耄矣，安得從子，』皆別而去。惲後舉孝廉爲郎。

【山陽】漢河內郡有山陽縣，在今河南修武縣。【緡】（爾雅釋詁）緡，給也。（註）繩也。【丹水】漢上黨郡高都縣有箕谷，丹水所

出。【山父句】山父，東父也，言不以有天下爲樂也。【曾參句】（孟子）曾子曰：『晉楚之富，不可及也。彼以其富，我以吾仁，彼以

其爵，我以吾道，吾何慊乎哉？』【駿奔】（詩周頌）駿奔走在廟。（傳）駁，長也。【俟河二句】語見左傳。相傳黃河千年一清，故云。

【金張】（漢書金日磾贊）夷狄亡國，禍廢漢庭，七葉內侍，何其盛矣。又（張湯贊）張氏子孫相繼，自宣元以來，爲侍中中常侍者凡

十餘人，功臣之後，惟有金氏張氏。【子孟】霍光字子孟，驃騎將軍去病之弟。【隴西之遊】（淮南子）夫乘舟而惑者，不知

東西，見斗極則曉然而竊笑，性亦人之斗極，有自見也，則不失物之情，無以自見，則動而惑，譬若隴西之遊，愈驟愈北。【越人之

射】（淮南子）越人學遠射，參天而發，適在五步之內，不易其儀，時已變矣，而守其故，譬猶越之射爾。【追蹤丈人二句】（論語）

子路遇丈人，以杖荷蓑。（又）止子路宿，殺雞爲黍而食之。【游言】（禮曲禮）大人不倡游言。（注）遊，浮也，不可用之言。【邑邑】

悶也。（史記商君傳）安能邑邑待數十年？【郊牧】（爾雅釋地）邑外謂之郊，郊外謂之牧。【朱明】（爾雅釋天）夏爲朱明。

與侍郎曹長思書

應璩

璩白：

足下去後，甚相思想。叔田有無人之歌，闔閭_因有匪存之思，風人之作，豈虛也哉？王肅以宿德顯授，何曾以後進見拔，皆鷹揚虎視，有萬里之望。薄援助者，不能追參於高妙，復歛翼於故枝，塊然獨處，有離羣之志。汲黯樂在郎署，何武恥為宰相，千載揆之，知其有由也。德非陳平，門無結駟之跡；學非揚雄，堂無好事之客；才劣仲舒，無下帷之思；家貧孟公，無置酒之樂。悲風起於閨闈，紅塵蔽於机榻。幸有哀生，時步玉趾，樵蘇不爨，清談而已，有似周黨之過閔子。夫皮朽者毛落，川涸者魚逝，春生者繁華，秋榮者零悴，自然之數，豈有恨哉？聊為大弟陳其苦懷耳！想還在近，故不益言。——璩白：

駢句層疊，漸開六朝之風，然氣韻疏散，妙造自然，絕不見一毫雕琢痕跡。

【註釋】【叔田句】詩鄭風。叔于田，巷無居人。豈無居人，不如叔也。洵美且仁。傳。叔，鄭莊公弟太叔段也。田，取禽也。

【闔句】詩鄭風。其闔闔，有女如荼。闔，城曲也。闔，城臺也。又。雖則如雲，匪我思存。

【王肅】字子雍，東海人，王朗子。黃初中，爲散騎黃門侍郎，善賈遠馬。嶺之學，不好鄭氏。采會同異，爲尚書、詩、論語、證、左氏傳之解，又撰其父朗所作之易解，皆列於學官。

【宿德】東觀漢記。梁商上書曰：「猥復超起宿德。」何曾，字穎考，陳國人，弱冠累遷散騎侍郎，給事黃門郎。

【後進】後輩也。論語。子曰：「後進於禮樂，君子也。」

【塊】淮南子。塊然幽處。【汲黯】樂在郎署。汲黯，字長孺，濮陽人，面折廷諍，武帝嚴憚之。後拜淮陽太守，黯伏地謝不受印，願爲中郎，出入禁闈。

【何武恥爲宰相】何武，字君公，爲御史司空，多所舉奏，號爲煩碎，不稱賢公。功名略比薛宣，其才不及。恥義本傳未詳，大約自謙之義。

【德非陳平二句】陳平家貧，素嗜酒，人稱至其門，時有好事者，載酒問奇字。【仲舒】然門外多長者車轍，結駟連騎，子貢事。

【學非揚雄二句】揚雄家貧，素嗜酒，人稱至其門，時有好事者，載酒問奇字。【仲舒】董仲舒，見蔡邕董仲舒集叙。

【家貧孟公二句】陳遵，字孟公，嗜酒，每大飲，賓客滿堂。【袁生】未詳。【樵蘇不爨】漢書韓信傳。樵蘇後爨，師不宿飽。注。樵，取薪也。蘇，取草也。

【周黨之過闔子】東觀漢記。太原閔貢，字仲叔，與周黨相遇，舍菽飲水，無菜茹也。【皮朽者毛落二句】見蔡邕正論。

答臨淄侯牋

臨淄侯曹植也。建安十九年封。

楊脩

東漢弘農華陰人，字德祖，太尉彪子。謙恭材博，自魏太子以下，並爭與交好，爲曹操主簿，能解曹操碑隱語，操

書牘 與侍郎曹長思書 答臨淄侯牋

以脩漏泄言教，交關諸侯，乃收殺之。

脩死罪死罪！

不待數日，若彌年載，豈由愛顧之隆，使係仰之情深邪？損辱嘉命，蔚矣其文，誦讀反覆，雖諷雅頌，不復辟去過此。若仲宣之擅漢表，陳氏之跨冀域，徐劉之顯青豫，應生之發魏國，斯皆然矣。至於脩者，聽采風聲，仰德不暇，自周章於省覽，何遑高視哉？

伏惟君侯，少長貴盛，體發日之資，有聖善之教。遠近觀者，徒謂能宣昭懿德，光贊大業而已；不復謂能兼覽傳記，留思文章。今乃含王超陳，度越數子矣。觀者駭視而拭目，聽者傾首而竦耳。非夫體通性達，受之自然，其孰能至於此乎？又嘗親見執事握牘持筆，有所造作，若成誦在心，借書於手，曾不斯須，少留思慮。仲尼日月，無得踰焉；脩之仰望，殆如此矣。是以對鵬易而辭，作暑賦彌日而不獻——見西施之容，歸憎其貌者也。

伏想執事，不知其然。猥受顧錫，教使刊定。春秋之成，莫能損益；呂氏淮南，字直同，千金，然而弟子箝口，市人拱手者，聖賢卓犖，固所以殊絕凡庸也。今之賦頌，古詩之流，不更孔公，風雅無別耳。脩家子雲，老不曉事，強著一書，悔其少去作；若此，仲山周旦之儔，爲皆有讐同邪。君侯忘聖賢之顯迹，述鄙宗之過言，竊以爲未之思也。若乃不忘經國之大美，流千載之英聲，銘功景鐘，書名竹帛，斯自雅量，素所畜也，豈與文章相妨害哉？輒受所惠，竊備矇瞍誦詠而已，敢望惠施以忝莊氏。季緒同，何足以云。反答造次，不能宣備。——脩死罪死罪。

雖多貢諛之言，而雋雅處自不可及。與陳思來書並讀，黃華兩牘，遜此佳妙。

【註釋】【蔚矣其文】（易革卦）君子豹變，其文蔚也。

【仲宣之擅漢表】仲宣，王粲字。仲宣至荊州，依劉表，故云漢表。

【陳氏之跨冀域】陳氏，陳琳也，寄身袁氏，故云冀域。

【徐劉之顯青豫】徐幹，北海高密人，劉植，颍川許昌人。

【應生之發

魏國】應瑒，時居汝穎，魏武食邑。

【周章】章，周匝也。家語：孔子出乎四門，周章遠望。

【發旦】武王周公名。【聖善】

（詩鄘風）母氏聖善。

【王陳】王粲，陳琳也。

【疎】勁也。

【仲尼二句】（論語）子貢曰：仲尼，日月也，無得而殫焉。

【對鵬

而辭二句】

植爲鵝鳥賦，亦命脩爲之。而脩辭讓，植又作大暑賦，而脩亦作之，竟日不敢賦。

【刊】削也。

【春秋二句】

〔史記孔子世家〕春秋筆則筆，削則削，子夏之徒不能贊一辭。

〔呂氏二句〕〔檀子新論〕秦呂不韋請迎高妙作呂氏春秋。裏之淮南王，聘天下辯通以著篇章，書成，皆布之都市，懸置千金，以延示衆士，而莫能變易者。

〔今之賦頌古詩之流〕〔班固兩都賦序〕賦者，古詩之流也。

〔不更孔公〕猶云不經孔子刪定也。

〔子雲〕揚雄字。

〔悔其少作〕曹植書曰：揚雄猶稱壯夫不爲。

〔揚子法言〕或問吾子少好賦？曰：然童子彫蟲篆刻，『俄而曰：』壯夫不爲也。

〔仲山周旦〕仲山周公且也。〔文選注〕毛詩序曰：『七月，周公遭變，陳王業之艱難。』然詩無仲山周作者，而吉父美仲山父之德，未詳德祖何以言之。

〔景鐘〕國語：晉庫公曰：『昔克路之役，秦來圖敗晉功，魏顛以其身卻退秦師于輔氏，親止杜回，其勳銘於景鐘。』〔注〕景鐘，景公鐘也。

〔矐腹〕有眸子而無見曰矐，無眸子曰矐。〔詩大雅〕矐矐秦公。

〔敢望惠施以忝莊氏〕曹植書曰：『其言之不慚，恃惠子之知我也。』〔儻言〕已豈敢望比惠施之德，以忝辱於莊周之相知乎？莊周，儻也。惠施，莊周相知者也。故引之。

〔季緒〕注見曹植與楊德祖書。

〔瓊瑣〕〔張衡東京賦〕既瓊瑣焉。〔注〕瓊瑣，小也。

諫曹植書

劉楨

三國東平人。字公幹，有逸才，善辭令，以文章見重於魏文帝，辟爲丞相掾，與王粲、孔融、陳琳、阮瑀、應瑒、徐幹并相友善，號建安七子。

家丞邢顛，魚容切北土之彥，少秉高節，玄靜澹泊，言少理多，眞雅士也。

積誠不足同貫斯人，並列左右；而積禮遇殊特，顯反疏簡，私懼觀者將謂君侯習近不肖，禮賢不足；採庶子之春華，忘家丞之秋實。爲上招謗，其罪不小；以此反側。

推賢讓能，深心人自無淺語。

【註釋】【家丞邢顯】邢顯，字子昂，河鄉閬人。曹操辟爲冀州從事，後以爲平原侯植家丞。【少秉高節】邢顯先舉孝廉，司

徒辟皆不就，易姓氏適右北平，從田疇遊。積五年，還鄉里。【同貫】同條共貫也。【庶子】劉楨時爲庶子。【反側】（詩周南）

輿轉反側。（疏）反側猶反覆，言不安也。

爲劉荊州與袁譚書

劉表字暉升，山陽高平人。靈帝崩，代王敎爲荊州刺史，嗣爲鎮南將軍荊州牧，封武威侯。

建安十三年，魏太祖征表，未至，表病卒。袁譚、袁紹子紹愛少子尚，紹死，尚立。譚乃自號車騎將軍。後譚尚交攻，尚圍之急，譚奔平原，而遣潁川辛毗詣曹操請救，劉表以書諫之。

王 粲

見論辨

天降災害，禍難殷流，初交殊族，卒同成同盟，使王室震蕩，彝倫攸斁。是以

書讀 諫曹植書 爲劉荊州與袁譚書

智達之士，莫不痛心入骨，傷時人不能相忍也。然孤與太公，志同願等，雖楚魏絕邈，山河迴遠，戮力乃心，共獎王室；使非族不干吾盟，異類不絕吾好，此孤與太公無貳之所致也。

功績未卒，太公殂隕。賢胤承統，以繼洪業。宣奕世之德，履丕顯之祚；摧巖敵於鄴都，揚休烈於朔土。顧定疆宇，虎視河外。凡我同盟，莫不景附。何悟青蠅飛於竿旌，無忌游於二壘，使股肱分成二體，胸膂絕爲異身。初聞此問，尙謂不然；定聞信來，乃知關伯實沈之忿已成，棄親卽讎之計已決，旃旆交於中原，暴尸累於城下，聞之哽咽，若存若亡。

昔三王五伯，釋去下及戰國，君臣相弑，父子相殺，兄弟相殘，親戚相滅，蓋時有之；然或欲以成王業，或欲以定霸功，皆所謂逆取順守，而徼富強於一世也。未有棄親卽異，兀其根本，而能全軀長世者也。昔齊襄公報九世之讐，士匄卒荀偃之事，是故春秋美其義，君子稱其信。夫伯游之恨於齊，未若太公之忿於曹也。宣子

之臣承業，未若仁君之繼續也。且君子違難，不適讐國，交絕不出惡聲，況忘先人之讐，棄親戚之好，而爲萬世之戒，遺同盟之恥哉？蠻夷戎狄，將有誚讓之言，況我族類，而不痛心邪！

夫欲立竹帛於當時，全宗祀於一世，豈宜同生分謗，爭校得失乎？若冀州有不弟之傲，無慙順之節；仁君當降志辱身，以濟事爲務。事定之後，使天下平其曲直，不亦爲高義邪！今仁君見憎於夫人，未若鄭莊之於姜氏；昆弟之嫌，未若重華之於象傲；然莊公卒從大隧之樂，象傲終受有鼻之封。願捐棄百病，烏何切追攝舊義，復爲母子昆弟如初。今整勒士馬，瞻望鶴立。

義正詞嚴，責備甚當。袁家豎子，何足知此。

【註釋】【同盟】袁紹起兵討董卓時，諸軍約盟，遂推紹爲盟主。時曹操亦與其列，故上文云云。【彝倫攸斁】（書洪範）彝，

倫攸斁，斁，敗也。【太公】稱袁紹。【楚魏】劉表爲荊州刺史，徙州治襄陽。襄陽，春秋戰國時楚地也。袁氏居鄆，屬後漢冀州魏郡。

魏郡戰國魏地也，故云。【共獎王室】獎，助也。（左傳）同好惡，獎王室。【奕世】奕，重也。（國語）奕世載德。【丕顯】丕，大也。

顯，明也。（書君牙）丕顯哉文王謨。【青蠅飛於竿旌】（詩小雅）營營青蠅，止于榛。青蠅，以比讒人，飛於竿旌，言讒人之得志也。

【無忌游於二壘】賈無忌得寵於楚平王，爲太子建少傅，無寵於太子，日夜譏太子於王，欲誅太子。太子亡奔宋。二壘，指譚何屯兵處。

【闕伯實沈】

左傳子產曰：「高辛氏有二子，伯曰闕伯，季曰實沈，居於豷林，不相能也，日尋干戈，以相征討。」【旃旆】旌旗曲柄也。旆，纒旒之旗也。

【成王業】

若周公誅管蔡。【定霸功】若齊桓公殺子糾。【齊襄公報九世之讐】紀侯讐齊

哀公於周，周夷王烹哀公，立其弟靖，是爲胡公。哀公之弟山攻殺胡公而自立，是爲獻公。獻公之子武公，武公之子厲公，厲公之子文公，

文公之子成公，成公之子莊公，莊公之子釐公，釐公之子襄公，是爲九世。襄公八年，伐紀，紀遷去其邑。【士句卒荀偃之事】荀偃，

晉大夫。左傳：荀偃將中軍，士句佐之，伐齊，濟河，病且出，及卒，而視不可含。欒盈曰：「其爲未卒事於齊故也。」士句撫之曰：「主苟終，所

不副事於齊，有如河，乃瞑受含。【伯游】荀偃字。【宣子】士句也。【違難不適讐國】左傳：公山不狃曰：「君子違不適讐國。」注：違，奔亡也。

【交絕不出惡聲】史記樂毅傳：臣聞古之君子，交絕不出惡聲。【冀州有不弟之愷】冀州，謂袁尚也。愷，偁也，與傲同。

【鄭莊之於姜氏】鄭武公娶於申，曰武姜，生莊公及叔段，姜氏愛叔段，及莊公立，姜氏爲請京居之。段將甲

兵，將襲鄭，夫人將啓之。莊公先發制之，太叔出奔共，遂寘姜氏於城穎，而有不及黃泉不相見之誓。

【大隧之樂】後莊公悔，從穎考叔言，闕地及泉，隧而相見。公入而賦大隧之中，其樂也融融；姜出而賦大隧之外，其樂也洩洩。遂爲母子如初。【封有鼻】孟子：

象至不仁，封諸有鼻。鼻，通作鼻。有鼻，國名，今湖南道縣有鼻亭，卽其處。【痾】病也。

與丞相陸遜書

陸遜字伯言，吳郡吳人。孫權爲將軍，遜始仕幕府，旋拜輔國將軍，領荊州牧，卽改封江陵侯。後聯太

子，并掌荊州及豫章三郡事，直督軍國。

諸葛恪

字元遜，瑯子。少有才名，仕吳爲撫越將軍，領丹陽太守，拜太傅，後爲孫峻所殺。

楊敬叔傳述清論，以爲方今人物彫盡，守德業者不能復幾，宜相左右，更爲輔車，上熙國事，下相珍惜；又疾世俗好相謗毀，使已成之器，中有損累，將進之徒，意不歡笑。聞此喟然，誠獨擊節。

愚以爲君子不求備於一人。自孔氏門徒，大數三千，其見異者七十二人。至於子張子路子貢等七十之徒，亞聖之德，然猶各有所短。師辟同由彥，賜不受命，豈況下此而無所闕？且仲尼不以數子之不備而引以爲友，不以人所短棄其所長也。加以當今取士，宜寬於往古，何者？時務從橫，而善人單少，國家職司，常苦不克；苟令性不邪惡，志在陳力，便可獎就，騁其所任。若於小小宜適同，私行不足，皆宜闊略，不足縷責。且士誠不可纖論苛克，苛克則彼聖賢猶將不全，況其出入者邪？故曰：以道望人則難，以人望人則易，賢愚可知。

自漢末以來，中國士大夫如許子將輩，所以更相謗訕，或至於禍，原其本起，

非爲大讎，惟坐克己不能盡如禮，而責人專以正義。夫己不如禮，則人不服；責人以正義，則人不堪。內不服其行，外不堪其責，則不得不相怨，相怨一生，則小人得容其間；得容其間，則三至之言，浸潤之譖，紛錯交至；雖使至明至親者處之，猶難以自定，況己爲隙，且未能明者乎？是故張陳至於血刃，蕭朱不終其好，本由於此而已。夫不舍小過，纖微相責，久乃至於家戶爲怨，一國無復全行之士也。

三代而下無全才，柄國者正宜知此。論固順時合理，文亦式靡振浮。

【註釋】【輔車】（左傳）輔車相依。（注）輔，頰輔，車，牙車。【擊節】（晉書樂志）魏晉之世，有孫氏善弘舊曲，宋識善擊節唱和。

（按）節，樂器，即拊也，所以節樂。但此類擊節者，謂聞其言之中肯，而加致賞也。【師辟由矜賜不受命】師，子張名。辟，便僻也。由

子路名。矜，粗俗也。賜，子貢名。不受命，言子貢不如顏子之安貧樂道而能受命也。【陳力】論忠陳力就列。【許子將】名勗，

汝南平輿人，子將其字也。少峻名節，好毀論鄉黨人物，每月輒更品題，故汝南俗有月旦評。【三至之言】見魏文帝文，撰吳主孫

權書曾母投杼之疑註。【浸潤之譖】（論語）浸潤之譖，膚受之愆，不行焉，可謂明也已矣。【張陳】張耳陳餘，初爲刎頸交。後張

耳爲漢攻趙，斬陳餘於泜水上。【蕭朱】蕭育與朱博爲友，著聞當世，故長安語曰：『蕭朱結綬，王貢彈冠。』育與博後有隙，不能終，故

世以交爲難。廣絕交論曰：『蕭朱所以隙末。』

與諸葛恪書

恪平山越，權嘉其功，使薛綜勞軍。綜先移之書。

薛綜

三國竹邑人，字敬文，仕吳爲五官中郎，除合浦交趾太守，累遷太子少傅，所著詩賦論雜，凡數萬言。

山越恃阻，不賓歷世，緩則首鼠，急則狼顧。皇帝赫然，命將西征；神策內授，武師外震；兵不染鏑，甲不沾汗。元惡既梟，種黨歸義，蕩滌山藪，獻戎十萬。野無遺寇，邑罔殘奸；旣埽兇慝，又充軍用。藜藿稂莠，化爲善草；魑魅魍魎，更成虎士；雖實國家威靈之所加，亦信元帥臨履之所致也。

雖詩美執訊，易嘉折首，周之方召，漢之衛霍，豈足以談功軼古人，勳超前世，主上歡然，遙用歎息，感四牡之遺典，思飲至之舊章。故遣中臺近官，迎致犒賜，以旌茂功，以慰劬勞。

莊重得體，兩京之遺。

【註釋】【山越】百越之遺民。【三國志諸葛恪傳】丹陽山險，民多果勁，與吳郡、會稽、新都、鄱陽四郡鄰接，周旋數千里，山谷萬重。

山出銅鐵，自鎔甲兵，出爲寇盜，賊則縶至，敗則鳥竄，自前世以來，不能翊也。又孫權傳：策薨，以事授權，權鎮撫山越，討不從命。又黃初三年，以諸葛格爲丹陽太守，討山越。又黃龍六年，諸葛格平山越，事畢，還屯廬江。

【不賓】爾雅釋詁：賓，服也。

【首鼠】

史記灌夫傳：武安君召韓御史曰：「何爲首鼠兩端？」注：首鼠，言一前一卻也。狼顧，狼性怯，走常還顧，因以喻人之有所畏懼者。

史記蘇秦傳：秦雖欲深入，則狼顧恐韓魏之譏其後也。【鏑】劍端，一曰刃端。【元惡既梟，種黨歸義】三國志諸葛格

傳：格到府，但繕藩籬，不與交鋒，候其稼穡將熟，輒縱兵芟刈，使無遺種。舊穀既盡，新田不收，於是山民飢窮出降。格乃復勸下曰：山民

去惡從化，皆當撫慰，徙出外縣，不得嫌疑，有所拘執。白陽長胡伉，縛降民周遣送府。格以伉違教，遂斬以徇，於是老幼相攜而出。【藜

藜稂秀】藜，蒿類，藜，蓆也。藜，俗名土大黃。詩小雅：不稂不莠。註：稂，莠，皆苦苗者。【魑魅魍魎】魑，亦作罔兩。魍，亦作魍。左

傳：宣公三年：罔兩罔兩。注：罔，山神，獸形，魅，怪物。罔兩，水神。【虎士】虎賁之士也。【執訊】詩大雅：執訊連連，攸諒安安。

疏：於時非無拒者，故得有訊，此詩美文王以德服崇也。【折首】易離卦：王用出征，有嘉折首，獲匪其醜，无咎。【方召】方叔，

召虎。【衛霍】衛青，霍去病。【四牡】君勞使臣之詩。【飲至】左傳：三年而治兵，入而振旅，歸而飲至。【中臺近官】中

臺，謂尙書也。三國志諸葛恪傳：權遣尙書僕射薛綜等軍。

詔令

求賢詔

漢高帝

姓劉，名邦，沛人。以布衣起兵伐秦，入咸陽，與父老約法三章，秦民大悅。立爲漢王，還定三秦，與項羽戰，卒破之。

核下，在位凡十有三年。

蓋聞王者莫高於周文。伯同者莫高於齊桓；皆待賢人而成名。今天下賢者，智能豈特古之人乎！患在人主不交故也；士奚由進？

今吾以天之靈，賢士大夫定有天下，以爲一家，欲其長久世世奉宗廟無絕也。賢人已與我共平之矣；而不與我共安利之可乎？賢士大夫，有肯從吾游者，吾能尊顯之，布告天下，使明知朕意：

御史大夫昌，下相國，相國鄼侯，下諸侯王，御史中執法，下郡守；其有志稱聲去明德者，必身勸爲之，駕遣詣相國府，署行聲去義儼同年，有而弗言，覺免，年老癯病，勿遣。

與歌大風，思猛士同一用意，開創用英才，守成思明德，具見雄主深心。

【註釋】御史大夫昌，周昌，沛人，秦時爲泗水卒史，後從沛公入關破秦，拜爲御史大夫，高祖欲廢太子，昌盛怒曰：「臣期期以爲不可。」後爲趙相，呂后欲殺趙王，昌謝病，三年而卒。相國鄼侯，蕭何，沛人，佐高祖定天下，高祖入關，諸將爭取金帛財物，何獨

詔令 求賢詔

九九

敗秦國籍，高祖爲漢王時，何爲丞相。高祖與項羽戰，何聽灌關中，給食不乏。天下既定，論功第一，封鄼侯。漢之律令，多何所制定。【御史中執法】中執法，中丞也，以其察舉非法，故云。【必身勸爲之駕】郡守身自往勸令至京師，駕車遣之。【署行義年】

會其品行狀貌年紀也。【覺免】發覺，則奪郡守官職。【瘡】疫病也。

賜燕王璽書

燕刺王且，武帝之子，李姬所生也。王以不得立，常懷怨望，上官桀等因謀共殺霍光廢帝，迎立燕王爲天

子。會蓋主舍人父燕倉知其謀，告之，桀等皆伏誅。昭帝使者賜燕王璽書，王即以綬自絞。

漢昭帝

名弗陵，武帝之子。委任霍光，幾復文景之舊，在位凡十有三年。

昔高皇帝王去天下，建立子弟以藩屏社稷。先日，諸呂陰謀大逆，劉氏不絕

若髮，賴絳侯等誅討賊亂，尊立孝文以安宗廟，非以中外有人，表裏相應故耶？樊

酈歷曹灌，攜劍推鋒，從高皇帝墾菑古災除害，耘耜海內。當此之時，頭如蓬葆，保

勤苦至矣；然其賞不過封侯。

今宗室子孫，曾無暴入衣露冠之勞；裂地而王去之，分財而賜之；父死子繼，

兄終弟及。今王骨肉至親，敵吾一體，乃與他姓異族，謀害社稷，親其所疏，疏其所

親，有逆悖之心，無忠愛之義；如使古人有知，當何面目復奉齊在詣。耐曹見薛去高祖之廟乎？

前半莊重得體，後半委婉取姿，令人想見親親之詔。

【註釋】【諸呂陰謀大逆】高后臨朝稱制，立兄子呂台、產、祿、台子通四人爲王。產祿領兵秉政，自知背高帝約。高后崩，恐爲大臣諸侯王所誅，同謀作亂。【絳侯】見報任少卿書。【樊】樊噲，沛人，從高祖起豐，累從征戰，封舞陽侯。【酈】酈商，陳留高陽人，高祖起沛，略地至陳留，商以四千人屬之，從擊項羽，布有功，封曲周侯。【曹】曹參，沛人，與蕭何同佐高祖定天下，封平陽侯。何卒，代爲漢相。【灌】灌嬰，淮陽人，從高祖定天下，封穎陰侯，後與周勃平諸呂，以功進太尉。【頭如蓬葆】頭久不理，如蓬草羽葆也。【古人】謂先人也。【齊】酒名，周禮天官酒正：「五齊三酒。」【耐】釀酒也，謂重釀之酒。漢儀注：「王子爲侯，歲以耐金助祭於高廟。」

報臧宮馬武詔

臧宮，字君翁，潁川郟人。從光武征戰，以勇稱，累官廣漢太守，封朗陵侯。馬武，字子張，南陽湖陽人，從光武破王尋等，拜振威將軍，封山都侯，嗣更封郟侯。

光武帝

見書牘

黃石公記曰：『柔能制剛，弱能制彊。』柔者，德也，剛者，賊也，弱者，仁之助也；

詔令 賜燕王璽書 報臧宮馬武詔

彊者，怨之歸也。故曰：『有德之君，以所樂樂人；無德之君，以所樂樂身。』樂人者，其樂長；樂身者，不久而亡。舍下同捨近謀遠者，勞而無功；舍遠謀近者，逸而有終。逸政多忠臣，勞政多亂人。故曰：『務廣地者荒，務廣德者彊，有其有者安，貪人有者殘；殘滅之政，雖成必敗。』

今國無善政，災變不息，百姓驚惶，人不自保，而復欲遠事邊外乎？孔子曰：『吾恐季孫之憂，不在顓臾。』且北狄尙彊，而屯田警備，傳聞之事，恆多失實。誠能舉天下之半以滅大寇，豈非至願？苟非其時，不如息人。

止戈爲武，所見者大。收四句自具開闔，筆力千鈞。

【註釋】【黃石公】張良嘗於下邳圯上，遇老人，授以書一編，曰：『讀此可爲王者師。』後十三年，見穀城山下黃石，即我矣。故世稱圯上老人，又稱黃石公。良讀其書，遂佐高祖定天下。【吾恐季孫之憂不在顓臾】見論語。

軍策令

魏武帝

見序跋

孤先在襄邑，有起兵意，與工師共作卑手刀。時北海孫賓碩來候孤，譏孤曰：「當慕其大者；乃與工師共作刀耶？」孤答曰：「能小復能大，何害？」

袁本初鎧鐵萬領，吾大鎧二十領。本初馬鎧三百具，吾不能有十具。見其少，遂不施也；吾遂出奇破之。是時士卒練甲，不與今時等也。

夏侯淵今月賊燒卻鹿角。鹿角去本營十五里。淵將四百兵行鹿角，因使士補之。賊山上望見，從谷中卒發同出。淵使兵與鬪，賊遂繞出其後，兵退而淵未至，甚可傷。淵本非能用兵也，軍中呼爲「白地將軍」，爲督帥尚不當親戰，況補鹿角乎？

著墨無多，看似不經意之作，實則千錘百鍊而出。

【註釋】 【襄邑】漢縣，春秋時爲衛之襄牛，故城在今河南睢縣。三國志本傳，稱太祖至陳留，散家財，合義兵，將以誅卓，當即謂此。

【卑手刀】刀名。【孫賓碩】名嵩，漢末北海安丘人。趙岐亡命至北海，嵩蔽之複壁中。【袁本初】袁紹字，見諸增封荀彧

表。【鎧】甲也。【夏侯淵】魏人，字妙才，博之族弟。曹操起兵，以別部司馬騎都尉從，爲人有將略，赴急疾，常用敵之不意，故所向

有功，與劉相拒於陽平關，戰死。【鹿角】（三餘贅筆）鹿性昏，羣居則環其頂，圓圍如陣，以防人物之害。故軍中築柵，埋樹木外向，名曰鹿角。

讓縣自明本志令

魏武帝

孤始舉孝廉，年少，自以本非巖穴知名之士，恐爲海內人之所見，凡愚欲爲一郡守，好作政教，以建立名譽，使世士明知之。故在濟南，始除殘去穢，上聲平心選舉，違迕誤諸常侍，以爲彊豪所忿，恐致家禍，故以病還。去官之後，年紀尙少，顧視同歲中，年有五十，未名爲老。——內自圖之，從此卻去二十年，待天下清，乃與同歲中始舉者等耳。——故以四時歸鄉里，於譙東五十里，築精舍，欲秋夏讀書，冬春射獵，求底下之地，欲以泥水自蔽，絕賓客往來之望，然不能得如意。

後徵爲都尉，遷典軍校尉，意遂更欲爲國家討賊立功，欲望封侯作征西將軍，然後題墓道，言「漢故征西將軍曹侯之墓。」此其志也。而遭值董卓之難，去聲

興舉義兵，是時合兵，能多得耳；然常自損，不欲多之。所以然者，多兵意盛，與疆敵爭，倘更爲禍始。故汴水之戰數千，後還到揚州更募，亦復不過二千人，此其本志有限也。後領兗州，破降平黃巾三十萬衆。又袁術僭號於九江，下皆稱臣，名門曰建號門，衣被皆爲天子之制，兩婦預爭爲皇后，志計已定。人有勸術使遂卽帝位，露布天下。答言：「曹公尙在，未可也。」後孤討禽，擒同其四將，獲其人衆，遂使術窮亡解沮，發病而死。及至袁紹據河北，兵勢彊盛。孤自度勢入實不敵之，但計投死爲國，以義滅身，足垂於後；幸而破紹，梟其二子。又劉表自以爲宗室，包藏奸心，乍前乍卻，以觀世事，據有荊州，孤復定之，遂平天下。

身爲宰相，人臣之貴，以已通極，意望已過矣。今孤言此，若爲自大，欲人言盡，故無諱耳。設使國家無有孤，不知當幾人稱帝，幾人稱王。或者人見孤彊盛，又性不信天命之事，恐私心相評，言有不遜之志，妄相忖度，每用耿耿。齊桓晉文，所以垂稱至今日者，以其兵勢廣大，猶能奉事周室也。論語云：「三分天下有其二，以服

事殷，周之德，可謂至德矣！——夫能以大事小也。昔樂毅走趙，趙王欲與之圖燕。樂毅伏而垂泣，對曰：「臣事昭王，猶事大王。臣若獲戾，放在他國，沒世然後已，不忍謀趙之徒隸；況燕後嗣乎。」胡亥之殺蒙恬也，恬曰：「自吾先人及至子孫，積信於秦三世矣。今臣將兵三十餘萬，其勢足以背佩叛；然自知必死而守義者，不敢辱先人之教，以忘先王也。」孤每讀此二人書，未嘗不愴然流涕也。

孤祖父以至孤身，皆當親重之任，可謂見信者矣。以及子植兄弟，過於三世矣。孤非徒對諸君說此也，常以語去聲妻妾，皆令下平聲深知此意。孤謂之言：「願我萬年之後，汝曹皆當出嫁，欲令傳道我心，使他人皆知之。」孤此言，皆肝鬲同之要也。所以勤勤懇懇，敍心腹者，見周公有金縢之書以自明，恐人不信之故。然欲孤便爾委捐所典兵衆，以還執事，歸就武平侯國，實不可也。何者？誠恐已離兵爲人所禍也。既爲子孫計，又已敗則國家傾危，是以不得慕虛名而處上聲實禍，此所不得爲也。前朝恩封三子爲侯，固辭不受；今更欲受之，非欲復以爲榮，欲以爲

外援，爲萬安計。

孤聞介之推避晉封，申胥之逃楚賞，未嘗不舍書而歎，有以自省也。奉國威靈，仗鉞征伐，推弱以克彊，處小而禽大，意之所圖，動無違事；心之所慮，何向不濟？遂蕩平天下，不辱主命，可謂天助漢室，非人力也。然封兼四縣，食戶三萬，何德堪之？江湖未靜，不可讓位；至於邑土，可得而辭。今上聲上還陽夏柘苦戶香三縣，戶二萬，但食武平萬戶，且以分損謗議，少減孤之責也。

說來正堂堂，總是一腔陰謀詭計，文自龍跳虎躍，氣象不凡。

【註釋】【孤】（禮玉藻）凡自稱小國之君曰孤。

【孝廉】（三國志武帝紀）帝年二十，舉孝廉，爲郎。

【濟南】後漢國，治東

平陵，故城在今山東歷城縣東。

【除殘去穢】（三國志武帝紀）光和末，黃巾起，拜騎都尉，討潁川賊，遷爲濟南相，國有十餘縣。長

吏多阿附貴戚，誠汚狼籍，於是奏免其八，姦宄逃竄，郡界肅然。

【迂】逆也。

【諸常侍】時中常侍張讓、趙節等割權，故操後徵還

東郡太守不就，稱疾歸鄉里。

【同歲】同歲舉孝廉也。

【誰】後漢縣，屬沛國，今安徽壽縣是。（三國志武帝紀）太祖武皇帝，沛國

人也。

【精舍】後漢靈鑄傳，劉淑立精舍講授，諸生常數百人。

【求底下之地二句】底，亦下也，言欲引池水爲溝，以與

外隔而自蔽也。

【都尉】漢書百官公卿表，郡尉，秦官，掌佐守典武職甲卒，秩比二千石，景帝更名都尉。

【典軍校尉】（三

詔令 讓縣自明本志令

107

國志武帝紀）金城邊章傳遂殺刺史郡守以叛，衆十餘萬，天下騷動，徵太祖爲典軍校尉。

【董卓之難】見魏文帝自敘。

舉義兵】（三國志武帝紀）董卓殺太后及弘農王，太祖至陳留，散家財，合義兵，將以誅卓。

【汴水之戰】汴，大河之分流也。自今

河南開封縣，分流而東，至江蘇銅山縣北，與古泗水合。元泰定初，黃河奪汴入泗，以達淮，汴河之故道遂涸。（三國志武帝紀）董卓聞兵起，乃徙天子都長安。卓留屯洛陽，遂焚宮室。太祖引兵西，將虜成卒。陳留太守張邈遣將衛茲分兵隨太祖到滎陽，汴水遇卓將徐榮，與戰不利，士卒死傷甚多。太祖爲流矢所中，所乘馬被創，從弟洪以馬與太祖，得夜遁去。榮亦引兵還。

【揚州】後漢九江、丹陽、廬江、會

稽、吳、豫章六郡，均屬揚州，今江蘇江南安徽淮南及江西閩浙皆是。（三國志武帝紀）太祖兵少，乃與夏侯惇等詣揚州募兵。刺史陳溫，丹陽太守周昕，與兵四千餘人。

【後領兗州】兗州，見魏文帝自敘註。（三國志武帝紀）青州黃巾衆百萬，入兗州，殺任城相鄆，遂

轉入東平，刺史劉岱欲擊之。鮑信諫，岱不從，遂與戰，果爲所殺。信乃與州吏萬潛等至東郡迎太祖，領兗州牧，遂進兵擊黃巾於壽張東，破之，受降卒三十餘萬，收其精銳者，號爲青州兵。

【袁術】字公路，汝南汝陽人。獻帝時，據壽春，領揚州

事。嚴書言代漢者當塗高，術自以名字應之，遂僭帝號，自稱仲家，凡二年，糧盡衆散，乃北走青州，爲劉備所擊，復還壽春而死。

【九

江】後漢郡，治陰陵，故城在今安徽定遠縣。

【討禽其四將】（三國志武帝紀）袁

術侵陳，公東征之，術聞公自來，棄軍走，留其將橋蕤、李豐、梁綱、樂就。公到，擊破蕤等，皆斬之。術走渡淮。

【袁紹】見諸將封荀彧表。

【河北】黃河以北之地，即山西河北之總稱，冀青幽并四州，均在河北，故云。

【梟其二子】梟，首木上曰梟。二子，譚與尚也。

【劉表】見諸將封荀彧表。

【荊州】見諸葛亮隆中對。

【欲人言盡二句】言不欲人以此相警，故盡情言之，使人不言也。

【不信天命之事】（魏氏春秋）夏侯惇謂王曰：「天下咸知漢祚已盡，異代方起。今殿下爲天下所依歸，應天順民，復何疑哉？」王曰：「若

天命在晉，吾爲周文王矣。【耿耿】不安也。【詩衛風】耿耿不寐。【三分天下有其二四句】論語注引春秋傳曰：文王率商之叛國以事紂，蓋天下歸文王者六州，荆、梁、雍、豫、徐也。惟青、兗、冀、尚屬紂耳。【樂毅走趙】見賈誼過秦論上。【昭王】見孔

融論盛孝章書。

【胡亥】始皇少子。始皇崩，趙高矯詔殺長子扶蘇，立胡亥，是爲二世。趙高用事，關東盜起，二世讓趙高，高弑之。

【蒙恬】見賈誼過秦論上。【積信於秦三世】蒙恬大父驪，自齊事秦昭王，官至上卿，驪子曰武，爲秦裨將，攻楚虜楚王，武子曰恬。

【孤祖父以至孤身】（三國志武帝紀）桓帝世，曹騰爲中常侍，大長秋，封賀亭侯，養子嵩嗣，官至太尉，莫能審其生由本末。

【武平侯國】（三國志武帝紀）建安元年，以太祖爲大將軍，封武平侯，故城在今河南鹿邑縣西。【三子】不植、彰也。【避晉封】驪之難，介之推

從文公出亡，歷遊各國，凡十九年。文公返國，賞從亡者。介之推不言祿，祿亦弗及，遂與母偕隱而死。後文公求之不獲，以縣上爲之田，曰

【以志吾過，且旌善人】。【逃楚賞】吳敗楚於柏舉，遂入郢，昭王出亡。申包胥赴秦乞援，倚於庭牆而哭，水漿不入口，七日七夜。秦哀

公乃出師，大敗吳師。昭王復國，而賞始於包胥。包胥曰：「輔君安國，非爲身也；救急除害，非爲名也；功成而受賞，是賣勇也。君既定，又何

求焉？」遂逃賞，終身不見。【封兼四縣】謂武平、陽夏、柘、苦四縣也。【江湖未靜】時操新敗於赤壁，孫權據江東，劉備據荊州。

【陽夏】後漢縣，屬陳國，今河南太康縣。【柘】後漢縣，屬陳國，今河南柘城縣北。【苦】後漢縣，屬陳國，今河南鹿邑縣東。

詔羣臣

魏文帝

見論辨

詔令 詔羣臣

三世長者知被服，五世長者知飲食，此言被服飲食，非長者不別也。

夫珍玩必中國，夏則縑縑總總綃綃縵縵，其白如雪；冬則羅紈綺縠，衣疊鮮文；未聞衣布服葛也。

前後每得蜀錦，殊不相似，比適可訝；而鮮卑尙復不愛也。自吳所織如意虎頭、連璧錦，亦有金薄，蜀薄，來至洛邑，皆下惡。是爲下工之物，皆有虛名。

江東爲葛，寧可比羅紈綺縠。

前於闐王山習，所上孔雀尾萬枝，文彩五色，以爲金根車蓋，遙望耀人眼目。飲食一物，南方有橘，酢措正裂人牙，時有甜耳。

新城孟太守道去，蜀賭同肫純，雞鶩味皆澹。故蜀人作食，喜著飴怡，蜜，以助味也。

眞定御梨大若拳，甘若蜜，脆若蘗，可以解煩釋渴。

南方有龍眼荔枝，寧比西國蒲萄石蜜乎？酢且不如中國。今以荔枝賜將吏。

驗之，則知其味薄矣。凡棗味，莫若安邑御棗也。

中國珍果甚多，且復爲蒲萄說。當其朱夏涉秋，尚有餘暑，醉酒宿醒，掩露而食，甘而不餽，明脆露而不酢，冷而不寒，味長汁多，除煩解渴；又釀以爲酒，甘於鞠通粢，果善醉而易醒，道去之固已流涎咽唾，況親食之邪？他方之果，寧有匹之者？如讀一篇方物志。

【註釋】【長者】顯貴者之稱。

【中國】似指河洛而言。

【縑總綰總】縑，細絹也。總，輕絹也。綰，生絲織物，似縑而疏。總，細

疏布也。

【羅紈綺縠】羅，帛也。紈，素也。綺，文繒也。縠，紗也。（戰國策）下宮採羅紈，曳絲縠。

【蜀錦】成都錦最有名，故三國時

魏則市於蜀，吳亦資西蜀。

【比適可訝】言以前後所得蜀錦相比，頗覺可訝也。

【而鮮卑尙復不愛也】按鮮卑，即犀毗，衰

帶頭也。言用以作衰帶之頭，尙復不愛也。一說：鮮，上聲，尙，通上。卑，尙斷句，言實無高下可分，故亦不愛也。

【於闐王山習】於闐，後

漢西域傳作于闐，即今新疆和闐縣等地，治西城。山習，王名。三國志文帝紀：黃初三年，鄯善龜茲于闐王各遣使奉獻。【金根車】

（後漢輿服志注）始臬作金根之車。

【酢】酸也。

【新城孟太守】新城，魏郡，今湖北房縣治。孟太守，謂孟達也。（蜀志劉封傳）

達既懼罪，又忿達封，遂率所領降魏。魏文帝善達之姿才容貌，以爲建武將軍，封平陽亭侯，領新城太守。

【瞎朏雞鶩】朏，乾肉，全

者謂之朏，鶩，鴨也。

【飴】飴也。

【真定】魏縣，屬常山郡，今河北正定縣。

【龍眼】即桂圓。

【荔枝】果名，外皮有龜甲紋，肉

色白，味甘多汁。【寧比西國句】西國，謂西域也。（漢書西域傳）渠國出蒲萄，其土水美，故蒲萄酒特有名焉。天竺國出石蜜，和帝時，數遣使貢獻。【險】魚口上見也。此借作啖字解。【安邑】魏縣，屬河東郡，今山西安邑縣。【且復為蒲萄說】言不餘其餘珍品，且論蒲萄也。【朱夏】（爾雅釋天）夏為朱明。【餽】厭也。【脆】俗作脆。【鞠漿】酒母也。（書說命）若作酒醴，爾惟鞠漿。

碑誌

郭有道碑

蔡邕

見論辨

先生諱泰，字林宗，太原界休人也。其先出自有周王季之穆——有虢叔者，實有懿德，文王咨焉，建國命氏，或謂之郭，即其後也。——先生誕應天衷，聰睿明哲，孝友溫恭，仁篤慈惠。夫其器量弘深，姿度廣大，浩浩焉，汪汪焉，奧乎不可測已。若乃砥節厲行，直道正辭，貞固足以幹事，隱括足以矯時。遂考覽六經，探綜圖緯，周流華夏，游集帝學，收文武之將墜，拯微言之未絕。于時纓綬備佳之徒，紳佩之

士望形表而景影同附，聆嘉聲而響和者，猶百川之歸巨海，鱗介之宗龜龍也。

爾乃潛隱衡門，收朋勤誨，童蒙賴焉，用祛其蔽。州郡聞德，虛已備禮，莫之能致。羣公休之，遂辟司徒掾，又舉有道，皆以疾辭。將蹈洪崖之遐迹，紹巢由之絕軌，翔區外以舒翼，超天衢以高峙。稟命不融，享年四十有二，以建寧二年正月乙亥卒。

凡我四方同好之人，永懷哀悼，靡所置念；乃相與維先生之德，以圖不朽之事。僉以爲先民既沒，而德音猶存者，亦賴之于紀述也。今其如何而闕斯禮？於是樹碑表墓，昭銘景行，俾芳烈奮乎百世，令聞聲去顯于無窮。

其辭曰：於烏休先生！明德通玄，純懿淑靈，受之自天；崇壯幽潛，如山如淵；禮樂是悅，詩書是敦；匪惟摭華，乃尋厥根，宮牆重仞，允得其門。懿乎其純！確乎其操！洋洋搢紳，言觀其高。棲遲泌邱，善誘能教。辟平赫赫三事，幾行其招，委辭召貢，保此清妙。降年不永，民斯悲悼。爰勒茲銘，摘瘼其光耀，嗟爾來世，是則是效。

中郎自云撰此碑，略無愧色，則其言之質實可知。後之諛墓攫金，見金不見人者，不知尚有愧心否？

【註釋】

【太原界休】

太原，後漢郡，治晉陽，故城在今山西太原縣東北。界休，後漢縣，屬太原郡，故城在今山西介休縣東南。

【王季之穆】

王季，太王少子。王季之穆，王季之子也。左傳：魏仲魏叔，王季之穆也。

【魏叔】

文王弟。魏，公爵，舊都在今陝西澄

雞縣東，後隨平王東遷，更封於上陽，今河南陝縣東南有上陽城。

【文王咨焉】

咨，謀也。國語：晉臣曰：『文王即位，而咨於二魏。』

【建國命氏】左傳：天子建德，因生以賜姓，昨之土而命之氏。

【或謂之郭】

戰國策：晉獻公欲伐郭，而懼舟之僑存。注：郭，古文魏字也。

【注汪】

深廣貌。後漢黃憲傳：叔度汪汪若千頃之陂。

【貞固足以幹事】

易乾卦：貞固足以幹事。疏：言君子能堅固貞正，使事皆幹濟，此法天之貞也。

【隱枯足以矯時】

採曲者曰隱，正方者曰枯，矯，正也。荀子性惡篇：枸木必待隱括

烝矯，然後直。

【圖緯】圖，河圖也。緯，多別異於經。六經及孝經，皆有緯也。

【微言】

論語：子夏六十四人，共撰孔子微言。

【纓綬】禮記內則：子事父母，冠纓緹。注：纓，總師也。

【收朋勸誨】

後漢郭太傳：開門教授，子弟以千數。

【時司徒掾，又舉有道】

後漢郭太傳：司徒黃瓊，辟太常，舉有道。或勸林宗仕進者，對曰：『吾夜觀乾象，畫蔡人事，天之所廢，不可支也。』遂並不應。

【洪崖】

仙人名。西京賦：洪崖立而指塵。

【建寧】

漢靈帝年號。

【不朽】左傳：襄公二十四年：『太上立德，其次有立功，其次有立言，雖久不廢，此之謂不朽。』

【景行】

詩小雅：景行行止。

【芳烈】

典引：扇遺風，播芳烈。

【華】被，拾取也。揚子法言：或曰：『亦有疾乎？』曰：『被我華而不食我實。』

【宮牆重仞二句】

八尺曰仞。允，信也。論語：『子貢曰：『宮牆重仞，上可及也，下不可及也。』』

『夫子之麟數仞，不得其門而入，不見宗廟之美，百官之富，得其門者，或寡矣。』
【棲遲泌邱】（詩陳風）衡門之下，可以棲遲；泌之洋洋，可以樂飢。（傳）棲遲，遊息也。
【三事】三公也。（詩小雅）三事大夫，莫肯夙夜。
【委辭召貢】言有召貢者，委棄而辭之。

翟先生碑

蔡 邕

世以仁義爲質，學問爲業。爰暨先生，固天縱德，應連立言，繼期五百，實行形於州里，明哲與聖合契，該通五經，兼洞墳籍，爲萬里之塲圃，九隩_郁之林澤，挹之若江湖，仰之若華光，玄玄焉測之則無源，汪汪焉酌之則不竭，可謂生民之英者已！國失元博，學失表式，凡百縉紳，哀矣泣血。人百其身，匪云來復。於是鄉黨，乃相與登山伐石，而勒銘曰：

邈矣先生！厥德孔貞。腹心弘道，深高入神。王錫三命，觀國之賓，其視富貴，忽若浮雲；既不隆志，亦不辱身。

簡而肆，樸而華，字斟句酌而出之，以唐宋諛墓文較此，祇自憎其文穢耳。

【註釋】【暨】至也。【天縱】（論語）固天縱之。（註）縱，猶肆也，言不為限量也。【五百】（孟子）由堯舜至於湯，五百有餘

歲；由湯至於文王，五百有餘歲，由文王至於孔子，五百有餘歲。【華光】日也。【玄玄】幽遠貌。【匪云來復】言無能使之

復活也。【弘道】弘，廓而大之也。（論語）人能弘道，非道弘人。【三命】（禮玉藻）一命緹鼓幽衡，再命赤鼓幽衡，三命赤鼓懸衡。

【觀國之賓】（易觀卦）觀國之光，利用賓於王。

楚相孫叔敖碑

邯鄲淳

三國潁川人，字子叔，博學有才，嘗客荊州。魏武聞其名，遣淳詣，而五官將以不能得淳為恨。黃初間，文帝以

為博士給事中。

楚相去聲孫君諱饒，字叔敖，本是縣人也。——六國時，期思屬楚，楚都南郢。南

郢即南郡江陵縣也。——君受純靈之精，懷絕世之才，有大賢次賢之質。及其為

相，富國充民，明天時，盡地力，靈堅禹稷，不能踰也。專國權寵，而不榮華，一旦可得

百金，至於沒齒，而無分銖交之蓄，破玉珉，不以寶財遺子孫，終始若矢，去不善如

絕絃，避患害於無形，徹節高義，敦良奇介，自曹臧孤竹，吳札子罕之倫，不能驂也。

病甚臨卒，將無棺槨，令其子曰：『優孟曾許千金貸吾。』孟故楚之樂長，聲上與相聲去君相善，雖言千金，實不貸也。

卒後數年，莊王置酒以爲樂，優孟乃言孫君相聲去楚之功，卽慷慨高歌，曲曰：

『貪吏而可爲而不可爲；廉吏而可爲而不可爲。貪吏而不可爲者，當時有汙名，而可爲者，子孫以家成。廉吏而可爲者，當時有清名，而不可爲者，子孫困窮被同披禍而負薪。貪吏常苦富，廉吏常苦貧。獨不見楚相聲去孫叔敖，廉潔不受錢。』涕泣數行，若投首王。王心感動覺悟，問孟。孟具列對。卽來聲去其子而加封焉。子辭父有命：『如楚不忘亡臣，社稷圖而欲有賞，必於潘國。』——下濕堯敵塢，確人所不貪，遂封潘卿，——卽固始也。三九無嗣，國絕祀廢。

固始令段君夢見孫君，則存其後，就其故祠，爲架廟屋，立石銘碑。

專就孫叔懿行表章，文法便形呆滯，引優孟事作佐證，渲染有致，氣機爲之一活。昌黎碑誌，宗此甚多。

【註釋】【是縣】謂期思。期思，後漢縣，屬汝南郡，在今河南固始縣西北。【期思屬楚】期思，古蔣國，楚滅之，以爲期思邑。

【南郢】楚都，在今湖北江陵縣東北。【南郡江陵縣】江陵，後漢縣，爲南郡治，即今湖北江陵縣。【靈堅禹稷】靈，本作庭，

阜陶字，舜時爲士，禹，姒姓，舜命宅百揆，又棄爲后稷，棄，姬姓。【分銖】並銜名，十分爲錢，十錢爲兩，二十四銖亦爲兩。【玦】半環曰

玦。【去不善如絕絃】謂如矢之離絃而去之。【曹臧】曹宣公弟。左傳成十五年，晉侯執曹伯，諸侯將見子臧於王而立之。子

臧辭曰：前志有之曰：『聖達節，次守節，下失節。爲君非吾節也，雖不能聖，敢失守乎？』遂逃奔宋。【孤竹】（史記伯夷傳）伯夷、叔齊，孤

竹君之二子也。父欲立叔齊，及父卒，叔齊讓伯夷。伯夷曰：『父命也。』遂逃去。叔齊亦不肯立而逃之，國人立其中子。【吳札】吳季子名

札，壽夢子。（左傳襄十四年）吳子諸樊既除喪，將立季札。季札辭曰：『曹宣公之卒也，諸侯與曹人，不義曹君，將立子臧。子臧去之，札雖

不才，願附於子臧，以無失節。固立之，棄其室而耕，乃舍之。』【子罕】宋大夫。（左傳襄十五年）宋人或得玉，獻諸子罕，子罕弗受。獻玉

者曰：『以示玉人，玉人以爲寶也，故敢獻之。』子罕曰：『吾以不貪爲寶，爾以玉爲寶，若以與我，皆喪寶也，不若人有其寶。』【不能騁

也】騁，駕車之馬，在兩旁者。言諸人雖清廉，猶不能與孫叔敖並駕也。【優孟】楚之樂人。（左傳正義）優，戲名也。孟，字也。【莊王】

名旅，穆王商臣子。【若投首王】謂若投首於王懷也。【潘國】案《史記滑稽傳》作陵丘。陵丘，即今河南固始縣。下云潘國，即固

始，當即一地。【堯塉】瘠土也。【三九無嗣】言子孫無爲三公九卿者也。（後漢郎顛傳）三九之位，未見其人。（注）三公九卿也。

雜記

異聞記

陳寔

東漢潁川許人，字仲弓。少作縣吏，有志好學，坐立誦讀，縣令鄧邵試與語，奇之，聽受業太學。家貧，復爲郡西門

亭長，尋轉功曹。侍中常侍司空黃瓊聞其賢，辟選理劇，遷大丘長，修德清靜，百姓以安。後大將軍何進等，遣人敦寔，欲特

表以不次之位。寔謝不起。時三公每缺，議者歸之，累見徵命。寔乃閉門懸車，棲遲養老。卒年八十四。海內來弔者萬人，共

刊石立碑，謚爲文範先生。

郡人張廣定者，遭亂，常避地。有一女，年四歲，不能步涉，又不可擔負，計棄之，固當餓死，不欲令其骸骨之露。村口有古大塚，上巔先有穿穴，乃以器盛平糲，陰縫之下，此女于塚中，以數月許乾飯及水漿與之，而舍捨去。

候世平定，其間二年，廣定乃得還鄉里，欲收塚中所棄女骨，更殮埋之。廣定向視，女故坐塚中，見其父母，猶識之，甚喜。而父母猶初恐其鬼也，入就之，乃知其不死，問之從何得食？女言糧初盡時，甚飢，見塚角有一物，伸頸吞氣，試效之，轉不復飢。日月爲之，以至于今。父母去時，所留衣被，自在塚中，不行往來，衣服不敗，故不寒凍。廣定乃索女所言物，乃是一大龜耳。女出食穀，初小腹痛，嘔逆，久許乃習。

事奇而文亦奇，開唐人小品風氣，而敘述質直，不似唐人以恢詭爲豪。

【註釋】【張廣定】潁川人，潁川，後漢郡，治陽翟，今河南禹縣治。【繩】以繩懸物，使下墜也。【久許】猶許久也。

篆勢

蔡邕

見論辨

字畫之始，因於鳥跡。蒼頡循聖，作則制文，體有六篆，巧妙入神。或象龜文，或

比龍鱗，紆書體放尾，長翅短身，積雌若黍稷之垂穎，蘊若蟲蛇之棼紛，縵縵揚波振

擊，龍躍鳥震，延頸脅翼，勢似凌雲。或輕舉內投，微本濃末，若絕若連，似露緣絲，凝

垂下端從縱同，者如懸衡橫通，者如編杪者邪趣，不方不圓，若行若飛，蚊蚊蚊翾翾。

噴如遠而望之，若鴻鵠羣游，絡繹遷延，迫而視之，湍滌祭不可得見，指據揮同，不可

勝原，研桑不能數聲上，其詰屈，離婁不能覩其隙閒，般瑞揖讓而辭巧，籀曹誦拱

手而韜翰。

處篇籍之首目，粲粲彬彬其可觀，擿疑華豔於紈素，爲學藝之範，閑嘉文德

之弘懿，蘊作者之莫刊思字體之俯仰，舉大略而論旃。

好文只是切題耳，習篆書者便知此文之妙處。

【註釋】【蒼頡】古之始造文字者。（說文序）黃帝之史倉頡，見鳥獸跡述之跡，知分理之可相別異也，初造書契。（西溪叢話）古文篆者，黃帝使衙人倉頡所作也。倉頡姓侯剛氏。

【六篆】六書也：一曰指事，二曰象形，三曰諧聲，四曰會意，五曰轉注，六曰假借。

【或象龜文】龜，篆作，古文作，象形字。【或比龍鱗】龍，篆作，從肉，龍飛之形。【禮若黍稷之乖類】籒，欲擊之狀。類，穗也。黍稷二字皆从禾，禾也，从木，象其穗也。

【揚波四句】皆狀篆體之姿勢。【輕舉內投】謂作篆運筆，一筆既下，至絕處，復回向內，不使露鋒也。【岐歧翾翾】岐，蟲行貌。翾翾，小飛也。【湍滌】急流曰湍，滌，水涯也。【研桑】計研，范蠡之師，即計然也。桑，弘羊，漢人，作平準法，以心計，不用籌算。班固答賓戲）蘇鶴發精於鍼石，研桑心計以無垠。

【詰屈】加曲也。【離婁】古之明目者，即離朱也。（孟子趙岐注）黃帝亡其玄珠，使離朱求之，離朱能視於百步之外，見秋毫之末。

【般倕】般，魯人，公輸子名。倕，黃帝時巧人也。（揚雄賦）般倕棄其剗削兮。

【籀誦】史籀，周宣王太史，造大篆者。誦，黃帝石史，與倉頡共造文字。

隸勢

蔡邕

鳥跡之變，乃惟佐隸。濁彼繁文，崇此簡易。厥用既弘，體象有度；丘中奐若星陳，鬱若雲布；其大徑尋，細不容髮；隨事從宜，靡有常制；切或穹中，隆恢廓，或櫛比鉞列，或砥平繩直，烏歎或蜿歎，切蜒繆戾，或長邪角趣，趣或規旋矩折；修短相副，異體同勢，奮華輕舉，離而不絕，入纖波濃點，錯入落其間；若鍾籛巨，設張，庭燎飛煙，士斬減而切崑巖，巖崔嗟巖，高下屬連，似崇臺重平宇，層雲冠山；遠而望之，若飛龍在天；近而察之，心亂目眩；奇姿譎誕，不可勝平原。研桑所不能計，宰賜所不能言。何草篆之足算，而斯文之未宣？豈體大之難覩，將祕奧之不傳！聊佇思而詳觀，舉大略而論旃。

恰是形容隸勢，神妙處一絲不走，與前篇異曲同工。

【註釋】【佐隸】晉書衛恆傳：秦既用篆，秦事繁多，篆既難成，即令隸人佐書，曰隸字。【濁彼繁文二句】濁，除也。隸書者，

篆書之徒也，故云。按《書斷》隸書者，秦下邳人程邈所造也。邈字元岑，始為衙縣獄吏，得罪始皇，幽繫雲陽獄中，覃思十年，益大小篆方圓而為隸書三千字奏之。始皇然之，用為御史，以奏事繁多，篆字難成，乃用隸字，以為隸人佐書，故名隸書。【奐】明也。【其大徑

【尋】漢靈帝好書，時多能者，最大一字徑丈。【穹窿恢廓】高大也，承其大徑尋句。【櫛比鍼列】細密也，承細不容髮句。

【蜿蜒】蛇行也。【繆戾】邪曲也。【織波濃點】蘇書折筆用旋鋒，點用中鋒，故云。【簾】所以懸鐘者。【庭燎】古者國

有大事，夜則以薪燃火以照衆，謂之庭燎。周禮司煩氏注：樹於門外曰大燭，於門內曰庭燎。【嶄崿】山高峻貌。【崔嵬】山石

貌。【研桑】見上篆勢。【宰賜】（論語）言語宰，我子貢，賜子貢名也。【草篆】篆謂大小篆，史籀李斯所造，草謂草書。（宣和

書譜）篆隸之作古矣。至漢章帝時，乃變而爲草。（書斷）草書者，後漢徵士張伯英之所造也。【算】數也。

箴銘

酒箴

（漢書陳遵傳）揚雄作酒箴以諷諫成帝，其文爲酒客雜法度士，譬之於物云。

揚雄

見論辨

子猶餅瓶同矣。觀餅之居，居井之眉，處高臨深，動常近危。酒醪勞不入口，藏水

滿懷。不得左右，牽於纒墨。微墨一旦重懸礙雷，爲黨嘗雷所輻雷，身提抵黃泉，骨肉爲泥。

自用如此，不如鴟夷。鴟夷滑骨稽，腹如大壺，盡日盛厚平酒，人復借酤沾同，常爲國器，

託於屬燭車，出入兩宮，經營公家。絲由同是言之，酒何過乎？

箴銘 酒箴

文似有感而發。言爲心聲，羨慕鴟夷，致有附莽之譏；反不如骨肉爲泥者，猶得返眞還樸也。

【註釋】【子】即指法度士。【餅】汲水器也。【肩】《漢書注》肩，井邊地。【不得左右】言當爲繩索所牽拽也。【纏微】纏微，繩索也。《易坎卦》係用微纆。【一旦重礙二句】重，音義同題，並井以碑爲繫者。繫，擊也。言汲水之瓶，若一日懸礙不得下，則爲井碑所擊而破碎也。【身提黃泉二句】提，擲也。言瓶之身，擲入黃泉之下。而骨肉盡碎，仍歸爲泥也。喻法度士之易爲朝廷所損斥。【鴟夷】韋袋，可以盛酒者。【滑稽】流酒器，此作流轉不竭解。【酌】買酒也。【國器】天子之器。【屬車】天子後車也。天子後車常載酒食也。【出入兩宮二句】當時成帝嬖寵甚多，導帝荒於酒色，故借鴟夷隱諷之。

座右銘

崔瑗

東漢安平人，字子玉，顯之子也。舉茂才，爲汲令，教民開稻田數百頃，爲政七年，人歌之曰：「天降神明君，賜我慈仁父。」時大司農胡廣，少府竇章，共薦瑗宿德大儒，遷濟北相。

無道人之短，無說己之長；
施人愼勿念，受施愼勿忘。
世譽不足慕，唯仁爲紀綱；
隱心而後動，謗議庸何傷！
無使名過實，守愚聖所臧。
在涅貴不緇，曖曖內含光。
柔弱生之徒，老氏誠剛彊。
行行祛去鄙夫志，悠悠故難量。
愼言節飲食，知足勝

不祥。行之苟有恆，久久自芬芳。

精理名言，宜各書一通以自飭。

【註釋】【紀綱】法制也。書五子之歌。亂其紀綱。【隱】度也。【在涅貴不緇】論語。涅而不緇。注。涅可以染，皁言染

之於涅而不黑也。【曖曖】昏昧貌。楚辭。離騷。時曖曖其將罷兮。

【柔弱生之徒】老子道德經。柔弱生之徒也。【行

行】剛強貌。論語。子路。行行如也。

女誠 尊教之辭曰誠。

邕 見論辨

禮。女始行服纁。——纁，絳也。絳，正色也。——紅紫不以爲褻服，緇綠不以爲上服。繪貴厚而色尙深，爲其堅紱人也。而今之務在奢麗，志好美飾，帛必薄細，采必輕淺。或一朝之晏，再三易衣，從慶移坐，不因故服。夫心猶首面也，是以甚致飾焉。面一旦不修飾，則塵垢穢之心一朝不思善，則邪惡入之。人咸知飾其面，而莫修其心，惑矣！夫面之不飾，愚者謂之醜；心之不修，賢者謂之惡。愚者謂之醜，猶可；

賢者謂之惡，將何容焉？

故覽照拭面，則思其心之潔也；傳附同脂，則思其心之和也；加粉，則思其心之鮮也；澤髮，則思其心之順也；用櫛，則思其心之理也；立髻，則思其心之正也；攝鬢，則思其心之整也。

養小失大，世有同病。女界沈沈，得此喚醒不少。

【註釋】【纁】淺絳也。（爾雅釋器）三染謂之纁。【紅紫不以爲褻服】（論語注）紅紫間色不正。褻服，私居服也。【紉】淺黃色也。【上服】（司馬相如美人賦）女乃弛其上服。【繪】帛也。【從慶二句】言凡遇慶賀事，雖偶移坐，必易新衣。

頌贊

趙充國頌

漢成帝時，西羌有警，帝思將帥之臣，追美充國，乃召堆即充國圖畫而頌之。

揚

雄

見論辨

明靈惟宣。戎有先零。讀如先零猖狂，侵漢西疆。漢命虎臣，惟後將軍。整我六師，是討是震。真既臨其域，喻以威德，有守矜功，謂之弗克。請奮其旅，於罕之羌，天

子命我，從之鮮陽。營平守節，屢奏封章。料敵制勝，威謀靡亢。遂克西戎，還旋師於京。鬼方賓服，罔有不庭。

昔周之宣，有方有虎。詩人歌功，乃列於雅。在漢中興，充國作武。赳赳桓桓，亦紹厥後。

充國功業，子雲文章，並皆佳妙。

【註釋】【宜】漢宣帝，名詢，武帝之曾孫。昭帝無子，霍光聞其高材好學，迎而立之。【先零】羌族，今甘肅導河縣以西，至青海之境，皆其所據也。【虎臣】（詩大雅）進厥虎臣，闔如墟虎。【後將軍】昭帝時，武帝氏人反，充國將兵擊定之，遷中郎將，將屯上谷，還爲水衡都尉，擊匈奴，獲西祁王，擢爲後將軍。【六師】謂天子之六軍也。（詩大雅）六師及之。【既臨其域二句】充國至西部都尉府，欲以威信招降罕奔，乃上疏曰：「因田致穀，威德兼行。」【有守矜功四句】酒泉太守辛武賢，言屯田非計，不如擊之。且言：但擊罕羌，先零自降也。罕奔，亦羌族。【從之鮮陽】宣帝使充國共討罕奔於鮮水陽。【營平守節二句】充國封營平侯，屢奏封章，言屯田之便，不從武賢之策。【亢敵也】遂克西戎二句。充國奏言，凡斬首七千六百級，降者三萬一千二百，請罷屯兵。奏可，乃振旅而還。【鬼方】遠方也。於漢則先零戎是。詩大雅。覃及鬼方。【昔周之宜四句】周宣王，名靖，厲王子。厲王死於幽，周召共立之，用仲山甫、尹吉甫、方叔、召虎諸賢，北伐獫狁，南征荆蠻，淮夷、徐戎，復文武之業，周室中興。（詩小雅）方叔莅止。

頌贊 趙充國頌 祖德頌

又(大雅)王命召虎。【赳赳】果毅之貌。(詩周南)赳赳武夫。【桓桓】武貌。(書武成)勗哉夫子，尚桓桓。

祖德頌

有序

蔡

邕

見論辨

昔文王始受命，武王定禍亂。至於成王，太平乃洽，祥瑞畢降。夫豈后德熙隆，漸浸之所通也。是以易嘉「積善有餘慶」，詩稱「子孫其保之」，非特王道然也。賢人君子修仁履德者，亦其有焉。昔我列祖，暨既於予考，世載孝友，重以明德，率禮莫違。是以靈祇降之休瑞，免擾馴以昭其仁，木連理以象其義，斯乃祖禰祢之遺靈，盛德之所貺也。豈我童蒙孤稚所克任哉？乃爲頌曰：

穆穆我祖！世篤其仁，其德克明，惟懿惟醇，純同宣慈惠和，無競伊人。巖巖我考，蒞之以莊，增崇不顯，克構其堂，是用祚之，休徵惟光。厥徵伊何？於烏昭於今，園有甘棠，別幹同心，墳有擾兔，宅我柏林。神不可誣，僞不可加，析薪之業，畏不克荷；平叶

學識

矧啊貪靈貺，以爲己華。惟予小子，豈不是欲？干有先功，匪榮伊辱。

稱頌祖德，而顧失身於董卓，古稱有言者不必有德，信然。

【註釋】【后】續登君也。【載】行也。【靈祇】神也。【擾馴】擾，順也。馴，善也。【連理】兩樹共合

也。【孝經】授神契，德至于草木，則木連理。【祖廟】廟，父廟也。左傳：同宗於祖廟，同族於廟廟。【穆穆】深遠之意。詩大雅穆

穆文王。【無競伊人】詩大雅：無競伊人。【巖巖】高貌。【克構其堂】構，架屋也。書大誥：若考作室，既氏法，厥子乃弗

肯堂，矧肯構。【甘棠】木名，即棠梨。詩召南：蔽芾甘棠。傳：甘棠，杜也。【析薪】左傳：其父析薪，其子不克負荷。【干】冒也。

辭賦

鵬鳥賦

鵬，音伏。○諠爲長沙王傳三年，有鵬鳥飛入諠舍，止於坐隅。鵬，儂鳥也。諠既以謫居長沙，長沙卑溼，諠自傷悼，以爲諠不得長，乃爲賦以自廣。

賈誼

見論辨

單闕焉

之歲兮，四月孟夏，庚子日斜兮，鵬集余舍。止於坐隅兮，貌甚閒暇。異物來萃兮，私怪其故，發書占之兮，讖言其度。曰：『野鳥入室，主人將去。』請問於鵬：『余去何之？吉乎告我，凶言其災，淹速之度兮，語遇余其期。』

辭賦 鵬鳥賦

鵬乃歎息，舉首奮翼，口不能言，請對以臆。曰：「萬物變化兮，固無休息；幹括

流而遷兮，或推而還；旋形氣轉續兮，變化而羶；蟬沕勿穆無窮兮，胡可勝聲平言？

禍兮福所倚，福兮禍所伏！憂喜聚門兮，吉凶同域。彼吳彊大兮，夫差以敗；越棲會

稽兮，句澗踐霸世；斯遊遂成兮，卒被五刑。傳說悅同胥靡兮，乃相武丁；夫禍之與

福兮，何異糾纏；墨命不可說兮，孰知其極？水激則悍兮，矢激則遠；萬物回薄兮，振

盪相轉；雲蒸雨降兮，糾錯相紛。大鈞播物兮，塊於坱黨無垠；銀天不可預慮兮，

道不可預謀；遲速有命兮，焉識其時？

且夫天地爲鑪虛音兮，造化爲工；陰陽爲炭兮，萬物爲銅；合散消息兮，安有常

則？千變萬化兮，未始有極；忽然爲人兮，何足控擣；固化爲異物兮，又何足患？聲平小

智自私兮，賤彼貴我；達人大觀兮，物無不可。貪夫徇財兮，烈士徇名；夸者死權兮，

品庶每生；怵迫之徒兮，或趨西東；大人不曲兮，意變齊同；愚士繫俗兮，窘若囚拘；

至人遺物兮，獨與道俱；衆人惑惑兮，好惡積億；真人恬漠兮，獨與道息；釋智遺形

兮，超然自喪；寥廓忽荒，恍兮，與道翱翔；乘流則逝兮，得坻，埤則止；縱軀委命兮，不私與己。其生兮若浮，其死兮若休；澹乎若深淵之靜，泛乎若不繫之舟；不以生故自寶兮，養空而浮；德人無累兮，知命不憂；細故帶芥兮，何足以疑？
途窮日暮，觸緒成悲，自解自慰，怨而不怒，騷雅之遺。

【註釋】

【單闕之歲】太歲在卯日單闕，漢文帝六年丁卯也。

【識言其度】識，驗也；有徵驗之書，度，數也。

【淹速之

度】淹，遲也；速，疾也；謂死生之遲疾也。

【臆】胸臆也。

【幹流而遷】幹，轉也；鶻冠子：幹流遷徙，固無休息。

【蟻】謂如蟬之

變化也。

【物穆】深微貌。禍兮福所倚二句出老子道德經。

【憂喜聚門二句】出鶻冠子，意與上同。

【夫

差】吳王夫差，伐齊盟晉，國勢強盛，後卒爲越所滅。

【棲】山處曰棲。

【會稽】山名，在今浙江紹興縣東南，越王句踐避吳難而居此，後卒滅吳。

【斯遊遂成兮二句】李斯西游於秦，身登相位，二世時，爲趙高所譏，身伏五刑。

【傳說胥靡兮二句】胥靡，即徒刑也。傳說被刑，築於傅巖。武丁用爲相。武丁，殷高宗。

【糾纏】糾，絞也；纏，索也。言禍福相爲表裏，如繩索之糾纏。

【水激

則悍二句】出鶻冠子。

【回薄】薄，迫也。

【大鈞二句】今造瓦者謂所轉者爲鈞。言造化爲人，亦猶陶之造瓦耳。塊孔，冲融無迹，非有限齊也。

【何足控搏】猶言捉摸不住也。

【又何足患】猶言不足爲奇也。

【夸者二句】夸，自大也；品庶，猶庶品，謂衆人。孟康曰：「每食也，言自大者死於爭權，而衆人則又食生也。」上句出鶻冠子。

【怵迫二句】怵，爲利所誘，迫，爲勞所逼。趨西東，言所向不定。

辭賦 鵬鳥賦

故謂之真人。【釋智遺形二句】釋智，無所用其智也。遺形，形自遺忘也。自喪，自忘其故我也。【寥廓忽荒二句】寥，深也。

廓，空也。忽荒，飄忽不定也。下句出（鵝冠子）。【抵】水中小洲也。【不私與己】不自私其身也。【不以生故自寶】不重

視其生也。【養空而浮】即上文若不察之舟意。自真人起至此，總以形容真人之超脫。【濔芥】必有所梗也，指鷗鳥之至言。

太玄賦

理之微妙者為玄。太玄者，猶老子所謂玄之又玄也。雖管作太玄經以擬易，此賦命意，似為遠觀一切之言。

揚

雄

見論辨

觀大易之損益兮，覽老氏之倚伏；省憂喜之共門兮，察吉凶之同域。噉噉曉

著乎日月兮，何俗聖之暗燭？豈愒丘蓋切寵以冒災兮，將噬臍之不及。若飄風不終

朝兮，驟雨不終日；雷隱隱而輒息兮，火猶熾而速滅。自夫物有盛衰兮，況人事之

所極？奚貪婪屬于富貴兮，迄喪躬而危族。豐盈禍所棲兮，名譽怨所集。薰以芳而

致燒兮，膏含肥而見炳；同翠羽嫩美同而殃身兮，蚌含珠而璧辟厄切裂。聖作典以濟

時兮，驅蒸民而入甲；張仁義以為網兮，懷忠貞以矯俗；指尊選以誘世兮，疾身歿

而名滅。豈若師由聃兮，執玄靜于中谷；納焉祿于江淮兮，揖松喬于華岳；升崑

崙以散髮兮，踞弱水而濯足；朝發軔于流沙兮，夕翱翔于碣石；忽萬里而一頓兮，過列仙以託宿；役青要以承戈兮，舞馮夷以作樂；聽素女之清聲兮，觀宓妃之妙曲；茹芝英以禦飢兮，飲玉醴以解渴；排閭闔以窺天庭兮，騎騂騄以踟躕；載羨門與僊游兮，永覽周乎八極。

亂曰：甘餌含毒，難數嘗兮；鱗而可羈，近犬羊兮；鸞鳳高翔，展青雲兮；不結網羅，固足珍兮；斯錯位極，離大戮兮；屈子慕清，葬魚腹兮；伯姬曜名，焚厥身兮；孤竹二子，餓首山兮；斷跡屬婁，何足稱兮；辟斯數子，智若淵兮；我異于此，執太玄兮；蕩然肆志，不拘攣兮。

貪婪富貴，喪躬危族，知之匪艱，行之惟艱，莽大夫猶未足以語玄。

【註釋】【損益】易有損卦益卦。【倚伏】老子道德經：禍兮福所倚，福兮禍所伏。【噉噉】盛貌。漢書司馬相如傳：噉噉漭漭也。【棧】食也。【噉噉】噉，通作齋。（左傳）後君噉齋。（注）若齧腹齋，噉不可及。【隱隱】盛貌。漢書司馬相如傳：隱隱漭漭也。

【矯】處也。【翠】青羽雀也，亦名鷗。【擘】分擘也。禮內則：塗皆乾擘之。【蒸民】蒸，衆也。【入甲】甲，令甲，即法令入。

甲，謂納民於法。【尊選】指入仕言。【由册】許由老朋也。册作道德經，以之靜為主義。【僞祿】二神仙名。【松喬】松，赤松子，神農時雨師，喬，周靈王太子晉也。【華岳】西嶽華山，在今陝西華陰縣。【崑崙】見王逸楚辭章句。【弱水】水名，即今甘肅之張掖河，(書禹貢)導弱水至於合黎。【發軔】軔爲止車之木。軔既發而車始行。楚辭離騷朝發軔於蒼梧兮。【流沙】見王逸楚辭章句。【碣石】(書禹貢)夾右碣石入於河。(傳)碣石，海畔山。【頓】止也。【青要】(山海經)青要之山，實惟帝之密都。其神曰武羅，役者，役其神也。【馮夷】水神也。【素女】神女名。(史記樂書)天帝使素女鼓五十絃瑟，悲帝禁不止，破其瑟爲二十五絃。【宓妃】(司馬相如賦)若夫青琴宓妃之徒，絕殊離俗，妖冶嫵媚。(注)宓妃，伏羲氏女，溺死洛水，遂爲洛水之神。【閭闔】(漢書禮樂志)游閭闔。(注)閭闔，天門。【辟驪】馬赤黃曰驛，淺黑色曰驪。【羨門】(史記秦始皇本紀)入海求羨門高誓。(注)羨門，古仙人。【儷】並也。【八極】八方極遠之地。(淮南子)八紘之外，尙有八極。【亂】總一賦之終，發其要指也。【辰】至也。【斯錯】(李斯越錯)，並見奏議小傳。【離】遭也。【屈子】楚大夫屈原，以忠信見疑，自投汨羅以死。【伯姬】(穀梁傳)伯姬之舍失火，左右曰：「夫人少辟火乎？」伯姬曰：「婦人之義，傳母不在，誓不下堂。」左右又曰：「夫人少辟火乎？」伯姬曰：「婦人之義，保母不在，誓不下堂。」遂遂乎火而死。【孤竹】見王逸楚辭章句，伯夷叔齊註。【斷跡】似指兵諫自刎之鬻拳，事見左傳莊公十九年。【屬婁】婁，亦作婁。(史記吳太伯世家)賜子胥屬婁之劍以死。【執太玄】執守也。言守此玄靜也。【拘孿】束縛也。

釋愁文

曹植

見論辨

予以愁慘，行吟路邊，形容枯悴，憂心如醉。有玄靈先生見而問之曰：『子將何疾？』以至於斯。』答曰：『吾所病者，愁也。』

先生曰：『愁是何物，而能病子乎？』答曰：『愁之爲物，惟惚惟恍，不召自來，推之弗往；尋之不知其際，握之不盈一掌；寂寂長夜，或羣或黨，去來無方，亂我精爽。其來也難退，其去也易追，臨餐困於哽咽，煩冤毒於酸嘶；西加之以紛飾不澤，飲之以兼肴不肥，溫之以金石不消，摩之以神膏不希，授之以巧笑不悅，樂之以絲竹增悲，醫和絕思而無措；先生豈能爲我著尸龜乎？』

先生作色而言曰：『子徒辯子之愁形，未知子愁何由而生。我獨爲子言其發矣。方今大道既隱，子生末季，沈溺流俗，眩惑名位，濯纓彈冠，謔諷榮貴，坐不安席，食不終味，遑遑汲汲，或憔悴所醫者名，所拘者利，良由華薄，凋損正氣。吾將贈子以無爲之藥，給子以澹薄之湯，刺子以玄虛之鍼，灸子以淳朴之方，安子以恢廓之宇，坐子以寂寞之牀，使王喬與子遨遊而逝，黃公與子詠歌而行，莊子

與子具養神之饌，老聃與子致愛性之方；趣趣遐路以棲迹，乘青雲以翱翔。』

於是精駭魂散，改心回趣，願納至言，仰崇玄度。衆愁忽然，不辭而去。

無可奈何，自慰自解。昌黎送窮文，柳州乞巧文，似皆祖之。

【註釋】【玄靈先生】假託之人，猶子虛烏有之類。【惟惚惟恍】老子道德經「道之爲物，惟惚惟恍。」【精爽】精神也。

【左傳】是以有精爽，至于神明。【酸嘶】悲痛曰酸。見正字通，嘶，聲破也。【希】（廣韻）希，散也。【醫和】（國語）平公有疾，

秦景公使醫和視之。【著龜】禮中庸「見乎著龜。」注「著所以筮，龜所以卜。」【濯纓】纓，冠系也。（孟子）滄浪之水清兮，可以濯

我纓。【彈冠】漢時王陽在位，貢禹彈冠，二人友善，故云。【謔諷】謔，亦作吞。（詩小雅）周爰咨諏。（傳）訪問於善爲咨，咨事爲諏。

【汲汲】不休息貌。漢書揚雄傳「不汲汲於富貴。」【王喬】見揚雄太玄賦。【黃公】周時齊人。【莊子】名周，蒙人，嘗爲漆

園吏，其學無所不窺。楚威王聞其賢，迎以爲相，辭不就。【老聃】姓李氏，名耳，字伯陽，諡曰聃，周守藏室之史也。

出婦賦

曹植

妾十五而束帶，辭父母而適人；以才薄之陋質，奉君子之清塵；承顏色而接意，恐疏賤而不親。悅新婚而忘妾，哀愛惠之中零；遂摧頹而失望，退幽屏於下庭。痛一旦而見棄，心忉忉滯以悲驚；衣去聲入門之初服，背佩牀室而出征；攀僕御

而登車左右悲而失聲，嗟冤結而無訴，乃愁苦以長窮，恨無愆而見棄，悼君施上之不終。

纏綿悱惻，一往情深。陰雨等篇，有此懇摯，無此委婉。

【註釋】【君子】婦人謂夫也。詩召南：未見君子，憂心忡忡。【摧頹】衰老也。漢書廣川惠王傳：摧頹時不再。【怳怳】

憂貌。詩陳風：心焉怳怳。

慰子賦

曹植

彼凡人之相親，小離別而懷戀，況中殤之愛子，乃千秋而不見。入室而獨倚，對牀幃而切歎；痛人亡而物在，心何忍而復觀！日晡去而既沒，月代照而舒光；仰列星以至晨，衣露露而含霜；惟逝者之日遠，愴傷心而絕腸。清而不浮，淺而不俗，至情至性，可泣可歌，此種文最易學。

【註釋】【中殤】（禮喪服傳）年十六至十九死爲長殤，十二至十五死爲中殤，八歲至十一死爲下殤，七歲以下爲無服之殤，生未三月不爲殤。【晡晚】形及也。（楚辭九辯）白日晡晚，其將入兮。

辭賦 出婦賦 慰子賦

一三七

幽思賦

曹植

倚高臺之曲隅，處幽僻之閒深；望翔雲之悠悠，羌朝霽而夕陰；顧秋華之零落，感歲莫同而傷心；觀躍魚於南沼，聆鳴鶴乎北林；擗匪素箏而慷慨，揚大雅之哀吟；仰清風以歎息，寄余思聲去於悲絃；信有心而在遠，重聲去登高以臨川；何余心之煩錯，聲入寧翰墨之能傳！

相煎太急，兄弟之間，有難言矣；怨而不怒，小雅之遺。

【註釋】【悠悠】閒暇貌。【羌】語助辭。【霽】埤雅：雨晴曰霽。【零落】草豎曰零，木曰落。楚辭：離騷：惟草木之零落兮，恐美人之遲暮。【擗】按也。【箏】樂器，琴類，古十二絃，後爲十三絃。【重】再也。【煩錯】心緒紛擾也。

感節賦

曹植

攜友生而遊觀，盡賓主之所求；登高墉以永望，冀消日以忘憂；欣陽春之潛潤，樂音洛時澤之惠休；望候雁之翔集，想玄鳥之來遊；嗟征夫之長勤，雖處聲上逸而

懷愁；懼天河之一回，沒我身乎長流；豈吾鄉之足顧，戀祖宗之靈丘？

唯人生之忽過，若鑿石之未燿；慕牛山之哀泣，懼平仲之我笑；折若華之翳日，庶朱光之常照；願寄軀於飛蓬，乘陽風而遠飄。叶匹亮同吾志之不從，乃拊心以歎息；青雲鬱其西翔，飛鳥翮而止匿；欲縱體而從之，哀余身之無翼。

大風隱其四起，揚黃塵之冥冥；鳥獸驚以求羣，草木紛其揚英。見游魚之涿畢，感流波之悲聲；內紆曲而潛結，心恒姐惕剔。以中驚，匪榮德之累身，恐年

命之早零；慕歸全之明義，庶不忝其所生。

感時觸物，身世有難言之痛，與前篇同一宗旨。

【註釋】【女生】朋友也。《詩小雅》：雖有兄弟，不如女生。【墟】小城也。《易同人》：乘其墟。【候雁】雁冬來溫帶夏至北方。

【玄鳥】燕也。《禮月令》：仲春之月，玄鳥至。【牛山哀泣二句】牛山，在今山東臨淄縣南。晏子春秋：景公游于牛山，北臨其

國城而流涕曰：「若何滂滂去此而死乎？」艾孔梁丘據皆從而泣。晏子獨笑于旁，公顧涕而顧晏子曰：「寡人今日游悲，孔與據皆從

寡人而涕泣，子之獨笑，何也？」晏子對曰：「使賢者常守之，則太公桓公將常守之矣；使勇者常守之，則莊公靈公將常守之矣；數君者

將守之，則吾君安得此位而立焉？以其迭處之迭去之，至於君也；而獨爲之流涕，是不仁也。不仁之君見一，諂諛之臣見二，此臣之所以

獨竊笑也。』【若華】（楚辭天問）若華何光。注：若木何能有明赤之光華乎。

【朱光】日光也。（張衡南都賦）曜朱光於白水。

【飛蓬】蓬，草之不理者，葉散生，遇風輒拔而旋。淮南子：聖人見飛蓬轉而知爲車。【陽風】陽和之風。【亮】信也。【翮】輕舉

貌。【涔灑】游魚出沒之象。【歸全】（禮記）父母全而生之，子全而歸之。【不忝其生】忝，辱也。（詩小雅）毋忝爾所生。

登樓賦

（盛弘之荊州記）當陽縣城樓，王仲宣登之而作賦。

王粲

見論辨

登茲樓以四望兮，聊暇日以銷憂；覽斯宇之所處兮，實顯敞而寡仇。挾清漳

之通浦兮，倚曲沮^其之長洲；背墳衍之廣陸兮，臨皋隰之沃流；北彌陶牧，西接

昭邱，華實蔽野，黍稷盈疇。雖信美而非吾土兮，曾何足以少留？

遭紛濁而遷逝兮，漫踰紀以迄今；情眷眷而懷歸兮，孰憂思之可任？^乎憑軒

檻以遙望兮，向北風而閉襟；平原遠而極目兮，蔽荆山之高岑；路逶迤而修迴兮，

川旣漾而濟深。悲舊鄉之壅隔兮，涕橫墜而弗禁。昔尼父^市之在陳兮，有歸與之

歎音；鍾儀幽而楚奏兮，莊鳥顯而越吟；人情同於懷土兮，豈窮達而異心？

惟日月之逾邁兮，俟河清其未極；冀王道之一平兮，假高衢而騁力；懼匏瓜之徒懸兮，畏井渫^薛之莫食。步棲遲以徙倚兮，白日忽其將匿；風蕭瑟而並興兮，天慘慘而無色；獸狂顧以求羣兮，鳥相鳴而舉翼。原野闐^曲其無人兮，征夫行而未息；心悽愴以感發兮，意忉怛而憺^憺。惻循階除而下降兮，氣交憤於胸臆；夜參半而不寐兮，悵盤桓以反側。

懷才莫展，抑鬱難堪；重以羈旅之感，眼前景物，無限淒涼。登樓一賦，正以自寫其牢愁耳。

【註釋】【傲】蒼頡《說文》：傲，高顯也。【仇】匹也。【漳】漳水，源出湖北當陽縣西北，荆山東南，流入當陽，會於沮。【浦】

（風土記）：大浦有小口，別通曰浦。【沮】沮水，源出湖北保康縣西南，與漳水會；又東南經江陵縣入江。【洲】（爾雅釋水）：水中可居曰洲。

【墳衍】（周禮地官）：辨其山林、川澤、丘陵、墳衍、原隰之名物。疏：水涯曰墳，下平曰衍。【泉隰】（左傳）：牧隰。疏：舉爲澤之坎，是水岸也。爾雅釋地：下溼曰隰。【甸牧】（爾雅）：郊外曰牧。江陵縣西有陶朱公塚。【昭邱】（荆州國記）：當陽東南七十里，

有楚昭王墓。【紀】（齊魯命）：既歷三紀。傳：十二年曰紀。【任】當也。【荆山】在今湖北南漳縣西北。【高岑】（爾雅釋丘）：小山而高曰岑。

【透迤】（袁）：去貌。迤，亦作池。淮南子：河透池故能遠。【漾】長也。【尼父二句】（論語）：子在陳曰：『歸與歸，

山小而高曰岑。』

與』【鍾儀】（左傳）晉侯觀於軍府，見鍾儀，問曰：『南冠而縶者，誰也？』有司對曰：『楚囚也。』便稅之，問其族，對曰：『伶人也。』便與之琴，操南音。范文子曰：『楚囚，君子也，樂操土風，不忘舊也。』【莊宣】（史記陳軫傳）昔越人莊舄，仕楚執珪，有頃而病。楚王曰：『舄，故越之鄙細人也，今仕楚執珪，富貴矣，亦思越乎？』中謝對曰：『凡人之思故，在其病也。彼思越則越聲，不思越則楚聲。』使人往聽之，猶尚越聲也。中謝，侍御之官。【日月逾邁】見《書秦誓》。《疏》：逾，益，逕行也。言日月益為疾行。【俟河清】《左傳》：周詩有之曰：『俟河之清，人莩幾何？』【匏瓜】《論語》：吾嘗匏瓜也哉！焉能繫而不食？注：匏，瓠也。【井渫】《易井卦》：井渫不食，為我心恻。《疏》：渫，治去穢污之名也。井被潔治，則清潔可食，而猶不見食，如人修己全潔，而猶不見用也。【惛惛】悵傷也。【除】《漢書蘇武傳》：扶轡下除。【注】：除，謂門屏之閒。【參半】：猶分半也。【反側】：《詩周南》：輾轉反側。注：反側，猶反覆。

哀祭

祀故太尉橋玄文

太尉，漢官，三公之一，掌四方兵事。橋玄，字公祖，梁國睢陽人。舉孝廉，官至太尉。初曹操徵時，人莫知者。玄獨見而異焉，曰：『今天下將亂，安生民者，其在君乎？』深常感其知己，及後經過玄祭，輒懷棺致祭。奠。

魏武帝

見序跋

故太尉橋公，誕敷明德，汎愛博容，國念明訓，士思令謨，靈幽體賢，邈哉晞矣！吾以幼年，逮升堂室，特以頑鄙之姿，為大君子所納，增榮益觀，皆由獎助，猶

仲尼稱不如顏淵，李生之厚歎賈復。士死知己，懷此無忘；又承從容約誓之言，殞逝之後，路有經由，不以斗酒隻雞，過相沃酹，郎外車過三步，腹痛勿怪；雖臨時戲笑之言，非至親之篤好，胡肯爲此辭乎？匪謂靈忿，能詒己疾。舊懷惟顧，念之悽愴！奉命東征，屯次鄉里，北望貴土，乃心陵墓。裁通致薄奠，公其享之！

哀悼死者，以表示生者，此亦奸雄之作用也。中述約誓數語，趣不傷雅，又妙在嫵媚入情。

【註釋】「邈哉歸矣」邈，遠也。嗟，乾也，承上而言。【仲尼稱不如顏淵】論語子謂子貢曰：「女與回也孰愈？」對曰：「賜也何敢望回。回也聞一以知十，賜也聞一以知二。」子曰：「弗如也。吾與女弗如也。」【李生之厚歎賈復】後漢賈復傳：「復字君文，南陽冠軍人也。少好學，習尚書，事舞陰李生。李生奇之，謂門人曰：『賈君之容貌志氣如此，而勤於學，將相之器也。』」【士死知己】

漢書司馬遷傳：「士爲知己者死。」【殞逝之後六句】皆橋玄戲約之語。沃，灌也，酹以酒祭地也。【匪謂靈忿四句】言今茲來祀，非恐英靈之忿，能致己疾。不過眷懷舊情，中心悲傷耳。【奉命東征】謂征劉備。建安五年，操東擊備，破之。備奔冀州，依袁紹。操因攻袁紹於官渡。六年，復擊袁紹，備奔荊州。七年，軍譙，遂至浚儀，治睢陽渠，遣使以太牢祀橋玄。【屯次鄉里】謂軍譙也。操爲

譙人，故云。【北望貴土】玄爲睢陽人，故云。睢陽，後漢縣，屬梁國，今河南商丘縣南。

哀祭 祀故太尉橋玄文 金瓠哀辭

金瓠哀辭

曹植

見論辨

金瓠，予之首女，雖未能言，固已授色知心矣。生十九旬而夭折，乃作此辭。


辭曰：在襁褓而撫育，尙孩笑而未言；不終年而夭絕，何見罰於皇天？信吾罪之所招，悲弱子之無譽。同去父母之懷抱，滅微骸諸於糞土。天長地久，人生幾時？先後無覺，從爾有期。

語語真摯，哀慘動人。情生文耶？文生情耶？

【註釋】【授色知心】示之以面色，即能知心中事也。

【襁褓】小兒衣也。

【孩笑】孩，小兒笑也。（老子）如嬰兒之未孩。



秦漢三國文評註讀本卷二終

盛成先生的創作


海外工讀十年紀實 一冊 一元七角

此書為盛成先生的自敘傳，內容寫其十年來奮鬪成名的經過情形，堅苦勇進之精神，令人肅起。盛先生平生大志，為使東西文化之歸一，故此書中隨時將兩種文化比較研究，所述多道前人所未道，淋漓盡致，肯中綦要。文詞亦流利優美，讀之令人感奮。

我的母親

本書係敘實體裁，把作者的母親，做中國社會的主角，描寫六十年來中國家庭社會的演進。其中生死興亡，忍苦耐勞，家庭慘變，社會改革，均詳述無遺，而六十年來之國難及經濟之衰落，敘述尤為詳盡。此書經著者寫成法文，次第譯成英、德各國文字，現已有十五種語言譯本，英、美之譯本，共出書在一百萬本以上。世界名人批評，皆認此書為中國民族意識之代表作品，并認為民族意識與世界意識諸合之近代產物。作者的文筆，平實精詳，亦為世人所公認，無待在這裏介紹了。

▼ 一冊 九角



中華書局出版



中華書局出版

輪盤

徐志摩著

五角

這是已故的現代文學家徐志摩先生的一部創作集，包括他最得意的十一篇小說，在國內小說界開了一朵燦爛之花。他在自敘裏說：「常常想像一篇完全的小說，像一首完全的抒情詩。」這裏的十一篇小說，可以說篇篇是他理想的最完全的作品。——有它特有的生動的氣韻，精密的結構，靈異的閃光，乃至許多的妙處，這且讓讀者自己去領會吧。

休息

王實味著

二角

本書是一個青年給他朋友的十二封信；他是一個奮發有為的青年，但他環境的惡劣，使他感受到不少精神上的痛苦；他雖極力奮鬥，無奈生理上又起了變化，於是乎不得不拋棄一切，投水自盡，休息他疲憊的肉體。在這十二封信裏，說盡了現代青年萬難排遣的苦悶，禁不住使讀者淌下幾滴同情之淚。

旅店及其他

沈從文著

四角

作者是一個富有創作力的作家，在他這幾篇創作裏，用敏銳的眼光，冷靜的頭腦，潔麗的文筆，把現代中國社會的各種生活方式，赤裸裸的描寫出來，讀者看了，有時要笑，有時要哭，有時要恨，有時要怨；而同時又處處暗示着諷刺，喚醒人們走上光明之路。本書的價值與作者的藝術，有同等高貴的程度，可以說是針對中國現社會病夫的力作。

春之罪

茅以思著

四角半

這一本集子包含五個短篇：「枝打靶的人」寫一個可怕的地方，寫一個可怕的故事，反映出可怕的時代；「烏師」寫一個人說不出的苦衷，在許多理智的條件下，勉強屈抑他自己的感情；「春之罪」、「南行」、「夜時」都是寫熱烈的愛與恨，把一般人想說而說不出的話，都一一活躍在紙上，每篇都富有彈性的。

0.24 3815.500

廿五年十月廿日

民國二十五年八月印刷
民國二十五年八月發行



中國文學精華

秦漢三國文評註讀本 (全二冊)

◎

實價國幣四角

(郵運匯費另加)

輯注者 中華書局

發行者 中華書局有限公司
代表人 陸費逵

印刷者 上海中華書局印刷所

總發行處 上海福州路 中華書局發行所

分發行處 各埠 中華書局

(一〇五八五)



19